

9 . 5 . 354 .

9 I. 57

HISTORIA
DIDACTICA
DE
SANCTÆ
CRUCIS


CULTU ET VENERATIONE
IN ORDINE DIVI BENEDICTI.

AUTHORE

P. MAGNOALDO ZIEGELBAUR,
Ord. S. Benedicti Professo in Imperiali
Monasterio ad Duplices Aquas.



PERMISSU SUPERIORUM.



VINDOBONÆ

Prostat in Bibliopoliō sub Signo Aurei Velleris,
M D C C X L V I.

REVERENDISSIMO,
PERILLUSTRI,

^{AC}
AMPLISSIMO
DOMINO, DOMINO
BENEDICTO
S A I G O ,

ORD. S. P. B.

Celeberrimi & Antiquissimi Archi-
Cœnobii Sancti Martini in Sacro
Monte Pannoniæ

ARCHI-ABBATI,
Nec non Sacræ Cæsareæ Regiæque Maje-
statis Consiliario,

DOMINO, DOMINO,

^{AC}
PATRONO
GRATIOSO.

*Reverendissime, Perilluſtris,
ac Ampliſſime*

DOMINE, DOMINE
PATRONE
GRATIOSE.



*Ogitanti mihi, animoque mecum vol-
venti, cuinam Benedictino Præſu-
li præſens Opus de Cultu Sanctæ
Crucis in Ordine Divi Benedicti
nuncupandum veniat, continuò menti occurrit,
me rectè, nec abs re facturum, ſi eum potiffimùm
deligerem Antifſitem, cujus eminens dignitas to-
tum opus luce ſuâ perfunderet, cujus eximia pie-*

tas argumento delectaretur, cujusque demum insignis doctrina & eruditio de Scriptione judicium ferre posset. Quàm tria verò hæc ornamenta ad supremum decus Libro conciliandum in Reverendissimâ Dominatione Tuâ mirificè, ad invidiam usque, conveniunt Illustrissime Præsul! Effulges inter Regulares Regni Hungariæ Præsules Archi-Abbatis dignitate, tuæque collationi, quod nemo alius, complures filiales Abbatis habes subjectas. Præes Archi-Abbatia, regia munificentia à SS. Hungarorum Rege STEPHANO fundatæ, ex qua ceu cultissimo Seminario primi Hungariæ Antistites, S. Sebastianus, Archiepiscopus Strigonien-sis, S. Anastasius Colocensis, S. Maurus Quinque-Ecclesiensis Episcopi, aliarumque Ecclesiarum Præsules educebantur. Moderaris Archisterium, quod Viris verè Apostolicis erat refertum, quorum opera & auxilio, teste Bonfinio, idem Rex SS. Ungaros in lucem Evangelicæ veritatis asseruit. Emines in Monte S. Martini, ubi olim du-centos simul Ascetas vixisse, vitamque adeò religiosam egisse constat, ut vel ipsa Apostolica Sedes Montem Sanctum in Pannonia vocare

non

non addubitet. Monasteria nempe à suorum Monachorum eximia pietate, morum integritate, atque vitæ sanctimonia vocari consueverunt Sancta. Non homines locis, sed loca hominibus sanctificantur. Consistis igitur Reverendissime Præsul in excelsa Archi-Abbatis Regni Hungariæ fastigio, tuæque dignitatis splendore frontem hujus Operis illustras. Quod si scriptoris humilitas hunc laborem fortasse subobscuraret, eundem Reverendissimæ Dominationis Tuæ Archi-Abbatialis amplitudo in luce positura est; unde non leve referet decus ac fulgorem, si minùs genium ac immortalitatem.

Neque verò ejusdem argumento delectari non potes. Sunt illud Monasteria, Ecclesiæ. & Altaria in Dominicæ Crucis honorem magno numero excitata. Sunt insigniores S. Crucis Particulæ in iisdem locis religiosè asservatæ. Sunt celebriores Crucis salutiferæ Imagines, quas inter locum minimè postremum obtinet CRUX APOSTOLICA, Serenissimis Hungariæ Regibus præferri solita, quam S. Anastasius primus Archi-Abbatia Tuæ Antistes, ac postea Colocensis

locensis Episcopus à Romano Pontifice impetratam unà cum Regia Corona in Hungariam ad D. STEPHANUM Hungarorum id temporis Ducem præter omnem opinionem atque expectationem apportavit. Sunt sacrosanctæ Crucis Apparitiones Ascetis Benedictinis cœlitus factæ. Sunt prodigia resque supra naturam ab iisdem Signo S. Crucis editæ. Sunt denique Obsequia devotionis ac pietatis, quibus S. Crucem deveneri in Ordine Benedictino mos fert ac consuetudo. Quî fieri autem potest, ut Tibi Amplissimo Archi-Abbati, S. Crucis devotissimo Cultori, & Amatori harum rerum lectio non jucunda sacræque plena accadat voluptatis?

Jam verò quis rectius de Libro, ex veteribus Historiæ Benedictinæ monumentis congesto judicium ferre poterit, atque Tua Dominatio Reverendissima, cujus deliciæ sunt, in iisdem Benedictinæ antiquitatis monumentis evolvendis diu nocturne indefesso labore ac studio versari. Id verò prudentissimè facis, ut ad veterum Benedictinorum instituta Te Tuosque religiosè componas; haud ignarus permagni non esse facien-
dos

dos illos Cœnobitas , qui tantum à Priscis illis
Benedictinis discreti sunt , quantum , quod pro-
verbio dicitur , Myforum atque Phrygum termi-
ni. Nempe ut Moribus antiquis stat res
res Romana , virisque , ita veteris discipli-
næ Monasticæ observantia Ordo viget Benedi-
ctinus , pristinquæ in flore consistit. Quanto-
perè vero hæc Observantia , ceu verus & om-
nium maximè sincerus S. Crucis cultus , cordi
sit Reverendissimæ Dominationi Tuæ , non est ,
ut multis declarem , cum res sit universo Hun-
gariæ Regno tam aperta tamque perspicua , quàm
quæ oculis cernuntur. Abest à Te longissimè , ut cum
Cruce tantum Abbatiali , auro gemmisque coru-
scante , glorieris , sed verò sacer tuus est fastus
& pompa , in Cruce Domini nostri Jesu Christi ,
id est stricta exactaque disciplinæ monasticæ obser-
vantia , gloriari. Quâ re factum est , ut incly-
tum Hungariæ Regnum jam dudum Te ceu pri-
stini , melioris , ac sanctioris ævi religiosissimum ,
integerrimum , atque disciplinæ regularis studio-
sissimum Archimandritam , suspiciat , amet , ve-
neretur.

Quæ

*Quæ cum ita sint, non video, in cuius Benedi-
ctini Præsulis nomine, atque in Tuæ Dominationis
Reverendissimæ multò fulgentissimo, celeberrimo,
ornatissimoque Opus isthoc de Cultu Sanctæ
Crucis in Ordine D. Benedicti rectius appareat.
Quam ob rem, Reverendissime Archi-Abbas, quâ
soles humanitate atque benignitate, quod venerationis
& devotionis in Te meæ testificandæ gratia
Tuæ Amplitudini ea qua par est, demissa re-
verentia à me offertur, complectere, meque Amplissimi
Nominis Tui Cultorum numero adscribe.
Deus Tuam Reverendissimam Dominationem ad
Benedictinæ Religionis decus & incrementum
sospitem ac incolumem seros in annos conservet.
Ita voveo, ita opto.*

**Reverendissimæ, Perillustri,
ac Amplissimæ
DOMINATIONIS TUÆ**

Humillimus ac Devotissimus
P. MAGNOALDUS ZIEGELBAUR.

DISSERTATIO PROEMIALIS.

Nullius, quod sciam, Benedictini Authoris extat aut Liber, aut justus Tractatus, quò cultus, quem Benedictina Familia Sanctæ Cruci exhibere consuevit, deditâ operâ, atque ex instituto pertrahatur. Non desunt tamen ex nostris idonei Scriptores, qui de Cruce Dominicâ non cursim aut persunctoriè egerunt. Hi verò duas in classes comodùm distribui possunt. Alii pro legitimo ejusdem cultu contra iconomachos in arenam descendunt. Alii, ut fidelium animos ad piam illius venerationem inflammarent, sermones à sacro suggestû pronuntiatos, aliâque scripta in publicam emiserunt lucem. De utriusque pauca dicturi sumus.

Iconomachia, Græcum vocabulum, Latine sacrarum imaginum, devastatio, apud Græcos suam habuit originem. Hac peste Claudius Taurinensis Episcopus afflatus fuit; cui satis non erat, contra venerandas Imagines & Reliquias stylum acuerre; sed, ut error errorem trahit, cultui etiam Dominicæ Crucis bellum indixit. Quâ novâ impietate ipsos etiam Græcos iconomachos superavit. Hi enim tametsi sacrarum cultum Imaginum non ferrent, cum tamen Sanctæ Cruci adhibendum esse docebant. Cujus etiam sententia erant, quos in Gallia hujus pestis contagio infecerat. Claudius verò ut longè magis fureret, etiam Dominicæ Cruci cultum abrogavit, quam non honorandam amplius esse, effutiebatur, quàm asinum, aut spinosam rubum. Quid? quod ejusdem imagines, quæ rabies erat hæreticî hominis, ex suâ diæceseos ecclesiis ejecerit, confregerit, devastarit quo. Ut ne verò insano percitus æstro videretur, si salutsiferi li-

DISSERTATIO

gni venerationem solus impugnaret, alios viros, rerum divinarum intelligentiâ conspicuos, suas in partes ut pertraheret, nulli pepercit opera ac labori. Florebat id temporis in Gallia singularis doctrinæ atque, eruditionis fama Theodemirus Psalmodiensis Monasterii in Septimaniâ Abbas, ac postea Episcopus.* Hunc ut Claudius in bello nefario commilitonem sibi adjungeret, nuncupatione Commentarii in Leviticum ejus sibi animum demereri studuit. Tantum verò absuit, ut Theodemirus heretica doctrinæ suffragium tulerit, ut etiam omnium primus fuerit, qui eandem edito libro refutandam suscepit. Quod cum Claudius iniquissimo ferret animo, Apologeticum, ut vocant, non superbe magis quàm protervè scriptum Theodemiro opposuit; cujus verò partes propugnavit Dungalus, excellens Theologus, & Monachus Reclusus Canobii San. Dionysiani in agro Parisiensi, edito scripto, in quo fanaticos Claudii errores doctè ac strenuè convellens, immanissimæ, inquit, & miserrimæ vesaniæ est, certissimæque perditionis indicium, hominem Christiano vocatum nomine, Episcopalemque locum occupantem, hoc tale signum despicere, & asino vilique cuilibet adsimilare ligno.

Ut verò Claudianæ hujus iconomachiæ, atque erga Crucem Christi impietatis fama ex Gallia in Germaniam delata fuit, ad aures etiam Eginhardi, Abbatis Seligenstadiensis pervenit. Erat is antea Caroli M. Imperatoris Cancellarius, vir summæ cum doctrinæ, tum prudentiæ, religionis, atque authoritatis. Veritus igitur, ne Claudii, hæretici episcopi, sermo, ut cancer à Gallia in Germaniam serperet, Librum de Adoranda Cruce conscripsit, allatis in medium fortissimis argumentis, quibus fideles, ut ab exorta impietate & hæresi sibi caverent, admonerentur. Hanc verò suam lucubrationem, Servato Lupo, diacono etiamnum, per id tempus in Fuldensi Scholâ Rabani Mauri auditori, postea verò Abbati Ferrariensi, celeberrimi nominis Præfati, nuncupavit. Nec sine causa id fecit. Nam Lupus, ex mente

* Mabill. Annal. Ben. to. 2, l. 28. n. 34, p. 419.

mente & opinione Jacobi Gretseri ad Eginhardum hanc questionem de cultu Crucis attulisse videtur, non quod ipse dubitaret, sed quia auctoritate tanti viri, qualis Eginhardus erat, multis dubitationem eximere cupiebat. At si Goldastum, Calvinii affectum, atque cultus Dominica Crucis osorem, audimus, Servatus Lupus circa ejusdem Crucis venerationem animi incertus hæsitet, si non ab ea penitus averfus fuit. Sed quo id probat vir hæreticus argumento? Lupus, inquit, ejusdem fuit sententiæ cum Jona Aurelianensi. Mirificum, ne dicam, stupidum argumentum! An non enim Jonas contra Claudium verbis citra circuitum disertis Crucem adorandam esse docuit? an non hisce gravissimis verbis in Claudium invehit? Ut quid rogo te, tam vefano furore raperis, ut Julianum apostatam imitatus, crucem imaginem Christi gestantem ab Ecclesia abstuleris, ac ne à fidelibus juxta traditionem ecclesiasticam in basilicis Christi haberetur, inhibueris? Ut quid etiam vexillum Crucis exhorrescis? Nescisne, quia dæmonum est ejusdem Crucis vexillum exhorrescere? Quid (rogo) fordui tibi tantum Crux Christi? Puto sane, quia si te cruce Christi redemptum fideliter credidisses, nunquam te infestum ejus inimicum, & execratorem atque abdicatorem constituisses. Per crucem namque mortis auctor superatus est, & mortalibus vita reddita est. Et nemo fidelium, nisi spiritualiter cruce Christi vinctus, mare hujus sæculi transire, & ad portum salutis æternæ valet pervenire. Hæc & plura Jonas contra Claudium pro astruendo S. Crucis cultu. Quod si ergo, fatente Goldasto, Lupus in eadem mente ac sententia cum Jonâ Aurelianensi fuit; Crucem venerandam esse, perinde ac Jonas existimavit. Sed Lupus, urget Goldastus, Jona libro contra Claudium scripto suum non adjecit calculum. Ita prorsus est. Sed quam ob causam? Haud sanè ob aliam; quàm quod Jonas, tametsi sanctorum Cœlitum Imagines non esse in frustra comminuendas, aut flammis abolendas, aut quoquo-

modo

D I S S E R T A T I O

modo delendas assereret, nullum tamen religiosum honorem, aut venerationem eisdem adhibendam esse contenderet. Hoc procul dubio est, quod cum Lupus, cujus examini Jonas suum Opus subjecerat, suis oppositum placitis agnosceret, suo etiam suffragio dignari noluit. Huc ejus pertinere videtur epistola XXVII. quæ unâ cum W. Monacho ad Jonam hisce verbis dedit: Reverentissimo Præsuli Jonæ Lupus & W. in Domino salutem. Librum vestrum, sicut rogâstis excurrimus, sed ut parcissimè dicamus, in eo immutare nihil volumus, ut operis vestri sitis ipsi correctores, cujus estis auctores; siquidem expendenda nobis fuit teneritudinis & tenuitatis nostræ ratio; & ætatis, ac ordinis vestri habenda consideratio, nec facilitatem ac delectationem quandam reprehendendi, quam in quibusdam notare solemus, debuimus imitari. Hactenus Lupi epistola ad Jonam; ex qua uti insignis ejus erga virum & ætate grandævum, & dignitate episcopali ornatum modestia elucet, ita non minùs perspicuum fit, quòd Jonæ libro quedam, vero similiter de cultu sacris Imaginibus denegato, inserta fuerint, quæ in examen adducta haud approbanda Lupo visa fuerunt. Quanto minùs, si Jonas adversus S. Crucis cultum disseruisset, approbaturus fuisset.

Et quis prudens animum inducat, ut credat, Lupum in scholâ Fuldensi non eam animo penitus imbibisse doctrinam, quam tenuit ipsius in Theologia Magister ac Præceptor, B. Rabanus Maurus, sanctæ Crucis præcipuus amator, summus cultor, atque ingeniosissimus encomiastes? An existimandum est, Lupum alia hausisse dogmata, atque illa, quibus Walafridus Strabo, atque Otfridus Weissenburgensis, ejus condiscipuli, instituti fuerunt? Et quidem Walafridus in libro de Exordiis & incrementis rerum ecclesiasticarum, capite octavo, quo toto cultum imaginum unus omnium optimè asseruit, ita scribit: Quam (heresin) etiam Claudius quidam, Taurinensis Episcopus, sed in veritatis itinere, nominis sui similitudine, notabundus,

dus, inter cœteras vanitatum suarum ineptias cupiens reno-
 vare: antequam diversorum contra eum scribentium jaculis
 perfoderetur, suo iudicio damnatus interiit, & fortasse,
 qui Imperatoris fidelium (veluti in nummo) contempnit
 imaginem, ante tribunal ipsius protervitatæ suæ pariter &
 inquietudinis pœnas exolvit. Non enim levem injuriam sæ-
 culi potentes sibi putant illatam, si imaginem suam vel no-
 men in quolibet numismate à subiectis despici cognoverint,
 & calcari. *Hæc Walafridus; qui cùm rectè sentiret, & doce-
 ret (quidquid Petavius Theol. Dogmat. lib. XV. cap. XVI. op-
 ponat) imagines in amore ac reverentia, non despectu esse habenda,*
ita ut amor ille à nobis externum in picturas & statuas sa-
cras honorem deposcat, quanto magis cultum S. Crucis adstru-
xisse censendus est; cùm etiam illi Doctores, qui venerationem
piis imaginibus denegabant, illum Dominica Cruci esse impen-
dendam faterentur?

Quid verò Otfridus? quàm devotus ille erga lignum
salutiferum extiterit, argumento esse potest imago S. Crucis, cui
Christus non tribus, sed quatuor clavis affixus est, quam libro
*V. Voluminis Evangeliorum ** antiquis Rhythmis Theoticis à*
se compositi præfixit, cuiusque accuratam delineationem exhibet
V. C. Petrus Lambeccius Commentar. De Augst. Biblioth. Cæ-
sar. Vindobon. lib. 2. cap. V. pag. 432. Otfridus verò capite 1.
hujus libri querit: Cur Dominus ignominiam Crucis, &
non aliam pro nobis mortem pertulerit? id nostra salutis
gratia ab eo factum esse resolvit.

Ist filu manno uuntar,
 thaz zell ih hiar nu suntar
 Zui Druhtin hiar in uuorolti
 thes Kruzes tod iruueliti.
 Tho er unfih hiar so nerita
 fon fianton irretita

Plurimis videtur mirum,
 quod refero hic jam seorsim;
 Cur Dominus hic in mundo
 Crucis mortem elegerit.
 Cùm nos hic ita liberaret,
 ab hostibus eriperet.

DISSERTATIO

Nam uzar herten banton
 fon fianto hanton.
 Thaz fines felben guati
 thaz eina uuas gimnati

In fulichem noti
 er uns ginadori
 Uuir uuizun ana zuual
 taz er thes uualt ubaral
 Er bi unhih todt thuli
 fo unio fo er felbo uuolti.
 Ob aaur uuir iz ahton
 ioh uuola iz al bitrahton
 Thanne ist uns ouh thaz uuuntar
 ein ginada funtar
 Mit fiuru sie nan brantin
 mit uuazaru ouh irqualtin
 Odo ouh mit steinone
 mit uiuu segenotis thu thih thane

Uns ist fruma in thiu gizalt

Joh segun filu managfalt
 Salida zi libe
 thaz scado uns hiar ni Klibe
 Ist uns thaz girusti
 brunia ala festi
 Joh ist uns helm ouh ubar thaz
 joh uuafanan ala uuassaz
 Nist uiuht in themo boume
 (thaz friuntlich giloube
 Thes mannilih giuustli)
 thaz thar ubbigaz si.

*Raperet ex duris vinculis
 ex hostium manibus.*

*Quod suae bonitati
 hoc unum (crucis supplicium) fuerit
 acceptum (electum.)*

*In tali necessitate
 (quo) nobis gratiam acquireret.*

*Scimus sine ambiguate
 cum hoc elegerit pra omnibus.*

*Ipse pro nobis mortem passurus,
 quocunque modo ipse vellet.*

*Si vero id attendimus
 & bene id omne perpendimus.*

*Tunc mirum nobis & hoc videtur
 & peculiaris gratia.*

*Ignem ipsum (si) cremassent,
 aquas etiam interfecissent*

*Aut etiam lapidibus:
 quomodo (quo signo) benedixisset tibi
 inde?*

*Nobis est bonum in hoc (supplicii gene-
 re reputatum*

*atque benedictio ad modum multiplex
 Salus vitae,*

ut damnum nobis hic ne habeat

*Est nobis haec (crux) armamentarium
 thorax perfirmus,*

*Atque & nobis galea praeterea
 & gladii praecursi*

*Non est quicquam in hac arbore
 (quod amice credas*

*Quod quilibet scias)
 quod hic frustra sit.*

Capite II. Otfridus agit de utilitate S. Crucis.

Nu sculun uuir unfih rigilon
 mit thes Kruzes segonon.

*Nunc debemus nos praeservare
 crucis benedictione,*

Mit

P R O E M I A L I S.

Mit Kriftes felben uuorton
uaidar fianton.

Thaz feulun uuir zi uuaron
in unfen endin malon

In unfeme annuize
taz uns iz uuola fize

Zi thin ouh in themo ende
thaz unfer nuat fih mende

Sulichera rufti
ingegin akufti

Uuir duemes thaz, ih fagen thir,
ein

mit unfen fingoron zuein
*Sint zuene ouh, nim es gouma,
thes felben Kruzes bouma.*

Drag thu, giloubi thu mir
then Gundfanon anan thir

In houbite inti in bruftin
thines herzen luffin

N'ift fiant hiar in riche,
n'ub er hiarfora intuuiche

Ther diufal felbo thuruh not
fo er tharana fcouuot

Mit thui uuurtun uuir girochan
joh kraft fin thuruh ftochan

Mit thui uuard er al biredinot
thaz jamer er n'irko borot

Mit thui uuard filu harto
felb thef uuidaruuerto

Giuuuntot joh firdamnot
rumo in enuinigan not

Dua the'iz in thir feine
int iz dragen lidi thine.

Giloube mir in uuar min
harto feuiheit er thin.

*Christi ipsius verbis
contra inimicos.*

*Hoc debemus reuera
in nostris progressibus signare.*

*In nostra fronte
ut nobis id bene cedat.*

*Ideoque etiam in hunc finem
ut noster animus gaudeat*

*De tali prapARATIONE (praeservatione)
aduersus peccata*

Hoc facimus (porro) dico tibi hoc

nostris digitis duobus.

*Sunt duo etiam, accipe ad notam
ipsius Crucis ligna.*

*Portato, crede mihi,
hoc vexillum in te,*

*In capite & in pectore
tui cordis delicias*

*Non est hostis hic in terra
quin huic cedat*

*Diabolus ipse necessario
simul ac eam conspexit.*

*Per hanc defendimur
& vis ejus perforatur,*

*Per hanc iste omnino vincitur,
ut nunquam redat.*

*Per hanc multum valde
iste aduersarius*

*Vulneratur & condemnatur
procul in aeternam arumnam.*

Fac ut ea in te appareat.

*& eam ferant membra tua.
Crede mihi per fidem meam,
vehementer ab horret istam,*

DISSERTATIO

Capite tertio Otfridus signaculum S. Crucis commendat; ex quo postremam stropham referre satis habeo.

Mit thui si ih io bifangan

joh fianton intgangan.
Bifolahan finen seganon

joh allen Gottes theganon,
Thaz nih mit sinu nide
ther fiant io bimide.
Joh mir hiar zi libe
gnatlih io klibe.

Cum hoc (signo Crucis) sim ego circum-

datus
& hostibus elapsus
Commendatus (suis) suis benedictio-

nibus
& omnibus Dei ministris (angelis)
Ut me sua invidia
hostis fugiat
Et mihi hic in vita
benedictio inhereat.

Quæ cum ita sint, atque ex Fuldensi Scholâ tanti tamque illustres Crucis Dominicæ Cultores prodierint, quis credere in animum inducat, suspicionem illam, in quam Browerus & Gretserus inciderunt, vero esse consentaneam? Viri hi alioqui perdocti non ita firmis, ut mihi videtur, nixi argumentis, spiritum iconomachum in Fuldense Monasterium se insinuasse literis consignare non dubitârunt. Quæ labes à tanti tamque celeberrimi nominis Asceterio, orthodoxæ fidei præconum, qui populis Saxonie Christum & hunc Crucifixum annuntiârunt, seminario, non indiligenter abstergenda est. Sed utriusque Scriptoris verba prius audiamus, quàm cum illis congrediamur. Sic verò scribit Gretserus Horti S. Crucis Patre IV. „ In supplici libello, quem Monachi Fuldenses Carolo M. obtulerunt, cap. 19. ita habet: Ut „ Crucis gloriatio in singulis diebus Dominicis fiat ante Missam, fratribus omnibus circa vicina quæque loca Monasterii Crucem sequentibus, Hymnos & Antiphonas cantantibus, sicut apud Majores nostros usus erat, in diebus „ Dominicis, Passionis, & Resurrectionis Dominicis, Passionis, & Resurrectionis Domini gloriam celebrari. Et quodd „ in

„ in diebus jejuniorum ab Episcopo decretis, Crucem porta-
 „ re, & Litanias facere liceat. *Non immeritò suspicatur R.*
 „ *P. Christophorus Browerus noster lib. 3. Antiquitatum Fulden-*
 „ *sum cap. 12. spiritum Iconomachum sese in Fuldense Monaste-*
 „ *rium insinuasse, & propterea Sanctæ Cruci debitum cultum sub-*
 „ *tractum, quem restitui à Carolo petierint. Quod clariùs elucet*
 „ *ex capitulo tertio ejusdem supplicis libelli; ubi supplices ist-*
 „ *hec: Ut Sanctorum honor & festivitas non detestetur, sed*
 „ *in Vigiliis & Missis eorum digna commemoratio fiat, &*
 „ *quod in his festivitatibus, quibus major veneratio compe-*
 „ *tit, fratribus ab opere ad lectiones & psalmodias vacare*
 „ *liceat, sicut apud majores nostros licitum est. Vides ma-*
 „ *nifestè exsertas ungulas Spiritûs iconoclastici, qui Sanctorum*
 „ *venerationem, sive per dies festos, sive aliis modis delatam non*
 „ *tantum ferre nequit, sed etiam detestatur & abominatur. Ha-*
 „ *thenus Gretserus. Ego verò, quod pace Viri, cujus doctrinam &*
 „ *eruditionem veneror, dixerò, non ita oculatus sum, ut qua Spi-*
 „ *ritus iconomachi vestigia in Fuldensi Monasterio ipse & Browe-*
 „ *rus vident, intueri valeam. Video Monachorum Fuldensium ar-*
 „ *dentem erga Crucem Christi devotionem, cujus gloriationem seu*
 „ *circumgestionem diebus fieri solitam Dominicis fuisse abrogatam,*
 „ *iniquo ferant animo. Non absimiles sunt eorum querimonia de*
 „ *abrogatione solitarum precum pro defunctis, frequentationis Mis-*
 „ *sarum, & dierum festorum non minimo numero. Quis hæc omnia*
 „ *abrogavit? Abbas Ratgarus. Ergo erat Misoliturus, contem-*
 „ *ptor suffragiorum pro mortuis, vilipensor cultûs Sanctorum, at-*
 „ *que inimicus Crucis Christi. At enim hisce opprobriis nemo unus*
 „ *unquam usquam Ratgarinum onerare sustinuit. Nempe alia longè*
 „ *erat causa, cur hæc omnia sustulerit. Quæ illa? Ratgarus erat*
 „ *multus, atque aded totus in construendis multis & magnificis*
 „ *ædificiis. Quæ re fiebat, ut Monachos suos multas fundere pre-*
 „ *ces, celebrare missas, dies agere festos, atque processiones instituere*
 „ *nullatenus ferret, sed eosdem plus aquo laborare, sudare, fabri-*
 „ *care,*

DISSERTATIO

care, atque adificare compelleret. Quod si igitur Ratgarius à demonio vexatus fuerat, illud certè non erat Spiritus iconomachus, sed architectonicus. Paucis: ut Germanicè loquar. Er hatte den Bau-Teuffel. Postquam verò Monachi ad Carolum M. Imperatorem confugerunt, Ratgarius non de contempnù Ligni salutiferi, quem Augustus erga Crucem Dominicam devotissimus minimè tulisset, sed de immodica erga suos austeritate increpitus fuit. Eam emendare iussus, ut erat vir cerebrosus, ac sui capitis, parùm obediuit. Igitur Carolo è vivis sublato, iussù Ludovici Pit in ordinem redactus, atque Monasterio pulsus est. Tum verò mores & ritus veteres Ecclesiæ Fuldensi restituti fuerunt. Quid? quidd Ratgarius in Cænobium denuo receptus cum ceteris Monachis gloriationem Crucis denuo celebravit, haud secus, atque eo tempore fecit, quo nondum erat Abbas. Lectoris iudicium jam appello, quid Spiritus iconoclastici hinc intervenit, aut quo jure is in Monasterium Fuldense se insinuassee perhibetur? Nolim Browerum & Gretserum, viros alià doctos, in hanc incidisse suspicionem, minùs ad omnem posteritatis memoriam literis consignasse.

Eodem ayo, quo Ratgarius atatem Fulde in Germania agebat, claruit, sed paulò seriùs in Gallia Hincmarus Senior, ex Monacho San-Dionysiano Archiepiscopus Remensis. Is teste Frodoardo Hist. Rem. lib. 3. c. 29. flagitantibus Chorepiscopis fratribus suis scripsit, qualiter imagines Salvatoris nostri vel Sanctorum ipsius venerandæ sint. In isthoc opere quin venerationem & adorationem Dominica Crucis asseruerit minimè dubitandum est. Non magis verò superstes est, quàm vel Theodemiri Episcopi, vel Eginhardi Abbatis libri, quos de Adoranda Cruce scripserunt, qui quidd exciderint, sanè dolendum est.

Supersunt verò Petri Venerabilis, Abbatis Cluniacensis Opera, in quibus extat doctissima Epistola, seu potiùs integer Tractatus bene longus, quem contra Petrobrusianos edidit Iconoclastas. Hi à Petro Bruto & Henrico haresiarchis insausto fidere circa an. MCXXX.

MCXXX. prognati, Crucem Domini non modò nec adorandam, nec venerandam, sed magis confringendam & conculcandam esse contendebant. Ut re etiam ipsà quascunque Crucis Dominica imagines reperire potuerunt, in unum congestas cumulum flammis absumpserunt. Hunc esse errorem omnium perniciosissimum sanctus Præsul demonstravit. Nam sublato de medio Crucis nomine, ubi Crucifixi mentio remanebit? subtractio Crucifixi vocabulo ubi mortis vel passionis recordatio permanebit? Ablata mortis vel passionis memoria, quæ redemptionis spes salutis, evacuato redemptionis pretio supererit? Quid ergo Petrobrusiani hæretici devastandâ S. Cruce moliebantur, quàm ut omnis Christiana pietas, & devotio erga JESUM & hunc Crucifixum ex cordibus hominum evelleretur, totiusque religionis Christiana subreperet oblivio?

Hos à Venerabili Petro debellatos Wicleffista in Anglia à Joanne Wicleffo hæresiarcha sic dicti, insensissimi Crucis osores exceperunt. Theologi verò Benedictini ejusdem Regni id negotiū sibi datum esse crediderunt, ut eosdem hæreticos strenuè resellerent. Fecerunt id non segniter Guillelmus Binghamus, Utrudus Boltonus, Simon Southraius, Joannes Wellius, & maxime Nicolaus Radeliffus in edito libro pro Cultu Imaginum; quem Wicleffus adeò molestè tulit, ut in furias actus Radeliffum in dialogis suis non alio nomine, quàm canis nigri indigitare consueverit.

Prostratis in Anglia Wicleffistis, eorum non pauci in Bohemiam concessere, junctoque cum Picarditis & Hussitis sedere, ut trophæum sacrilega sue erga Crucem Christi impietatis statuerent, Anno 1419. mense Augusto Crucem pulcherimam in ponte Pragensi stantem, seu loco annuum maxime conspicuo dejecerunt. Et hoc quidem fecerunt authore & impulsore Hieronymo Pragensi, Hussi Achate, Wiclephi discipulo, & infami iconoclastâ. Etsi enim id temporis Hieronymus non amplius fuerit in vivis, summus in Concilio Constantiensi aliquot ante annis absumptus,

exemplum tamen detestanda iconomachia S. Crucis Hussi affectis prævit, quod altè eorum animis insedit. Crucifixi siquidem effigiem, Praga stantem è regione domus, Kreisse dicta, qua populo magna erat venerationi, humi dejicere, pedibus conculcare, stercoreque humano; pro scelus & commaculare non perhorruit, qui tamen Wicleffi hæresiarcha imaginem, quam & domi habebat, & secum ferebat, ardenti cultu prosequabatur. Hoc iconomachia exemplum in Hussitarum, Taboritarum, & Orphanorum mente defixum faces iisdem ardentes ad confringendas S. Crucis imagines subiecit. Igitur agmine facto omne genus impietatis in eisdem exercuerunt. Loquar solùm de illis, quæ in templis Benedictinis collocata visebantur. Brevnovii extra Praga pomeria in media Basilica navi ex antiquo sacri Ordinis more Crux bene alta & spectabilis prostabat. Quo verò tempore (annus erat supra vigesimum quadragesimum millesimum) antiquissimum hoc Regni Bohemici Monasterium ab impiissimis Picarditis & Hussitis unà cum elegantissima ecclesia terra datum, excisum & eversum est, tum v. r. non Divorum modò ipsa conculcata, icones destructæ, simulachra deturbata, sed nec ipsi sacra Crucis imagini parsum. Cùm verò Cænobita impiissimis iconoclastis exprobrarens: Hæc cine gratia est, quam Sanctæ Cruci, in quâ ex captivitate diaboli redempti fuistis, ingrati & scelesti teponitis? eorum tres supra decem ab Hussitis comprehensi, in vincula coniecti, ac Praga odio orthodoxæ doctrinæ, maximè de sumptione Eucharistiæ sub unâ specie, publico in foro exusti fuerunt. Hoc erat Divina Crucis cultum non atramento, sed sanguine propugnare.

Post Picarditas Hussitas & Taboritas Calvinii & Zwinglii affecta, ut de Lutheranis minùs aliquantum infestis, nihil dicam, quas non injurias & contumelias Dominica Cruci irrogârunt? Charta & pagina me deficiant, si omnes enumerare instituiam. Aliquid, minimè omnia dicit Joannes Reuchlinus, (***) Phorcensis, cùm ita de hisce cecinit hæreticis:

Quin

(***) Carmen præfixum est B. Rabani Mauri libro de S. Cruce.

Quin etiam violant, temerant modo, commaculantque
Contemnunt, horrent, dilacerantque Crucem.

Insuper & pedibus calcant venerabile signum:

Et Cruce signatos turpiter interimunt.

Quia verò magnopere confert, omniumque in JESUM & hunc Crucifixum credentium interest, suos Sancta Cruci, ejusque cultui & adorationi non deesse vindices, ut suam de illa fidem aperte testentur, aliisque moneant, ac doceant, qui Crucem Christi nec colunt, nec venerantur, eos in Judaeorum, Mahometanorum, ac Paganorum potius, quam Christianorum numero esse habendos, Benedictini Scriptores suarum esse partium existimant, ut & scripta inimicis Crucis Christi opponerent, quibus si eos, ut saniora saperent, adducere non possent, doctrinam tamen Ecclesia de S. Cruce corroborarent, firmiorem redderent, ac fortasse etiam facerent dilucidiores. Praestiterunt id praeter ceteris Alphonsus de Viris, Joachimus Perionius, Gilbertus Genebrardus, Ninianus Winzetus, Leonardus Rubenus, Augustinus Redingus, & alii complures. Novissime D. Nonnosus, Attilensis in Bavaria Monasterii Amplissimus juxta ac doctissimus Abbas. Missionarios Danicos in Trangebar, civitate parva & fortalitis Regis Daniae ad litus Cormandelinum in India, veterum Crucis Christi inimicorum nepotes in perdoctrinam suam Psalterii Davidis expositione non uno loco fortiter oppugnat, atque eorum levitatem, petulantiam, ac convitiandi libidinem strenue revincit.

Quantopere igitur Benedictinorum fides, Zelus, ac religio desudarint, ut cultum Dominicae Crucis à falsis, impis, & pestiferis Sectariorum dogmatibus vindicarent, ex hactenus dictis perspectum satis exploratumque haberi posse existimamus. At parum Majoribus nostris videbatur, si eos tantum scriptis impeterent, qui à Divina Crucis veneratione alios abstrahere conmitterentur, nisi etiam sermones vel à sacro haberent suggestum, vel certe quidem literis consignarent, quibus fidelium animos ad eandem devenerandam quanto maximo possent fervore accenderent. Prae-

DISSERTATIO

ceteris nominandis veniunt *Venerabilis Beda*, qui præter laudum encomia, quibus salutiferum lignum suis in Operibus extulit, duos etiam sermones reliquit. *S. Odilo Abbas Cluniacensis* plures habuit Sermones, inter quos numero XIVus est de *S. Cruce*, de quo tamen initium duntaxat superest; quod ex *Bibliotheca Cluniacensi Bibliotheca Veterum Patrum* editionis *Lugdunensis Tomo XVII.* insertum fuit. *B. Petrus Damiani S. R. E. Cardinalis* Sermones suos uno atque altero de *S. Cruce* locupletavit; præclaros esse nemo prudens, qui legerit, inficias iturus est; ita copiosè, facundè, elaboratèque laudes ejusdem depradicat. Primus est de *Inventione*, secundus de *Exaltatione*. Quidquid verò, inquit, de *Crucis* laude disserimus, in ejus non ambigitur redundare præconium, qui *Crucis* illustravit propriâ morte vexillum. Insignem etiam Oratorem, atque *Dominica Crucis* encomiastem se ostendit. *Venerabilis Hildebertus ex Monacho Cluniacensi Episcopus* primo *Cenomanensis*, deinde *Archiepiscopus Turonensis* in duobus Sermonibus, quorum unum habuit in festo *Exaltationis*, alterum aliâ die de laudibus *S. Crucis*. *Venerabilis Eckberti Abbatis Schönaugienensis*, ac fratris *Germani S. Elisabethæ Abbatissæ Schönaugienensis* Sermonem seu Opusculum de laude *S. Crucis V. C. Bernardus Pezsius Tomo VII. Bibliotheca Ascetica* juris publici fecit.

Quid jam dicam de illis, qui tametsi nullos vel habuerint vel ediderint Sermones, in Operibus tamen, Scriptis, ac libris suis, nullam prætermiserunt occasionem, quâ in laudibus *S. Crucis* versari, seu in immenso quodam Oceano vela facere possent. „ *Crux Christi*, exclamat *S. Petrus Mauritius*, fulgebit in coelo, ut discant terrigenæ non posse sibi consensum esse ad cœlos, nisi per ipsam: & agnoscant filii hominum, non nisi per ipsam se posse fieri socios angelorum. Non est igitur honoranda ab hominibus, quæ Angelicum eis honorem præparat? Non est glorificanda à mortalibus, quæ immortalem eis gloriam præstat? Non est ut vitalis & salutifera adoranda, quæ vitam mortuis beatam, quæ salutem perditis, confert æternam?

nam? Et planè, velint, nolint hæretici, vitalis, quia vitam: salutifera, quia salutem: honorabilis, quia honorem: amabilis, quia amorem; admirabilis, quia admirationem: felix, quia felicitatem: nobilis, quia nobilitatem, beata, quia beatitudinem: gloriosa, quia gloriam præstat æternam.

Venerabilis Rupertus Abbas Tuitiensis ut dignitatem S. Crucis nobis commendaret, illam esse Aram dicte, in qua Dei Filius pro salute humana ineffabili amore ac misericordia se immolavit. Unde illa Propheta Amos verba: Vidi Dominum stantem super altare, ita explanat: Magna verè visio, & magnæ rei significatio extitit. Prophetico deinde spiritû vidit, & revera futurum erat, quod illi talis visio præostendit. Quærimus ergo, ubi vel quando factum sit tale quid, cujus in signum stans Dominus super altare videri debuerit. Quærentibus autem in toto Christi Evangelio, vel in omni Evangelicæ gratiæ Sacramento, nihil tam magnum, nihil tam evidens secundum hujus visionis proprietatem nobis occurrit, quàm schema vel habitus Domini nostri Jesu Christi Crucifixi. Crucifixus namque & sacrificium pro nobis factus, super altare Crucis stetit statione difficili, statione laboriosa sibi. Diligenter animadvertendum, nec unquam oculis mentis nostræ debet abesse stationis illius spectaculum. Pendebat & stabat manibus ad Crucis cornua confixis, pedibus ligno suppedaneo per clavorum fixuram cohærentibus in modum stantis. Taliter stans ipse hostia; Crux verò altare erat.

Dolendum verò, quòd quem Librum de Laudibus S. Crucis Venerabilis Adelboldus, ex Monacho Lobienfi Ultrajeſſenus Episcopus conscripsit, exciderit; certè quidem à nemine hætenus, quod sciam, è tenebris erutus fuit. Insigne fuisse opus, ex eo existimare licet, quod Author integritate vitæ, prudentia fama, atque doctrina laude excelluerit: unde etiam in aula S. Henrici Imperatoris præcipuum gratiæ & authoritatis locum est consecutus. Ætate superior fuit Milo Elnonensis canobita avi sui, id est;
secu-

DISSERTATIO

saeculi noni non ignobilis Vates. Is eloquentia numeris ligata in laudes S. Crucis ingressus Carmen duplex hexametrum in modum sphaerae composuit, quod Foppenius in Bibliotheca sua Belgica à miro ingenii acumine commendat.

*Nescio, an hic etiam mentionem facere debeam Berengosi, Treviris ad S. Maximinum Abbatis, saeculo XII. clari, qui tres libros de laude & inventione S. Crucis elucubravisset, quorum medio, ut Hagiographi Antwerpienses (****) loquuntur, aliud non egit, quam dilatare & exornare de Juda Crucis revelatore fabellam, hoc cautior quam Florus & Notkerus, quod anni designationem omiserit, neque de Hierosolymitano illius Episcopatu verbum fecerit aliquod, soli argumento de Cruce inherens. Hac igitur lucubratione praetermissa, in qua rem acutè non tetigit, sed à fabulosis actis sibi fucum fieri est passus, memoratù dignior est ejus libellus de Mysteriis Ligni Domini, & de Luce visibili & invisibili, per quam antiqui Patres olim meruerunt illustrari. In hoc insigni libello rectè dicitur, à viris pariter & feminis S. Crucis praeconia esse celebranda; quia justum est, ut lex aeterna testimonium habeat à virili sexu & famineo, quae in mysterio crucis utrumque à diabolico voluit liberare dominio.*

Sed quousque B. Rabanum Maurum differo, quem primo forsàn loco nominare debuissèm, cum non alios tantum plerosque aetate praecedat, sed in efferendis S. Crucis laudibus palmam omnibus praeripuisse videatur? Cui enim ignotum est mirificum illud, atque artificii plenum opus, quod in laudem S. Crucis laboriosissimo carmine composuit? Jacobus Wimphelingius, Vir multarum literarum, qui primus typis vulgavit, praclarum & omni veneratione dignum appellat opus, quo non immeritò Germania (quae talem virum peperit) illustris redditur. Sed ne Germanus Germano palpum obtrudere videatur, S. Odilonis Abbatis Cluniacensis, gente Galli, testimonium proferamus: Rhabanus saeculari
scien,

scientia ad plenum edoctus, tale de laude S. Crucis texuit opus, & texendo perfecit, quo pretiosius ad videndum, amabilius ad legendum, dulcius ad retinendum, laboriosius ad scribendum non potest inveniri.

Quò autem fine, quæve animi intentione B. Rabanus ad hoc Opus metro primum, deinde etiam prosâ contexendum accesserit, ex ipsius præfatione ad Lectorem audire præstat: „ Nec enim arbitror, inquit, me posse aliquid Sanctæ Crucis decoris conferre, quæ claritate sua cuncta clarificat: sed claritatem ejus & majestatem perpetuam laudibus quibuscunque possum conferre, vis meis prædico: ut sapius eam legentes ac sedulò conspicientes, nostram in eâ redemptionem assidue cogitemus, redemptoribusque nostro incessanter gratias agamus. Qui cum nullius egeret, sempiternumque regnum una cum Patre & Spiritu Sancto haberet: semetipsum exinanivit formam servi accipiens, factus obediens patri usque ad mortem, mortem autem Crucis. Semel quoque pro peccatis nostris mortuus est, justus pro injustis: ut nos offerret Deo, saceretque nos regnum & Sacerdotes Deo Patri. Hic finis, hæc intentio beati Scriptoris erat, in quam omnis ejus labor & industria incumberebat.

Nec alius nobis in præsentī hoc Opere de Cultū S. Crucis in Ordine D. Benedicti scopus est præstutus, quàm ut quicumque in Familia vivimus Benedictina, ad amorem Crucis & Crucifixi magis magisque accendamus; ut nobis penitus sit fixus in corde, qui pro nobis fixus est in Cruce; ut nosmetipsos in hac dulci arbore oblectemus, in quâ mundi salus pependit, in quâ est omnis spes nostra, refugium nostrum, medicina nostra per quam salvati & liberati sumus.

Ut verò consilii ac instituti nostri rationem magis aperiamus, atque hinc rectius de præsentī Opere judicari possit, illud in sex partes seu Capita distribuimus. Et primo quidem Capite Monasteria, Tempia, Oratoria & Altaria enumeramus, quæ à Regibus, Imperatoribus, Episcopis, Pontificibus, aliisque Viris Principibus

DISSERTATIO PROEMIALIS.

pibus cum Ecclesiasticis tum secularibus in S. Crucis honorem sumptuosè posita, munificè constructa, liberaliter dotata, variisque ornamentis, privilegiis, immunitatibus tam præclarè cohonestata fuerunt, ut Lectores sanè hanc in Ordine Benedictino Monasteriorum, Ecclesiarum &c. copiam, stabilitatem, atque elegantiam non injuriâ demirari possint. Altero Capite à nobis Monasteria & Ecclesia recensentur, in quibus insigniores particulae de Cruce prima, quam Christus sanguine suo consecravit, religiosè asservantur. Et verò, absit jaëtantia verbo, tam multa, tantæq; sunt magnitudinis, qua hîc cum primis attenditur, ut haud alius Ordo Religiosus vel plures, vel majores in suo possideat sacrario. Unde etiam celeberrima Stationes ad S. Crucem in Benedictinis per Galliam, Hispaniam, Germaniam, Poloniam &c. Monasteriis, in quibus virtute S. Crucis non pauca edita fuerunt prodigia. Capite III. narratio instituitur de S. Crucis imaginibus & figuris, qua suam etiam venerationem jure ac merito sibi deponunt. Ejusmodi verò imagines præ cæteris celebres sunt Crux S. Andreae, S. Latronis Crucifixi, S. P. Benedicti, S. Udalrici Episcopi, quas, aliàsque plures Familia Benedictina venerabundè custodit. Caput IV. Apparitiones S. Crucis illustrant. Sapiùs enim nec sine prodigio factum, ut Ligni salutiferi imago Majoribus nostris vita integritate præstantibus se conspiciendam præbuerit. Capitis V. argumentum sunt res à Sanctis Benedictinis per signum Dominicae Crucis prodigiôsè gesta. Denique Capite VI. exhibentur Obsequia Benedictinae Devotionis erga Sanctam Crucem; qua certè tanta tamque illustra sunt, quanta eidem vix in alio ullo (absit jaëtantia verbo) Religioso Ordine exhibentur.



CUL-





FULGET CRUCIS MYSTERIUM
Suosque illustrat Cultores



CULTUS SANCTÆ CRUCIS

In Ordine S. Benedicti.

CAPUT I. MONASTERIA, TEMPLA, ORA- TORIA, ET ALTARIA

In honorem S. Crucis condita & dedicata.



Qui prioribus sæculis pii Christiani
JESUM & hunc Crucifixum præcipuis in
amoribus habuerunt, summam quoque sibi
necessitudinem cum sacrâ ejusdem Cruce ha-
bendam jure & merito existimârunt. Quis
enim Redemptorem suum ex animo diligit, & Crucem, in
quâ incredibili amore ab eo redemptus, atque æternis ere-

A

ptus

ptus fuit suppliciis, non eâ etiam, quâ par est veneratione prosequatur? Ut verò constaret orbi, quàm summoperè salutiferum ac vivificum hoc lignum colerent, atque venerarentur, multi eorum hujus suæ venerationis ac cultûs publicos esse testes voluerunt Monasteria, Tempia, Oratoria, & Altaria, quæ non sine magnis sumptibus & impensis sub Titulo Sanctæ Crucis construenda & dedicanda curârunt. Cùm verò non nescirent, nullibi sincerum magis cultum Sanctæ Cruci adhiberi, quàm ubi assidua crucifigendi carnem cum concupiscentiis ejus contentio vigeret, in Monasteriis à se excitatis homines religiosos collocarunt, quibus nihil potius esset, quàm ut conjunctis animis cum Crucis hostibus, carne & sanguine continenter bellum gererent. Atque ejuscemodi Asceteria, non singula quidem, sed quæ tantùm sunt Ordinis nostri; neque ex his ipsis ad unum omnia, sed quæ præ cæteris memoriam sui deponunt, recensere hoc loco nobis propositum est.

§. I.

Monasterium Sanctæ Crucis Parisiense.

QUOD celeberrimum Galliæ Asceterium nunc dicitur *S. Germani à Pratis*, Gallicè, *S. Germain des Prez*, primis & antiquissimis temporibus nomen *S. Crucis* ferebat. Hoc verò ei inditum erat ab ecclesiâ in honorem *S. Crucis* conditâ & dedicatâ, cui adjunctum fuerat. Res sic contigit. Childeburtus Francorum Rex hujus nominis primus ab expeditione, quam in Hispaniam susceperat, in Galliam redux multas secum sacras attulerat Reliquias. Præcipuæ erant portio *S. Crucis*, & Tunica *S. Vincentii*. (a) Et lignum quidem salutiferæ Crucis ab urbe Toletana, Tunicam verò San-

(a) S. Greg. Turon. Hist. Franc. lib. 3. c. 29.

Sancti Martyris à civitate Cæsaraugustana dono acceperat. Ut verò sacras hæc Reliquias loco deponeret decenti, ecclesiæ in earum honorem construendæ iniit consilium. Dum moras necit, gravi decumbit morbo. A Sancto Germano Episcopo Parisiensi in pristinam restitutus sanitatem monitus est, ut pium animi propositum exequeretur. Aures Rex munificus præbuit, ac post annum DXLII. *gratiâ vivificæ Crucis ecclesiam sanctissimi Martyris, ubi ipsam cum aliis pretiosissimis ornamentis delegavit, in modum Crucis adificare disposuit.* Ita Gislemarus (b) Author vitæ S. Droctovei, qui primus monachis inibi ab exordio collocatis præfuisse memoratur. Quantæ autem magnificentiæ fuerit, docet nos idem Gislemarus his verbis. „ Cujus Basilicæ opus mirificum describere nobis videtur superfluum, qualiter scilicet distincta „ fenestris, quibus pretiosissimis marmorum fulta columnis, „ quove modo crispante camera compta auratis laqueariis: „ nec non parietes, ut Christi decebat aulam, quo decore „ nitebant picturâ aurei coloris, strato inferius pulchro emblemmate pavimenti. Tectum verò ipsius Basilicæ cooper- „ tum adprimè deaurato cupro ære (i. e. *Cyprio*) percussum „ solis jubare sic flammigero rutilabat fulgore, quatenus in- „ tuentium aciem reverberaret nimia claritudine. Unde „ præ nimio decore non immeritò olim ipsa domus per metaphoram *Inaurati Germani aula* vocabatur vulgi ore. Hæc Gislemarus, qui scribebat sæculo nono; cùm scilicet jam quidem semel & iterum hæc Basilica Nortmannorum furore violata fuisset, sed nondum destructa; quare eam, sicuti primitus extructa fuerat, ab eo descriptam fuisse, non immeritò Theodericus Ruinartus (c) affirmat. Post annum igitur DXLII. incepta, anno DLXI. qui Childeberto Regi supremus fuit, ab ipso Germano Parisiorum Antistite conse-

A 2

crata

(b) Vitam S. Droctovei exhibet Mabill. A&A. Sanct. O. S. B. sec. 1. p. 154. vide ejusdem Annal. Ben. tom. 1. p. 134. (c) In append. Opp. S. Greg. Turon. col. 1369.

crata est in honore (sunt denuo verba laudati Gisleuari) *visifica Crucis, almique Vincentii Levitæ & Martyris*. Hujus dedicationis etiam meminit Ussuardus in suo Martyrologio his verbis: *Decimo Kal. Januarii Parisius dedicatio Basilicæ in honore S. Crucis & Vincentii Martyris*. In nova igitur Basilica egregia *Crux*, cujus mentionem facit Carolus M. in historia Translationis S. Germani Episcopi Parisiensis, & *Tunica S. Vincentii* à Rege Childeberto repositæ fuerunt. Quo factum, utmodò *Sanctæ Crucis* modò *S. Vincentii* Ecclesiæ compendio diceretur, in vetustissimis passim instrumentis Sanctæ Crucis & Domni Vincentii. Hinc idem utrumque nomen Monasterio adhæsit, quod ab eodem piissimo Rege ecclesiæ adjunctum fuerat. Hodie hæc Basilica cum suo Monasterio *S. Germani à Pratis* nomine celebris est. Et quidem S. Germani nomen sortitum est à sacris ipsius exuviis, quæ in theca ex auro argentoque fabricata isthuc asservantur: à *Pratis* verò dicitur, quod in Pratis suburbanis propè Sequanam infra urbem Lutetiæ situm sit. Et si verò nomen mutaverit, verè tamen in hodiernam usque diem Monasterium est *S. Crucis*, in quo complures hætenus vixerunt, hodieque vivunt religiosissimi Cœnobitæ, quibus, licet doctrinæ ac eruditionis laude per totum orbem literarium celeberrimi habeantur, tamen *abest gloriari, nisi in Cruce Domini nostri Jesu Christi, per quem ipsis mundus Crucifixus est, & ipsi mundo.*

Cæterùm habuit Parisiense *S. Crucis* Monasterium sibi subiectum Parthenonem (d) quem anno sexcentesimo nonagesimo septimo nobiles duo conjuges, Gammo & Adalgudis sub titulo etiam *S. Crucis* construere cœperunt, cui filiam suam Bertham abbatissam præfecerunt.

§ II.

Monasterium Sanctæ Crucis Meldense.

S. Faro Meldorum Episcopus, & vitæ sanctimoniam & miraculorum gloriam illustris, in Meldensi suburbio Monasterium sub titulo *S. Crucis* condidit. In hoc sæpius secessit, ut à sæculi curis, atque episcopalis officii oneribus, quibus assiduò premebatur, non nihil levationis ac quietis sub arbore Sanctæ Crucis capere posset. Voluit verò etiam, ut illud peregrinis, præcipuè Anglis & Scotis asyllum esset ac diversorium. Hic inter alios ab eo exceptus fuit S. Fiacrius nobilis Scotus, qui per annos complures in hoc Monasterio vitam religiosam, austeram, ac sacrâ Cruce dignam duxit. S. Faro autem cum humana absolvisset, in Basilica Sanctæ Crucis terræ mandatus est. Conservantur ejus membra, inquit Auctor vitæ manuscriptus, (e) *in speciosissima Basilica, quam ipse miro opere in fundo proprietatis suæ fundavit in honore salutifera ac vivifica Crucis.*

Successorem habuit Hildevertum, qui ex invidia volebat ædificare ingentis pompæ & magnitudinis Basilicam *in honore Sancti Christi* contra fidem sanam juxta Basilicam S. Crucis à Sancto Farone exstructam. Verùm illa Basilica divino nutu corruit, ejusque auctor in synodo ab episcopali officio suspensus fuit, dum tandem respuisset. (f) Et re quidem vera ita respuuit, ut sanctorum numero adscribi meruerit. Cæterum hoc Monasterium à S. Farone constructum in antiquissimo S. Galli necrologio, quod annis adhuc octingentis & pluribus scriptum fuit, *Cruce Sancta* nominatur. Tanta jam tunc temporis erat celebritate, ut ejus fama remotissimas pervaserit provincias. Hoc Monasterium, inquit Carolus Cointius, nomen *S. Crucis*, in cujus honorem conditum est,

A 3

(e) Apud Carol. Coint. *Annal. Eccles. Fraucor.* ad an. 161; (f) Mabill. *Annal.* tom. 1. pag. 509.

est, à primo conditu gessit, nomen postea S. Faronis accepit, à quo conditum est.

In hoc Asceterio Crucem de manû Domini suscepit Otgerius, vir illustrissimæ prosapiæ, bello clarissimus ac inter heroes Caroli Magni facilè præcipuus. Interfuerat is plurimis, iisque maximis ac cruentissimis præliis, in quibus ea bellicæ fortitudinis edidit specimina, ut maximam nominis celebritatem sibi comparârit, ita, ut qui Otgerium nesciret, nullum omnino virum fortem scire videretur. Passim *preliator & pugnator fortis* audiebat; quo nomine ipsi etiam præliatores eum indigitare consueverant: sed cùm mundanæ gloriæ ac rerum humanarum caducitatem attentius animo secum perpenderit, nuntium iis mittere constituit. Carolum igitur adiit, ab eoque in Monasterium S. Crucis secedendi facultatem petiit. Cujus ægrè compos factus *Benedictum* virum etiam militarem, fortem, ac strenuum secum ex castris abduxit, ut quem in Martis campo commilitonem habuerat, in Monasterio Sanctæ Crucis socium haberet. Hic igitur ambo simul anteaactæ vitæ expiare noxas, manûsque multorum hominum sanguine cruentatas lacrymis abluere studuerunt. Præcipuè Otgerius (g) multos annos sub abbatis imperio in eodem S. Crucis Monasterio vitam mirè austeram traduxisse perhibetur: assidua ferè erant ipsius jejunia, vigiliæ, & orationes, quibus sua redimere peccata nullo ferè tempore intermittebat. Quæ vera morum conversio, vitæque sanctimonia Christo Domino tantoperè placuisse fertur, ut multis eam prodigiis fecerit testatam.

Fulcoius, Subdiaconus Meldensis, in epitaphio Otgerii & Benedicti utrumque sic alloquitur:

*Crux simul accipitur, Crucis & locus iste subitur,
Caesar & exiit, Christus & induitur.*

Ite

(g) Vide Otgerii elogium historicum, seu conversionis historiam ex mss. Godd. erutam cum observationibus Mabillonii sec. Ben. IV. part. 1. p. 656.

*Ite pares anima per qualibet agmina prima
Fortes Cesarei, fortia membra DEI.
Fortes athleta, per sacula cuncta valete:
Par Crucis est species, par erit & requies.*

Atque sic Otgerius & Benedictus ex Monasterio S. Crucis transferunt in locum tabernaculi admirabilis usque ad domum DEI, Psal. 41. v. 5. ubi data fuit lugentibus corona pro cinere, oleum gaudii pro luctu; pallium laudis pro spiritu maroris. Isa. 61. v. 3. Qui verò eorum aliquando frui societate in regno gloriæ desiderat, nunc in Monasterio Crucis consortio utriusque jungatur.

§. III.

Monasterium Madriacense vulgò CRUX S. LEUFREDI.

S. Leufredus fuit illustri prosapia conspicuus, parentibus piissimis in Gallia natus, Ebroicensis pagi indigena. Cum arma ferre posset, militasse dicitur sub regibus Francorum, Childeberto, Dagoberto, & Chilperico. Militiæ pertæsus vestem Benedictinam accepit à S. Sidonio Abbate Caletensis Monasterii, quod ab urbe Rotomago quatuor leucis Gallicis distitum est. „ In diebus illis, inquit auctor vitæ,
„ (b) domnus Ansbertus in Rotomagensi urbe Pontificatum gerebat. Hic frequenter egregium virum Sidonium & S. Leufredum ad familiare colloquium invitans, de acquirendis Deo animabus cum eis tractabat. Factum est interea, ut hortatù Præsulis & B. Sidonii ad natale solum vir Domini reverteretur, ut in patriâ suâ homines in viâ erroris ambulantes ad lumen veritatis reduceret, cui ipse magis, quàm alius sufficiens esset. Egressusque urbem Spiritu

„ tū

(b) Extat in A& S. Ord. S. B. sec. 3. part. 1. p. 516.

„ tū Sancto duce devenit in fines Madriacensis pagi, ad lo-
 „ cum virtutibus quidem insignem, nullis ramen habitacu-
 „ lis adornatum. Dudum namque cū vir Domini Audæ-
 „ nus Rotomagensium Antistes Spiritū Sancto repletus, di-
 „ versas provincias peragrans verbum DEI disseminare non
 „ cessaret, jamque gravi senio confectus equitare non vale-
 „ ret, usus est vehiculo, in quo jacentem eum duo muli ve-
 „ hebant. Quodam igitur tempore cū sic incederet, acci-
 „ dit, ut transiret per vallem illustrem juxtā fluvium Actu-
 „ ram, (i) ubi via erat ab occasū in orientem, porrō alia
 „ via ducebatur à meridie in septentrionem. Dūque su-
 „ per ipsum locum, ubi viæ in similitudinem Crucis junge-
 „ bantur, vehiculum sancti viri pervenisset, illicō terrore
 „ divino animalia substerunt, nec à loco moveri potuerunt.
 „ Tunc vir Domini non absque mysterio rem tantam fieri
 „ sentiens, familiare cum Domino secretum iniit; & ecce
 „ respiciens cœlum, vidit *signum Crucis* miro fulgore radians:
 „ statimque animadvertit vir Deo plenus resplendente cœlo
 „ ad terram, & terra ad cœlum, quòd *locus ille futuris tem-*
 „ *poribus Crucifixi Domini JEsu Christi veros cultores habitu-*
 „ *rus esset, qui Crucis mortificationem & in corde & in corpore*
 „ *suo evidenter gestaturi essent.* Tali igitur visione gloriosus
 „ Domini Pontifex lætificatus, jussit sibi adferri lignum, unde
 „ signum vivificæ Crucis effigiare posset. Sed cū minister
 „ non inveniret, à rustico quodam in eodem loco terram
 „ exarante partem stimuli pretio comparavit, de quā vexil-
 „ lum Crucis figuravit, & cespite congesto desuper illud
 „ composuit, Sanctorūque Reliquias ibidem colligavit.
 „ Quo factō, iter quod cœperat profectus est, ipsōque iti-
 „ nere perductus est ad prædium, quod vocatur Clipiacus,
 „ (k) in quo finem vitæ accepit, & ad aulam regni cœlestis
 „ translatus vitam æternam inde adeptus est, Locus autem
 „ supra-

(i) Al Ancturam l' Eyre, (k) Chipily prope Parisios:

„ supradictus crebris miraculis resplendebat, ita ut adven-
 „ tantium illuc miserorum multitudo pristinae sanitati resti-
 „ tueretur; quin etiam continuis noctibus nubes splendidis-
 „ sima super locum ipsum videbatur pertingens à cœlo usque
 „ ad terram. Vicinis ergo in circuitu commanentibus tan-
 „ tæ rei novitate stupefactis, quidam eorum casulam horrei
 „ sui saper pignora sanctorum, quæ præfati sumus stabilire
 „ curavit. Hunc denique locum vir Dei Leutfredus post ali-
 „ quot annos decessionis S. Audœni Episcopi invisere tenta-
 „ vit, visoque loco, amœnitate ejus, eo quod esset aqua-
 „ rum nemorumque & vinearum fertilitate jocundus, mira-
 „ culorum quoque prodigiis, quæ ibi fiebant plurimum læ-
 „ tificatus, domum sacram Domino Deo construere accele-
 „ ravit, in honore scilicet *vivifica Crucis* & Sanctorum Apo-
 „ stolorum, ac præcipuè Confessoris Christi Audœni, atque
 „ in eo loco altare statuit, ubi Crux semitarum apparuerat.
 „ Sed & post modicum tempus congruentibus habitaculis
 „ eandem cellam cinxit, atque Monachorum conversatione
 „ nobilitavit. Siquidem ex diversis partibus ad eum con-
 „ fluebant, qui possessiones agrorum suorum vendentes, pre-
 „ tia ante pedes ejus secundum morem primitivæ Ecclesiæ
 „ deferabant, ut distribueretur omnibus, prout cuique opus
 „ erat. Alii autem de facultatibus suis eundem locum dita-
 „ re certabant, ut de redditibus rerum suarum per futura
 „ tempora servi Dei inibi habitantes necessaria acciperent.
 „ Dicit non potest, quantâ celeritate Dominus locum suum
 „ exaltaverit, ita ut brevi spatio multi pompa sæculari ab-
 „ dicata conversi sint ad Dominum.

Nec illud tacendum existimo, quòd, cùm stygius Alastor
 in novo S. Crucis Monasterio Monachis ludos dare vellet, à
 S. Leutfredo Abbate lepidè lusus & illusus fuerit. Rem au-
 ctior vitæ his verbis narrat. „ Aliquando cùm intempestâ
 „ nocte aliqui è Fratribus ardentioris desiderii ante tempus

„ vigiliarum surrexissent, ut secretiùs orationi vacarent, adest
 „ immundus sedens in loco, ubi vir Dei sedere consueverat,
 „ adsumpta ejus effigie. Nec mirum, cùm ipse Satanas trans-
 „ figurat se in Angelum lucis. Cùmque à transeuntibus
 „ adoraretur, quia æstimabant secundùm morem virum Dei
 „ illic confedissee; unus eorum non oblitus, ubi virum Dei
 „ dimisisset, citiùs venit ad eum : Similis tibi, ô Pater homo
 „ sedet in Basilica, ubi sedere consuesti, & illudit modò
 „ Fratribus, qui per errorem illi reverentiam exhibent. Au-
 „ diens hæc vir Deo dilectus, præstigiùm diaboli mox reco-
 „ gnovit, & eadem hora surgens, ostia & fenestras Ecclesiæ
 „ vexillo Sanctæ Crucis depinxit, ac impetum in eum fecit,
 „ & flagellis vexare cœpit. Ille verò per diversa fugiens
 „ non inveniebat aditum, quà exiret. Tandem verò unum
 „ invenit locum, ubi vir Dei signum Crucis non direxerat,
 „ foramen scilicet cameræ, ubi funis dependebat, per quem
 „ signum per horas canonicas pulsabatur : & velociter funi-
 „ culo illi innixus, fastigium templi conscendit : sed illo
 „ ascendente chorda post eum quasi ab igne combusta est.
 Hoc Sanctæ Cruci ludibrium ille debuit, de quo scriptum
 est : *Draco iste, quem formâsti ad illudendum ei.* Psalm. 103.
 v. 28.

§. IV.

Monasterium Sanctæ Crucis Pictaviense.

S*ancta Crux* in urbe Pictaviensi antiquissimum, & celeberrimi nominis Monasterium à Vestalibus Benedictinæ Familiæ hodie inhabitatur. Exordia sua S. Radegundi Francorum Reginæ in acceptis refert. Hæc Bertharii Thuringiæ quondam Regis filia à Clothario Francorum Rege adhuc parvula in Galliam captiva est abducta. Ejus jussu in agro Vi-
 roman-

romandensi apud Atheias (1) educata, atque literis instituta fuit. Ubi ad nobiles pervenit annos, mirâ cum formæ, tum morum elegantia Clotharii rapuit oculos, à quo in legitimam ducta est uxorem. Exactis in conjugio compluribus annis, aulam, annuente Rege marito, deseruit, ac Pithavis Monasterium construxit. *Quam fabricam, inquit Baudonivia monialis & discipula in ejus vitâ, vir Apostolicus Pientius & Austrapius Dux per ordinationem Dei celeriter fecerunt. In quo Monasterio Sancta Regina mundi falsa blandimenta respiciens gaudens ingressa est, ubi perfectionis ornamenta conquireret, & magnam congregationem puellarum Christo nunquam morituro sponso aggregaret.* Hujus ardentissimo amore cum flagraret, haud prius acquiescendum sibi putavit, quàm Reliquias de sacra ejusdem Crucis nancisceretur. Igitur, conscio Clothario Rege, Clericos Constantinopolim transmisit, qui ab Imperatore Justino vivificæ Crucis, fragmentum efflagitarent. Voti damnata salutiferum illud lignum magna pompa ac celebritate in Basilicam inferri curavit; quod deinceps Monasterio nomen dedit, ita ut ab eo tempore *S. Crucis* nuncupari cœperit. Quò Christi verò, divini sui sponsi, qui Patri obediens factus est usque ad mortem Crucis, vestigiis pressius insisteret, abbatissam instituit, cui ipsa magna obediit humilitate. De Sanctâ hac Regina videor mihi rectè dicturus, quod anno MDCXXI. Gregorius XV. Pont. Max. ad Venerab. Margaritam à Cruce, Maximiliani II. Imp. filiam, sanctimonialem Ordinis S. Claræ perscripsit: *Latius planè & felicius regnas arctis Monasterii finibus conclusa Christo inserviens, quàm si amplissimas regnatricis Domus tua provincias ditione teneres. Principibus enim homines quidem plerumque coacti obtemperant; iis, qui Crucem sceptris pratulerunt, cælum ultrò favet, & Angelici catus famulantur,*

(1) Athicæ,

Vivebant in Pictaviensi S. Crucis Monasterio, teste Gregorio Turonensi (m) *Sanctimoniales ad numerum circiter ducentarum, quæ per illius (Radegundis) prædicationem conversæ vitam sanctam agebant, quæ secundum sæculi dignitatem non modò de senatoribus, verùm etiam nonnullæ de ipsa regali stirpe hac religionis forma florebant.* Miro ac incredibili eas amore complexa sæpius monebat, in Monasterio S. Crucis haud mollem, suavem, atque delicatam vitam, sed Cruci Christi conformem, duram, rigidam, & austeram esse ducendam. Fieri non posse, ut à vitâ monasticâ bajulatio Crucis separetur. Quæcunque se ipsam abnegare, tollere Crucem suam, & sequi Christum nolit, illam debere non modò monacham se non putare, sed ne Christianam existimare. Contra verò quæcunque nunc sublatâ Cruce Christi præeuntis pressura sit vestigia, eam etiam certo certius secuturam esse Agnum, quocunque ierit. Conjuncta esse Monasterium S. Crucis, & regnum gloriæ; ab illo in isthoc transiri.

Insignis hic Partheno Regibus Franciæ speciali semper curæ fuit, uti indicio est Ludovici Pii capitulare circa an. 822. apud Stephanum Baluzium, quod totum est de hoc Monasterio. Erat ex Monasteriis, quæ ab omni militia, & dono immunia, solas preces & orationes Imperatori debebant, ut ex notitia ea de re facta in conventû Aquisgranensi perspicuum sit. A Pipino Rege Aquitaniæ, Ludovici Pii filio, in præcepto, (n) quod Kalendis Aprilis anno Imperii Ludoviciani duodecimo, Regni verò sui undecimo pro Pictavensi Parthenone emisit, *Monasterium Sanctæ Crucis* vocatur; hodie *Sainte Croix de Poitiers*. Cœnobium igitur à S. Radegunde Regina conditum etiam nunc sub S. Crucis titulo illustre perseverat, Ordini Benedictino additum.

Mona-

(m) Lib. de Glor. Confess. cap. 106. (n) Vide illud apud Goint. *Annal. Eccl. Franc.* tom. 8. ad an. 825. n. 2. p. 717.

§. V.

Monasterium Sanctæ Crucis Burdigalense.

S*ancta Crux*, Gallicè *Sainte Croix de Bordeaux*, olim extra, nunc intra muros Burdigalæ, primò condita à Rege Clodovæo II. traditur, qui anno 650. Gallis & Aquitanis imperabat; Carolus Magnus Monasterii à Saracenis anno 729. direpti primus reparator creditur, cujus notitia habetur in indiculo Abbatiarum, quæ in conventû Aquensi anno 817. Ludovico Augusto dona, vel solas orationes debebant. Secundus porrò restaurator extitit Guillelmus II. cognomento *Bonus Comes Burdegalenſis*, Guillelmi ex Endregothâ filius; is petente Frencardo, & assentiente Adelberto Pontifice Abbatiam S. Crucis Burdegalenſis renovavit, ut his membranis constat, quæ in tabulario regio civitatis asservantur, quarum tenorem ex originali etiam archivi Monasterii exscriptam, & in *Analectis lib. 3. Historiæ Beneamenſis cap. 4. editam*, doctissimi Fratres Sammarthani Galliæ Christianæ tomo IV. pag. 313. inseruerunt.

Regnante Guiseldo Comite, qui vocatur Bonus in civitate Burdegalenſi, convocavit majores domûs suæ quodam die, & ait ad illos: Date mihi consilium de hoc quod vobis loqui volo. Audio, quidd per multas regiones construuntur Monasteria ad servitium Dei faciendum in ordine Monachali, & volo, ut cogitatis & dicatis, in quo loco mihi dederitis consilium, ut pro redemptione animæ meæ, vel omnibus adjutorium facientibus, construat unum Monasterium intus civitatem aut foras. Erat autem juvenis eloquentissimus de nobili genere, literis eruditus, cujus nomen vocabatur Trencardus, loquutus est coram omnibus dicens; non est convenientia, ut tam perfectâ provincia, sicut ista est, sit extranea à consortio monachorum. Audivimus à multis senibus dicere, quod foras civitate in Oratorio, quod est in bo-

nore Sanctæ Crucis edificatum, ab antiquis temporibus fuisse habitatio monachorum non parva, sed à paganis est destructa; & est in meâ hereditate, & fuit antecessoribus parentibus meis. Et si tibi & omnibus placet, ut readificare velis, hoc quod ad me pertinet, ad servitium DEI faciendum ego derelinquam. Placuit hoc consilium Comiti, & omnibus, qui ibi aderant, scientes quod per voluntatem Dei evenisset. Venit Comes Guilelmus & cepit adificare & perseveravit. Cùm completa esset edificatio Monasterii, constituit XIII. Monachos & Abbatem XIV. cui nomen Helis in servitio Dei perseverantes; & congregans omnes Principes Burdigalensium, vocavit matrem suam nomine Entregodis, & uxorem suam Arenburgis, & venerunt ante altare, quod est in honore S. Crucis edificatum, & dixit coram omnibus, Guilelmus Comes: In nomine Sanctæ & individua Trinitatis ego Guillelmus filius Raimundi Comitis do istas terras cum ista vinea, & Ecclesia Sancti Hilarii de Ortellano cum omni ei pertinente & villâ quæ vocatur Solaco, cum oratorio Sanctæ Dei genitricis Mariæ, cum aquis dulcis, de mare Saliffa usque ad mare dulcia, cum montanis, cum pineta, cum piscatione, cum cuncta prata Salnicina, capiente cum servis & ancillis. Cuncta hac do Deo, & hoc altare in honore S. Crucis edificato, à constitutione hunc locum, & Dei servitio adimplendum. Si quis verò, quod futurum esse non credimus, voluntati nostræ, vel quislibet adinventionibus, aut aliquis de heredibus nostris cupiditas --- vel quælibet persona obviis vel repetitor extiterit, à conventu omnium Christianorum, vel liminibus Ecclesiarum extraneus habeatur. Et Juda traditoris Domini nostri Jesu Christi perfruaturs consortio, insuper etiam partibus ipsius Monasterii, vel fratrum ibidem consistentium, sociato quoque cum exactione sacratissimo fisco aurum libras centum, ac argenti mille, coactus exolvat, & quod repetit, nullatenus valeat vindicare. Sed præsens donatio, quæ à nobis pro amore Dei Ecclesia Sanctæ Crucis conscripta est firma & illibata omni tempore valeat permanere, cum stipulatione subnixâ.

Actum

Actum ibi, signum Guillelmi Comitis, signum Adelberti Archiepiscopi.

§. VI.

Talmontense Sanctæ Crucis Monasterium.

TAlmundum oppidum cum castro in Britannia Minori situm est. Principatus titulo insignē illustrissimam Tremoliā gentem veneratur. Hic anno MXLVI. sub invocatione Sanctæ Crucis Monasterium Ordinis Benedictini conditum fuit. Fundator erat Wilhelmus I. cognomento Calvus, Talemontensis castri princeps ac dominus. Ejus insignem in S. Crucem pietatem diploma foundationis testatur, dignum sanè, ut ab iis, qui Monasteria ejectis Monachis hodie occupant, quique eorum bona, quibus ex fundatione competunt, injustè usurpant, attentā mente perlegatur. Sic verò incipit: *Quisquis Domino domum pro posse dignam pręparat in terris, par est, ut ei Dominus domum non manufactam conderet in cælis. Ipsi autem nusquam melius edificatur domus, quàm in piis mentibus, Christumque sincerè diligentibus. Sed hanc edificare non nisi paucorum est, & Regi cælorum violentiam irrogantium. Multi namque huic mundo dediti, quanto actionibus hujus sæculi promptiori student animo, tanto pigriores ab hoc torpent edificio. Unde factum est, quia dum animadverterem quo poteram intelledu ego Willielmus Talemontis Castri Princeps, & Dominus me parum ab illis distare, quibus dicitur, vos estis templum Dei, utpote hujus sæculi curis impeditus, mecum deliberavi Ecclesiam ex proprio facere, quatenus inter filios computari merear Ecclesia, ut qui videlicet vacare non possem, quo Domino digna facerem, illi saltem per me domus haberent, in quibus Dominus habitaret. Hanc prope denominatum meum castellum construi placuit in honorem Dominicæ Crucis; ut cum in ultimo die examinis ipsa Crux sacrosancta apparuerit, magnum fiat præsidium tam mihi quàm*


quàm liberis meis, & omnibus propinquitate conjunctis. In hac igitur monachos sub normâ Sancti Benedicti Christo militaturos aggregavi, quorum assidua pro nobis apud DEum oratio fiat efficax intercessio. His ad victum vel vestitum, vel aliquem alium usum de propriis rebus aliqua largitus sum: scilicet (Hic bona, quibus Monasterium dotatum est, longo ordine recensentur: tum Fundator subjungit) Ubi verò ego Wilhelmus persenssi adesse diem mortis meae, suscepi monachislem habitum in hoc eodem Monasterio, quod construxeram in honorem Sanctae Crucis, & convocans omnes Barones meos, quos de diversis regionibus adduxeram, quosque in isto meo honore placitaveram, eos multum rogavi, ut secundum suum posse Ecclesiam, quam edificaveram, de rebus, quas eis dederam, augmentarent --- Hujus donationis tot ferme testes existunt, quot Talemontis pagi accolae inveniri possunt. Verum ne posteritas neglectrix nostra, suaeque salutis, quasi praeceptorum ignara, cupiditate ducta, hac quandoque infringere praesumat, idcirco stylo memoriae commendo, meque auctoritate & filiorum meorum Wilhelmi atque Pipini, unum cum filia mea Ascelina, voluntaria stipulatione per hanc chartulam roboro, sancio, atque confirmo, sub testimonio legitimorum virorum, quorum haec sunt nomina, videlicet Ramnulfus de Bullo, & filii ejus Petrus & Ramnulfus Arbertus, Bastardus, Ascelinus senex, Aimericus Rufus, Stephanus Vinderiam, Abel Barbatus, Annonius Pincerna, Mathurinus, Camerarius, Joannes & Isembertus frater ejus, Cochteas Marefcallus. De Clericis verò Ademarus, Garinus Thecardus, Bartholomeus, Gauterius, Hilarius, & alii multi. Ita Wilhelmus Senior ac Fundator, in suo instrumento; qui in hoc eodem S. Crucis Monasterio habitum Benedictinum suscepit. Wilhelmus verò junior, Senioris filius, & Talemontis castri dominus, à pietate patris erga S. Crucem non alienus, votum ejus adimplevit. Primus Abbas fuit Vitalis, vir vitae ac morum sanctimonia Venerabilis, quem ex Monasterio Ruyensi evocatum Wilhelmus junior huic S. Crucis cœnobio praefecit. §. VII.

§. VII.

Cella Begonis Monasterium S. Crucis.

Commune illud ac vulgare, quàm plurimas sacri Ordinis nostri Ecclesias in formam Crucis esse exædificatas; sed illud penitus peculiare ac minimè frequens, quina Monasteria eò sitû ac collocaione fuisse constructa & disposita, ut schema Crucis efformarent. In monte Vosago, qui Lotharingiam ab Alsatiâ dirimit, cùm multa essent Monasteria, potiora quinque erant in modum Crucis disposita. Bodonis Monasterium virginum à Bodone Tullensi Episcopo, Sanctæ Salæbergæ fratre, quasi in capite conditum ad septentrionem, cui Thietbergam filiam præfecerat; Senoniense ad Orientem à Gundelberto Senoniensi Præsule; Stivagium ad Occidentem incerto auctore; Juncturæ ad Meridiem quasi in pede Crucis, à Deodato Nivernensi Episcopo, ac Medianum Monasterium in meditullio positum, quod Hildulfus Trevirensis antistes ædificavit. Et hinc est, inquit Humbertus Belhomme in Historia Mediani Monasterii pag 39. quòd prædicta quinque Monasteria, positionis illorum habitâ ratione à quibusdam authoribus repræsentantur in modum Crucis, ut sequitur.





Ab hoc ipso S. Episcopo, postquam abdicata dignitate in Vosagum secedens Monachus & Abbas Medianensis Monasterii factus est, in loco, qui olim à donatore viro nobili, Beggonis cella, nunc S. Blasii dicitur, Monasterium S. Crucis ædificatum fuit, ad quod S. Spinulum transmisit, cum multis sui cænobii monachis, quibus eum Abbatem præstituit.

In vitâ S. Hildulphi fundatio Monasterii S. Crucis his verbis describitur: „ Quidam vir Bego dictus nomine, sancti
 „ viri necessitati communicans, rerum suarum aliquid usibus
 „ fratrum, sub beato viro Deo militantium, delegare stude-
 „ duit, atque locum, qui hodie usque Begonis cella dicitur,
 „ & partem Vosagi, quæ Fulchodi rupes appellatur, destina-
 „ navit. Denique vir Dei Hildulfus in cella jam dicta ho-
 „ nori sanctæ scilicet Cruci dicata, virum summæ humilita-
 „ tis & obedientiæ, Spinulum nomine constituit, in quâ
 „ idem homo fideliter Deo serviens; post multiplices in
 „ Christi agone labores, ac numerosa miraculorum insignia,
 „ vitæ æternæ consecutus est præmium. Sepultum verò
 „ terris, ut apud se vivere Deus demonstraret in cœlis, om-
 „ nibus infirmantibus ad sancti viri tumulum venientibus
 „ voluit subvenire. Quanti ibi paralitici, venis redintegratis,
 „ solidati sunt, verbo aut scripto non faciliè explicabitur.
 „ Omnis cœcitas clarificata lumine diem micata obstupuit.
 „ Universa debilitas, ibi recuperatis usibus, robur amissum
 „ persensit. Unde turbis irruentibus reperta est aqua salissi-
 „ ma. Cupiditate igitur salutis, habilitate loci, aquarum
 „ abundantia populi confluentes, forum ibi statuere tenta-
 „ verunt. Quam inquietudinem vir Dei Hildulfus sentiens
 „ indoluit, & baculo artus regente, Ecclesiam, ut ei moris
 „ erat, oraturus intravit. Deinde oratione expleta; surre-
 „ xit, & ad tumulum S. Spinuli venit, atque ut erat piæ
 „ mentis, ora perfusus lacrymis inquit: Gratias, frater Spi-
 „ nule,

„ nule, Deo agimus, quod te in pacis regione quiescere cre-
 „ dimus, & apud omnipotentem Deum posse plurimum con-
 „ fidimus. Nosse te etiam scimus, quomodo & quare nos
 „ (scilicet desiderio liberius vacandi orationibus ac deser-
 „ viendi Deo) tumultu populorum relicto in hanc solitudi-
 „ nem devenimus. Tu igitur tranquillitate potitus, nostri,
 „ qui in viâ mortis sumus & interejus pericula fluctuamus,
 „ miserere oramus: (quin etiam sisas est, exigimus illa ipsa
 „ virtute præclaræ maximæque obedientiæ, quæ in te re-
 „ fulsit dum temporaliter viveres, cujusque merito æterna-
 „ liter, ut evidentibus & quotidianis signis liquet, gaudes,
 „ ne popularibus negotiis religionis monasticæ indicibilis
 „ periculationis procellam fuscites.) Si enim hac populo-
 „ rum confluentia pressi fuerimus, non parùm à proposito
 „ declinabimus (quoniam paulatim secularium jurgiis &
 „ causis, ac sic nimio pulvere infecti atque foedati, omnium
 „ mundissimo minimè inhærebimus creatori; quodque absit,
 „ ordo monasticus, hîc jam Deo propitio stabilitus, pessum
 „ dabitur funditus) Licet enim, Deo cooperante, subsidia
 „ corporum nostro conferantur loco, tamen animarum ti-
 „ memus pericula. Unde concurrentium comprime turbas,
 „ & hilarem affluentemque datorem Deum pro nobis implo-
 „ ra, ut benedictionis ejus sentiamus gratiam; quatenus (pe-
 „ nuria necessarij victus ac vestitus expulsa, occasioneque la-
 „ queos deceptionis aptandi invidiosissimo diabolo sublatâ)
 „ impleamus nostræ professionis vota. Tunc verò videres
 „ spiritum carne solutum & vitâ potitum, obedire mortali,
 „ ac si idem teneretur adhuc vinculo carnis. Nam signis
 „ cessantibus, venisque cohibitis salinarum, frequentia quo-
 „ que desinit populorum (ad confutandam tamen impru-
 „ dentem garrulitatem invidorum & incredulorum, datur
 „ ibidem usque hodie prospici evidentissima indicia trium
 „ quondam puteorum. Denique sanctus finita prece, ac
 „ que-

„ querimonia , alacer ac fidens se jam consecutum optata,
 „ ad fratres regressus, sollicitos vigilésque orationi insistere
 „ hortatur, quo repressa concursante turba ab Omnipotente
 „ consolatio voluntariæ paupertatis aliunde eorum dirigere-
 „ tur) Hæc acta fuerunt in Monasterio *Santæ Crucis*, quæ
 „ uti Monachos etiam post mortem obedire docet, ita obe-
 „ dientes exaltat, eisque nominis confert immortalitatem.

§. VIII.

Kemperlegiense S. Crucis Monasterium.

ARmoricæ inferioris civitas Kemperlegium, inter duos am-
 nes, Elegium scilicet & Idol, constructa; ab antiquis
 ejusdem regionis colonis, Avantot nuncupata: in quâ Mo-
 nasterium Ordinis S. Benedicti, Diœcesis Consopitenensis olim
 quidem à Karadoco, sive Guerek cognomento Brechbras, Ve-
 netensi comite, in honore Sanctissimæ Crucis fundatum, anno
 circiter DL. Verùm bellorum incendio conflagratum, & di-
 rutum ab Alano Cornubiæ Comite, cognomento Caignart
 restauratum, & dotatum tempore Alani hujus nominis tertii
 Britonum Ducis: Cujus restorationis hæc præcipua extitit
 causa, infirma scilicet valetudo Comitis, qui gravissimo lan-
 guore detentus, cùm multa in medicos insumpsisset, nec sa-
 nitatis fructum inde perciperet, fuscis lacrymis nocte ac die,
 Deum precatus est; & ecce, ut tradunt, aurea Crux, coru-
 sco lumine splendens, in os suum descendere visa est; statim-
 que pristinae sanitati redditur. In tanti beneficii gratiarum
 actionem de restaurando Kemperlegiensi Monasterio cogita-
 vit, quod & fecit de consensu conjugis suæ Judith, Judicæ-
 lis Nannetensium Comitis filia: cum consilio Oriscandi Co-
 risopitenensis Præsulis, supradicti Comitis Alani fratris. Pro
 hujus autem Monasterii stabilitate, ad usum Monachorum

ibidem Deo fervientium, quos è sacro Rotonensi cœnobio, Catualano ipsius Monasterii Abbate, & fratribus assentientibus adduxit, dedit ipsemet, Oriscando Episcopo, & Optimatibus Cornugalliæ præsentibus, totam Insulam Guedel, vulgò Belle Isle, cum omnibus redditibus suis, liberam ab omni calumnia, & exactione census in Abbatia sempiterna. Acta hæc sunt die festo exaltationis Sanctæ Crucis, quo die S. Gurloësius, Rotonensis primùm Monachus, deinde Prior, vir summæ honestatis & disciplinæ Abbas ab Oriscando benedictus est. *Vide Fratrum Sammarthanorum Gallie Christianæ tomum IV. pag. 1551.* Adde Mabill. Sec. Ben. VI, part. 2.

§. IX.

Monasterium S. Crucis Busendorffense.

Monasterium Busendorffense, Gallicè *Bouxonville*, Latinè *Bosonisvilla*, illustrissimos habuit conditores, Adalbertum Comitem Alsatiæ, fratrem Gerardi Comitæ Metensis, Serenissimæ Domûs Lotharingicæ propagatorem, atque ejus conjugem Juditham, quæ fuit soror Sigefridi primi Comitæ Lucemburgensis & Godefridi Comitæ Viridunensis. Discimus hoc ex foundationis instrumento, (c) cujus initium asserere liceat: *Anno ab Incarnatione Dominica MXXXIII. Indictione 1. epacta 16. concurrente 7. pridie Kal. Februarii, regnante Imperatore Conrado, rogante glorioso Comite Adalberto unâ cum optima ac Christianissimâ conjuge sua Juditha, dedicatum est Oratorium à sancto ac venerabili Metensi Episcopo Deoderico II. in honorem victoriosissimæ Sanctæ Crucis, & Sanctæ Mariæ perpetuæ Virginis, ac S. Petri, ac multorum Sanctorum Dei, Comes præfatus eodem die de foro Tullensi, centum solidos & viginti denarios*

(c) Vide integrum apud Galmet Hist. Lothar. tom. 1. probat. pag. 543.

rios tradidit, pro dote dedicata Ecclesie &c. Florente adhuc copia mundi Adalbertus Comes Marchio, & uxor ejus Juditha, omnem spem salvanda anima ponentes in Domino, ipse perrexit Hierosolymam propter Sancti sepulchri amorem. Ipsa interim domi residens Monasterium BOSOMSVILLÆ construxit reverenda Crucis in honorem. Comes autem dum Hierosolymam pervenisset, studium uxoris suæ non celavit auribus Domini Patriarchæ, qui sibi cum aliis reliquiis dederat partem non modicam Dominicæ Crucis. Unde nimium gavisus, ut est in patriam reversus, mox Theodericum Metensem invitavit Episcopum, ut in honorem S. Crucis præfatum benedixisset locum, quem prius allodiis & mancipiis patrisque sexus liberalissimè dotavit, rebusque Ecclesiasticis auro vel argento exornavit, congregans illic Monachos, qui Deo & Sanctis ejus servirent studiosè, datis eis victus ac vestitus necessariis copiosè. His ita ritè dispositis, Comes supradictus post annum moriens in choro S. Crucis est sepultus, & uxor ejus Juditha in medio Monasterii sepulta.

Novum S. Crucis Monasterium Divo Popponi Abbati Stabulensi, ac celeberrimo Monasteriorum Ordinis Benedictini Reformatori moderandum commissum fuit, qui Cunonem eidem primum præfecit Abbatem. Ita Everhelmus Abbas Altimontensis in vita S. Popponis his verbis testatur: *In Busendorff, quod largiente sibi Adalberto Comite in manus venerat, sub Cunone, quem Rectorem illic subrogaverat, Monachorum gregem aggregaverat.* Hujus consilio Gerardus Comes & Marchio cum uxore Gisila invitavit Leonem IX. Romanum Pontificem, (p) qui altare S. Crucis Pontificalibus decoravit donis. Ita enim in Foundationis instrumento post allata verba de morte & sepulturâ Adalberti & Judithæ immediatè subjicitur: *Successitque eis Gerhardus Comes Marchio filius, qui*
cum

(p) Seu potius Brunonem, tunc Tullensem Episcopum, qui post mortem Gerardi Comitis factus est Papa Leo IX. anno 1049. Ita in notis ad hoc Instrumentum Abbas Calmet in Probat. ad Tom. 1. Histor. Lothar. col. 543:

cum uxore suâ Gisila locum præfatum omni custodiens diligentia Monachis præposuit Cunonem, ejus consilio invitavit Romanum Pontificem domnum Leonem, qui altare Sanctæ Crucis Pontificibus decoravit donis &c.

Crucis Sanctæ portio, quam Adalbertus Alsatiae Comes ex Palaestina secum attulit, usque ad hodiernam diem Bosonivillæ ostenditur; quæ uti toti provinciæ permagnæ venerationi, ita non minori est solatio.

§. X.

Monasterium S. Crucis apud Firmanos.

Theodosius, sive Hedosius Firmanæ Ecclesiæ in Italia Episcopus ordine XV. ad quem Papa Joannes VIII. literas dedisse legitur, floruit circa annum octingentesimum octogesimum. Cum erga sacram Christi Redemptoris Crucem admodum esset devotus, in ejus honorem Ecclesiam cum Monasterio construere decrevit. Fecit hoc in quadam suæ diocesis Insula, fluminibus Etha & Clento circumdata. Dotem assignavit ex bonis Firmanæ Ecclesiæ, quæ ab ipso magnis accessionibus aucta fuerant. Non parùm etiam Carolus III. Imperator contribuit, qui hanc institutionem cum Canonicis ejusdem Ecclesiæ ratam esse jussit. Postquam Ecclesia S. Crucis cum Monasterio ad fastigium perducta fuit, eam Theodosius anno 887. die 14. Mensis Septembris consecravit. Cui solemnitati præter magnam Episcoporum ac Principum frequentiam ipse Carolus Imperator interfuit, uti liquet ex regia donatione ejusdem Augusti in favorem Monasterii S. Crucis factæ. Cujus originarium diploma asservatur in Archiepiscopali Archivio. Nobis sufficiat ex instrumento foundationis à Theodosio factæ initium attulisse.

In nomine Patris, & Filij, & Spiritus S. Dominis venerabilibus, sanctissimisque successoribus nostris Episcopis, seu Christicolis omnibus, qui Dēum metuere ac venerari penitus noscuntur. Notum facimus, quoniam consensu, consilioque omnium venerabilium Episcoporum in Ducatū Spoletano degentium, ego Theodosius divina gratia S. Firmiana Ecclesia Episcopus in rebus S. Maronis Martyris Christi, in quadam insula, à Domino meo Carolo invictissimo Imperat. Augusto, & à me ipso olim inventa fluminibus circumdata, Etha videlicet & Clentho, plena vepribus atque fruticis solita ante Domini gratia ob amorem D. N. Jesu Christi & ejus vivifica Crucis, Basilicam ibidem à fundamento construi praecepi & edificari, & per me primum & alios Episcopos consecrari volui, & Monasterium in ea fieri decrevi. Accersitis itaque confacerdotibus meis communi consilio, Sancto Spiritu inspirante, eam in honorem divini Salvatoris, sanctaeque ejus vivifica Crucis consecrare curavi, & quoniam olim tenebrarum habitatio, cavernaque vulpium, nunc autem videtur Domini adminiculante gratia domus Dei, & habitatio sanctorum, fervore Dei succensus Monasterium ibidem ordinavi. - - - Actum est hoc apud dictum Monasterium in consecratione ejusdem D. Carolo Serenissimo Imperatore presente cum multis principibus, clericis, & laicis, Mense Septemb. die 14. intrante anno Domini Incarnat. 887. Indiſt. 5. anno Imperii D. Caroli in Italia 6. Vid. Ughell. Ital. Sac. tom. 2. c. 746.

Plura alia in honorem S. Crucis vel creſtae, vel sub ejus titulo dedicata Monasteria Benediſtini in Italiâ possident. Atque ut de Monasterio S. Crucis in Jerusalem Romæ quod S. LEO IX. P. M. Benediſtini inhabitandum dedit, illi verò cum Cœnobio S. Mariæ in Palladio commutarunt, nihil dicam, Cœnobium S. Crucis apud Iſerniam Rodulfus de Moliſio Bovianenſis Comes Caſinatibus donavit. Monachus etiam Caſinas fuit Mainardus, quem Ughellius Ital. Sac. Tom. 1. *ſanctiſſimum* vocat. Hic celebre S. Crucis ædificavit Cœno-

D

bium

bium in territorio Fulginatense, quod hoc tempore Saxovivi Cœnobium vocitatur ab omnibus. Vide Gattol. in Hist. Casin.

§. XI.

Monasterium Sanctæ Crucis HELNESTOU.

KIntwino in Anglia regnante, circa annum 675. Cissa, virgo nobilissima, ac soror Heani, viri sancti, ac conditoris Monasterii Abendonienſis, ex portione hæreditatis suæ, consentiente Cissa subregulo, patruo an avunculo suo? construxit Monasterium Sanctimonialium juxtà Tamisiam in loco, qui *Helnestou* vocabatur, in quo plurimas congregavit Sanctimoniales, quarum ipsa mater & abbatissa extitit. Ipsa etiam amicorum suorum auxilio parvulam punctam de clavis Domini adquisivit, quam cum alio ferro inferere jussit, & inde Crucem præparare, & post terminum vitæ suæ super pectus suum ponere, & propter reverentiam Crucis illius, Monasterium illud in honore S. Crucis & S. Helenæ fecit dedicari.

Post mortem verò Cissæ translate sunt Sanctimoniales illæ usque ad Witteham, & iterum de loco illo propter bellum, quod erat inter Offam regem Merciorum & Kenewisum regem Westsaxonum, dispersæ sunt, & usque in hodiernum diem, quò devenerint, ignoratur. Succedentibus multorum annorum curriculis cùm susciperet Sanctus Adelwoldus curam Monasterii Abendonie, fecit ductum aquæ, qui est sub Monasterio, & molendinum sub curia. Cùm verò fossores foderent circa Monasterium *Sanctæ Helena*, invenerunt in fabulo Crucem ferream, quam Cissa abbatissa fecit ponere super pectus suum in sepulchro suo. Tunc translata est Crux illa in Monasterium Monachorum, & ibidem cum maximo hono-

honore & reverentia, usque in hodiernum diem conservatur & adoratur. Hæc est illa Crux gloriosa, quæ *Nigra* appellatur. *Vid. Monasticon Anglicanum Tom. 1. pag. 97.*

§. XII.

Monasterium Sanctæ Crucis Warwellense.

Alfritha, Edgari Angliæ Regis conjux privignum suum Eduardum, cui pater regnum reliquerat, operâ sicarii è medio sustulit, ut filio suo Ethelredo regium imponeret diadema. Rem crudeliter gestam Henricus de Knygton Canonicus Leycestrensis lib. 1. de Eventibus Angliæ ita narrat: (q) „ *Edwardus* filius Edgari juvenis auxilio Dunstani Cantuariensis Archiepiscopi, cæterorumque Episcoporum in regem sublimatur contra voluntatem quorundam optimatum, & potissimum novercæ suæ *Elfrithæ*, quæ filium suum Egelredum septennem in regem erigere conabatur, ut sic ipsa potius sub nomine ejus imperaret. Iste *Edwardus* regnavit tribus annis & dimidio in sublimitate. Cùmque *Edwardus* adhuc juvenis quâdam die pergeret venatum, dispersis commilitonibus suis in sylva accidit, ut solus lassus rediret per hospitium *Elfrithæ* novercæ suæ, quæ læta quod opportunitatem nocendi nacta esset, vultum quàm hilarem ei prætendebat, & gaudisuo honore eum recipiebat, & osculabatur eum fervidè, & dum ipse biberet, percussit eum una sica; ac ille percussus sic equum urgebat, redire ad socios suos, agitato equo uno pede lapsus. Alteroque per devia tractus undante cruore apud *Corinsgate* signa mortis dedit suis militibus, monstrando causam suæ interfectionis. Tunc ipsa ignobiliter apud *Warram* per triennium habitante, sepulto arriserunt divina miracula;

D 2

,, nam

(q) Scriptor. X. Rer. Anglic. pag. 2313;

„ nam cœlesti luce de summis emissa claudus recepit gressum,
 „ mutus, surdus, cœcus, organum cupitum, omnis denique
 „ invaletudo sospitatis sumpsit statum. Quo rumore atto-
 „ nita interfœtrix ipsius dirigit se tumbam ipsius visitare, &
 „ in jumentum vecta, quod quidem nec flagris, nec clamo-
 „ ribus minari potuit, mutatoque sæpius jumento in idem
 „ attemptavit, nec proficere valuit. Unde quod per ipsum non
 „ potuit, per alium effecit; nam *Elfredus* minister ejus cor-
 „ pus *Edwardi* apud *Septoniam*, quæ modò *Schaftisbury*, so-
 „ lenniter tumulavit. Succedente tempore pars corporis
 „ ejus apud *Leot* Monasterium juxtà *Herford*, pars apud
 „ *Abendon* translata est, locus verò apud *Septoniam*, ubi pul-
 „ vis ejus adhuc integra viriditate palpitat, *Edwardstove* nun-
 „ cupatur. Pro hac autem interfœctione *Elfritha* constru-
 „ xit duo Monasteria fœminarum, & ipsa deposita terrena
 „ pompa diu & dirè poenituit jugi cilicio, & jejunio cor-
 „ pus frangens, Cruces quas potuit insuper fronti & pectori
 „ imprimens, nec tamen omnino vindictam evasit. Hæde-
 „ nus *Knygtonius*; cui *Joannes Bromton*, Abbas *Jornalensis*,
 his verbis (r) astipulatur. „ Pro interfœctione autem istius
 „ Sancti Regis *Edwardi* prædicta *Alfrida* noverca sua duo
 „ construxit Monasteria fœminarum, unum videlicet apud
 „ *Wærewelle*, ubi & ipsa requiescit, & aliud apud *Amresbury*
 „ juxtà *Sarum*. Et quidem *Warewellense* Monasterium *Al-*
frida in honorem S. Crucis ædificavit, ut ex Monacho *Wi-*
gornienſi, qui *Florentii Wigornienſis Chronicon* continuavit,
 non obscure intelligimus. (s) Hoc Monasterium regnante glo-
 „ rioso Anglorum rege *Eadgare* *Alfrida* uxor ejus (compuncta pri-
 „ vigni sui nece) ædificavit in honorem Sanctæ Crucis. Bello au-
 „ tem flagrante, quo *Stephanus Angliæ Rex* captus est, & ip-
 „ sum miserè conflagravit. Nam milites *Henrici Episcopi Win-*
tonienſis dum nescio quem *Joannem* ex hostium numero ad
 align="right">Mona-

(r) l.c. pag. 875. (s) pag. 678.

Monasterium Warwellense fugientem persequuntur, nec inde ullo modo expellere valuisse, *in ipsa die festivitatis Exaltationis Sanctæ Crucis, immisso igne ipsam Ecclesiam Sanctæ Crucis cum Sanctimonialium rebus & domibus cremaverunt, indumentis eorum & libris cum ornamentis inclementer ablatis, sanguine quoque plurimo coram sancto Altari horribiliter effuso.* Et hæc quidem fecerunt milites Henrici Episcopi Wintoniensis in Monasterium & Ecclesiam S. Crucis; de ipsius verò impietate erga Crucem à S. Canuto Rege in Ecclesia Monasterii S. Grimbaldi erectam Capite III. dicturi sumus.

§. XIII.

Monasterium Sanctæ Crucis Donawerdanum.

QUOD Werdeæ Suevicæ, seu Donawerdæ, Danubianæ Peninsulæ, inclytum hodie est Virorum Monasterium, primitus annis abhinc propemodum mille Parthenium Ordinis S. Benedicti fuit. Annus agebatur circiter septingentesimus septuagesimus, cum Thassilo celeberrimus ille ac potentissimus Boiorum Princeps ac Dux pro sacris Benedictinæ Familiæ Vestalibus hîc loci Cœnobium excitavit. Stetit illud, quoad eandem experiri fortunam debuit, quam tot aliæ Ecclesiæ, Monasteria, ac oppida in Germania, ab effera Hunnorum gente funditus eversa subierunt. Tum verò Partheno, Sanctimonialibus aut cæsis, aut in fugam actis, igne absumptus, dirutus, soloque ferè æquatus incolis tamdiu caruit, donec illum Mangoldus Senior, Comes Werdenfis, multarum ditionum Dynasta cum Tutta conjugæ suæ circa annum 1030. restaurare cœpit. Ut verò sacrum hoc ædificium moliretur, præprimis impulsus fuit ab insigni Sacrosanctæ Crucis portione, quam, dum nomine Imperatoris Conradi Salici legatione Constantinopoli fungeretur, secum

ex Græcia attulerat. Hanc enim ut decenti reponeret loco, Ecclesiam, cum Virginum Monasterio recondidit, dignus sanè, quàm Vestales Werdenses, alterum à Thasilone Fundatorem venerarentur. Prima instaurati Patthenonis Abbatissa fuit Gunderada, ipsius Mangoldi & Tuttæ Comitum ac Fundatorum filia, quam S. Leo IX. Pont. Max. cùm à Moguntina synodo Romam versùs rediret, itérque per Sueviam ac Bavariam haberet, instituit ac benedixit. Adhæc Ecclesiam sub titulo *S. Crucis* tertio nonas Decembris consecravit, ejúsque honoribus Monasterium esse sacrum voluit.

Lapsû temporum disciplina regularis, ut fit, non remissa solùm, sed, quod ferendum non erat, collapsa fuit. Unde fragiliori sexû amoto sacratior virorum colonia subrogata fuit. Hanc Asceterium S. Blasii in sylva Hercynia, celebre postulatorum Abbatum & Monachorùm Seminarium, submit. Factum id Anno Christi MCI. ut ex Bullâ Innocentii II. specialiter in id impertita diductiùs sit perspicuum: *Innocentius Episcopus servus servorum Dei dilecto in Christo filio Dietrico Abbati Monasterii S. Crucis de Werd ejúsque successoribus regulariter substituendis: Quemadmodum ex gestis prædecessoris nostri sanctæ memoriæ Leonis IX. Papæ didicimus; nobilis quondam vir Mangoldus de Werde devotionis intuitû Monasterium in castro suo construxit, quod B. Petro Apostolorum Principi offerens fecit in honorem Sanctæ & vivificæ Crucis per manus ejusdem Pontificis consecrari, & Sanctimoniales faminas ibidem Deo servituras instituit. Factum est autem, ut eodem Cænobio per operam pravorum hominum diruto, atque devastato alter Manegoldus jam dicti nobilis viri filius ab Apostolica sede obtinuit, ut sibi licentia præberetur, idem Monasterium ad alia loca transferre, ac per hoc juxtâ ipsum castrum in planitie terræ fundavit Ecclesiam, & Sanctimoniales ibi ad Dei servitium deputavit. Quibus utique tam religione quam numero decrefcentibus tertius Manegoldus prædecessorem nostrum cgregia recordationis Paschalem Papam humil-*

militer adit, & ut amotis Sanctimonialibus in eodem loco Monachi ponerentur, expetiit. Cujus petitioni Romanus Pontifex benignè consensit, & Gebhardo quondam Constantiensi Episcopo, tunc Apostolica sedis Legato per sua scripta mandavit, ut videlicet de cella S. Blasii Monachi assumerentur, & in eodem Monasterio ponerentur. Quod cum præfatus Episcopus implevisset, idem locus tam in temporalibus, quàm in spiritualibus, Deo gratia sint, plurimum augmentatus est.

Bullam Leonis IX. cujus Innocentius hîc meminit, Capite sequenti daturi sumus, ubi de insigni particulâ S. Crucis quæ in Donawerdano Monasterio asservatur, narratio nobis instituenda est.

§ XIV.

Monasterium Sanctæ Crucis Wolffenheimense.

S. Leonis IX. Romani Pontificis Majores erant præpotentes in Alsatia Comites, qui post egregia armorum facinora circa senium, abjecta omni superbia generis & luxu mundi, induerunt humilitatem & paupertatem Christi, patrimonia sua dando Ecclesiis, Cœnobîa construendo in suis, & ex suis prædiis: sicque tandem perfectè secuti Christum seipsos etiam abnegarunt; stultâque sapientia seculi omnino posthabita sapienti stultitiâ Dei, atque Monastico habitui tota cordis contritione submiserunt laudabilique per cuncta sine decesserunt. A tantæ pietatis ac virtutis Majoribus Leo traxit genus & originem. Parentes fuerunt Hugo & Helvidis, piissimi conjuges. Editus verò est in lucem Anno MII. toto corpore Crucis signis insignito. In juventute cum nocte quadam somnum caperet, à stygio bufone graviter in facie fauciatus fuit. Nec mortem evasisset, nisi S. P. Benedictus attactu sacræ Crucis ei opem tulisset, prout capite V. uberius dicturi sumus.

Quæ

Quæ ratio forſan erat, quâ ejus parentes permoti fuerunt, ut Wolfenhemii propè Engesheimum caſtrum ſuum conderent in honorem S. Crucis Monafterium. *Hugo Comes praci-
pius*, inquit Wibertus in vita S. Leonis, auctor cœvus, & ejus devotiſſima conjux, parentes utique præſati Domini Brunonis (hoc enim nomen Leo è ſacro fonte tulerat) Cœnobium remota vita aptiſſimum conſtruxerunt, *Wolfenheim*, penes nobile caſtrum ſuum Eginisheim dictum, ex prædiorum ſuorum decimis, in quo ad præſens ſanctimonialium congregatio conſiſt, ad venerationem & gloriam almae & victoriſſimæ Crucis. Situm erat (hodie enim ejus tantum rudera extant) in Alſatia ſuperiori haud procul à Columbariâ urbe, *Colmar*. Porro ſtatuerat beatus Pontifex, ut qui ex generis ſui poſteritate major natus in caſtro Eginisheim moraretur, advocatiam Monafterii haberet, ut diſcimus ex Episto-
la 14. lib. 2. Gregorii Papæ VII. Exemit etiam illud à jurisdictione Episcopi dioceſani. Cujus exemptionis privilegium aſſert Abbas Calmet in Codice probationum Tom. 1. Hiſtoriæ Eccleſ. & Civil. Lotharingicæ. Tenerrimæ verò ſunt devotionis verba quibus idem Sanctus Pontifex ſalutiſeram Crucem in hoc ſuo privilegio alloquitur. Ita ſtatim initium ab exclamatione facit: *O Sancta & admirabilis Crux, in qua Jeſus Chriſtus Dominus noſter pependit. --- Sancta ac vivifica Crux -- memoranda gloriſſima Crux. -- O Crux ipſo ſole nitidior, cunctiſque creatis pretioſior. Quicumque contra memoriale iſtius libertatis quid tentaverit incurrat à te O Crux metuenda maledictionem.*

Cæterum S. Leo Pont. Max. alias plures cùm Eccleſias tum aras in honorem S. Crucis, quandoque non ſine ingenti prodigio, conſecraſſe legitur; de quibus inſtituendi narrationem alio loco commodior erit occaſio.

§. XV.

Monasterium Sanctæ Crucis Wiblinganum.

EMinebant inter Sueviæ Proceres Hartmannus & Otho, germani fratres, illustres ac opulenti Comites de Kircheng. Quâ vero tempestate Godefridus Boullionius, aliique Christiani Principes expeditionem sacram in Orientem susceperunt, ut Palæstinam à Saracenis occupatam recuperarent, & ipsi contra hostes Crucis arma in Orientem ferre constituerunt. (†) Adedò verò incaluère fide generosi pugiles, ut ejusdem terræ sanctæ restituendæ gratiâ, nihil expensarum omiserint, editò priùs votò, ut si salvi forent ac reduces, in honorem Sanctæ Crucis, sub cujus præsidio expeditionem susceperent, atque perpetuum S. Martini, militum Patroni, cultum, cujus patrocínio fulti tanta auderent, Monasterium sint condituri, prout Felix Fabri Civis Ulmenfis è sacrâ Prædicatorum Familia in Chronico Ulmensi attestatur. (u) Ejus verba hæc sunt: *Hartmannus & Otho Fratres, devotione fidei accensi Crucem cum ceteris Principibus, Comitibus, Baronibus & Nobilibus sumpserunt armati, & Cruce signati ad pugnam contra Infideles. pro civitate Sanctâ Jerusalem. Sed ut Sancta Crux, sub quâ pugnare volebant, & cujus signum vestibus suis assutum habebant, eos protegeret & defenderet, in perpetuum Crucis honorem & suæ signationis memoriam, præter expensas in passagio habituras, pecuniam copiosam elargiti sunt, conductis architectis pro fundatione; ut sic unico talento Crucis suscepto non tam dupla, quàm tripla talenta redderent, scilicet animas pro orthodoxa fide, corpora pro Jerusalem sancta civitate, quatenus in transmarinis partibus Crucis blasphematores gladio enecurentur, & cum hac in suis partibus Crucis adoratores, in ampliorem ejus amorem inducerentur.*

E

Jero-

(†) Vide Templum Honoris Wibling. pag. 5. (u) Ibid.

Jerosolymâ expugnatâ, generosi juxtâ ac pii fratres de re-
ditû cogitarunt. Romam verò delati, ut limina Sanctorum
Apostolorum salutarent, à Romano Pontifice insigni Sanctæ
Crucis particula donati fuerunt. Quô autem decentiori loco
hanc reponerent, atque in Monasterio, quod in honorem
ejusdem salutiferi ligni extruere cœperant? Est igitur Wiblin-
ga propè Ulmam, celeberrimi nominis Urbem Imperialem,
sitâ, Monasterium Sanctæ Crucis, in quo ejusdem veri ado-
ratores non pauci ab annis hinc sexcentis vixerunt: Mona-
chi, inquam, qui crucifixerunt carnem suam cum concupi-
scentiis ejus. Unde sub Udalrico III. hujus nominis abbate Wi-
blinganum Monasterium passim *Sanctum* vocari meruit. Ele-
ctus fuit an. 1432. & teste (x) laudato Felice Fabri, *grandi
& multa solitudine Conventum suum ad tantam perfectionem
redegit, ut exemplum omnium Allemanniæ Conventuum fieret,
aliâque ex eo Monasteria reformarentur, quia plures Zelosos &
mâtuos viros habebat.* Quod nunquam futurum fuisset, nisi
disciplina S. Crucis, id est, regularis disciplinæ observantia
Wiblingæ præprimis floruiſſet, ipsâque verè Monasterium S.
Crucis extitisset. Quâ eximiâ laude illam nec istâ ætate spo-
liare aſim.

§. XVI.

Monasterium Sanctæ Crucis Limpurgense.

CONRADUS Imperator cognomento Salicus, non ab insigni
tantum belli peritia, sed ab eximia etiam pietate ac
virtutum studio commendari meretur. Erat antea Dux Fran-
ciæ Orientalis, ac inter cæteras hæreditarias ditiones etiam
castrum possidebat Limpurgense, tribus à Spira, totidémque
à Wormatia distitum milliaribus. Divino aſtutus numine ar-
cem

(x) L. c. pag. 45.

cem conspicuam & perquam elegantem in longè majoris elegantiae ecclesiam convertere statuit. Annus agebatur à partu Virginis supra millesimum tricesimus, cum Conradus die 12. Mensis Julii, aurora vix cælum purpurante è lecto se corripit, ac hora quarta summo mane primum lapidem pro Ecclesia ac Monasterio ponit. Patris pietatem summè approbavit, ac promovit filius Henricus III. Imperator, qui ædificio post annos duodecim fastigium imposuit. Ubi verò Ecclesia numeris suis absoluta stetit, in honorem S. Crucis magna pompa ac solennitate consecrata fuit. Non contenti pater & filius, Conradus & Henricus, Imperatores Benedictinis Ascetis Monasterium addixisse, amplissimis illud redditibus ornârunt. Cunegundis verò, Conradi filia, Henrici Soror regios suos cineres eidem transmissit, dum hoc loco sepulturâ condi voluit. Hoc pacto arx hæreditaria Conradi Imperatoris abiit in Benedictinum S. Crucis asceterium, præ multis aliis in Germania religiosæ disciplinæ studio inclytum.

Ejus post aliquot sæcula impiissimam everisionem Abbas Trithemius in Chronico Hirsaugiensi his verbis deplorat:
 „ Stetit hoc insigne Cœnobium abhinc annis 470. & multi
 „ sanctissimi viri per successum temporis in eo claruerunt.
 „ Tandem evolutis annorum circulis, quos diximus, nostris
 „ proh dolor! diebus, anno videlicet Dominicæ Nativitatis
 „ 1504. bello Imperii contra Philippum Bavarie Ducem
 „ Rhenique Palatinum Comitem, ac Principem Electorem
 „ nimis crudeliter faviente, datam sibi occasionem gauden-
 „ tes æmuli Monachorum, Christianæ Religionis desertores,
 „ inimici Dei, quidam latrunculi servitores conductitii Co-
 „ mitis Emichonis ex Lynigen de Duroburgio castello vicino
 „ cum furore & impetu exeuntes tricesima die Mensis Augu-
 „ sti cum Ecclesia & universis ædificiis igne supposito fun-
 „ ditus destruxerunt. Tantæ autem majestatis fuit Basilica,

ut omnium oculos impleret, explerétque. Ut enim idem Abbas Trithemius, qui stantem, atque eximie molis sultam columnis, tanquam cælum Atlantibus vidit, in Chronico suo testatur: „ Monasterii Limpurgenſis Ecclesia magna fuit atque pulcherrima, pedes in longitudine excedens quinginta & ducentos, in latitudine verò centum quadraginta. In qua fuerunt Altaria viginti & revera non memini me nostri Ordinis Ecclesiam vidisse majorem ac pulchriorem. Columnis ex solido lapide ab introitu usque ad chorum viginti magnis fuit subnixa: quarum unaquæque in longitudine pedes habebat viginti, & in circumferentia latitudinis cubitos geometrales binos fermè continebat. Erectæ stabant super bases magnas & quadratas, capitella similis formæ & magnitudinis habentes, super quibus muri ab utraque parte in modum semicirculi usque ad tectum extendebantur. „ - Per duodecim dies & noctes continuas duravit incendium, cùm Basilica per integros duodecim annos à duobus Imperatoribus Conrado II. & Henrico III. patre & filio maximis sumptibus exædificata fuisset.

Atque hunc in modum Limpurgenſe Monasterium unà cum elegantissima Ecclesia, tanto Zelo & fervore fidei in honorem S. Crucis à duobus Imperatoribus constructum, ab impiissimis Comitis de Lynigen satellitibus miserè devastatum fuit, de quibus illud Regii Prophetæ Psalmo 73. verè dici potest: *Quasi in sylva lignorum securibus exciderunt januas ejus in id ipsum: in securi & ascia dejecerunt eam. Incenderunt igni sanctuarium tuum: in terra polluerunt tabernaculum nominis tui.* Quemadmodum verò Conradus & Henricus Imp. immortalem suæ erga Deum-Hominem ejusque Sanctam Crucem pietatis memoriam reliquerunt, ita ex adverso Comes Emicho perpetuam detestabilis sacrilegii notam nomini suo inussit, suæque erga S. Crucem, in qua redemptus fuit, execrandæ impietatis exemplum consignavit. Quàm di-

dispar igitur longéque diversa erit retributio, quam tum Conradus & Henricus Impp. tum Emicho Comes cum latrunculis suis accepturi sunt in die illa magna & amara valde, quando Dominus ad judicandum venerit, & signum Crucis in cælo fulgebit!

§. XVII.

Monasterium Sanctæ Crucis Wahlstadtense.

IN Silesia Jaurovium inter & Lignicium positum, ab utraque civitate uno tantum milliario removetur. Locum hunc admodum celebrem reddidit atrocissimum prælium Christianos inter & Tartaros anno 1241. commissum, in quo cum plura Christianorum millia ad internecionem fuissent deleta, factum est, ut campus ille Martius patrio vocabulo *Wahlstadt* Germanis diceretur. Occisos inter & ipse Dux Silesiæ Henricus, cognomento Pius, filius Henrici Barbat, & Sanctæ Hedwigis, Poloniæ & Silesiæ Ducum, numeratus fuit. Pientissima Mater, ut filio, quem maternè diligebat, supremum honorem, quem posset maximum, persolveret, eodem in loco, ubi ejus caput à cervicibus avulsus erat repertum, Ecclesiâ in honorem S. Crucis excitare constituit; quam subinde Monachis Ord. S. B. ex Oppatovicensi, celeberrimo Regni Bohemiæ Monasterio accitis regendam concessit. Floruit Regulari hac in Ecclesia, subinde in Præposituram erecta plurimum Ordo Benedictinus ad annum usque 1535. quo tempore cum tota ferè Silesia & Dux ipse Lignicensis à Romanis sacris ad Lutheri sectam descivisset, Monachi loco pulsi exulatum abire jussi fuerunt. Et quoniam ex alieno liberalem esse, cuivis facile est, Præpositura cum omnibus bonis, ac dominiis à Duce cuidam suorum ministrorum in feudum concessa fuit: quo titulo plures ejus usurpatores Lutherani

ad annum usque 1703. extiterunt. Eo enim labente cū occasio locum hunc sacro Ordini Benedictino postliminio recuperandi, se commodū obtulisset, eam Reverendissimus Dominus Othmarus b. m. Abbas Regii, Liberi, Exempti, ac in Regno Bohemiæ primarii Monasterii Brevnoviensis minime negligendam duxit. Nec res ei malè successit: obtento enim, qui supererat Cæsareo annuū Wahlstadium emptionis contractu Familiæ Benedictinæ denuo asseruit, ea quidem conditione & lege, ut quo jure ad Oppatovicensē Monasterium olim quondam pertinebat, eodem nunc Brzevnovium veneretur. Rebus ita constitutis, Amplissimo Præfuli nihil antiquius fuit, quàm ut Wahlstadium rursus in Religiosum domicilium redigeret. Id quod ne continuo factum fuerit, tum inopia reddituum, tum Suecici militis in Silesiam anno 1706. & 1707. irruptio in causa fuerunt. Qua tempestate Ecclesia Wahlstadii Lutheranæ sectæ vix erepta eidem denuo restitui debuit, juxta pactiones Imperatorem inter & Regem Sueciæ per id tempus sancitas. Regitur illa hodie ab ejusdem verbi Lutherani præcone, salvo tamen jure patronatus, quod hac in parte ad Reverendissimum D. Abbatem, velut loci Dominum pertinet. Secundum hæc Amplissimus Præful fabricam novæ Ecclesiæ sanè quàm magnificam auspicatus est. Hac verò uti ex adverso fani acatholici statuit, ita nullis sumptibus in ea perficienda & condecoranda pepercit. Artis quæ architectonicæ quæ pictoriæ excellens, ac in quævis sæcula illustre exemplum videri potest. Dies solennis Consecrationis ab Illust. & Reverendiss. Domino Elia de Sommersfeldt Episcopo Suffraganeo Wratislaviensi peractæ erat septima Octobris Anno 1731. Consecrata verò fuit in honorem S. Crucis & S. *Hedwigis*. Annis proximè consecutis elegantissimæ structuræ Monasterium surrexit, in quod è Braunensi Prioratū Brevnovii filia duodecim Religiosi an. 1738. traducti fuerunt, quos hodie numero auctos sacra Crux sibi ha-

habet devotos. *Vid. Epitome Hist. Monasterii Breinoviensis pag. 191.*

§. XVIII.

Monasterium S. Crucis Calvo-montanum.

C*alvus mons*, etiam *Calvaria* dictus, excelsus in Palatinatu Sandomiriensi, ubi Monasterium Benedictinorum à Boleslao primo Poloniæ Rege erectum ac fundatum est, rogante B. Emerico, S. Stephani Hungariæ regis filio, qui illud reliquiis Sanctæ Crucis, quas Constantinopoli pater ejus acceperat, ditavit. Ad eas ob miraculorum frequentiam undequaque ab indigenis exterisque concurritur. Ita eruditi Socii Bollandiani in notis ad vitam B. Kingæ seu Cunegundis Ducissæ Poloniæ Ord. S. Claræ d. 24. Julii pag. 733. col. 1. Sed hæc tamen diductius audire ex Dlugosii Historia Polonica lib. 2. ad an. 1006. neminem pæniteat.

Boleslaus Polonorum Rex singulari Ducem Emericum nepotem suum prosequabatur charitate & amore, cum non solum nexus sanguinis, sed & ipsa virtutum clara probitas faciebat illum, tam Regi, quam suis militibus amabilem & gratiosum. Quodam itaque tempore, *Boleslaus* venationibus, in silvis circa oppidum *Kielce* sitis, insistente, & secum Ducem Emericum in societate habente, contigit illis in jugum *Alpium*, quæ *Calvaria* vocantur, & quibus Poloniæ Regnum altiores non habet, cervum insequentes venando devenire. Ubi cervo omisso, ruinas veterum habitationum, quæ & diluvio universali, & temporum antiquitate in saxorum molem qualem & hodie cernimus defluxerant, coeperunt mirari; locum enim illum ferunt commodam habitationem, & arcem Gigantum seu Cycloporum, & virorum fortium fuisse, & illic incolatum aliquanto tempore tenuisse. Vir Dei itaque *Emericus* Spiritu Divino instinctus, & ut aliquorum habet creduli-

dulitas & assertio, visione noctis præcedentis ductus admontitione, loci singularitate & vetustate delectatus, convenientissimum locum illum, pro servis Dei, solitariam vitam professis, astruit, & indignum, ut sine hominum incolatu debeat patens esse. Rogat deinde patrum & affinem suum *Boleslaum* Regem, quatenus pro Dei honore, & fidei Sanctæ augmento, animarumque remedio, & salute, Cœnobium illic Monachorum, & Monasterium erigat, & constituat, stabilius, feliciusque Regnum, postquam illum à terreno solvi contingeret in cœlestibus pro ejusmodi Sancto opere habiturus. Cùmque ad id *Boleslaus* Polonorum Rex facilem & ultraneum liberali & regio animo præbuisset consensum, Dux *Emericus* sua se petitione & desiderio videns potitum, in magnam exultationem erumpit, & primum Deo, deinde *Boleslao* Regi gratias agens, mox Crucem bifurcatam, portionem notabilem, Dominici ligni continentem, modico argento obdusam, parenti suo *Stephano* Hungarorum Regi à Græcorum Cæsare ex Constantinopoli pro magno munere transmissam, quam vir Dei in pectore ex patris largitione gestare consueverat, exemit, illique loco (ita enim in visione monitus fertur fuisse) donat. Hoc, inquit, pretiosissimum lignum Salvatoris nostri cruore pollutum, & quo charius nihil habui, sed nec sum habiturus, huic loco dono propitia divinitate, virtute sua, omnibus in necessitatibus, pressuris, angustiis, & gravaminibus constitutis, plurima beneficia largiturum. *Boleslaus* itaque Rex sponcioni suæ satisfaciens, anno eodem Monasterium S. *Benedicti* illic erexit, & regali munificentia, dotem illi benignam & sufficientem consignavit, fratres Deo sub habitu & regula S. *Benedicti* militaturos inducit. Ecclesiam quoque sub honore & titulo S. Crucis ex fundamentis initians, Græcorum more ex lapidibus construit, & consummat, locans & recondens lignum pretiosissimum Dominicum, per B. Virum *Emericum* largitum in eadem Ecclesia. Cujus condito & qualitas

litas in hanc diem perdurans longævam ejus testatur annositate.

De hoc Benedictinæ Familiæ in Regno Poloniæ antiquissimo Monasterio nonnulla etiam memoratu digna memorie prodit Erasmus Gattola in Historia Casinensi Sec. 6. pag. 204. quæ commodum hîc locum fortientur.

In Polonia Monasterium *S. Crucis* in Calvo monte Diocesis Cracoviensis *Boleslaus* dictus *Ettabri* Rex primus coronatus, ad instantiam *S. Emerici*, qui erat filius *S. Stephani* Hungarorum regis, extruxit, & fundavit in anno Domini MVI. ad quod Monasterium à principio Monachi duodecim de Monasterio Cassinensi missi fuerunt, quos idem Rex ab Abbate Cassinensi, missis legatis, impetravit; & per aliquot centena annorum in locum decedentium, alii, atque alii Monachi de dicto Monasterio Cassinensi mittebantur in Poloniam, sicque illud Monasterium in Polonia erat membrum Monasterii Cassinensis. Et hinc fortissimè creditur, quòd omnia jura, erectiones, fundationes, & privilegia per revertentes Monachos deferebantur ad dictum Monasterium Cassinense pro conservatione. Quoniam verò ad præsens pro defensione contra certos suos adversarios hujusmodi juribus, fundationibus, & privilegiis illud Monasterium plurimum indiget, ideo petit, ut in Archivo præfati Sacri Monasterii querantur, sive in libris antiquis, sive in membranis atque inter alia privilegia, quæ ibi asservantur etiam, imo præcipuè ipsius sacri Monasterii, & si fortè inveniantur, aut saltem eorum aliqua nota, & memoria, „ ut in forma authentica extrahantur, plurimum enim ex illis relevaretur Monasterium illud in Polonia; Similiter etiam in Bibliotheca ejusdem sacri Monasterii in libris antiquis, aut aliis quibuscunque, ut videatur, & queratur aliqua memoria an extet superscripti Monasterii *S. Crucis* in Calvo Monte fundati, & erecti, ac supradictorum jurium, & privilegiorum: quod si verò ali-

F

„ quod

„ quod horum inveniatur, ut describatur, & si fieri potest
 „ per notarium Sedis Apostolicæ in forma authentica, ut
 „ extrahatur.

Hæc ex literis, quas Patres Poloni Monasterii S. Crucis in Monte Calvo ad Abbatem Cassinensem paucis ante annis scripserunt. Idem certè sentiebat ejusdem Cœnobii Abbas, qui Anno 1671. inter alia hæc Abbati Cassinensi scripsit:
 „ Quod reliquum est, me & Fratres meos in hoc clivo vivi-
 „ ficæ Crucis Deo sub regula Divi Patris militantes
 „ gratiæ, amoris, ac patrocinio illustrissimæ, & reverendissi-
 „ mæ Dominationis vestræ, & sanctissimi cætus Cassinensis
 „ addico, à quibus enim Originem nobis fluxisse gloriamur,
 „ quorum merita comitiorum generalium decretum voluit
 „ nobis esse communia; quorum denique privilegia libera-
 „ litate Pii IV. nobis sunt communicata, eorum amorem, ac
 „ benevolentiam pia præsumptione ambire non erubescimus.
 „ Dat. in Polonia in Monasterio S. Crucis Ordinis S. Benedi-
 „ cti die 15. Septembris an. Domini 1671. Illustrissimæ Reve-
 „ rendissimæ Dominationis Vestræ: Promptissimus Servitor
 „ *Nicolaus Goski* Abbas Monasterii S. Crucis, S. R. M. Polo-
 „ niæ Secretarius.

Cœnobium istud S. Crucis in Monte Calvo modò caput est Congregationis Benedictino-Polonicæ, quam bulla sua anno 1709. die 22. Maij crexit Sanctissimæ memoriæ Pontifex Clemens XI.

Membrum verò illustre hujus Congregationis est *Monasterium S. Crucis ad Nesvivium*, quod sæculi proximè præetiti anno sexagesimo septimo in Polonia conditum fuit. Fundator erat vir nobilissimus D. Michael Casimirus Radziwil S. R. I. Princeps, Dux in Ollia, Comes in Mir &c. Procan- cellarius & Generalis Magni Ducatûs Lithuanicæ Am-
 plissima sunt Latifundia, quibus illud
 dotavit.

§. XIX.

§. XIX.

Parthenones Sanctæ Crucis.

Monasterium Virginum sub Regula S. P. B. in Ordine Cisterciensi militantium, *S. Crucis* dictum, extra muros urbis Brunsvicensis ante Portam Petrinam situm est. Foundationi occasionem dedit somnium hominis, qui in famulitio erat *Balduini de Campo* militis, ut hîc pluribus narratur. Ab antiquo tamen ibi jam fuit *parva Clusa*, in quâ morabantur tres virgines sacre, candidis indumentis vestitæ, Deo servientes nocte & die. Eaque Ecclesia fortasse à Marchione Ecberto fundata est anno Domini 1068. ut *Buntingii Chron.* habet part. 1. p. 55. editionis prioris. Dedicatio deinde novæ Ecclesiæ facta est anno Domini 1230. per *Conradum* Episcopum Hildeshemensem, affuitque *Arnoldus Abbas Riddageshusanus* Cisterciensis & ipse Ordinis, ut notavit *Meibomius in Chronico Riddageshusano*. Cùm Henricus Senior Anno 1492. urbem obsidione premeret, Moniales in curiam griseorum Monachorum (vulgo *Grauenhof*) in urbe sitam se contulere. Et cùm anno 1606. urbi rursus ab *Henrico Julio* obsideretur, cives Monasterium combussere, ne urbi detrimento esset. Itaque cum loco non tuto situm sit, de translatione ejus in urbem agi accepimus. Plura de hoc Monasterio habet Dn. *Philippus Julius Rehtmejerus*, Vir doctus, in antiquitatibus urbis patriæ, Germanico sermone nuper editis part. 1. c. 5. qui nobis etiam hanc narratiunculam suppeditavit, inquit *Illust. Leibnitius in Introduct. Collection. scriptor. Histor. Brunsvic. inservientium*, cujus est hæc prævia observatio Tom. II. N. XXXVII. p. 38. Nunc sequitur ipsa narratiuncula de Fundatione Cœnobii *S. Crucis* apud Brunsvic.

„ Fuit quidam miles reverendus, nomine *Baldewinus de*
 „ *Campo* dictus, cui de Brunswigk Burgenses fuerunt adver-
 „ sarii. Qui verò legatum suum mittens ad memoratam ci-

„ vitatem, arduum negotium ei committens. Legatus au-
 „ tem cū in itinere esset, occurrebant sibi adversarii Do-
 „ mini sui, qui exagitabant eum, volentes comprehendere
 „ ipsum. Servus verò videns, & audiens prædicti militis
 „ insidiatores, fugam iniit, & sub quadam arbore, quæ in
 „ modum Crucis creverat, se abscondit, ubi præ nimio ter-
 „ rore & anxietate obdormivit. Et in ipsa requie sub præ-
 „ dicta arbore in figurâ avium auditit voces animarum ibi
 „ interfectorum, dulciter cantantium, & dicentium: Benè,
 „ benè nobis, quia advenit tempus redemptionis, in quo de-
 „ bemus salvari, & ab omnibus poenis & miseriis nostris li-
 „ berari. Quo audito evigilans, & intra semetipsum nimium
 „ admirans, & iterum atque iterum obdormiens, & usque
 „ tertio eam vocem audiens, & sic præ nimio gaudio evigi-
 „ lans, suspiciens arborem, vidit in summitate ejus angelum
 „ Dei sedentem, voce magna clamantem, & dicentem: Be-
 „ nedictus sit omnipotens Deus & locus iste sacratus, quia
 „ omnes, quorum corpora in hoc loco requiescunt, & qui
 „ Deum in eo loco jugiter laudabunt, atque omnes, qui
 „ propter indulgentiam hic adveniunt, & gratiam quærunt,
 „ nunquam à regno Dei separabuntur. Cuius igitur celeri-
 „ ter iter arripiens, & ad Dominum suum rediens. Qui
 „ eum intuens, & ipsum dire arguens, inquitque, ex quâ
 „ re tantam moram fecisset in itinere. At ille respondit, &
 „ dixit: Tanta & talia miracula acciderunt mihi dum eram
 „ in via, quæ non sum ausus intimare vobis, ut mihi per
 „ revelationem apparuerunt in somniis. Respondit miles:
 „ si quid boni nosti, loquere, sin autem mali, sile. Tunc
 „ servus præfato militi cuncta intimavit, & omnia, quæ ei
 „ acciderunt narravit. Miles cū hæc audivit, respondit,
 „ & dixit: Hæc omnia mihi à te insinuata, & per te mihi
 „ nunciata, non veraciter credam, nisi oculis propriis vi-
 „ deam, & auribus meis audiam. Deinde simul arripiunt
 „ iter,

„ iter, & ad præfatum locum perveniunt, ubi miles ex Dei
 „ providentia, cuncta ei à servo indicata pleniter cognovit,
 „ & fideliter credidit. Et sic ex divina revelatione commu-
 „ nitus, ad pacem rediit cum Burgenſibus. In prælibato
 „ loco parva Cluſa erat, in quâ morabantur tres virgines
 „ ſacræ, candidis indumentis veſtitæ, Deo viventi ſervien-
 „ tes die & nocte. Carbonarii quidam qui morabantur pe-
 „ nes Cluſam illam, ſuccidebant arborem prædictam, quam
 „ in ignem projiciebant, carbones ex ea facere volentes. Sed
 „ Deo cooperante illud lignum ſalutiſerum & nobile ternis
 „ vicibus de igne ſaltavit, & in eodem loco ſtatim reſloruit,
 „ & uſtio in eâ nullatenus apparuit, ſed omnes ramunculi
 „ prædictæ arboris iterum in modum Crucis creverunt. Viſo
 „ hoc miraculo, ſtupefacti ſunt carbonarii terrore nimio,
 „ convocantes omnem populum, & demonſtrantes ei hoc in-
 „ ſigne miraculum. Sic ergo ex revelatione divina, operan-
 „ te Dei gratia, hujus Monasterii ſtructura eſt facta. In
 „ ſtructurâ coenobii hujus mira opera ſuæ magnificentiæ pe-
 „ regit Deus, ita quod ſerotino tempore, cùm operarii ceſ-
 „ ſaſſent ædificare, Sancti Angeli aſcendentes & deſcenden-
 „ tes; & nocte opus unius diei complentes. Manè autem
 „ facto operarii venientes, virtutes Dei in hoc opere cogno-
 „ ſcentes, & nimium admirantes; qui invenerunt ſtructuram
 „ magis & magis ædificatam majori & latiori ſpatio, quam
 „ exiſtiterat de heſterno. Nec tamen poterant conſiderare,
 „ aut aliquem defectum perpendere in lignis & lapidibus, &
 „ in omnibus ad ædificium pertinentibus. Eodem tempore,
 „ Deo diſponente, *Jordanus Miles de Campo*, migravit de hoc
 „ ſeculo, qui primitus in hoc loco eſt ſepultus: juxta cujus
 „ ſeretrum ponebatur dolium unum ut omnes, qui ad exe-
 „ quias illas venirent, eleemoſynas offerrent. Et ex illis
 „ eleemoſynis eſt ædificatum Monasterium in honorem S.
 „ *Crucis*, & beatæ Mariæ Virginis.

Quia verò Partheno hic Brunsvicensis non tam propriè Institutum est Benedictini, quàm Cisterciensis, quanquàm sub Regula etiam S. P. N. Benedicti militantis, juvat alios tres quatuor Benedictinos subjicere Parthenones. Ut verò Lectoris forsàn satietati occurramus, compendio dicemus.

Nidroburge Virginum Cœnobium (y) Sanctæ Crucis ab Odilone Bajoariæ Duce conditum urbe Patavia clausum est; quod Otto II. Imperator Pataviensi Ecclesiæ tribuit ob constantem in ipsum fidem Piligrini ejus urbis Episcopi.

Hunfeldense Monasterium Virginum (z) à Carolo M. sub titulo S. Crucis originem habuisse, & in collegialem vertisse Ecclesiam ex Browero intelligimus, qui collegiales Ecclesias Fuldensi olim Monasterio subjectas recensens (*Antiquit. Fuld.* p. 147.) primè loco meminit Sanctæ Crucis *Hunfeldia ex parthenone Virginum à Carolo M.* at situm non indicat.

Bergensem (aa) in Diœcesi Eichstadiensi Parthenonem an. 976. fundavit Wiltrudis, filia Gisleberti Lothariensis Ducis, uxor Bertholdi Ducis Bajoariorum, post mariti obitum liberorum expers inter Neoburgum & Eichstettum oppida excitavit in honorem Sanctæ Crucis, & sub Cruce stantium Sanctæ Dei Genitricis Mariæ, & Sancti Joannis, & dotalibus bonis locupletavit: ubi cœtum piarum Virginum sub S. Benedicti regula instituit, probante Ottone II. Imperatore favente quoque Theophania ejus conjuge, & Reginoldo Eistettensi Episcopo confirmante. Ibidem etiam Wiltrudis ipsa velum Monasticum accepisse traditur. Floruit eo loci sæculo duodecimo Relindis abbatissa, permagnæ pietatis, quæ prolapsos S. Odiliæ in Alsatia puellarum mores ad disciplinam Sanctæ Crucis, id est, strictiorem Benedictinæ regulæ observantiam emendavit.

Par.

(y) Mabill. Annal. tom. 2. lib. 21. n. 59. p. 113. (z) l. c. lib. 29. n. 73. p. 496.
(aa) Mabill. l. c. tom. 3. p. 640.

Partheno Lignicensis in Silesia. (bb) Ecclesia S. Crucis cum toto Cœnobio & ædificiis suis fundata est per Dominos terræ, ab antiquo videlicet per Boleslaum dictum Calvum, Patrem Henrici Lignicensis pinguis sive ventricosi dicti, Balconis Suidnicensis, & Bernhardi, agilis cognominati. Fuit verò hoc Monasterium primitus fundatum pro religiosa Familia Patrum Prædicatorum. Subinde Vestalibus cessit Benedicinis; cum enim earum Cœnobium ante portam urbis Lignicensis metû Solymani Turcarum Tyranni destructum esset, quò civitas novis munitionibus ad hosti resistendum fortior redderetur, prædictum Monasterium à Friderico II. Silesiæ Duce occupare jussæ fuerunt, in quo ut officia divina ritè ac securè peragerent, à Silesiæ Ducibus semper defensæ fuerunt. Quâ protectione ut hodie sub Borussico dominio gaudeant & fruantur, ex animo precamur.

§. XX.

Ecclesia S. Crucis in Monasterio Augie Divitis.

Veteris illius templi à Rege Salomone ædificati formam ita fuisse dispositam, ut Crucifixi vivam quandam referret imaginem, Vissalpandus, (cc) celeberrimus ejusdem delineator, attestatur. Nam si in ipso vestibulo corpus extensum, ut Christi in Cruce positum fuit, imageris, dexteram manum ad portam Meridianam, sinistram ad Aquilonarem, pedem utrumque ad Orientalem spectare portam aspicias. Caput autem verget ad Sanctum Sanctorum, ubi sedes erat Dei. *Caput enim Christi Deus.* Altare verò holocaustorum in medio pectoris Christi situm erat, in quo oblatum est illud sacrificium laudis, quo uno sacrificiorum omnium lon-

(bb) Thebesius in descript. Urbis Lignicensis pag. 23. ex Bitschio. (cc) Tom. 2. in Ezech. l. 4. & 5. variis locis apud Bened. Hæften. Regiæ viæ Crucis l. 3. c. 6. p. 337.

longè maximo omnia antiquæ legis sunt sacrificia consummata. A latere altaris dextro marc æneum collocatum, sanguinem & aquam à latere Christi manantem referebat.

Atque hæc antiqui illius templi idea majoribus nostris potissima erat ratio, quâ impulsus fuerunt, ut quas Deo Ecclesias & Basilicas extruebant. pæne omnes fieri cruciformes curarent. Longum foret, singula recensere. De unâ Augiensi nobis sermo erit, cujus decora eo triplici nomine potissimum augeri existimamus: Primum quòd in formam Crucis constructa; deinde in honorem S. Crucis consecrata, ac postremò particulâ S. Crucis, cui pretiosus Christi sanguis inclusus est, locupletata fuerit. Hic verò de secundo tantum decore nobis agendum est.

Igitur Ecclesiam Augiensem in honore S. Crucis fuisse consecratam, omnes faciliè consentiunt; sed quis, & quò annò illam consecraverit, dubio non vacat. Hermannus Contractus, Augiensis Cœnobita, de hac Dedicatione in Chronico suo ad annum MXLVIII. ita loquitur: *Imperator (Henricus III.) Ratispona, ubi Pascha cum Ottone & Brecislao Ducibus, & multis Principibus egit, digressus Alamanniam repetit, & in Augiam nostram ingressus 8. Calend. Maij novam Sancti Marci Evangeliste Patroni nostri Basilicam à Domino Bern. Abbate constructam se presente à Theoderico Constantiensi Episcopo dedicari fecit, & ejusdem sancti festo in Litania majore apud nos actò, Ascensionem Domini Turego, Pentecostem autem Solodoro celebravit.* Hermannii narrationem de Dedicatione Augiensis Ecclesiæ Mabillonius Annalibus Benedictinis (dd) ad annum 1048. iisdem ferè verbis inseruit. *E Bajoaria in Alamanniam profectus Imperator, Augiense adiit Monasterium, cujus novam Basilicam, à Bernardo Abbate constructam VIII. Kal. Maij se presente à Theoderico Constantiensi Antistite dedicari fecit.* Sed quod oppidò mireris, ad annum im-

mc-

mediatè sequentem MXLIX. hanc dedicationem Sancto Leoni IX. Romano Pontifici disertim adscribit: *Ex urbe Moguntia (in quâ hoc anno concilium celebravit) Leo Papa venit in Augiense Monasterium, ubi Ecclesiam Sancta Crucis dedicavit, & inter missarum solemnias demoniacum liberavit.* Cui consona sunt, vel prævia potiùs fuerunt, quæ Wibertus in vitâ S. Leonis IX. habet; *Demum (post Concilium Moguntia celebratum) dominus Papa apud Augiam in honore vivificæ Crucis Ecclesiam dedicavit, ubi divina pietas in proprio famulo suam gratiam mirificè ostendit. Nam inter sacra Missarum solemnias ibidem adducitur catenis nexus dæmoniacus, qui vix à multitudine poterat coartari, alenâque violentiâ possessus, horrendos emittens stridores, clamores, atque fremitus, hymnidicam totius cleri harmoniam suis diris evincebat vocibus. Itaque Christi servus sacrum incepturus Canonem, non valens hujusmodi pati inquietudinem, utpote ad Deum totam directurus mentem à longè signo Crucis edito manû indixit silentium: & citius dicto obmutuit dæmonium, & homo vinculis solutus sospes cunctis admirantibus domum propriam repedavit.* Hactenus Wibertus auctor vitæ coævus.

At quis non videt, controversiam ipsi cum Hermanno Contracto oboriri? Si enim Augiensis Ecclesia, ut Hermannus, oculatus testis, perhibet, anno 1048. octavo Calend. Maij dedicata fuit, quâ fieri potuit, ut hæc dedicatio per Leonem IX. Papam peracta fuerit, cum is labente hoc anno nondum summus extiterit Pontifex? Nam S. Leo IX. post mortem Damasi II. anno 1048. die 17. Julii consecrati, sed post dies 23. morte sublatis in Conventû Wormatiensî, tunc Episcopus Tullensis, & Bruno dictus, Papa designatus, dein Romam hyberno tempore adventans, anno 1049. die 2. Februarii electus, & die 12. ejusdem Mensis coronatus fuit. Italia relicta Germaniam primùm, tum Galliam adiit. Ex hac denuò in Germaniam reversus Moguntia concilium celebra-

vit, & postea, teste Hermanno Contracto, Monacho Augiensi, qui præsens adfuit, & eodem demum anno, quo S. Leo Pontifex, scilicet 1054. extinctus est, *Alamanniam adiens Augia festum Sancti Clementis & Dominicam ante Adventum 6. Calend. Decembris egit.* Quæ si vera sunt, quis autem vera esse inficiari audeat? falsum esse oportet, Ecclesiam Augiensem anno 1048. 8. Cal. Maij à S. Leone IX. fuisse dedicatam.

Cæterùm hæc S. Crucis Ecclesia, à quocùnque demum, sive Theodorico Constantiensi Episcopo, seu S. Leone IX. Romano Pontifice consecrata fuerit, sepulchrum hodie præbet insigni cuidam Staurophilo, id est, Carolo Crasso Imperatori, cui jam anno 888. è vivis exempto, Crux gravissima, sed æquissimo animo & Christiana prorsus fortitudine tolerata cælum referavit. Imperio enim atque regnis omnibus exutus deplo-
randam hanc metamorphosim, teste Reginone, *patientissimè toleravit, in adversis, sicut in prosperis gratiarum vota persolvens.* Unde Deus tantam remuneraturus, patientiam Caroli mortem prodigio illustravit, diducto, & patente per plures ab obitu horas cœlo, ut fidem facit Hermannus Contractus his verbis: *Quibusdam videntibus cœlo aperto, & lumine super eum apparente, Augiam delatus juxtà Altare S. Mariæ sepultus est.* O quanta autem cum gloria Carolus ex S. Crucis Ecclesia resurget, cùm Dominus ad judicandum venerit, & signum Crucis erit in cœlo!

§. XXI.

Herifordensis Parthenonis Ecclesia ad S. Crucem.

S. Adalhardus regio prognatus stemmate, Abbas Corbeie veteris præter Cœnobium Corbeie Novæ in Saxonia aliud etiam in eadem provincia condidit illustrium Sanctimonialium, quatenus utriusque sexûs salutî provideretur. Di-
ctum

ctum est Parthenium istud Heriford, seu Herifordense : (ee)
situm in comitatu Ravensbergico, sub ditione Electoris Bran-
deburgici, ejusdem nominis oppido nobilitatum. Hujus loci
sanctimoniales sæculo XII. ad Canonicarum mores & habi-
tum transferunt : at cùm anno MDXXXIII. Herifordenses
oppidani Lutheri heresim admisissent, hæc labes brevì cano-
nicas quoque infecit : exinde locus ille à puellis heterodo-
xis, nobili genere natis semper occupatus fuit. Hunc Par-
thenonem Romanis sacris sæculo XI. adhuc additum cele-
brem reddidit *Ecclesia ad Crucem*, quam B. Virgo sibi construi
imperavit. Author vitæ B. Meinweri Episcopi Paderbornen-
sis rem gestam his verbis in literas retulit :

„ Cuidam, inquit, fame & nuditate afflicto pauperi in
„ die natalis Sanctorum Martyrum Gervasii & Protasii ad
„ præfatum Herivordense Monasterium propter auditam inibi
„ Sanctimonialium munificentiam ire volenti, ipsissima virgo
„ Maria facie ad faciem apparens, abbatissæ & sororibus
„ ejusdem Monasterii nuntiare mandavit, ut mutata pristina
„ vita, tantum spirituali insisterent exercitio, quantum tem-
„ porali instabant ædificio, dicens se per hoc sedem suam
„ revisuram, & invocantes se perpetuâ tuitione custoditu-
„ ram. Adjiciens se locum, in quo ei apparuit, ad sui no-
„ minis venerationem & Christianorum prælegisse interces-
„ sionem, ut si quis eam ibi fideliter quæserit, inveniat, &
„ quod justè petierit se adeptum gaudeat. Paupere autem
„ tantam visionem indicare trepidante, & ad suæ legationis
„ veritatem confirmandam signum aliquod suppliciter expe-
„ tente : Hoc erit tibi signum, ait Virgo piissima, quod nul-
„ lius illatæ pænæ, ne cicatricis quidem ullius aliqua te con-
„ tingat molestia. Quo ad majus veritatis indicium, aliud
„ adhuc expetente signum : Præcide, ait Dei-Genitrix, ba-
„ culum, & faciens inde Crucis signaculum, pone ubi meo-

G 2

„ rum

rum statum cognoveris esse pedum, & si non credunt verbo
 „ signi prioris, credant ostensioni sequentis: quia quocun-
 „ que tempore ad locum hunc venient, me super eandem
 „ quam facturus es Crucem, in columbæ specie sedentem vi-
 „ debunt: Abbâtissa ergo, nomine Godeſti, cum ſororibus
 „ hoc nuntio accepto, Epiſcopus Meinwercus cum vicinis
 „ proximorum Monasteriorum clericis accerſitur; conſultu
 „ omnium jejunii & orationibus à Deo res inquiritur, nun-
 „ tius iudicio aquæ ferrique igniti examinatus ſecurus decla-
 „ ratur: columba in loco oſtenſo inquiſita ſuper Crucem ſe-
 „ dere invenitur, & maxima omnium devotione & venera-
 „ tione Baſilica fabricatur, & dedicatur, & nomen *ad Cru-*
 „ *cem* fortitur. Tantam fuiſſe miraculi huius famam obser-
 „ vat Browerus in notis ad hunc locum, ut ejus memoriam
 „ etiam nunc in ea regione perſeverare affirmet, etiam apud
 „ Lutheranos, qui hunc locum *Ad Viſionem* appellant. Pro-
 „ lixiorem verò ejuſdem apparitionis hiftoriam haberi in mſ.
 „ codice Bodecenſi teſtis eſt Adolphus Overhamus perdoctus
 „ cœnobita Benedictinus celeberrimæ abbatiæ Werthinenſis, qui
 „ vitam B. Meinwerci Epiſcopi Paderbornenſis à ſe editam notis
 „ & obſervationibus illuſtravit; ubi laudat inſcriptionem, quæ
 „ hætenus in æde Canonicarum viſitur, in quâ hæc Beatæ Ma-
 „ riæ apparitio anno MXI. facta fuiſſe memoratur. Vid. Ma-
 „ bill. in Actis Sanctorum Ord. S. B. ſæc. 6. part. 1. pag. 385.

§. XXII.

Oratorium ſeu Sacellum S. Crucis Hildeſienſe.

S. Bernwardus potens non minùs quàm illuſtris Comes de
 Somerſchenbourg in Saxonia inferiori, Epiſcopus XIII.
 Hildeſienſis, Coloniam Monachorum ex Monasterio Sancti
 Pantaleonis, quod eſt Colonie Agrippinæ, Hildeſiam anno 994.
 evoca-

evocavit. Abbatis munus Goderammum, ejusdem S. Pantaleonis Cœnobii Præpositum à literis & virtutibus apprimè ornatum gerere jussit. Locum pro Monasterio extruendo delegit solitarium, squalidum, incultum extra pomæria urbis Hildesiæ, tunc temporis admodum parvæ, & modicis adhuc circumscriptæ finibus. Interea verò, donec major Ecclesia ad apicem deduceretur, sacellum excitavit, & in honorem S. Crucis dedicavit, quod postea prolatis urbis Hildesiæ limitibus, muròque circumdatis, reparavit, ampliavit, & sub titulo S. Lamberti dedicavit. Quæ omnia ex ipsius foundationis instrumento docemur, in quo S. Fundator ita loquitur: *Elegi & statui Christum heredem mihi, qui est pars & hereditas mea, & requies. Unde ad laudem ipsius & gloriam, ejusque piæ Matris Mariæ, & ad speciale patrocinium S. Michaelis Archangeli, & omnium celestium virtutum cæpi summa cum devotione novum edificare Monasterium foris murum Civitatis nostræ videlicet sedis ad Aquilonem. Verùm ego sortem naturæ cunctis incertam sollicitè pertimescens, ac ne prolixitate tanti operis meâ spe in agendis Divinis fortè tardarer nimis aut negligerer, feci festinatò & consummavi sacellum quoddam valde splendidum prope ipsum Monasterium, jactis jam ex aliqua parte fundamentis ipsius Basilicæ, in honorem Domini & Salvatoris nostri, atque S. & vivificæ Crucis &c. coadunatis igitur quibusdam religiosis Christi Domino interim servituris, cuncta quæ habui, & S. Michaeli me daturum deliberavi, tam in auro & argento, & multiplici ornatu, quàm in prædiis & diversis utilitatibus adsignavi. Quo consummato - - ipsum Sacellum vivificæ Crucis, quod feci baptismale, inunctionis & sepulturæ, sicut dudum deliberaveram, consilio Ecclesiæ meæ in Monasterium ita transtuli, eique incorporavi cum personis, rebûsque omnibus, & cum omni jure suo, ut prædictus Abbas noster Goderammus omnesque successores ejus curam illam perpetuò habeant, & quos jusserunt de fratribus Divina ibi persolvant.*

Quia verò S. Bernwardus Sacellum hoc S. Crucis ad dignitatem parochialis Ecclesiæ evectum sub patrocinio S. Lamberti dedicavit, ne quid honori ac venerationi S. Crucis decederet, majorem aram in nova Monasterii Basilica in honorem S. Crucis consecravat. Quid? quod ipsum Monasterium S. Cruci sacrum esse voluerit? Hoc disertæ ejusdem verba in charta foundationis testantur. (*ff*) *Cui loco, Deo, Sanctæque Crucis perpetuæ, Virgini Maria, Sanctoque Michaeli Archangelo titulato, Monastici Ordinis indidi personas.* Etsi verò hodie Monasterium S. Michaelis audiat, verè tamen est Monasterium S. Crucis; præsertim ab anno 1521. & longè magis ab anno 1542. quando urbs Hildesia Lutheri dogmata venerari cœpit. Tum verò Abbates & Religiosi rebus ac bonis suis spoliati, injuriis ac contumeliis gravissimis affecti, in custodiam ac carcerem dati iniquissima quæque per ducentos jam annos perpessi fuerunt. Nec injustæ vexationis, persecutionis, ac malorum hodie finis est. Quæ cùm non sine detestatione hæreticæ perfidiæ, admiratione verò Monachorum in fide orthodoxa constantiæ (*gg*) legissem illa Ven. Petri Abbatis Cluniacensis ad Innocentium II. Pont. Max. verba in mentem venerunt: (*hh*) *Rogo, ut amore Crucis Christi, cujus nomine & vexillo, eadem Ecclesia singulariter gloriatur, ejus calamitatibus subvenire dignemini: ut quæ passionibus Christi per patientiam secundum Apostolum communicans, duris & diutinis calamitatibus fatigatur, vestra tandem provisione relevetur.*



§. XXIII.

(*ff*) Extat in vita S. Bernwardi apud Mabill. sec. Ben. VI. part. 1. pag. 227.
 (*gg*) Vide den Aðenn zilligen Bericht von der Stiftung des Closters S. Michaelis im Hildesheim, Gedruckt im Jahr 1733, fol. (*hh*) Epistolarum libro 1. Epistola XL.

§. XXIII.

Alia Oratoria, & Altaria Sanctæ Crucis.

Eò loci, ubi S. Benedictus adolescens habitum Religiosum à Romano Monacho fuit indutus, in Sublacensi eremo, Sacellum nunc est situm S. Crucis dedicatum, non nihil sursum versus à Monasterio remotum, quod hodie à S. Scholastica fert nomen. Ypesl. Chron. Gener. O. S. B. Centur. 1. p. 12.

S. Suibertus, primus Episcopus Werdenſis, Apostolus Frisiorum, Saxonum, Pruthenorum, aliarumque nationum, qui anno à nativitate Domini sexcentesimo nonagesimo quinto exstruxit in honorem S. Crucis Oratorium Trajecti non procul ab Ecclesiâ, vel potiùs à ruinis Ecclesiæ S. Thomæ, quod Dagobertus Rex Francorum olim ibi ædificaverat. Ita Jacobus Gretſerus lib. 1. de S. Cruce cap. 81. pag. mihi vet. edit. in 4to 243. testem laudans Marcellinum in vita S. Swiberti, qui, cùm non incongrua narret, personam suam hîc tueri potest, cujus aliàs fides & autoritas in rebus S. Swiberti enarrandis non parùm nutat ac vacillat.

Mons S. Romarici, vulgò *Remiremont* insigne quondam Benedictinarum Monialium Coenobium fuit. Tanta enim principio apud eas fervebat, pietas, ac devotio, ut cùm virgines non exiguo numero ad eas sese aggregassent, in septenas turmas distinctæ fuerint, quo dies juxta noctesque perenni psalmodia divinas concinerent laudes. Suum singulas turmas habuisse peculiare Oratorium, ex illis, quæ numero sex supersunt, abundè liquet. In illo autem, quod S. Crucis honoribus sacrum erat, B. Cœcilia, secunda Montis Romarici Abbâtissa, magnæ sanctitatis, orationi & contemplationi multùm dedita, assiduas die nocteque preces fundebat. Postea tepescente religione, anno circiter MD, Moniales rejecto

jecto cum Monasticis vestibus nomine in sæculares Canonicas, nullis constrictas votis, conversæ sunt. Quid verò erat *Cruciforme* Benedictinum Scapulare abjicere, atque ad liberiores anhelare vitam, quàm aures præbere animæ hostibus, carni ac sanguini, identidem clamantibus : *Descende de Cruce?*

Montis Majoris Monasterium, ab urbe Arelate sesqui miliario tantum remotum, Oratorium seu sacellum habet, Sanctæ Crucis titulo insigne (ii) cujus fabricam quadratis ex lapidibus constantem, hemisphæria quatuor, totidem angulis commissa, Crucis in morem eleganter componunt. Circa sacellum quàm plures visuntur tumuli ad modum humani corporis in ipso excisi saxo, in quibus fabulatur vulgus conditos fuisse Caroli Magni milites, qui conferto cum Saracenis ad Arelate eo duce prælio, cæsi fuere. Illud pro magis explorato habendum, quod Carolus Magnus, recuperata à Saracenis Arelate, hoc Sacellum una cum Monasterio construxerit. Et Monasterium quidem in honorem S. Petri Apostolorum Principis, Sacellum verò in honorem S. Crucis consecrari voluit. Testatum hoc facit pervetusta inscriptio, quæ hodie etiam legitur in præfato Sacello, his concepta verbis : (kk) *Noverint universi, quòd cùm Serenissimus Princeps Carolus Magnus Francorum Rex, civitatem Arelatem, quæ ab infidelibus detinebatur, obsedisset, & ipsam vi armorum cæpisset, & Saraceni in eadem existentes pro majori parte aufugissent in Montana montis majoris, & ibidem se retraxissent, & in eadem se munissent, & idem Rex ibidem cum exercitu suo venisset pro ipsis debellandis, & ipsos debellando triumphum de ipsis obtinisset. Et de ipso gratias Deo agendo, in signum hujusmodi victoriæ præsentem Ecclesiam in honorem S. Crucis dedicari fecit, & præsens Monasterium in honorem S. Petri Apostolorum Principis dedicatum,*
quod

(ii) Vid. Mabill. Annal. tom. 3. p. 991. (kk) Apud Baron. Annal. Eccl. tom. 9. an. Chr. 793.

quod ab ipsis infidelibus penitus destructum fuerat, & inhabitable redactum, idem Rex ipsum reparavit, & readificavit, & Monachos ibidem pro serviendo Deo venire fecit, & ipsum dotavit, & plura bona eidem contulit. In quo quidem Monasterio multi nobiles de Francia, ibidem debellantes sepulti sunt. Ideo fratres orate pro eis.

S. Leo IX. Pont. Max. non solum fuit singularis Ordinis Benedictini fautor & benefactor, ut eruditi Socii Bollandiani eum vocant, sed re ipsa Monachus etiam Benedictinus, ut Mabillonius, prætermisiss aliorum testimoniis, ex ipsis, Leonis verbis demonstrat, qui morti proximus se Monachum, fuisse disertim professus est: *Cellam, quam Monachus incolui &c.* Hic igitur Benedictinus Pontifex sub an. MLII. eminens Sacellum S. Crucis Prugdorsense consecravimus, ut Wiguleius Hundius lib. 1. Metropol. Salisburg. narrat: „ Cum verò „ Leo Pontifex Ratisbonâ Norimbergam proficisceretur, Co- „ mites de Schwarzenburg illi obviantes rogant, ut Sacel- „ lum quoddam in honorem Sanctæ Crucis, quod hodie Prug- „ dorsium appellatur, dedicet. Sanctus Pater Sacellum à „ longè visum consecrat. Cum autem morosi interpellato- „ res hac longinqua consecratione sibi illudi existimarent, & „ ut præsens Sacellum consecraret, flagitarent. Ite, inquit „ Beatissimus Pater, & nisi omnia consecratæ Ecclesiæ indi- „ cia inveneritis, veniam, & præsens ædiculam consecrabo. „ Sed cum illi omnia integra comperissent, laudantes Deum „ acquieverunt. Extant ejus eventus monumenta adhuc „ hodierna die. Hactenus Wiguleius Hundius, quæ omnia Andreas Brunner & Adlzreiter Annalibus suis Boicis intexuerunt.

Hic idem Sanctissimus Pontifex altare majus in Ecclesiâ S. Adalberti E. M. in medio Augiensis Insulæ sita honori S. Crucis consecravimus, prout patet ex hac inscriptione: *Anno Incarnationis Dominicæ Millesimo quadagesimo nono Regni verò*

III. Henrici Imperatoris anno undecimo ; loci istius Abbatis (Udalrici Comitis de Lupfen ejus nominis II.) anno quinto, veriùs secundo, indictione tertia die verò octavo Kalendas Decembris Dominus Leo Papa nonus in primo sui pontificatus anno dedicavit hoc altare in honorem Domini nostri JEsu Christi, & Sanctissima Crucis.

Etiam Capella in Mannenbach trans Rhenum in Turgovia, quam proprius Sacerdos sæcularis hodie providet, fundata & ædificata à quodam Abbate Augiensi, titulum habet à *S. Cruce*, in cujus venerationem ob insignem particulam de eadem, consecrata est ; quò verò progressu temporis ista particula devenit, incertum est. Extiterat autem ibi Infirmeria Fratrum Augiensium, ex quibus aliqui eò loci sepulti jacent. Capellam hanc *S. Crucis*, quæ àmodò ad Augiam spectat, Religiosi Augienses plurimo tempore ipsi providebant, & Abbatis in arbitratu positum fuerat, sive Regularem, sive sæcularem Sacerdotem eidem præficere.

Salisburgi in antiquissimo & verè inclyto Asceterio *S. Petri* ædes *S. Crucis* juxtà montem in Coemiterio sita est ; ubi adhuc spelunca *S. Ruperti D. Ægidio* sacra visitur. Consecrata fuit an. 1170. V. Non. Maij sub Henrico Abbate ab Henrico Præsule Gurzensi, qui pariter ante Episcopales Infulas Abbas erat San-Petrensis. Hujus Sacelli ædificator fuerat Vir Deo devotus *D. Siboto de Surberch*, qui palàm astantibus Præsulibus Henricis, Episcopo & Abbate, prædio Lenzinsperg illud dotavit. *Mezger Histor Salisburg. lib. 4. cap. 17. pag. 408.*

Percelebri *S. Pantaleonis* Monasterio Colonie Agrippinæ Abbas A. C. (1) LXXXII. præfectus fuit Hermannus Comes Zutphanie. Hic construxit Oratorium *S. Crucis*, cujus inscriptio est: *Anno (1) XCIV. Indict. I. IV. Nonis Julis. Hoc Oratorium ab humili Hermannò fundatum dedicatum est à Ven. Hermannò III. Archiep. Colonienfi, qui Dives cognominatus est, in honore S. Crucis & duodecim Apostolorum,* Alta-

Altare S. Crucis in Monasterio Vindocinensi Urbanus II. A. 1096. die 4. Kal. Martias consecrasset dicitur, cunctisque, qui ad anniversariam ejusdem consecrationis diem illuc convenirent, septimam adjunctæ sibi pænitentiae partem relaxasse. Hoc altare dicebatur *Crucifixus Sanctæ Trinitatis*. Mabill. Annal. Ben. tom. 5. p. 363.

Ara S. Crucis in Ecclesia Parthenonis Gandershemensis ad ascensum chori à sinistra ad columnam primordia accepit ex liberalitate Hermannii Welligis, Sacerdotis Gandershemensis an. 1488. ut singulis hebdomadibus ibi à presbytero tres prælegerentur Missæ, una de S. Cruce, pro vivis secunda, & pro defunctis tertia. *Joh. Christoph. Haremburg in Histor. Eccl. Gandersh. Dissert. 12. p. 1633.*

In Murenfis apud Helvetos perantiqui, hodie Principalis Monasterii æde sacra stabat Ara S. Crucis, ante quam piissimi Fundatores Radeboto Comes de Habsburg, & Ita Conjux ex Domo Lotharingica terræ mandari voluerunt. *Vid. Origines Murenfes pag. 38.*

Ara S. Crucis in Monasterio Sigebergensi. Hanc cum S. Anno Archiepiscopus Colonienfis sanctificaret, & in eam Reliquias imponeret, lux igneo cælitus radians fulgore pariter introire visa est. *Surius in vit. S. Annonis d. 4. Dec. tom. 6. p. 710.*

In Ecclesia Monasterii Tegernseensis sunt permulta Altaria. Anno Domini 1476. altare decimum quartum consecratum est à Reverendissimo in Christo Patre, & Domino Sixto Episcopo Frisingensi in honore S. Crucis, & omnium Sanctorum Avorum Christi. *Vid. vet. monum. Tegerns. apud Pez. Tom. 3. Thef. Anecd. part. 3. col. 581.*

Hatwiga parthenonis ad Geronis saltum Abbatissa (11) à Bernardo Halberstadiensi Episcopo in medio Ecclesiæ ante altare S. Crucis sepulta fuit: ubi contractus quidam ejus meritis sanitatem recepisse traditur.

H 2


Sed

(11) Mabill. Annal. tom. 4. p. 235.

Sed quis omnia ejuscemodi Altaria enumeret? cū pau-
cæ sint Benedic̃inæ Ecclesiæ, quæ non aram Sanctæ Cruci
dedicatam habeant. Ab artis verò statuariæ mirâ elegantia,
quæ quidem mihi visa fuerunt, illud Altare, quod est Neres-
hemii, celebri Sueviæ Monasterio, præ multis aliis laudari &
commendari meretur; cui ego B. Alcuini nostri carmen affigo:

*Hec est ara Crucis Sanctæ sacrata triumphis
Mundi in quâ voluit vita salûsque pati.*

Fuit verò Neresheimensis Monasterii Ecclesia Anno Domini-
cæ Incarnationis MCXIX. rogatù *Udalrici* Episcopi Constan-
tensis, *Hartmanni* Fundatoris filii ab *Azone*, Episcopo Aquis-
(nonnullis etiam Aquilegiensi) Callisti II. Papæ in Germa-
niam Legato in honore etiam victoriosissimæ Crucis conse-
crata.



CAPUT II.

*Reliquiæ S. Crucis religioso cultû asservatæ in
Monasteriis & Ecclesiis Ord. S. B.*

SI baculus Protei Stoici, propter ejus, cujus usus deserviebat, auctoritatem, & virtutis opinionem, tanta hominum excitavit studia, ut ipso mortuo cupidis emptoribus talento venditus fuerit; Numinis pieratem! quod pretium illi statuemus baculo, quò amantissimus noster Redemptor usus fuit, & cum quo ceu alter & verus David ad singulare certamen contra totius generis humani hostem, infernalem Goliath, processit? Hic verò baculus, ut nemo nescit, sacra Crux est, cujus vel minimas particulas quanto Majores nostri desiderio expetierint, quantoque in pretio habuerint, quis pro

pro dignitate explicet? Magnæ benedictionis loco habuit S. Legislator Benedictus, divinæ Crucis possedisse reliquias. Has pretiosissimis quibusque prætulit cimeliis, earumque minutis particulis neminem, nisi S. Maurum, quem præ cæteris discipulis in oculis ferebat, donasse legitur. Quo enim tempore is in Gallias missus prima nocte in villa Monasterii quiescebat, à Divo Benedicto *tres portiunculas ligni salutiferæ Crucis* per Honoratum & Felicissimum, Casnates Monachos, submissas, ceu extremum summi amoris pignus accepit; quarum subinde attactu Harderadam, strenuissimum ac clarissimum virum, ex lapsu à præcelsa turri ita graviter læsum, ut omnes de ejusdem vitâ actum esse conclamarent, momentò non sine ingenti prodigio sanavit. Ex his verò tribus fragmentis seculo superiore unum Mediolani inventum fuit. Quò factum, ut eò loci primùm, mox per totam Italiam in S. Maurum brevi aucta veneratione, innumeri infirmi, Ischiade præsertim laborantes, aliqua S.S. Crucis particula, vel ejusdem Crucis imagine signati, recitatisque super eos consuetis precibus, miras ubique sanitates receperint, hodieque recipiant. Vid. Plac. Pucinell. in vit. S. Mauri cap. 41. pag. 155. Armell. Bibl. Bened. Casin. part. 2. p. 153.

Quod S. Fundatoris exemplum summo deinde incitamento Benedictinis fuit, ut quovis studio, labore, ac conatu S. Crucis Reliquias consequi studerent. Nec in iisdem adipiscendis infelices fuerunt. Præcipuas tamen, quibus eorum Sacra pia, sit fas ita loqui, superbiunt, religiosæ cum summorum Pontificum, cæterorumque Ecclesiæ Antistitum, tum Principum, Regum, ac Imperatorum munificentia in acceptis referre debent. Lectori non ingratum fore speramus, si quæ præ cæteris magis insignes, ac cognitione dignæ habentur, earum ipsi notitiam suppeditemus.

§. I.

In Monasterio S. Germani à Pratis.

CHrotildem Childeberti I. Regis Francorum sororem Amalricus Rex Visigothorum in Hispania in matrimonio habebat, sed Arianæ sectæ addictus quotidianis ob fidem orthodoxam injuriis afficere non desistebat. Quod cum Childebertus iniquo ferret animo, Amalricum bello petiit, ac devicit. In Franciam redux ex urbe Toletana, ejusdem Amalrici regia sede Crucis Dominicæ insignem portionem secum reportavit. Hanc subinde in Ecclesia, quam in ejusdem honorem unâ cum Monasterio ab ipso fuisse exstructam superiore capite narravimus, decenter reposuit. Fuit verò hæc sacra Crux Parisiensibus non majori venerationi, quàm ipsa eisdem præsidio. Cum enim (mm) Normanni an. 886. Parisios gravi premerent obsidione, ignem portæ turris injecerunt, ita ut brevi flareret. Tum verò de urbe actum fuisset, nisi vir quidam ad Monasterii Ecclesiam accurrens, S. Crucem corripuisset, eamque conscensâ turri plenus piâ fiducia flammis objecisset. Ut primùm enim id fecit, illicò ignis extinctus, hostis verò à civibus repressus fuit. Unde Abbo Cernuus, sive humilis Monachus Parisiensis S. Germani à Pratis, oculatus testis in descriptione obsidionis urbis Parisiorum ita canit:

*Hæc virtute Crucis Sanctæ victoria nostris
Ceditur - - -*

Et licèt post hanc obsidionem annis & sæculis insequentibus, complura alia bella, seditiones atque obsidiones Lutetiæ Parisiorum incubuerint, hæc tamen Crux, auro quamvis & gemmis pretiosis radiaret, rapaces prædonum atque hostium

ma-

(mm) Bouillart in Historia Monasterii S. Germani à Pratis Gallicè scripta p. 58.

manus usque ad annum millesimum sexagesimum evasit. Tum verò parùm abfuit, quin non Cœnobitæ San-Germanenses æmulorum malitiâ, eâdem fuerint spoliati. Rem in literas ac monumenta Autor anonymus & cœvus his verbis retulit:

„ Philippus Magnus, Henrici Regis Filius, dignitatem regalis principatûs patre sepulto suscepit annis adhuc in puerilibus. Prædictus itaque Rex adulatorum consiliis, utpote juvenis, nimis credulus, Basilicam S. Germani, quæ propè Parisius est, satis irreverenter ingressus est: quatenus de thesauris Ecclesiæ, quos ibi Childebertus Rex ad decorem domus Dei multos congregaverat, cupiditatibus & voluntatibus suis satisfaceret. Igitur Crucem auream, quæ post altare beati Vincentii Martyris locata erat, deponi mandavit, ut aurum & lapides pretiosos inde asportaret, suisque satellitibus asportata distribueret. Est enim ipsa Crux operis ac ponderis incomparabilis, gemmisque exquisitissimis venustata, utpote quam dicunt de Hispaniis allatam, & in præfatam Ecclesiam ex regalibus munificentis illatam. Cujus pretiosissimi donarii laudem res ipsa adhuc testatur: & dum superstes erit, ipsum opus mirificum, & auri pondus immensum testabitur. Imperante & præsenterege deposita est, cui supererat Crux de columna, & super tapetem unum in Ecclesiæ pavimento collocata. Aderant artifices cum suo apparatu ex Regis edicto deletioni Crucis instantes. Nec minùs intererant Ecclesiæ illius Monachi condolentes, Sanctum Vincentium & beatissimum Germanum præcipuè invocantes. Monachorum alii capsulas, in quibus Sanctorum continebantur pignora, humi deposuerunt, & voce flebili & corde suspirioso Dei misericordiam everberabant. Huic tam execrando spectaculo aderat Stephanus urbis prædictæ præfectus, homo multùm irreverens, & infrunitus, cujus instinctû nefario rem totam aggressus erat Rex Philippus. Præsumtuosis autem

„ cona-

„ conatibus, Deo gratias, confestim obstitit benignissimus
 „ Deus. Sicut enim relaturn est, his qui astant videnti-
 „ bus, quædam nebula Sancta Sanctorum Ecclesiæ illius ob-
 „ nubilare visa est. Rex autem à proposito suo continuo
 „ destitit, & pavore quodam pertetritus ab his temerariis
 „ ausibus de cætero se cohibuit. Ut etiam divinæ vindictæ
 „ non anceps, imò evidens daretur experimentum, Stepha-
 „ nus præpositus oculorum acie statim privatus est: Et quo-
 „ usque vixit, tali condigna redargutione multatus est. Com-
 „ pulsus est igitur miser in seipso recognoscere, quia consi-
 „ liator adulativus pro terreni Regis amore consilium suum
 „ in cælestem Regem non debuerat arroganter erigere. La-
 „ mentum igitur Monachorum versum est in gaudium: Crux
 „ quoque cum omni reverentia in statu pristino sublimata,
 „ & plebs Parisiensis ex hac Domini visione lætificata. Mi-
 „ raculum siquidem istud celebre habitum est, & inter mul-
 „ tos solenniter divulgatum est. Nos autem posteris nostris
 „ id scriptum transmittimus, ad laudem & gloriam Dei. &
 „ ad recensendam memoriam Patroni nostri beatissimi Ger-
 „ mani, cujus precibus & meritis incessanter adjuvemur,
 „ Amen.

Hæc pretiosa Crux subinde disparuit, ita ut quò deve-
 nerit, planè incompertum habeatur. Forsan bellorum tem-
 pestate (quæ est conjectura Patris *Bouillart* in Historia Mona-
 sterii S. Germani à Pratis Gallicè scripta) abscondita fuit,
 atque ille, cujus fidei credita erat, inter mortales esse desiit,
 quin secretum suum cuiquam revelavit, prout sæpiùs fieri
 amat.

Jacturam hanc hodie refarcit alia Crux aurea, formam
 habens Crucis Hierosolymitanæ, ac pretiosis quaquaversum
 gemmis collucens, qua portio ligni de verâ Cruce inclusa
 habetur, longitudine dimidii pedis. Duplex habet transver-
 sum eodem vitali ditatum ligno, quorum majus tres uncias

&c


THE UNIVERSITY OF CHICAGO

57

57

THE UNIVERSITY OF CHICAGO

THE UNIVERSITY OF CHICAGO
LIBRARY
57



Ιησὺς

Χριστὸς

σταυρῷ παγίᾳ ὑψώσας ἀνθρώπων φύσιν γραφεὶ Κομνηνὸς Μανῆλ στεφφορος.

Id est:

Jesus Christus

Qui cruci affixus exaltavit hominum naturam. scribit Comnenus Manuel Imperator.

& semis, minus duas & dimidiam longum est. Præclarum hoc donum Monasterio S. Germani à Pratis Serenissima Princeps Anna de Gonzaga Dux Mantuæ & Montis Ferrati, Vidua Eduardi Electoris Palatini testamento suo legavit anno 1683. d. 8. Junii. Observatione digna est Græca inscriptio, quæ in postica ejus parte legitur. Eam componunt duo versus jambi, quorum prior, & dimidia pars secundi ligno erecto, altera verò dimidia pars majori transverso incisa est. In transverso minori ex uno latere Ἰησοῦς id est *JESUS*, ex altero Χριστός id est, *Christus* comparent. Nomen Manuelis Comneni Imperatoris Constantinopoleos inscriptioni insertum indubio argumento est, hanc Crucem ab ipso fuisse profectam. Asseritur, quòd dictus Imperator hac Cruce nescio quem Poloniæ Principem aut Ducem donaverit; quâ re factum, ut in cimeliis regii thesauri cum curâ fuerit asservata. Ut curiositati Lectoris satis fiat, ejus figuram hîc exhibere, non à re alienum est visum. Haud difficulter judicium feret de antiquitate inscriptionis ex characterum forma.

Serenissima Princeps Palatina hanc Crucem muneris loco à Joanne Casimiro Poloniæ Rege accepit, qui regno se abdicans eam ex thesauro Coronæ Polonicæ depromptam secum in Gallias avexit. Perpaucas S. Crucis portiones mihi ostendas, qui hanc vel magnitudine vel certitudine exsuperent. Præter enim acta rei gestæ perscripta, aliâsque tabulas, jussû Reverendissimi Harlæi, Archiepiscopi Parisiensis per D. Benjaminum Parisiensis Diocesis magnum Vicarium lectas & examinatas literæ Græcæ antiquitatem Inscriptionis, & veritatem Reliquiarum satis extra dubium ponunt. Ulteriori probationi est manifestum & luculentum prodigium, cujus Serenissima Princeps in suo Testamento mentionem facit. Morti enim proxima asserere non dubitavit, se propriis vidisse oculis, quòd hæc Crux in ignem injecta longo satis tempore in eo jacuerit, quin vel minimùm læsa fuerit. Quod idem

Ducissa Brunswicensis, filia Principis Palatinæ confirmavit, adjiciens, istud prodigium in præsentia multorum utriusque sexûs Principum, & aliarum quarundam non infimæ dignitatis personarum evenisse. Publica & maximè solemnis erat pompa, quâ salutiferum hoc Lignum per Reverendissimum D. Harleum Archiepiscopum Parisiensem ex palatio Principis Palatinæ in Ecclesiam Monasterii S. Germani à Pratis illata fuit.

Sanctæ Cruci accesserunt aliæ sacre Reliquiæ ex munificentia ejusdem Serenissimæ Principis; nempe fragmentum clavi, quo Christus Cruci affixus est; deinde linteum prodigioso Servatoris nostri cruore tinctum: *De calice perfuso, & in sanguinem visibiliter mutato.* Hierothecam eleganti opere confectam Sieur de Brun Regis Pictor ordinarius celeberrimi nominis delineavit. Nimirum duo coelestes genii, nixi genibus, dextrâ sacram Crucem sustentant; sinistrâ verò alter fragmentum sacri clavi thecæ deauratæ inclusum; alter miraculosum sanguinem in parvo calice ex crystallo completitur.

Quâ re admoneor carminis illius, quo Venantius Fortunatus (nn) olim quondam San-Germanensem Ecclesiam celebravit, eamque non modò cum templo Salomonis in comparatione conjunxit, sed illi etiam indubiè præposuit, propter Reliquias S. Crucis, quæ à Childeberto in eadem repositæ fuerunt.

*Si Salmoniaci memoretur machina templi
Arte licèt par sit, pulchrior ista fide.
Nam quæcunque illic veteris velamine legis
Clausæ fuere prius, hîc reserata patent.
Floruit illa quidem vario intertexta metallo
Claruit hæc Christi sanguine tincta nitens
Illam aurum, lapides, ornârunt cedrina ligna
Hic venerabilior de Cruce fulget honor.*

S. II.

(nn) Germ. lib. 12, c. 11.

§. II.

In S. Dionysii propè Parisios Monasterio.

Philippus Augustus Rex Galliae anno MCCV. inter alias sacras Reliquias de verâ ac vivificâ Cruce Christi non exiguae magnitudinis fragmentum à Balduino Imperatore Orientis dono accepit. Salutiferum lignum aureâ & pretiosis ornatâ gemmis Cruce inclusum fuit. Cùm Rex Ecclesiam S. Dionysii singulari prosequeretur amore, illam præ cæteris hoc thesauro beandam statuit. Igitur sacras Reliquias in manus Henrici Abbatis deponit. Hic nihil cunctandum ratus, eadem die (erat septima Junii) Parisiis ad suam Abbatiam easdem deportavit; in quâ, ut eâ, quâ par erat, reverentia & devotione exciperentur, nihil curæ prætermisit. Nec Monachi suæ erga Dominicam Crucem pietati defuerunt. Ad exaugendam solemnem pompam nudis pedibus, sed sericis induti Pluvialibus, ut vocant, è Monasterio egressi fuerunt. Ipsis universus civitatis clerus ac populus maximâ frequentiam se adjunxit. Per aliquod progressum spatium Henrico Abbati obviam facti fuerunt, qui impertiendo sacrâ Cruce benedictionem ipsos salutavit, quas subinde cum cæteris sacris Reliquiis in San-Dionysianæ Ecclesiæ intulit sacrarium.

Mense Septembri insequenti, die ipsa Exaltationis S. Crucis, Philippus Episcopus Belvacensis, Stephanus Noviomensis, Gaufridus Sylvanectensis, deditâ opera, atque ex composito, ad S. Dionysii Asceterium venerunt, ut sacras Reliquias iussu Regis ad eum locum paulo ante delatas venerarentur. Peractâ devotione chartam, posteritati futuram authenticum testimonium conscribi fecerunt. In hac fidem faciunt, quod quas sacras Reliquias unâ cum literis testimonialibus aureo sigillo munitis Balduinus Imperator ad Philip-pum Regem transmissit, & viderint, & deosculati fuerint.

Præterea de indulgentiis mentionem faciunt, quas illis suis Dioecesanis impertiuntur, qui ab Exaltatione S. Crucis anni præsentis usque ad futurum Pascha ad devenerandas sacras hæc Reliquias accessuri sint.

Charta Episcoporum, Belvacensis, Noviomenfis, & Sylvanectensis.

„ Philippus Dei gratia Belvacensis, Stephanus Noviomen-
 „ fis, Gaufridus Sylvanectensis Episcopi. Omnibus ad quos
 „ literæ præsentis pervenerint, salutem in salutis auctore.
 „ Universitati vestræ intimamus, & testificamur præsentibus,
 „ nos in Exaltatione Sanctæ Crucis apud beatum Dionysium
 „ convenisse, & Sanctas Reliquias Domino Regi Francorum
 „ ab Imperatore Constantinopolitano transmissas, & penes
 „ eundem locum à Domino Rege repositas, ad Dei gloriam
 „ & honorem ac salutem Fidelium exaltâsse ac palàm fecisse.
 „ Sunt autem hæ reliquiæ, quas prædictus Imperator per
 „ fidelem nuntium cum literis suis patentibus aureo sigillo
 „ signatis transmissit. De ligno Crucis Dominicæ longitudi-
 „ ne unius pedis aut amplius ----- Reliquias istas, quas di-
 „ ximus, propriis oculis inspicere, osculari, & adorare Do-
 „ mino miserante meruimus. Vos omnes attentius commo-
 „ nentes, ut eas requirere, ac venerari curetis, scituri, quod
 „ nos potestate nobis à Deo commissâ omnibus, qui ea re-
 „ quiserint, septimam partem sibi injunctæ pænitentiae re-
 „ laxamus, peccata oblita remittimus, de fractis votis si ad
 „ ea redierint, de parentum offensis, si tamen in eis manus
 „ nequaquam injecerint, eos absolvimus, & ab exaltatione
 „ Sanctæ Crucis usque ad octavas Paschæ durabit hæc nostra
 „ remissio.

„ Actum apud beatum Dionysium anno Domini millesi-
 „ mo ducentesimo quinto, Mense Septembri.

In Sacrario ejusdem San-Dionysianæ Ecclesiæ exhibetur effigies Crucifixi ex veræ Crucis ligno fabricata, & ut creditur,

tur, à Clemente III. qui Philippum Augustum eâdem donavit, propriis manibus elaborata.

Item alia Crux argentea deaurata, in quâ fragmentum veræ Crucis inclusum est. Venit ex dono Hieronymi de Chambellan, Abbatîæ hujus Regiæ Magni Prioris, quò tempore annum vitæ suæ religiôsæ quinquagesimum celebravit: id nos docet inscriptio: *Hæc Crux in sui Monastici gratiam jubilæi à F. Hieronymo de Chambellan hujus Cænobis magno Prioris 1509.*

Vide Historiam Abbatîæ S. Dionysii in Francia Gallicè scriptam per D. Felibien ex Congr. S. Mauri lib. 4. pag. 215. & Cod. Probat. n. 154 p. 115.

§. III.

In Parthenone Pi&aviensi.

Quod salutiferum sacræ Crucis lignum Diva Radegundis Regina ab Imperatore Justino impetravit, in Parthenone Pi&avis à se condito summâ veneratione reposuit. Cujus rei historiam verbis Venantii Fortunati Episcopi Pi&aviensis in vita (60) ejusdem S. Reginæ referre juvat.

„ Quia Dominus non privabit bonis eos qui ambulant,
 „ in innocentia, & qui eum ex toto corde, & ex tota anima,
 „ ma, & ex tota mente quæserit, sicut hæc Beata fecit, Divina clementia se benignam exhibuit, ei&que in sensu posuit, in cujus pectore die noct&que requiescebat, ut sicut
 „ Beata Helena, sapientiâ imbuta, timore Dei plena, bonis operibus gloriosa Lignum salutare, ubi pretium mundi pro nostrâ salute appensum fuerat, ut nos de potestate diaboli eriperet, perquisivit, ita ut invento ambabus manibus plauderet, & in terra genu flexo Dominum adoraret,

1 3

„ ubi

(60) Vide illam apud Mabill. A& San&tor. O. S. B. sec. 1. pag. 331.

„ ubi ipsam in mortuo suscitato Dominicam Crucem supra-
 „ positam agnovit dicens: In veritate tu es Christus filius
 „ Dei, qui in hunc mundum venisti, tuosque captivos, quos
 „ creasti, pretioso sanguine redemisti; Quod fecit illa in
 „ Orientali patria, hoc fecit Beata Radegundis in Gallia.

„ Et quia sine consilio in mundo, dum vixit, nihil facere
 „ voluit: transmisit literas ad præcellentissimum Sigibertum
 „ Regem, cujus Imperio patria ista regebatur, ut ei permit-
 „ teret pro totius patriæ salute, & ejus Regni stabilitate, Li-
 „ gnum Crucis Domini ab Imperatore (*Justino*) expetere.
 „ Quod ille benignissimè ad petitionem Sanctæ Reginæ as-
 „ sensum præbuit. Illa devotione plena, desiderio accensa
 „ ad Imperatorem non munera dirigit, quæ se propter Deum
 „ pauperem fecit: sed oratione obtinente cum comitatû
 „ Sanctorum, quos incessabiliter invocabat, Missos suos di-
 „ rexit. Sed quod sua vota poscebant, obtinuit, ut beatum
 „ Lignum Crucis Domini auro & gemmis ornatum, & mul-
 „ tas Sanctorum Reliquias, quas Oriens retinebat, uno resi-
 „ dens loco se habere gloriata est. Ad petitionem Sanctæ
 „ transmisit Imperator Legatarios cum Evangeliiis auro &
 „ gemmis ornatis.

„ At ubi lignum, ubi salus mundi pependerit, Pictavis
 „ civitatem cum congregatione Sanctorum advenit, & Pon-
 „ tifex loci cum omni populo devotè hoc vellet excipere;
 „ inimicus humani generis per satellites suos egit, ut pre-
 „ tium mundi repellerent, nec in civitate recipere vellent,
 „ qualiter Beata Radegundis tribulationibus subjaceret, aliud
 „ pro alio asserentes, Judaico ordine; quod nostrum non
 „ est disserere, ipsi viderint: Dominus novit, qui sunt ejus.
 „ Sed illa Spiritû fervente animo dimicante, iterum ad be-
 „ nignissimum Regem dirigit, quia in civitatem salutem re-
 „ cipere noluerunt. Interim quousque Missi sui de Domino
 „ Rege reverterentur, in Turonico suo Monasterio virorum
 „ quod

„ quod condidit, ut ipsum salvaret ibi cum pfallentio Sa-
 „ cerdotum Crucem Domini vel pignora Sanctorum com-
 „ mendavit. Non minorem injuriam passa est Sancta Crux
 „ per invidiam, quam Dominus, qui percursorem (pp) fi-
 „ delem vocatus & revocatus ante Presides & Judices om-
 „ nem malitiam patienter sustinuit, ut quod creaverat, non
 „ periret. In quanto se cruciatu posuit, in jejuniis, in vi-
 „ giliis, in profusione lacrymarum tota Congregatio sua, in
 „ luctu & fletu omnibus diebus, usquequo respexit Dominus
 „ humilitatem ancillæ suæ, qui dedit in corde Regis, ut
 „ faceret judicium & justitiam in medio populi? Nam de-
 „ votus Rex per fidelem suum virum illustrem Justinum Co-
 „ mitem transmisit ad virum Apostolicum Domnum Eufro-
 „ nium, Turonicæ civitatis Episcopum, ut cum honore di-
 „ gno gloriosam Crucem Domini, vel Sanctorum Reliquias
 „ in Monasterio Domnæ Radegundis introponeret, quod &
 „ factum est. Exultavit in gaudio Beata cum omni Cella
 „ sua, sicque hoc de cœlis donum bonum & datum perfectum
 „ suæ Congregationi, quam ad Domini servitium congrega-
 „ vit, contulit, in Spiritû sentiens, quòd post ejus transitum
 „ parum habere posset: hoc donum cæleste provitrix opti-
 „ ma, gubernatrix bona, ut oves non usquequaque relin-
 „ queret, pretium mundi de pignore Christi, quod de lon-
 „ ginq̃ua regione expetiit, ad honorem loci & salvationem
 „ populi suo in Monasterio dimisit, ubi virtute Dei coope-
 „ rante, potentiâ cœli ministrante, cæcorum oculi lumen
 „ recipiunt, aures surdæ patefiunt, mutorum lingua ad suum
 „ redit officium, claudi ambulant, dæmones effugantur.
 „ Quid plura? quisquis à quacunque infirmitate detentus
 „ ex fide venerit per virtutem Sanctæ Crucis sanus redit.
 „ Quis queat dicere, quantum & quale donum huic urbi
 „ Beata contulit? unde quisquis ex fide vivit, ejus nomen
 „ benedicit.

Haſte-

(pp) al. percuſſorem;

Haftenus Venantius Fortunatus, qui eandem historiam versibus expressit, quos, si placet, legere poteris in Bibliotheca Patrum editionis Lugdunensis Tomo X. Ubi alia etiam carmina, quæ idem Fortunatus hac occasione cecinit, libro secundo habentur. Tertium carmen agit de Oratorio S. Crucis, quod S. Gregorius Turonensis, nondum tunc Episcopus construxit, occasione ligni S. Crucis Turonos delati, & aliquamdiu in Monasterio virorum à B. Radegunde ibi instituto religiosè asservati. Idem Gregorius lib. 1. de gloria Martyrum cap. 5. prodigia in Monasterio Pictaviensi eâdem S. Crucis particulâ edita commemorat, quibus his verbis finem imponit: *Energumeni, claudi, & alii quoque infirmi persape in hoc loco sanantur.*

§. IV.

In Monasterio Gellonenſi.

S. Willelmus, seu Guilielmus regio Francorum Principum sanguine editus magnas in aula Caroli M. dignitates gessit. Dux Septimaniæ constitutus bella contra Saracenos fortiter gessit, à quibus sæpiùs devictis egregia reportavit trophæa. Ipso Carolus M. & Ludovicus Pius familiariter utebantur. Sed aulæ, militiæ, ac honorum pertæsus fugam sæculi meditari, ac in Monasterium Gellonenſe à se fundatum secedere decrevit. Est locus valde solitarius in Septimaniâ seu Occitaniâ in pago Lutevenſi ad Araurim fluviolum medio ferè itinere inter Lutevam & Montem pessulanum urbes episcopales inter excelsa montium juga, quibus undique cingitur. Caroli licentia ægrè impetrata, dona regia, quibus eum cumulare volebat, accipere noluit, sed in hæc verba respondit. (99) „ Quod autem gratia vestra de thesau-
„ ris

(99) Vide vitam apud Mabill. in Actis Sanctorum O. S. B. sec. 4. part. 1. p. 79.

„ ris vestris dona mihi placita dignatur offerre, vos quidem
 „ facitis vestro regio & imperiali more. At verò si ego meis
 „ omnibus pro Christo abrenuntio, quomodo vestra tollo,
 „ vel aliquid ab aliquo qualiter accipio? sufficit enim re-
 „ rum mearum copia, auri quoque & argenti satis ingens
 „ pecunia. Tamen si multum vobis placet mihi dare, &
 „ per me omnipotenti Deo aliquid præsentare; sunt vobis
 „ dona religiosa, sunt munera pretiosa, quod vestrum est
 „ dare sine reprehensione, & meum suscipere absque offen-
 „ sione. Dico enim de glorioso ligno Domini, quod me
 „ præsentè olim vobis missum est ab Hierosolymis. Quo au-
 „ dito Carolus primò quidem accepit durè: deinde ad se
 „ rediens, & tanti amici devictus amore, Felicem me, inquit,
 „ pro hac petitione, & hoc erit factum cum Dei benedi-
 „ ctione. Denique cùm Rex ipse venerabilis primo Imperii
 „ sui anno Romæ moraretur, & imperialem ad primam glo-
 „ riam restauraret dignitatem; Patriarcha Hierosolymitanus
 „ desiderans eum honorare, multùmque placere ei, miserat
 „ illi ab Hierosolymis per Zachariam (rr) magni propositi
 „ magnique testimonii Sacerdotem, pèrque duos Monachos
 „ Hierosolymitanos magnæ religionis nec paryæ auctoritatis,
 „ illud Dominicæ Crucis venerabile cundisq; mortalibus
 „ phylacterium adorandum, gemmarum splendoribus &
 „ auro purissimo, quantum potuit humana devotio, decen-
 „ tissimè perornatum, magnisque postea & crebris explora-

K

„ tum

(rr) Nimirum anno DCCC, testante Monacho Ecolismensi in vita Caroli M. in
 hæc verba: Eadem die, nempe V. li. Kil. Decemb. Zacharias quem anno præcedente
 Carolus cum Mon-cho Hierosolymitano ad se nullo direxerat, cum duobus Monachis,
 uno de Monte Oliveti altero de Susslo Sabba, de Oriente reversus Romam venit, quos Patriarcha
 ad Regem misit, qui benedictionis causa claves sepulchri Domini, ac loci Calvaria, claves
 etiam Civitatis & Montis Oliveti cum vexillo detulerunt. Quæ eadem ferè verba legun-
 tur in Annalibus Eginhardi. Ubi etsi nulla ligni dominicæ Crucis mentio fit, constat
 tamen tum portionem eius, tum alia donarla Carolo fuisse concessa, quæ postea ipse
 Aquisgrani reposuit. Certè pleræque donationes antiquitus factæ Monasterio Gello-
 nensi hunc præferunt titulum: *Donamus Sancto Salvatore & venerabili ligno Crucis San-
 ctique Willhelmo.* Nota Mabillonis l.c.

„ tum atque probatum virtutibus: ut nulli sit dubium, quin
 „ ipsum verè de eo ipso fuerit nostræ redemptionis ligno.
 „ Hoc donum Regi dignum misit Carolo ab Hierosolymis
 „ venerabilis Patriarcha: quod Dei cultor ille mirabilis Im-
 „ perator, super omne quod offerri vel præsentari poterat,
 „ gratum habuit & acceptum. Suscepit enim Rex munus
 „ sacrosanctum, sibi quidem prædestinatum. Igitur Rege
 „ jubente mittitur sine mora: deferitur illud lignum mirabile
 „ cum sanctificata ac venerabili ara, nec non & ipsius aræ
 „ pretiosus cultus & plurima ornamenta, Sanctorum etiam
 „ pignora gloriosa, (ss) quæ Carolus propria manu dat
 „ amico in hæc verba: Suscipe nunc, dilectissime, hæc Do-
 „ mini tui dona contra malignos spiritus, & contra adversa
 „ omnia, præclara atque fortissima arma, suscipe Regis tui
 „ munera, novissima militiæ tuæ præmia. Hæc tibi semper
 „ erunt nostræ dilectionis vera & certissima signa, frequens
 „ recordatio, memoria sempiterna. Haud enim dubium,
 „ quia quotiescunque hæc sancta vel oculis aspexeris, vel
 „ manibus tenueris Domini tui Caroli oblivisci non poteris.

Hoc modo Dux Willelmus ligno Dominicæ Crucis potitus, illud ad Monasterium Gellonense detulit, & non tam variis devotionis obsequiis, quàm vita mirè austera & sanctissimè acta usque ad mortem coluit, & honoravit.

„ Post transitum (ss) Sanctissimi Guillelmi placuit divi-
 „ næ gratiæ super Guillonense Monasterium manifestiùs
 „ ostendere sui amoris respectum, tam propter B. Guillelmi
 „ merita, quàm propter lignum dominicum, quod vir Dei
 „ Carolo donante illuc detulerat secum. Cœpit illud Chri-
 „ sti vexillum in eodem loco miraculis coruscare, locum it-
 „ „ radia-

(ss) Id est, reliquiæ Sanctorum, quas hodie quoque possident Gelonenses Benedicini, sed arcæ permixtum inclusas, ab anno MDLXVIII, quo in subsidium prædii militaris adversus Calvinistas, dissipata est sacra suppellex præter Grucem prædictam, brachium S. Willelmi, & alia quædam. Nota Mabillonii. (ss) Ex libello de Miraculis S. Willelmi, quem vide apud Mabill. sec. IV. Ben. part. 2. p. 556.

„ radiare , ægros sanare , afflictoſ liberare ; dæmoneſ verò
 „ fortiter effugare : è quibus aliquod dignum ducimus ad
 „ Sanctæ Crucis gloriam breviter ſcribere , utcunque magni-
 „ ficè prædicare . Eſt namque non longè ab eodem Mona-
 „ ſterio fluvius , vocabulo Aurariſ (**) dictuſ , magno im-
 „ petu de montibus deſcendens , ubi navis erat , cum qua
 „ Monaſterium expetenteſ , flumen tranſirèſque volenteſ ne-
 „ ceſſariò tranſvehi oportebat . Hunc itaque fluvium dæ-
 „ mon Deo permittente poſſidebat , multoſ ibidem demer-
 „ gens , demerſoſ atque perdenteſ , modò ſinguloſ modò plu-
 „ reſ aquis imprimenſ , & abſorbent . Sæpe enim ipſam na-
 „ vem rebus perditis , hominibuſ ſuffocatis , repente ſub-
 „ mergebat . Homineſ autem loci illiuſ hoc ſcandalum non
 „ ferenteſ , Sanctum Guillelmum expetunt , & ſpecialiter po-
 „ ſtulant ligni dominici ſingulare præſidium , per quod ſciunt
 „ diabolum eſſe viſtum . Orant cum lacrymiſ , forteſ in fide ,
 „ ſit petitio populi , ut lignum deferatur , deſertur ad am-
 „ nem bajulante illud Abbate dicti Monaſterii , cum choriſ
 „ pſallentium Monachorum & Cleri . Conveniunt multi
 „ venerabileſ viri , virtutem Domini contra fraudeſ diaboli
 „ videre cupienteſ . Mox namque ut lignum in litore appa-
 „ ruit , phantaſma diabolicum vim Sanctæ Crucis non ſu-
 „ ſtinent , relicto flumine , ſicut ſumus evanuit , nec ibidem
 „ ulteriuſ draco ille viſuſ , nec inventuſ fuit .

„ Monachi cujuſdam Monaſterii de Francia , Zelo duſi
 „ & avaritia , propter dona & oblationeſ , quæ fiebant in Mo-
 „ naſterio Guillonenſi ob reverentiam & devotionem illiuſ
 „ pretioſiſſimi ligni ; conſiliuſ inierunt ut , ſi aliter non poſ-
 „ ſent , furto raperent , & ad ſuum Monaſterium transfer-
 „ rent , ſic quæſtuſ multipliciſ oblationiſ ad eoſ conſequen-
 „ ter pervenirent . Eliguntur igitur duo de pluribuſ non
 „ Monachi , ſed dæmoniachi , non fratreſ , ſed fureſ , atque

K 2

„ ad

(**) l'Erzuc.

„ ad Guillonense Monasterium diriguntur, dolis armati, com-
 „ positis mendaciis multis. Juxtà templi vestibulum cujus-
 „ dam subintrant hospitium, peregrinos se dicunt, ægritu-
 „ dinem simulant, causâ recuperandæ salutis ac veniæ, ad
 „ lignum dominicum, beatumque Guillelmum se venisse
 „ mentiuntur, tamdiu se velle in illo loco manere, & in
 „ Ecclesia ante Sanctum altare excubare, quousque miseri-
 „ cordiam promereantur, virtutem quoque Crucis per B.
 „ Guilelmi meritum in se experiantur. Itaque Prior Mona-
 „ sterii & Fratres verbis illorum nimium creduli circa eos
 „ exhibent humanitatem; concedunt claustrum, Ecclesiam
 „ frequentare, vigilare & orare ad eorum voluntatem. Illi
 „ verò econtra iniqua cogitatione edocti, Ecclesiam frequen-
 „ tant die, simulantes orationem sine devotione: nocte verò
 „ vigilantes, precémque multiplicantes sine compunctione,
 „ locum illum, in quo dominicum lignum custodiebatur,
 „ observant, notatòque loco ad artes diabolicas se commit-
 „ tunt, præparant instrumenta ad invadendum sanctum The-
 „ saurum. Sicque una nocte vigiliis consuetas simulantes,
 „ cum cereis non paucis, Ecclesiam Sancti Guillelmi in-
 „ trant; venerabili altari Dei, timore postposito, appropin-
 „ quant; arcam, in qua thesaurum existimant, irreverenter
 „ invadunt, & arte pessimâ absque clavibus referata, atque
 „ sine sonitu aperta, cum thesauro sanctissimo, nullo sentien-
 „ te templum subito egrediuntur, & fugere cupiunt: sed
 „ Dei virtute nullatenus effugere queunt. Nam de termi-
 „ nis Monasterii nulla unquam parte, nullòque conamine
 „ exire possunt, circumeuntes ut ebrii, & in sua eadem ve-
 „ stigia redeuntes. Jam verò incipiente aurora diei cum
 „ pervenissent ad locum, qui dicitur *ad Crucem*; cogno-
 „ scunt se per virtutem gloriosæ Crucis ligni Domini fixos
 „ immobilésque teneri, & ab apparitionibus B. Guillelmi
 „ nihilominus comprehendi, & ad suspendium trahi, viden-

,, tcs

„ tes etiam sua vestigia impressa nivi, quæ nocte illa mira-
 „ culosè per limum per Dei providentiam ceciderat: nec
 „ locum habent fugiendi nec consilium evadendi. Perter-
 „ riti atque desperati, & mirabiliter coacti lignum Domi-
 „ nicum quod furati fuerant de perâ extrahunt, solóque de-
 „ positum sub condensa nive altiùs abscondunt; móxque
 „ virtutem ligni quam per vindictam incesserant, per Dei
 „ clementiam sentiunt & recognoscunt. Nam gressu re-
 „ pentè recuperato vires resumunt, Deo permittente, liberi
 „ recedunt. Interea venit hora, quando vigiles Oratores
 „ Beati Guilelmi, expleta Matutinali Missa, illo benedicto
 „ ligno populus more solito à Sacerdote peteret benedictio-
 „ nem. Cúmque Sacerdos cum ministris ad venerabilem
 „ thecam processisset, ut inde ipsum lignum afferrent, & fe-
 „ ris referatis apertisque illud non invenissent; quantus &
 „ quantus clamor quantusque dolor populum ac Monachos
 „ subitò invasit, cogitari quidem potest, sed exprimi suffi-
 „ cienter non potest. Quæsitis igitur illis Monachis pere-
 „ grinis & minimè inventis, curritur post eos investigatione
 „ nivis cælitùs emissæ, declarantis & vestigia fugientium cla-
 „ riùs designantis. Nam cùm pervenissent ad locum, in
 „ quo fures turbati, & subvernati substiterant, & lignum
 „ reliquerant, videtur sub nive quasi columna fumi suaviter
 „ vaporantis consurgere, atque conscendere in sublime. Ac-
 „ cedunt omnes pariter ad columnam, lignum quod quæ-
 „ runt, sub nive inveniunt cum magno gaudio, pro Abbate
 „ mittunt, & ipsum inde reverenter tollunt atque ad Mona-
 „ sterium Beati Guilelmi portare non differunt cum hymnis
 „ & canticis, & gloria inenarrabili ad honorem & gloriam
 „ nominis Christi, & laudem B. Guilelmi, & devotionem po-
 „ puli Christiani.

Ea ligni Dominici portio insignis, argento deaurato inclu-
 sa, hætenus adservatur in Monasterio Gellonensi.

S. V.

In Monasterio Carrofenſi.

Nobile hoc Monasterium ſitum eſt apud Piſtones in pago Briouſenſi, Gallicè *de Briou* ad fluvium Carentonam. Conditores habuit Rotgerium Comitem, & Euphraſiam ejus uxorem. *Locus autem*, inquit Ademarus Monachus Engoliſmenſis paginâ 172. in Chronico, quod edidit Labeus Tomo II. Novæ Bibliothecæ Miſtorum Librorum, *antiquo ſermone Gallorum Carroſus vocitabatur propter carrozum confinia, id eſt, vehiculorum publicorum, & deinceps pro reverentia Crucis Sanctum Carroſum appellari placuit.* Hoc verò Crucis lignum de Cruce Dominica exſtat, quam Hieroſolymorum Patriarcha (Thomas) per Gregorium Abbatem de Monte Oliveti & Felicem Monachum, Regi magno Carolo (cum Aquis grani anno 799. moraretur) direxerat, & idem Imperator in eâdem Baſilicâ quam condidit Rotgerius Comes Lemovicenſis in honore Salvatoris repoſuit, non quidem per ſeipſum, ſed per dictum Comitem Rotgerium, cui Dominicæ Crucis particulam tradidit, Carrofenſi conſignandum Monasterio.

Nec tacendum puto, quod idem Ademarus de hac Dominicæ Crucis particula loco citato refert: *Per idem tempus ſepulchrum Sancti Eparchii, Abbatis Egoſiſmenſis, clarere innumeris capit miraculis plus ſolito, & Dei viſio manifeſta patefacta eſt Fulcherio Abbati Sancti Caroſi & Monachis, ut Sanctum lignum Crucis ad tumulum deferrent B. Eparchii, quod conventu ſolenni peractum eſt, & Abbate Raſnaldo Egoſiſmenſi procurante, exceptum eſt S. lignum in Baſilica S. Eparchii, in die ejus feſtivitatis, die primo Menſis Julij. Porro adimpletis, quæ ordinaverat divina pietas, Monachi S. Caroſi valedicentes fratribus Egoſiſmenſibus, cum S. ligno glorioſè remearunt.*

De

De hac ipsa S. Crucis portione, quæ in Monasterio Carro-
fensi asservatur, alia historia in fragmento historiæ Aquitani-
cæ, quod Pithœus juris publici fecit, his verbis recense-
tur. *Cùm Nortmanni in fines Pictavorum irruerent, & omnia
latè vastarent, Monachi S. Carrofi pretiosum Crucis lignum ad
custodiendum Engolismum detulerunt, cum diversis ornamentis
Ecclesiæ, & cessante infestatione Nortmannica, Alduinus in civi-
tate sua retinere tentavit omnibus diebus supra dictum sanctum
lignum, nolens commendatum reddere. Unde per annos septem
languore corporis multatus est ipse, & in populo suo ita fames
vehementissima grassata est, ut quod hætenus incompertum fuit,
de vulgo unus alterum ad devorandum requireret, & multi alios
ferro perimentes, carnibus more luporum, humanis vescerentur.
Quibus actus necessitatibus, uno ante mortem suam anno remisit
Carrosum pretiosum lignum, per manus filij sui Wilhelmi cogno-
mine scëtoris ferri cum capsâ aurea, quam ipse cum gemmis con-
strui imperaverat, uti contulit Lubeliaco villam, & mox cessavit
plaga. Et ipse post annum defunctus VI, Kalend. Aprilis juxta
patrem tumulatus est.*

Sunt verò, qui nasum corrugent, cùm hoc Monasterium
pro reverentia Crucis *Sanctum Carrosum* appellari audiunt; ac
si verò sancti encomium non nisi hominibus vitæ sanctimonia
præstantibus tribuatur: cùm tamen v. g. Mons Andecensis
in Bavaria vulgò *Mons Sanctus* appelletur, per eam causam,
quòd cineres Sanctorum, Beatorum exuviæ, aliæque sancti-
tatis pignora ibi maximo numero custodiantur, quo titulo
etiam Asceterium S. Martini in Pannonia *Mons Sanctus*,
sacra Eremus in Helvetia, Sancta Lerinus insula in
Galliâ, aliæque id genus sanctuaria non pa-
rùm sæpe insiguntur.



§. VI.

In Monasterio S. Facundi, vulgò Sahagun.

ANno Domini circiter MLXXXV. Alexius Comnenus Imperator Constantinopolitanus, famâ commotus Alphonſi Regis in Hispaniâ VI. qui Toletum expugnavit, & ab hostibus Chriſtiani nominis Agarenis regiam illam urbem captam Imperio ſuo adjecerat, Crucem magnam ex ligno Sanctæ Crucis confeſtam munere ei donavit: quam ille Benedictinis Monachis Cœnobii à Sagahun pro magno fuit theſauro largitus. Quæ non ſolùm dæmones ab obſeſſis expellit, & pleraque miracula ad ejus conſpectum altiffimus operatur: verùm per eandem fines illius oppidi tuetur, & protegit à locuſtâ, brucho, grandine, uredine, & gelu ſegetes & vineas incolarum, & tempeſtates ſubito in publicum producta avertit. Quare multùm frequentatur ejus cultus à fidelibus, & ſummâ religione obſervatur. *Ita Ciaconius de ſignis Sanctæ Crucis cap. 34. p. 121.*

§. VII.

In Monasterio S. Turibii de Liebana.

CUmprimis inibi continetur magna quædam pars Crucis, in quâ Chriſtus, ut à deterrima dæmonis ſervitute nos liberaret, mortem exantlavit: ea longa eſt palmos tres cum dimidio, in tranſverſum duos palmos exſuperat. Siniftrumque latus eſt Sanctæ Crucis, quod Helena Imperatrix reliquit Hieroſolymis, tunc quando Cruces detexit Chriſti & Latronum. Clauditur illud latus, ſervatûrque ad formam Crucis, integrumque conſpicitur foramen, quò confixa fuit Chriſti manus. Quinquaginta abhinc annis & ultra in eam formam

mam

nam redactum est, eaque occasione particulæ plurimæ pio furto subductæ fuerunt, quæ quidam nunc publicam in lucem proferunt. Magna sunt miracula, quæ Dominus noster operatur in favorem suæ Sanctæ Crucis, servans fructus in agris, quoties exponitur adversus grandines, cœlique tempestates, sanans infirmos & obseſſos; quare eò continuò peregrinantur devoti & indigi, qui Sanctum Crucem invifunt. Trajiciuntur per illud Sanctum foramen Cruces, cera, & aqua quibus cœlestis virtus inditur. *Ex Prudentio Sandoval de Fundat. Monasterior. O. S. B. in Hispania P. I. pag. 5.*

§. VIII. *In Monasterio Augienſi.*

SACRAS inter Crucis Dominicæ Reliquias, quæ in Familiæ Benedictinæ Monasteriis religioſe aſſervantur, ea Crux, quam antiquiſſimum, & longè celeberrimum Divitis Augiæ Aſceterium ſummâ custodit veneratione, principem ſibi locum jure ac merito vindicare poſſe videtur; non quòd alias S. Crucis particulas vel magnitudine, vel auri ac gemmarum, quibus condecorata eſt, pretio exſuperet, ſed quod pretioſiſſimum divini ſanguinis contineat theſaurum. Meminerunt verò hujus ſacræ Crucis multi cùm veteris tum recentioris ævi ſcriptores. Agmen ducit *Hermannus Contractus* in Chronico Mſſ. ad annum 923. „ Sanguis Domini in Augiam inſulam à quâdam matrona deſertur, ſicuti literis inibi hiſtorica relatione continetur. „ *Idem* in Chronico apud Caniſum & in Biblioth. PP. ad an. 922. hæc eadem habet. *Idem* in Chronico apud Piſtorium ad an. 923. „ Sanguis Domini in Augiam Inſulam deſertur. *Continuator Regimonis* „ Anno Dominicæ Incarnationis DCCCCXXIII. pretioſiſſimus theſaurus ſanguinis Domini venit in Augiam VI. Idus Novembris.

Anonymus in Chronico, quod edidit Stephanus Baluzius lib. 1. Miscell. An. 923. pretiosissimus thesaurus sanguinis Domini in Attigiam (in margine Augiam) venit VI. Idus Novembris. *Marianus Scotus* „ An. 923. pretiosissimus thesaurus Sanguinis Domini venit in Augiam 6. Idus Novemb. „ *Matthæus de Bap-penheim* in Chronico Australi „ DCCCCXXIII. Sanguis Domini in Augiam Insulam deferitur. „ *Bruschi* in Chronolog. Monast. Germ. fol. 37. Thietingus eligitur Anno 915. præfuit tribus annis; sub eo sanguis Dominicus scribitur ex Hierosolymis transmissus esse in Augiam Divitem à Rege Azan. *Gabriel Bucelinus* part. 1. Chronol. Constant. ad annum 922. „ Beatur insigni Dominici sanguinis thesauro hoc ipso anno Augia, hoc uno, si nullo alio fuisset solidè Divès. „ *Joannes Mabillonius* Delationis sanguinis Dominici in Augiam historiam à Monacho anonymo Augiensi scriptis consignatam, atque ex membranaceo codice Bibliothecæ Augiensis acceptam juris publici fecit in appendice ad Tomum III. Annal. O. S. B. ejus verò epitomen suis conceptam verbis ejusdem Tomi lib. 42. n. 49. pag. 371. intexit.

Quia verò Crux & Sanguis Domini non tantum in Augiam Divitem delati, sed sæculo proximè præterito ex eadem elati, & hoc labente paucis abhinc annis relati fuerunt, historia in tres potissimum partes commodum distribui posse videtur; quarum primâ *Delatio*, altera *Elatio*, postrema *Relatio* describatur. Quibus expositis subjiciemus elucidationem characterum, quibus Sancta Crux inscripta est.



I. DELATIO CRUCIS ET SANGUINIS DOMINI IN AUGIAM.

QUO tempore Leo III. Adriano I. in summo succefferat pontificatû, graves eôsq̃ue atroces perpeſſus eſt adverſarios; quorum ſacrilego furore linguâ atque utroque lumine deteſtandum in modum privatus fuit. *Romani*, inquit Eginhardus in vitâ Caroli, *Leonem multis affectum injuriis, erutis videlicet oculis, linguâque amputata fidem Regis implorare compulerunt.* Igitur Carolus, ut ſeverè in nefarios animadverteret, Romam iter inſtituit, ubi anno 800. Imperator à Leone coronatus fuit. Iiſdem ſerè temporibus, anno 799. Azan Jeruſolymorum urbis præfectus ex Oriente in Occidentem trajecerat, ut Carolum famâ rebûſque præclare geſtis, toto orbe celeberrimum non videret modò, ſed per obſequium etiam ſalutaret, ac veneraretur. Jàmque in Corſicam delatus fuerat, cùm morbo correptus graviter ægrotare cœpit. Accēſit animi ægritudo, quod cùm tantum maris ac terræ emenſus fuiſſet, ſacra tamen munera, quibus Carolum cumulare geſtiebat, præſens ac coràm eidem ipſe offerre non poſſet.

Hæc donaria erant ampulla una ex lapide onychino, ſanguine Chriſti Domini plena; item crucicula ex auro & gemmis fabrefacta, cruorem itidem Chriſti continens in quatuor partibus incluſum, & in medio portiunculam ligni Domini; adhæc ſpinea corona, quâ Chriſti Sacroſanctum caput redimitum fuit; denique unus è clavis, quibus in Cruce confixus eſt, & de ejus ſepulchro.

Ut primùm verò Carolus de Azanis morbo edoſus fuit, legatos ad eum mittere conſtituit, qui, priuſquàm quid ei humanitùs contingeret, pretioſa reciperent munera. Erant in comitatû Caroli præcipui quique Germaniæ Præſules ac

Proceres. Eminuerunt inter hos Waldo & Hunfridus. Prior Augiæ Divitis Abbas ordine VIII. vir erat eximîâ pietate, doctrinâ, ac prudentia Carolo carissimus, & ab intimis non modò consiliis, sed sacris etiam confessionibus; qui postquam Ticinensem & Basileensem administraverat episcopatus, his honoribus valere jussis, Parisios secessit, ubi regularem disciplinam in Regio S. Dionysii Monasterio ferè collapsam restituit, atque animam de Ecclesia & familia Benedictina optimè meritam an. 814. d. 29. Martii Deo tradidit. Hunfridus totius Istriæ Præfectus erat, vir militaris, manû promptus, fortis juxtâ ac pius; quam eximiam suam erga Deum pietatem Schinenfis in Rhætia Curienfi Parthenonis constructione abundè testatus est. Utrique, Waldoni & Hunfrido Carolus in mandatis dedit, ut censensâ navi vela in Corsicam facerent. Nec mora: solvunt è portû, mari se committunt, ac secundis ventis Corsicam tenent. In litus expositi ad Azanem adeunt, verbis sui Regis humanissimè salutant: legationis capita exponunt: literas ac munera proferunt, quibus Carolus eundem volebat donatum. Nihil jucundius, nihil acceptius Azani accidere potuisset: quocirca Legatos & ipse summâ complectitur benevolentia, exoptatum felicemque gratulatur adventum; deinde oblatâ dextrâ humanissimè salvos esse jubet. Post aliquot dies, qui viribus instaurandis dati fuerunt, sacra profert munera, eorum copiam legatis facit, atque ut ad Regem suum deferant, etiam atque etiam rogat. Sic iisdem amicitie ac benevolentie signis utrinque discessum, quibus ventum est. Legati ad Carolum regressi prolatis divinis Reliquiis incredibili ipsum lætitiâ affecerunt.

Hunc verò in modum legatio gnaviter gesta, utrique Waldoni & Hunfrido animos addidit, ut quod quisque in optatis habebat, à Carolo expetere auderet. Et Waldo quidem ut Monasterii sui Augienfis privilegia augetet, novum à Carolo

rolo petiit, nec difficulter impetravit. In Hunfrido vel major audacia, vel regii favoris fiducia erat: à Carolo namque prædictam cruciculam sanguine Christi refertam petere est ausus; quam ille tamen arctius complexus est, quam ut facile è manibus amitteret. Instaurandæ igitur supplicis preces fuerunt. Ægrè tandem obtentam in Parthenone, quem Schenis in Rhætiâ Curienti construxisse paulò ante diximus, magnâ pietate ac devotione deposuit.

Hunfrido rebus humanis exempto Adalbertus ejus filius in primis ferè curis habuit, ut hanc cruciculam hæreditario jure repeteret. Hujus per omnem Rhætiâ celebre erat nomen, ut qui à Langaro fluvio usque Brigantiam & Lindaviam rerum potiretur. Is ipse fuit, quem Lindaviensis Partheno conditorem suum veneratur. Nocuit viro nobilissimæ tametsi profapiæ magna hæc potentia. Ruodpertus enim, Ludovici Augusti vasallus, vires Adalberti credulo nimium Cæsari suspectas reddidit: quâ re effecit, ut Adalberto amoto ipse rerum summæ in Rhætia præficeretur. Pulsus è provinciâ Adalbertus ad fratrem suum Burchardum, Histriæ comitem profugit. Hujus auxiliis ac copiis subnixus æmulo ac criminatori bellum movit. Ubi in Rhætia propè Ciceronis pagum (Cicërs vulgò vocant) infestis armis concursus est, post acrem pugnam debellatum fuit. Ruodpertus acie inferior occubuit, cujus exanime corpus Adalbertus, vir militaris, insolitâ pietate in Lindaviensi suo Cœnobio terræ honorificè mandari curavit. Hoste è medio sublato, ipse vitam ad annum circiter 846. produxit, quo diem obiit supremum.

Filius Odalricus seu Udalricus, paternarum opum hæres, prædictam cruciculam non minore habuit in veneratione, quam linææ ultimæ admotus, non filio, quem nullum habebat, sed Emmæ vel Hemmæ, quæ unica ipsi filia erat, testamento reliquit. Hæc Arnoldo Comiti de Lenzburg in matrimonio fuit collocata, cui filium genuit, quem ex avi no-

mine Udalricum nuncupavit. Ab obitu parentum Udalricus filius & hæres nuptias meditari coepit. In oculis ferebat Nympham uti generis prosapia ita formæ præstantia nulli secundam; cujus parentes erant Waltharius & Suana-hilda Comites de Kyburg, aut, ut alii volunt, Nobiles de Klingen, eximie pietatis conjuges. Cum his ita Comes Udalricus transegit, ut filiam sibi domum ducere liceret, ipsi verò ejus loco sacrum thesaurum dono haberent. Hunc illi tutiori in loco, id est, in arcis suæ sacello (Zurzacha nomen arci fuisse prodit Mabillonius rectè an. perperam?) non indiligenter asservari curarunt.

Hæc dum geruntur, adest Hannibal ante portam seu Burchardus Alemanniæ Dux, odio Waltharii dudum captus, arcemque summa expugnare vi adoritur. Jámque propè aberat, ut arx dederetur, cùm Suanahilda Waltharii pientissima conjux prehensâ sacrâ cruciculâ, obviam progressa hostes per amorem Crucis & Sanguinis Domini obtestata est, ut ab armis inferendis cessarent. At surdis dicta profudit. Illis igitur in arce expugnanda persistentibus, unus ex eis lapide percussus, è muro in fossam dejectus, atque propè enectus fuit. Quò istû ac casû cæteri animo ita perculsi fuerunt (quod miraculi loco esse poterat) ut ad unum omnes præcipiti fugæ se mandarint.

Solutâ obsidione ut pia sæmina debitas Deo grates referret, ad Augiense se contulit Monasterium. Numine verò impellente factum est, ut ejus clericus, ipsa nesciente, hanc cruciculam secum ferret. Cujus rei ut certior facta est, æquo eam animo non accepit. Ubi verò in Augiam pervenit, etsi omni humanitatis genere à viris Religiosis, præcipuè à Germano suo Odalrico seu Udalrico, Monacho & Portario Augiensi excepta fuisset, ipsa tamen divinum thesaurum suum identidem animo versabat. Hunc, ne debitus ei honos non accideret, candidos inter cerceos, qui eidem allucerent, decenter


center collocavit. Mirari ac sciscitari Cœnobitæ, quid hoc rei esset? Ipsa, ut aliquid responderet, verba facere, quibus tamen auditis, nihil comperti haberent. Quid? quòd rem ita secretam tenuit, ut nec in amicissimi hominis, fratris sui Udalrici, aures deponere voluerit. Instare tamen Augienses, urgere, incerta responsa non ferre. Ad extremum importunis subacta precibus arcanum edidit: quò intellectu vehementer illi rogabant, ut tanti thesauri pro majore ipsius cultu in ædem sacram transferendi potestatem faceret. Votis ægrè licèt potiti divinum pignus in Ecclesiam deportant, hymnis ac canticis, instructo psallentium choro, per totam noctem celebrant, summo autem mane in limpidam immittunt aquam, quò huic vim medendi ægrotis inderet. Et verò indita fuit. Quidam enim fratrum diuturno oppressus morbo ut primùm aquam libavit, sanitatem hausit. Quæ res novas retinendæ S. Crucis faces Monachorum animis subjecit. Preces igitur instaurant, aliæque argumenta super alia accumulunt, quibus Suanahildæ persuadeant, ut voti ipsos compores faciat. Nihil agunt. Ad suas igitur partes Tougolfum adjungunt. Erat is Waltharii & Suanahildæ vassallus & minister, in quam omnia magni momenti negotia inclinare consueverant. Is licèt Augiensibus strenuè operam navaret, ejus tamen verba nullum hîc pondus habuere. Se nihil, dicebat Suanahilda, in præsens statuere posse; rem ad maritum priùs referendam esse; absque hujus voluntate sibi haud integrum esse; ut postulatis acquiescat; spem tamen interea facere, Augienses à suo & mariti sui obitu thesauri hujus hæredes fore. Pertinacior itaque erat, quàm ut de sententiâ se dimoveri pateretur. Nec animo tamen pii Ascetæ ceciderunt, fiduciâ in Deum pleni, cui hominum mentes ex arbitrio versare facillimum esse non nesciebant. Quod brevè etiam factum est.

Post-

Postquàm enim Suanahilda ex Augiensì Monasterio digressa fuerat, ut domum charo suo cum pignore reverteretur, Erchingam propè Aquas duras seu Zurzachium pagum pervenit. Hìc illa inopino morbo confictari, lecto decumbere, ac vix non animam agere. Dum famuli, vernæ, ancillæ, & quidquid servitiorum in comitatû erat, sortem Dominae deplorant, haud secus, ac si publicum funus duceretur, Tougolfus ad lectum se applicans: Hera, inquit, hera! desines ægrotare, si negare desines, quod Fratres Augienses te rogant. Ægrotationem hanc ob rejectas eorum preces tibi evenisse credas. Monito fidi ministri audiens fuit Suanahilda. Morbi impatiens nocte adhuc concubia jubet famulos ad Augiam vestigia relegere, ac sacram Crucem eò deferre. Bonum factum! vix jusserat; cùm veniâ se à superis donatam atque adversâ valetudine liberatam advertit. Extemplò igitur è lecto non jam ampliùs ægrum corpus evolvit, viæ se accingit, atque abeuntes nudatis pedibus subsequitur; sed cùm teneræ plantæ conficiendo itineri non sufficerent, ad penates regredi coacta fuit. Famuli, ubi festino pede in Augiam delati fuerunt, res noctû gestas sincera fide exposuerunt. Læti supra fidem Monachi solemnem pompam instituunt, divino pignori discalceati obviam procedunt, nec sine maximo pietatis sensû in Ecclesiam deportant. Quod Manuscriptum Augiense vetustissimum factum esse asserit 924. VII. Idus Novembris, à posteris religiosè deinceps observato. Hermanus autem in Chronico editionis Canisianæ annum 922. notat; cætera exemplaria in sequentem rejiciunt, quibus etiam Reginonis appendix & Sigeberti Chronicon suffragantur.

Suanahilda remissâ in Augiam Cruciculâ iter suum Zurzachium, quò negotia illam vocabant, sospes ac incolumis profecuta est. Rebus hìc constitutis in Augiam reversa denudò S. Crucem & Sanguinem Virgini Parenti Augiensis Ecclesiæ Patronæ propriis manibus dicavit. Paulò post adfuit etiam

Æ CRUX et SangVIS Dñi nŕi IesV ChrIstI.



S. S. Crux et Sanguis Dñi. Cab. Azan
 Carolo M. A. C. 700 nŕi. Hunfrido Rhatia Comiti, eiusq. Rosteris
 det. per Suanahildā et Waltharū Comites Monasterio Augiæ Divitiis
 O. S. B. A. C. 945. donat. ibidē per aīos pŕiaquā 700. publice cult. demum
 ablat. et 1237. 10. Xbr. recuperat. ac ad eiusdē Augiæ Divini importatus.



etiam Waltharius Comes ac maritus, qui uxoris donationem confirmavit. Vitam exiit Suanahilda, ut fidem facit Necrologium Augiense die 28. Febr. de anno non liquet, sicut nec de obitu Waltharii. Documenta tamen Schennifiana & Fabariensia docent, hos lectissimos juxta ac piissimos conjuges paulo post donationis confirmationem ad superos abiisse.

Cæterum pro laboribus, quos in S.S. Cruce & Sanguine Domini Augiensi Ecclesiæ conciliandis Tougolfus suscepit, à cœlo non indonatus abiit. Filium decem ante annis è conjugē susceperat, sed pedibus captum. Eodem verò die, quò ejus suasu & consilio Suanahilda S. Crucem & Sanguinem in Augiam transmisiit, pedes officium fecerunt. Hinc ut domum pervenit, puerum rectos facientem gressus offendit. Quod non dubium prodigium uti ejus animum singulari perfudit gaudio, ita Augienses Cœnobitas ejus participes facere constituit. Quocirca ut primum per negotia licuit, in Insulam appulsus Crucifixo Sponso Sanguinum gratâ & devota mente beneficium tulit in acceptis.

De Suanahilda verò dicere liceat, quod in vita S. Rade-gundis Reginæ, quæ insignem S. Crucis particulam in urbem Pictaviensem intulit, gravi pronuntiatum sententiâ legimus: *Quis queat dicere quantum & quale donum huic urbi beata contulit? Unde quisquis ex fide vivit, ejus nomen benedicit.*

II. ELATIO CRUCIS ET SANGUINIS DOMINI EXAUGIA.

Walthario & Suanahildæ uti decus attulit immortale, Augiensem Ecclesiam tanto tamque divino auxisse thesauro, ita non minimæ etiam laudi ipsis dandum est, quòd animum ad exaugendum ejusdem cultum adjecerint. Ut

M

jam

jam lampades, jam cerei coram S.S. Cruce & Sanguine Domini arderent, nullis sumptibus pepercerunt. Quæ pia eorum liberalitas, quoad inter vivos fuerunt, constanter tenuit. Filia, ut se in utriusque parentis, ceu eximie pietatis exempli, mores formaret, idem cum conjugè Udalrico fecisse traditur. Ubi inter homines esse desierunt, Alawico ejus nominis Imo ordine autem XXII. Augiensi Abbati in mentem venit, rectè se facturum, si Ottonem I. Imperatorem ad idem devotionis obsequium exhibendum deprecaretur. Nec repulsam passus est. Supplex enim Cæsari factus duo abstulit insignia Diplomata, quæ ad hæc usque tempora in Augiensi Archivo asservantur integra cum sigillis, quæque à viris rei Diplomaticæ peritis ut genuina agnoscuntur, & per extensum hîc subjiciuntur; in quorum contextû apprimè ponderanda verba in utroque Privilegio à nobis subducta. Otto siquidem Imperator Monasterio Augiensi, ejusque Abbati Alawico in primo Diplomate conferens Villam *Lüzelssetten* ad honorem *S. Crucis*, in altero tribuens Ecclesiam in *Burg*, se ipsum clariùs explicat, quam Crucem intelligat, viz. *inquâ Sanguis Domini nostri JEsu Christi continetur.*

DIPLOMA I.

In nomine Sanctæ & individue Trinitatis.

„ **O**tto divina favente clementia Rex. Enimvero si An-
 „ tecessorum nostrorum, Regum videlicet, sive Impe-
 „ ratorum quoque Monachorum cœnobiis concessa privile-
 „ gia nostræ auctoritatis tuitione roboramus, non solum Re-
 „ gum morem in eo decenter implemus; verum etiam cum
 „ tranquillitatis securitate viventium Fratrum orationibus
 „ plurimum adjuvari confidimus. Ideoque noverit omnium
 „ fidelium nostrorum, præsentium scilicet & futurorum in-
 „ du-

„ dustria: qualiter Henricus noster dilectus frater, & Cuon-
 „ radus Comes obtulerunt nostris obtutibus quoddam præ-
 „ ceptum antecessoris nostri gloriosissimi Imperatoris Karoli,
 „ in quo continebatur, qualiter supradictus Francorum Prin-
 „ cept Augiensis Monasterio per auctoritatis munitionem con-
 „ cesserat quandam villam proprietatis suæ constitutam sub
 „ jure fisci vocabulo Bodamicus, quæ est sita in pago Under-
 „ seune, & appellatur Petinga cum omnibus terminis ad se
 „ pertinentibus, videlicet domibus, cæterisque ædificiis, syl-
 „ vis, pratis, pascuis, exitibus & redditibus, aquis, aquarum
 „ decursibus, mancipiis utriusque sexûs ætatis in eâ comma-
 „ nentibus, atque ad eam jure pertinentibus. Insuper etiam
 „ tributa & servitia, quæ duo liberi homines Vincrammus
 „ & Folcrat ad eundem fiscum persolvebant. Etiam & duas
 „ hobas sitas in villâ, quæ appellatur Adolfesbach, in qui-
 „ bus Gozzo & Cunbrecht & Walabrecht cum filiis suis ma-
 „ nere videbantur. Nec non & tributum, quod Ratbold
 „ ad supradictum fiscum persolvebat, ab his locis Walawis,
 „ Liutgaringa, & Rorinang nominantur, quæ quidem jam
 „ dudum injustè à potestate ejusdem Monasterii abstracta sub
 „ jure fisci constituta fuerunt. Terras quoque ac possessioni-
 „ culas, quas liberi homines particulariter de eodem fisco
 „ pro sepulturis suis, & causa eleemosynæ ad idem Mona-
 „ sterium contulerant, vel vendiderant in villis Ecoltinga,
 „ Thingoltesdorff, Walawisus & Namcingus vel in aliis ad
 „ eundem fiscum pertinentibus esse noscuntur. Perfirmati-
 „ què studio postulaverunt Nos Henricus frater noster, &
 „ Cuonradus Comes ut paternum morem sequentes hujus-
 „ cemodi auctoritatis nostræ beneficium eidem concedere-
 „ mus, vel confirmaremus Monasterio. Nos verò petitionem
 „ eorum implere cupientes, antecessoris nostri præceptum
 „ firmissima largitate roboramus, atque omnino superiùs com-
 „ prehensa pro emolumento animæ nostræ ad idem Monaste-

„ rium pro remedio animæ nostræ, vel etiam dilectissimi ge-
 „ nitoris nostri beatæ memoriæ Henrici Regis, quidquid in
 „ villa Lucilinstetti habere visi sumus, cum omnibus manci-
 „ piis, appenditiis, censibus, vineis & adjacentiis suis illuc le-
 „ galiter aspicientibus, ut perpetualiter permaneat *ad restau-*
 „ *randa luminaria, qua Alawicus præfati Monasterii Abbas ad*
 „ *honorem Sanctæ Crucis fieri decrevit.* Jussimus quoque idem
 „ hoc præsens præceptum conscribi manû nostrâ firmatum,
 „ & annuli nostri impressione roboratum, ita ut deinceps no-
 „ stris futurisque temporibus firmissimâ ratione permaneat,
 „ nullûsque in aliud vertere potestatem habeat.

„ Signum Domini
 „ Ottonis invictissi-
 „ mi Regis.



Brun Cancellarius
 ad vicem Friderici
 Archicapellani re-
 cognovi

„ Data IIII. Kl. Decemb. Anno Dominicæ Incarnationis
 „ DCCCCXLVII. regnante Ottone Serenissimo Rege Anno
 „ XI. Actum Francofurti in Domino feliciter. Amen.



DIPLOMA II.


In nomine Sanctæ & individue Trinitatis.

„ **O**tto divina auxiliante clementia Rex. Noverit om-
 „ nium fidelium nostrorum præsentium, nec non & fu-
 „ turorum sagacitas. Qualiter nos quasdam res proprietatis

„ no-

„ nostræ à Luitolfo nostro dilecto Filio, ejusque nobilissima
 „ conjugē ita videlicet nomine traditas pro remedio ani-
 „ mæ nostræ, vel etiam dilecti Ducis nostri beatæ memoriæ
 „ Herimanni ad Ecclesiam, quæ est in Insula Sintliezes Ovua
 „ in honore Beatæ Mariæ Dei genitricis constructam ubi ve-
 „ nerabilis Abbas Alawicus præesse dinoscitur. Hoc nostræ
 „ auctoritatis præcepto perpetualiter in proprium concessi-
 „ mus id est, quidquid in villa Truchtolzinga habere vi-
 „ debamur cum omnibus appenditiis & adjacentiis suis
 „ iuste legitimèque illuc pertinentibus. Ac tale etiam præ-
 „ dium, quale in villa Drossinga habuimus, jam ad locum
 „ Nidinga pertinens cum omnibus commoditatibus iuste
 „ illuc aspicientibus. *De cætero verò dedimus in elemosinam*
 „ *nostram ad Sanctam Crucem in qua Sanguis Domini JESU*
 „ *Christi continetur, Ecclesiam cum decimis in loco Burg dicto*
 „ *constructam ad restauranda luminaria, qua ante dictus Abbas*
 „ *Alawicus in honore Domini & Salvatoris nostri de novo ere-*
 „ *xit.* Jussimus quoque inde hoc præsens præceptum con-
 „ scribi manu nostrâ sigillatum.

„ Signum Domini
 „ Ottonis invictissi-
 „ mi Regis.



Brun Cancellarius
 ad vicem Friderici
 Archicapellani re-
 cognovi.

„ Data Kl. Jan. an. Dominicæ Incarnationis DCCCCXLVIII.
 „ regnante Serenissimo Ottone anno XIII. Actum Dalaheim
 „ in Domino feliciter, Amen.

Ottone Magno hunc in modum pietatis exemplum erga
 SS. Crucem & Sanguinem Domini præeunte, ad illud Ger-
 mania se faciliè composuit. Præ cæteris ejus precessit vestigia
 Carolus IV. Augustissimus juxta ac piissimus Imperator, qui ut

divinum adoraret Sanguinem, venerabundus in Augiam venit. Prius tamen ex insulâ haud digressus est, quàm exiguâ ejusdem sacratissimi cruoris particulâ ab Eberbardo id temporis Abbate donaretur. Compertum id habemus propriâ ipsius Cæsaris confessione, sive litteris, ad universos Regni Bohemiæ Status, Moguntiâ an. 1354. die 4. Januarii, sub aurea Bullâ datis, & manû ipsius propriâ subscriptis; quæ sic habent: *Deinde in Monasterio majoris Augie, quod ab Augusta potentia nomen accepit, tales sumus Reliquias assecuti; videlicet mediam partem cujusdam Crucis concava, in cujus unaplanitie imago Beatissima Virginis, in modum Crucis invenitur extensa, super cujus capite apparet una manus, quasi de superioribus benedicens: in cujus concavo sanguis Domini nostri fuit reconditus, quam quidem Crucem Asam Urbis Hierosolymitanæ præfectus, Magno Imperatori Carolo, per manus Hubaldonis dicti loci Abbatis, & Humfridi Ducis Ystriae, legitur transmississe. Cujus donationis fidem etiam adstruunt dicti Eberhardi Abbatis literæ testimoniales, quas vir dignitate, doctrina & eruditione summus Thomas Joannes Pessina de Czechorod S. Metropolitane Ecclesiæ Pragensis Rñus Decanus ex ejusdem Archivo illustri suo operi Phosphoro Septicorni pag. 446. inseruit, ut sequitur:*

Eberhardus Dei Gratiâ Abbas Monasterii Augie Majoris, immediatè Sedi Apostolicæ pertinentis, Ord. S. Ben. Const. Diac. Universis presentium inspectoribus, salutem in Domino, cum notitia subscriptorum. Noverint; quos nosse fuerit opportunum, quòd nos an. 1353. in Vigiliâ B. Mathei Ap. & Ev. gloriosissimo ac Christianissimo D. nostro gratioso D. Carolo Romanorum & Bohemiæ Regi, ad Monasterium nostrum prædictum, in honore B. Mariæ Virginis dedicatum, venienti humiliter & devotè, & à nobis petenti, aliquas SS. Reliquias sibi dari, tradidimus, & assignavimus mediam partem unius Crucis parva D. nostri JESU Christi Sanguinem continentem, quàm quidem Crucem Asam præfectus

fectus Jerofolymitanus, capiens vifitare Carolum M. Rom. Regem, fecum cum aliis SS. Reliquiis detulit, ipfas Regi sub doni specie donaturus, fed itinere à fuo propofito per aegritudinem deftitutus, Waldoni Abbati Monafterii prædicti & Himfrido Hyſtria Præfecto, Ambaffatoribus feu Legatis à Rege ad Aſan præſatum in Inſulam Chorſycam miſſis, eas tradidit, Regi donandas. Ipſo quoque Himfridus, tandem ſenex & bene emeritus ipſam Crucem tanquam ſuorum præmium meritorum, ſuppliciter precibus à Rege petiſt ſibi dari, qui tradidit, licet inuitus. Ipſa itaque Crux cum ſanguine D. noſtri JEſu Chriſti, per ſucceſſionem hereditariam, poſt multum temporis, ævoluta fuit in manus cujuſdam mulieris de genere Himfridi, quæ mulier noſtro Monafterio eam detulit; ſicut in libris authenticis noſtri Monafterii clarè patet. Et in teſtimonium evidentium præmiſſorum ſigillum noſtrum præſentibus eſt appenſum. Datum in Augia Majori anno & die, quibus ſupra, Indiſtione VI.

Tantorum Imperatorum Ottonis & Caroli exemplum ut de aliis nihil dicam, magno fuit incitamento, ut perpetuæ in Augiam peregrinationes ab omnium ordinum hominibus ſuſceptæ, votæque cum nuncupata tum ſoluta fuerint. Nec frequentia defuerunt miracula, uti fidem faciunt documenta Scheniſiana, quæ ad poſteros tamen literis conſignata vel injuriâ temporum, vel incuriâ ſcriptorum non æquè pervenerunt. An verò temporis lapſu, ut ſunt humana, aliquid devotioni deceſſerit, cum mihi non conſtet, dicere nolum. Hoc compertum habeo, quòd S. Crux ſedem ſtabilem in Augienſi Eccleſiâ ſeptem vel oſto potiùs ſæculorum ſpatio fixerit, uſque ad tempora ſcilicet Joannis Egonii, qui vir egregius Augiæ Prior extitit circa annum 1640. & humana abſolvit anno 1643. cum priùs hiftoriam primæ Delationis S. Crucis & Sanguipis Domini in Augiam à Monacho Augienſi anonymo Latinè ſcriptam in patrium ſermonem convertiſſet, ad cujus calcem hæc habet: *Welches* (ſcilicet Sanguis Domini) *alhier aufbehalten iſt.* Sub

Sub hæc tempora cùm universa Germania tricennali adhuc fumaret bello, nec Augia ab igne & ferro Succico immunis fuit. Ædes octodecim exustæ, aliæ direptæ, Monasterium expilatum, vasa sacra ablata, duo Religiosi in vincula conjecti, cæteris, ut hostium arma & incendia per Insulam circumferentium manus evaderent, quâ data porta, fugâ se proripientibus. Quid hæreticos milites, inimicos Crucis Christi, auri verò sacrâ fame gravissimè laborantes non facturos fuisse existimas, si fors iniqua sacram Crucem auro inclusam rapacibus earum manibus obtulisset? Sed major Augiensium cautela erat, quàm ut, quod pro maximo thesauro non immeritò habebant, eripi sibi paterentur. Cura & studio unius Religiosorum sacra Crucicula Sanguine Dominico referta tempestivè subducta & abducta fuit. Viro Oenینگâ oriundo nomen erat *Mauro Speth*. Is aliis aliò diffugientibus, in Brisgojam delatus est ad *Guntherinam - Vallem* seu *Vallem Guntheri* Germanicè *Güntersthal*, quæ est nobilis Partheno sacræ Familiæ Cisterciensis, de quo Martinus Crusius in Annalibus Sueviæ lib. 1. pag. 3. ad an. 1224. hæc memoriæ prodit: *Erat jam hoc tempore Cænobium nobilium faminarum Cisterciense, Guntherina Vallis, amantissima in valle situm prope Friburgum Brisgoja, sub visitatione Tennebachensi in Episcopatû Constantiensi, cujus altare majus ad honorem gloriosa Virginis Mariæ, atriumque cæmeteris, Constantiensis Episcopus Conradus consecravit, cùm locum à jurisdictione matricis Ecclesiæ (Henrico plebano Mershusensis Ecclesiæ, ad quem locus attinebat, præfente & consentiente) penitus eximendo hoc MCCXXIV. anno. Benefactores hujus Parthenonis fuere Comites illustres de Friburg & nobiles viri à Keppenbach, itémque nobiles de Blumenneck & Klingenberg, aliique quorum ibi plurima & præclara sunt mansolea. Huc igitur, ut dicebam, R. P. Maurus Speth cum sacra Cruciculâ delatus, ac hospitio benignè exceptus fuit. Restitutâ Germaniæ pace Augiam respicere, & convalescere poterat:*


terat: id quod tamen ab ipso factum non est. In causâ fuit, seu quòd res Augiensis Monasterii admodum accisæ adhuc essent, seu quòd nobili Parthenoni à sacris confessionibus esse cœperit. Per illud namque tempus, quò hospes erat, virtus, doctrina, ac prudentia cum Abbatissæ ita commendârunt, ut conscientia tum suæ, tum Vestalium suarum arbitrum legerit. Morte nec opinâ extinctus est vir præclarus juxtâ Necrologium Augiense die 6. Octobris anno 1661. in Guntherina-Valle terræ mandatus. Excessit verò prius è vita, quàm cuiquam mortalium sacri thesauri secum allati indicium fecerit, illum, ut animo fors destinaverat, ipse in Augiam relaturus. Sed plerumque fit, ut præclarè cogitata factis intercipientur.

Non perinde tamen memoria sacræ Crucis & Sanguinis Domini, præcipui Augiæ thesauri, cum P. Mauro tumulo illata fuit. Vigebat illa, & mentes Augiensium sui recuperandi desiderio identidem stimulabat. Maximæ molestiæ erat, quòd, quis quò illum abstulerit, ad unum planè omnes ignorarent. Majorem tamen ejus rei notitiam habere visus est vir clarissimus, ac omni eruditionis genere præditus, P. Eusebius Manz, qui in Salisburgensi Universitate ab anno 1664. usque 1677. magnâ cum laude Mathematicas tradidit disciplinas, subinde verò in Austria Vindobonæ apud PP. Benedictinos vulgò Scotos vitâ functus est. Ad hunc, cum Mathesin Salisburgi adhuc doceret, à Superioribus missus est Religiosus Frater *Romanus Jost*, id temporis Theologiæ auditor in Academia Dilingana, ut si quid certi posset ex viro expiscaretur. Nihil tamen aliud ex P. Eusebio audivit, quàm se non penitus ex vano suspicari sacram Cruciculam cum Sanguine Domini à P. Mauro Speth in Brisgojam ad Guntherinam Vallem delatam fuisse. Quod cum ad Superiores relatum fuisset, nihil illi meram ob suspensionem movendum censuerunt. Romanus tamen Jostius, cum sacerdotio subinde ini-

tatus Priorem agere iussus esset, Patris Eusebii suspensionem ex memoriâ suâ deleri adeo passus non est, ut ejus mentionem apud suos deditâ operâ non parùm sæpe injecerit. Pro-
fuit hoc fecisse. Sic enim viro maximè Reverendo P. Wolf-
gango Wetter, qui post eum per 27. annos Prioratum non
sine insignis prudentiæ atque industriæ laude administravit,
stimuli ad rei veritatem explorandam admoti fuerunt. Ami-
cissimus huic erat, atque adeò sanguine conjunctus A. R. P.
Eugenius Spesh Rm̃i DD. Abbatis Salemitani ac Ordinis Ci-
sterciensis per Germaniam Superiorem Visitatoris Generalis
Secretarius, vir doctus, prudens, atque in negotiis gerendis
exercitatus. Venit in mentem Priori Wolfgango, hujus sui
cognati & amici operâ uti. Edocet igitur illum de amisso
thesauro, rogâtque, ut datâ perlustrandi Parthenonis occa-
sione investiget, num eò loci reconditus asservetur. Præsti-
tit non gravitè vir eximius, quod rogatus fuerat: nihil ta-
men aliud, datis literis, renuntiare ei licuit, quàm quod in
prædicto nobili Parthenone Reliquiarium, ut vocant, repe-
rerit, quod pendulam habeat lampadem, quæ jugiter ardeat;
summæ illud Monialibus esse venerationi, præsertim juniori-
bus, quæ frequentes coram eo, ceu arâ Ignoti Dei in preces
incumbant, cùm nulli tamen perspectum sit, quid in eodem
contineatur, aut quo potissimum tempore, vel à quò illuc
sit deportatum. Hæc ferè & nihil aliud R. P. Eugenius, quæ
tamen Wolfgango Priori haud fatis magnum pondus ad the-
saurum reposcendum habere visa fuerunt. Et sic etiam
hic Prior, re infectâ, ad plures abiit die 29.

Decemb. an. 1716,





III. RELATIO CRUCIS ET SANGUINIS DOMINI IN AUGIAM.

DEmortuo Wolfango Priori in officio Prioratûs anno sequenti die 22. Maji subrogatus fuit V. C. *Maurus Humelius*, cujus laboribus, quos plurimos magno Monasterii bono per annos ferè viginti subiverat, ut divina Providentia illustre solatium rependeret, eum ad rem magnam, id est, ad sanctum hoc negotium seriò inchoandum, constanter prosequendum, ac feliciter perficiendum destinavit. Nempe ut cum à *Mauro* S. Crux & Sanguis Domini abducti ex Augiâ fuissent, per *Maurum* in Augiam postliminiò reducerentur. Sic etiamnum hodie *Ludit in humanis divina potentia rebus.*

Peccare in muneris sui leges vir prudens sibi videbatur, si quod præcipuum in sacris cimeliis Augia per multas annorum centurias magnâ nominis sui celebritate, nec minore patriæ bono possederat, ejus recuperandi, manibus in sinum insertis, nullam ipse haberet rationem. Hâc curâ diu animum coquente, consilium denique sumit ad Guntherinam Vallem proficiscendi, ut intentis oculis præsens ea arbitretur, quæ ex aliorum sermone absens auribus acceperat. Eò ut bonis avibus pervenit, hospitale tectum subiit, honorificè & exceptus & habitus. Ad Monasterii clavum tunc sedebat, & hodiedum sedet Rîna DD. Francisca Cajetana è nobilissimâ Familiâ de Zurthanen. Inito cum hâc colloquio quæsit, an non ante annum circiter octogesimum Religiosus quidam Augiensis hic loci munus Confessarii obierit? Illicò domesticum Necrologium in medium fuit allatum, quod hæc verba legenda exhibuit pag. 278. *Tertio Nonas Octobris, sive 5to Octobris F. Maurus Speth Prieſter in der Reichenau, und Beicht-Vatter alhier,*

Admissus subinde in Chorum P. Prior caput explorabundus circumfert, avidis oculis aram, imagines, parietes obit: omnia lustrat, si quid reperire sit, quæ à P. Eugenio Salemitano visa audiverat. Nihil quidquam uspiam. Nullibi quæsitissima Crux, nullibi divini sanguinis reliquæ conspectui se offerebant. Quid moras igitur diutius ibi nederet, ubi quod unicè quærebat, necquidquam invenit? stetit proinde animo, quantocyùs eò redire, unde ventum erat, causâ adventûs minimè detectâ. Res DD. Abbatissam advertit, quæ jamjam ex choro abiturum affata: Videtur mihi, inquiebat, Paternitas sua in chorum consultò se contulisse, non tam ut ejus fabricam vel elegantiam conspiciat, quàm ut nescio quid aliud, cujus videndi desiderio exæstuat, oculis usurpet. Ut cum maximè, respondit P. Prior: Non chori conspiciendi causa me domò huc loci excivit, sed ratio itineris atque adventûs mei fuit hæc: Spe illeſus eram reperiundi SS. Sanguinem & Crucem Christi abs prædicto Confessario P. Mauro Speth p.m. hîc depositum: at spe deſectus omnia, detractò senio, immutata & innovata video. Hoc est, quod me sollicitat, quod angit, quod quiescere non sinit. Adempta est sacra voluptas, quam incredibilem ex eorum conspectu capiturus eram. Tum illa: Bono animo sit Paternitas sua; nondum præcisa est spes omnis videndi. Vix quadriennium abiit, quò talis nobis incognitus sacer thesaurus est detectus; anno namque 1732. cupiditate noscendi animum subeunte, cuinam rei sacræ cultum adhibeamus, R. P. Franciscum Antonium p. t. Guardianum Capucinatorum Friburgi rogavi, ut sacrum aperiat Reliquiarium: quod cum ille facit, ecce! conspiciendam se præbet sacra Crux Sanguine Dominico referta cum hâc epigraphæ: *De Sanguine Christi*. Et: *De S. Cruce*. Item alia schedula antiquissimo charactere inscripta: *de ligno S. Crucis. E Sanguine Dñi nři IHU X.* Quibus ita dictis, utrumque divinum ostendit pignus; ad cujus aspectum
ani-

animus P. Priori exilire, sacro gestire gaudio, nec quidquam ipsi gratius aut acceptius unquam uspiam fuisse. Unde gratiis humanissimè actis ingenti animi solatio, ac lætitiâ delibutus in Augiam se retulit, atque convocatô cætû suô Religiosô plausum ingeminans *Invenimus* exclamavit.

Mirificè verò ac perquàm commodùm accidit, ut ipsa DD. Abbatissa ex thermis Fabariensibus redux anno 1737. in Augiam superveniret. Datâ & vicissim accepta salute, dum sermones ultro citròque seruntur, P. Prior, injectâ sacri thesauri mentione, Reverendissimæ hospitis animum periclitari cœpit, num ad depositum Augiæ restituendum facilem habere posset. Hunc in finem ex vetere historiâ de Cruce & Sanguine Christi ab Anonymo Augiensi multis ante sæculis conscripta, superiore verò sæculo à Joanne Egonio Germanicè versâ quædam Capitula eidem prælegi jussit: quibus illa auditis, res, inquit, manibus tenetur; non lac lacti, non ovum ovo similis est, quàm Crux hîc descripta Cruci apud nos asservatæ: sed arctiori amplexû hunc thesaurum constringimus, quàm ut universum è brachiis evelli nostris patiamur. Restituetur, sed non integer ac totus.

Digressâ è Monasterio Augiensi Abbatissâ curarum omnium apud P. Priorem caput fuit, ut pulcherrimam rei bene gerendæ occasionem elabi minimè pateretur. Sed cùm pro suâ prudentiâ animo provideret, saxa sibi objicienda, quæ, quò minùs in cœpto negotio pergere posset, impedimento futura essent, ad ea amolienda majores adhibendas vires esse censuit. Convenitur igitur Celsissimus S. R. I. Princeps & DD. Joannes Franciscus L. B. Schenk de Stauffenberg, Episcopus Constantiensis & Augustanus, Princeps & Abbas Augiensis; rei totius hucusque gestæ seriem edocetur, atque ad suppetias pro asserendo Augiæ sacro thesauro ferendas, eâ, quâ par est, reverentiâ rogatur. Is pronis auribus preces accepit, lectâque semel atque iterum, à capite usque ad calcem, hi-

storia de Cruce & Sanguine Domini, in sacrum diffusus gaudium, opem omnem addixit. Mox habito cum suis consilio tres epistolas (*Creditivas* vocant) exarari iussit. *Prima* scripta erat ad D. Commissarium Episcopalem, *Joannem Jacobum Vicarium*, Friburgensis Ecclesiæ Rectorem, & Capituli ejusdem Decanum, nec non Controversiarum Fidei in celebri illa Universitate Professore; cui negotium datum, ut si P. Prior in vado hæreret, consilio & auxilio adesset laboranti. *Altera* ad Rmā DD. Abbatissam Nobilis Parthenonis in Valle Guntherina, quā officiosis æquē ac seriis verbis sacrum Depositu reposcebatur. *Tertia* ad Rmū DD. Leopoldum celeberrimi Monasterii *Portæ Cali*, vulgò *Thennenbach* S. Ord. Cisterc. Abbatem, ejusdemque Parthenonis Visitatorem, quā cum veritas rei investiganda, tum voluntas Abbatissæ ad extradendum sacrum pignus excitanda proponebatur. Hæ literæ datæ erant in arce Hegnensi die 28. Novemb. an. 1737. quibus ritè instructus P. Prior, ascito itineris socio R. P. Joanne Paulo Merlet, secundo Decembris ejusdem anni auspicatum in Brisgojam iter ingressus est, absque divino thesauro pedem non relaturus.

Quarto post die in Guntherinam Vallem perveniens prius nihil habuit, quā ut literas *Creditivas* DD. Abbatissæ consignaret: quibus illa apertis lectisque sacrum inter & saxum stare, nec negare, nec dare, quod petebatur, ausa; modò igitur annuere, modò abnuere, nunc de sacratissimo Sanguine dividendo, nunc de toto retinendo, jam de Cruciculā servandā, jam partiendā non satis commodè respondere; ad extremum, cum urgeretur, dicere, semper præcipuam sibi futuram episcopaliū literarum auctoritatem, si per Monasterii sui exempti visitatorem liceret. Ad hunc ipsum, reposuit P. Prior, literas habeo perferendas, quibus perlectis minimè reclamaturum spero. Tum addidit. Etsi altèfatus Princeps & Episcopus quidquam de summā detrabi nolit, haud

haud ægrè tamen laturum se confidere, si particula quædam SS. Sanguinis, non autem media, ut velit Abbatisſa, pars nobili Parthenoni in mercedis vicem pro ſedula depoſiti SS. Theſauri custodia relinquatur, at in Ligni Dominici diſiſionem ſe non conſentire. Quæ cùm illa audiſſet, non ampliùs obnixa, contentam ſe fore dixit, ſi particulæ SS. Sanguinis gratia ſibi fieret.

Altero die, cùm P. Prior ad Monafterium Tennenbachenſe contenderet, ut Epiſcopales perferret literas, addidit & ſuas Abbatiſſa, quibus à Viſitatore petebat, ut poteſtatem ſibi faceret, primùm extradendi SS. Sanguinis, particulâ ejusdem Parthenoni reſervatâ, tum inſtaurandæ cum Augienſibus Religioſis ſacræ conſœderationis plurimis ante annis initæ, labentibus, verò iſſdem intermortuæ. Utrâque epiſtolâ perlectâ non continuò acquieſcere velle viſus eſt Rmus D. Viſitator; ſive quod tantum theſaurum ex Monafterio Sacræ Cisterciensis Familiæ, ſuæque Viſitationi ſubjecto ad alios transferendum doleret, ſeu quod metueret ne parvus illius cultor fuiſſe nobilis Partheno videatur, ſi facilè è manibus illum amittat. Utrunque igitur rationibus acriter decertatum fuit. Poſtquàm verò P. Prior inviſtis argumentis demonſtravit, injuſtum eſſe, ut unde Augienſi Monafterio maximum detrimentum creetur, inde Guntherina Vallis compendium faciat, Ampliſſimus Præſul à propoſito dimotus Patri Priori primùm humaniſſimis verbis de recens invento theſauro, tum DD. Abbatiſſæ datis literis de particula SS. Sanguinis nunc bonâ fide ac jure ſuo retinendâ gratulatus eſt: quemadmodum etiam poſt integram S. Crucis particulam Augiæ adjudicatam, boni propoſitam conſœderationem conſuluit, ac ratam habuit: hâc enim ratione, inquiebat, futurum eſt, ut Augienſes Religioſi mei evadant fratres, cùm Guntherthalenſes Veſtales loco ſpiritualium ſororum à me habeantur.

Secun-

Secundùm hæc P. Priori ex Thennenbacensî Monasterio ad Vallem Guntherinam reverso potissima cura fuit, ut negotio finis imponeretur. Sed cum eâ die Monialis quædam fatis concessisset, res in posterum diem differri debuit: ne tamen nihil non ageretur, puncta Confoederationis annotata, utrique parti prælecta, ratihabita, & sequenti an. 1738, confectis desuper instrumentis confirmata sunt. Die igitur primùm decimâ Decembris divisioni SS. Sanguinis manus admotæ fuerunt. Sacrum hoc opus rogatû utriusque partis conficiendum suscepit A. R. P. Franciscus Antonius p. t. Guardianus Friburgi, hodie verò dignissimus Provincialis Ordinis Capucinorum, supra jam laudatus. Sub hæc is ipse Divisionis instrumentum confecit; cui nomina sua subjecerunt sequentes atque actû præsentēs: M. Francisca Cajetana Zurchanen Abbtissin zu Günthersthal, P. Maurus Hummelius Prior Monasterii Augiensis. P. Lambertus Schliefs Exempt. Ord. Cisterc. Professus in Thennenbach, & p. t. Confessarius ibidem. P. Franciscus Antonius Constant. Capuc. Definitor, Custos, Guardianus Friburgi. P. Joannes Paulus Merlet O. S. B. Professus Augiensis, & p. t. Parochus in Schinen. D. Franciscus Antonius Maichelbeck Præsentarius.

Ut ne verò, Benevole Lector, in errorem impliceris, monendus es circa figuram novi Repositorii, seu Ostenforii, quo SS. Sanguis & Crux D. N. J. C. includuntur. Quòd si oculis fors illam obis, atque divisionem factam audis, cave credas, omnem Dominici Sanguinis massam esse divisam. Cernis namque in *superiore parte* Repositorii particulam S. Crucis auro cinctam purissimo, quam integram P. Prior, ut paulo ante dictum, secum reportavit. In *medio* videnda est Crux ex auro arabico confecta, in qua potissima portio Sanguinis Christi continetur, cui etiam prædicta particula S. Crucis acclusa erat, fronte seu parte adversâ præferens figuram Christi è Cruce pendentis; ex parte autem averſa exhibet vestitus-

tutissimam inscriptionem Græcam, de cujus sphyngis evolutione paulò post verba facturi sumus. In parte demum inferiore Repositorii iterum habentur Particulæ Sanguinis Domini, quæ olim è Cruce media non arctè conclusâ defluerunt, quarumque notæ panniculo serico rubro aspersæ cernuntur. De hoc igitur inferiore Sanguine à panno serico in se hausto, &, si ita loqui fas est, imbibito, Guntherthalensis nobilis Partheno partem ferè tertiam, nec plura, dono accepit.

Confecto & sigillis munito Divisionis instrumento negotiorum restabat nihil, nisi domuitionem maturare. Hinc eodem die re divinâ peractâ, habitisque, ut par erat, prolixis gratiis P. Prior cum socio ex Guntherinâ Valle discessit. Ibat verò viam suam gaudens, atque è collò sacra cimelia ferens suspenâ, quæ pectori devotè appressa magno illud, ut facile quivis credat, animi solatio complebant. Priùs verò quàm in Augiam concessit, Celsissimo Principi & Abbati Augiensi, eâ, quâ decebat demissâ reverentia exhibuit intuenda. Delectatus ille majorem in modum eorum aspectu, cùm Augiensi Conventui, tum toti patriæ de tanto thesauro gratulatus est, adjunctis promissis, sibi non postremæ curæ futurum, ut secunda translatio, & publica expositio SS. Reliquiarum non sine solenni pompâ suo tempore instituenda decernatur. A Celsissimo Principe P. Prior digressus in Augiam appulit die 20. Decembris; quam Augienses jurè ac merito candido, nisi purpureo malint, signent lapillo. Felicem enim verò diem, quâ post liminò

Sanguine divino Dives dotata fuisti

Augia.

Et licèt publica pompa eâ die fuerit prætermissa, non omnis tamen absuit solemnitas, certè quidem privata. Providente enim Numine factum est, ut eadem die Rmus quidam Insulatus Præsul in Augiam adveniret. Fuit is Ampliss, DD. Bene-

O

dictus,

dictus, Imperialis Monasterii Ochsenhusani Abbas, qui per eos dies Electioni & Benedictioni Rm̃i DD. Alphonsi S. R. I. Abbatis Petrusus interfuert. Rogatus verò à Venerabili Conventu sacratissimum Pignus è manibus P. Prioris pro Basilicæ foribus præstolantis suscepit, ad Aram summam magno pietatis sensu deportavit, atque communi omnium Religiosorum nomine ad exemplum illustrissimorum Conjugum Waltharii & Suanahildæ annis abhinc octingentis & pluribus idem facientium, Virgini Parenti Augiensis Ecclesiæ Patronæ præsentavit. Sub hæc ad referendas Deo grates P. Prior solennem Missam celebravit, quam Hymnus Ambrosianus in processione decantatus excepit.

Magna omnino laus & gloria V. C. *Mauri Hummelii* est, grave explicasse negotium, in quò evolvendò ejus Antecessores frustra operam contriverunt. Possem hîc virum eximium ab insigni prudentia, pietate, doctrina, rei æconomicæ peritia, atque cum primis singulari hospitalitatis studio laudibus effere, nisi majus ac perpetuum decus à Cruce & Sanguine Domini Augiensis Monasterio denuò assertis ei partum fuisset. Quò unicò factò nomen ac Prioratum suum immortalitati consecravit.

IV. FESTIVA, QUÆ SS. CRUX ET SANGUIS DOMINI PUBLICÆ VENERATIONI EXPOSITI FUERUNT.

Fidem datam ut liberaret Celissimus Princeps & Abbas Augiensis, Religiosum Conventum in adornanda Festiva, quæ SS. Crux & Sanguis Domini publicæ venerationi exponendi erant, summis viribus adjuvit. Romam re delatâ Clemens XII. P. M. condonationes omnium pœnarum, quas pœnarias

Habemus redemptionem per sanguinem eius remissionem peccatorum. Colof. 1.4.



S. S. Crux et Sanguis D. N. I. C. in Monasterio Divinis augiae
 O. S. B. Ornatori in pinacotheca 1738. 26. Maji publicè vene-
 rationi 1^o expositus. *Elmker Act. Sup. et cunct. A. V.*

100

narias vocant indulgentias, verè poenitentibus, & peccata confessis, atque sacrâ synaxi refectis largitus est. Ut primum Breve Apostolicum Româ in Augiam delatum fuit, illicò itum est in sententiam, non viciniam tantum, sed totam, quàm latè patet, dioecesi Constantiensem de re futura edocere, atque invitare. Jussû igitur Reverendissimi Ordinarii literæ Episcopales typis impressæ quoquoersum sparguntur, in quibus pro solemnitate celebranda Feria II. Pentecostes, quæ anno 1738. in diem Mensis Maji vigesimam sextam incidebat, constituta erat. Fortior adhuc Suada fuit Vox Sanguinis meliùs loquentis, invitantis, & fortiùs clamantis, quàm vox Abelis, quâ ad statam diem ingens hominum excita fuit multitudo. Viginti minimùm millia ad numerum fuerunt redacta. Conventus Augiensis interea curæ habere, ut SS. Cruci & Sanguini fortunæ suæ reduci, novum non à pretio tantum, sed arte etiam atque elegantia conspiciendum fieret Repositorium seu pinacotheca. Pictori in mandatis datum, ut miracula veteris Historiæ, seu Translationis primæ in tabulis quatuor supra decem floridissimo penicillo adumbraret, quæ deinde ex utroque templi latere suspensæ oculos adventantis populi in se converterent, rem olim gestam edocerent, atque piâ noscendi cupiditate morarentur. Preces verò fundendas ut pii peregrinatores haberent, libellus patrio sermone conscriptus typis vulgatus est, in quo officia Litaniæ, aliæque orationes de Cruce & Sanguine Domini sanè quàm devotæ continentur. Denique nihil eorum, quæcunque ad devotionem seu excitandam seu nutriendam facere videbantur, prætermisum fuit.

Ut festivus dies (Maji 26.) in januis esse cœpit solemnitati à pridianis Vesperis, iisque solemnî ritû decantatis initium datum est, affluente magnâ hominum multitudine, quibus animi noxas sacrâ exhomologesi expiantibus decem Confessarii aliunde asciti in alteram diem ad serum usque prandium

aures præbuerunt. Nocte appetente æs omne campanum per
 insulam (sunt numero viginti sex campanæ) consonuit: quò
 conticescente tormenta viginti duo cùm majora tum mino-
 ra, tonare, boare, mugire, atque auspicatæ solemnitatis ini-
 tia longè latèque denuntiare. Quæ tormentorum tonitrua
 sub crepusculum matutinum purpurante cælum aurorâ in-
 staurata fuerunt, ut circumjectas urbes, arces, & pagos in
 Augiam undique evocarent. Tum verò vidisses Rhenum bi-
 cornem, marèque Acronianum, quibus Insula circumdatur,
 innumeris consterni cymbis, carinis, navigiis. Non minimæ
 erat voluptati intueri *Veliferas naves Rhenôque lacûque natan-
 tes*, quæ ingentem populi advehebant frequentiam. Com-
 mune omnium, sacrum, piæque lætitiæ plenum celevma erat:
 CRUX ET SANGUIS D. N. I. C. Advenerunt verò ex par-
 te, quâ Rhenus insulam alluit, supplicatione indicta, cum
 suis RR. DD. Parochi in *Ermatingen, Homburg, Steckborn &
 Mammern*. Ex *Oeningensi* Collegio & Parochia sex RR. DD.
 Canonici Regulares in Rochetis cum suis Parochianis appu-
 lerunt. Præpositura *Schina* misit parochiam suam cum filia-
 li Ecclesiâ *Wangen*. *Emmenhofen & Horn* idem cum *Gayen-
 hofen & Wyler* fecerunt. Quâ parte Lacus Bodamicus insu-
 lam cingit, advenerunt urbs Ratholdicella, Lipsanis suorum
 Tutelarium Synesii Theoponti, & Zenonis conspicua: *Bäri-
 gen, Marckelfingen, Alenspach*, & ex S. Catharina eodem loci.
Wolmatingen cum SS. Lipsanis & *Almensdorff*. His se addi-
 derunt ternæ Insulanenses Parochiæ, viz. prima *superioris
 Cella* ad S. Georgium cum Capite ejusdem Megalo-Martyris.
 Altera in Niderzell seu Cellâ inferiori: Tertia ad S. Joannem
 propè Monasterium. Quas Cruces secum ferebant, splendore
 suo non caruerunt, atque universim viginti & una numeratæ
 fuerunt. Non aliam officii & salutis adventantibus ferendæ
 majorem occasionem campanæ habuerunt, quibus ad salu-
 tandum vix satis virium erat, aut defatigatis quiescere lice-
 bat.

bat. Ad extremum ut Celsissimus Princeps & Abbas Augien-
sis maximum Festivæ ornamentum conciliaret, ex arce suâ
Hegnen magnâ se mole cum universâ Aula in Insulam intulit.
In comitatû erant præcipua Diœcesis Constantiensis lumina,
Reverendissimi DD. Canonici Ecclesiæ Cathedralis ad unum
omnes. Sequebantur DD. Regens & Subregens Seminarii
Carolini Marispurgenſis cum duodenis alumnis. Ubi in Ec-
clesiam ventum, aures datæ fuerunt R. P. *Romualdo Stocka-*
benſi è sacrâ Capucinatorum familiâ diserto Oratori, qui verba
in rem præsentem de loco superiore, magno spiritûs ardore,
nec minore sermonis facundia fecit. Concio postmodum ty-
pis mandata omnium tulit plausum. Vix ea finita fuerat,
cûm sacra pompa per Insulam duci cœpit, quæ in hunc ferè
modum processit.

Tres genii cultû Romanô decorè induti baculis auro illi-
tis anteibant, in quorum vestigia continuo juvenus Augien-
sum Civium ibat. Agmini liberorum agmen parentum con-
sertum erat. Præeuntes Insulanos exteri subsequebantur,
nunc vexillis, nunc crucibus, nunc sanctis Reliquiis inter-
meantibus, quas dextra lævâque militare præsidium stipabat.
Psalmos Hymnos, ac Cantica Viri Religiosi decantabant. Pa-
res in laudes buccinæ, cornua ac tympana versa fuerunt.
Magnâ gravitate & autoritate Reverendissimum & Illustriſ-
simum Capitulum Ecclesiæ Cathedralis movebatur. Tum
verò SSmum Thesaurum Crucis ac Sanguinis Christi defere-
bat Rm̃us DD. Franciscus Joannes Antonius de & in Sirgen-
stein Suffraganeus Constantiensis, veste splendidus pontificia
sub Baldachino, à quatuor sacerdotibus gestato. Utrumque
latus duo Assistentes ex Rm̃is DD. Canonicis Cathedralis Ec-
clesiæ claudebant. Mitram & Pedum duo Rurales DD. De-
cani manibus sustinebant. Alii ministri, servitiis Suffraganeo
exhibendis destinati partim sequebantur: quibus se addide-
rant quatuor Genii, nempe Divine Providentiæ, Celsissimi

Principis Monasterii Augienſis, & Parthenonis Güntherthalenſis.

A Baldachino proximè inceſſit Celiſſimi ac Reverendiſſimi Epilcopi Aula, ſplendido ornata cultû. Huic connexa erat aliorum virorum ac ſæminarum illuſtrium copia bene magna. Succelſit plebs promiſcua, ea multitudine, ut vix finem poſtremæ pompæ factura videretur. Nullus caput tegere, multi calceos exuere, ut nudatis pedibus incederent, nemo pia ſuſpiria, aut proſilientes lacrymas in poteſtate habere. Altiffimè hæc res ſpectatorum animos movit, qui & ipſi flere, gemitus ciere, peſtora tundere. Quid plura? rediſſe illa tempora videbantur, de quibus Dominus per Prophetam Zachariam c. 12. v. 11. vaticinatus eſt: *Et effundam ſuper domum David, & ſuper habitatores Jeruſalem ſpiritum gratiæ & precum &c.*

Reducem è proceſſione SS. Sanguinem Celiſſimus Princeps pontificio amiſcû longè præfulgens è manibus Domini Suffraganei ſuſceptum Aræ ſub dio excitatæ impoſuit, ac thura eidem dedit. Tum in throno conſidens epilcopali Dramati Muſico à quatuor mox dictis Geniis exhibitæ aures clementiſſimè dedit. Quo ad finem perducto Celiſſimus Pontifex, ſub feſtivo Organi, tubarum, tympanorum, & campanarum applauſu in Eccleſiam ingreſſus, SS. Sanguinem perpetuis annis ſervandum eidem in fidem contradidit. Dum igitur quiſque locum occupare annitur, dum oculis pretium humanæ redemptionis contingere poſſe in magna parte felicitatis ponit, & jam nec devotionis ſuæ, nec conſertæ multitudinis ſatis patiens eſt, prævaſtæ Baſilicæ latera ac ſinus inſuſâ primum, tum arctè condenſatâ omnis ſexus, & omnis ætatis, omniſque ordinis frequentiâ complentur. Demulcet animum memoria piæ ac flagrantis importunitatis. Efferre pedem nullus intro ferre omnes, excludi nemo volebat, vel æquò etiam animo ferebat. Sub hæc Celiſſimus & Re-
veren-

verendissimus Episcopus rei divinæ summā magnificētia operatus est; quam etiam in supremā ætate tantā cygnæ vocis suavitate, facilitate ac spiritūs hilaritate decantavit, quantam per omne vitæ suæ tempus sibi non unquam obtigisse contestatus est. Sacro peracto ventum est ad Hymnum Ambrosianum, qui sub tormentorum fragore, ac campanarum compulso à Phonaëscis jucundissimum in modum decantatus fuit. Post ea nihil supererat, quàm ut Celsissimus Pontifex populo ductâ Cruce bene precaretur; quod ubi fecit, in insulâ iterum tormenta fulminare, boare, detonare, quorum immenso fragori sæpius fistulæ æneæ interstrebebant, quas duæ cohortes tum è pedestri legione Circuli Suevici evocatæ, tum ex ditionis ac territorii civibus lectæ exploferunt.

Præter summum officium celebratæ sunt Missæ minimùm quadraginta à solis Presbyteris exteris & peregrinis, quem numerum Parochi & Vicarii utique aucturi fuissent, nisi plerisque domi in propria Ecclesia sacris operari oportuisset. Qui divino epulo accubuerunt, ter mille & plures fuerunt.

Die in occasum vergente sacre Festivæ eò modò finis impositus est, quò eidem initium fuit datum.

Nec dies infra ejusdem Octavam suâ caruerunt solemnitate: siquidem 27. Maji seu feria III. Pentecostes coram SS. Sanguine in majori altari exposito summum decantavit Officium Rm̃us quidem DD. Canonicus Ecclesiarum Cathedralium Constantiensis & Augustanæ. Quò finitò Rm̃us DD. Suffraganeus Constantiensis rei divinæ primùm operatus est, tum sacrum Diaconatûs ordinem contulit, deinde Sacramentum Confirmationis administravit. Eâdem die Parochiæ Creuzlingensis & Bernreinenensis elatis vexillis ac Crucibus huc peregrinatæ fuerunt. Die 30. & 31. Maji, seu feria VI. & Sabbatho Pentecostes Rm̃us DD. Prælati Celeberrimi Collegii Creuzlingani in Augiam secundo Rheno vela faciens RR. DD. Canonicis suis in exemplum ardentis erga SS. Sanguinem devotionis ivit; unde pressis ejus vestigiis eâdem veneratione.

rationis causa tres supra decem advenerunt. Die secundâ Junii, quæ Festivæ erat octava, religio in Augiam duxit S. T. RR. DD. Præpositum & Parochum cum 5. aliis DD. Canonicis & 4. Capellanis Ecclesiæ Collegiatæ ad S. Stephanum Constantiæ; deinde alterum ex DD. Consulibus, cum duodecim Senatoribus, & Parochianis aliis, iisque frequentissimis, ita ut ea die plus negotii in Augiâ, quàm Constantiæ habere viderentur. Post quos RR. DD. Parochus & Capellanus in Weiterdingen cum suis appulerunt. Porro sacratissimi Sanguinis colendi studium subinde alias complures communitates, Insulæ vicinas, huc excivit, viz. ex *Lyggeringen, Ermatingen, Langenrein, Tettingen, Güttingen, Ittingen, Heiden, Petershausen, Almensdorff &c.* Imo remotorum quoque ac longè dissitorum animos non dissimilis pietas incescit, atque in Augiam attraxit; unde magna sacerdotum peregrè advenientium, atque sacris operantium frequentia, ingens vis poenitentium, nec minor vota nuncupantium atque solventium multitudo. Et verò beneficam SS. Sanguinis erga supplices virtutem testatam faciunt beneficia insignia, favores, & gratiæ, ac vix non aperta miracula, quorum numerus ad septuaginta quatuor, dum hæc scribo, pertingit.

Anno 1739. magnifica Ara SS. Sanguini posita fuit, quæ primum oculorum ictum, simul ut in Ecclesiam pes infertur, in se convertit. Annuam secundæ Translationis festivitatem modò Feria II. post Dominicam SS. Trinitatis sibi affixam habet. Feriâ verò VI. cujusvis hebdomadæ memoriæ Passionis Dominicæ, sacræ Crucis, ac cultui Divini Sanguinis dicata est; quâ die in singulas ferè septimanas multa hominum milia ad venerationem eidem exhibendam hætenus convenerunt. Quid? quòd nulla propemodùm dies abeat, quâ non pii peregrinatores in Ecclesia Augiensi magno numero compareant. Quòd verò qui oculis non subjecere, vix animo concipere possunt, sunt pii gemitus, alta suspiria, calentes lacry.

Virtus de illo exibat, et sanabat omnes. Lucæ 6. v. 19.



S.S. Crux et sanguis D.N.I.C. in Monasterio Divitis An-
glae O.S.B. Multorum supplicationibz, et gratijs celebr.

C.P.S.C.M.

In et Io Kamber Cuth. Sc. et exc. Ang V

1884

lacrymæ , pectorum tunsiones , animorum compunctiones , scelerum ac criminum detestationes , ad pientiorē vitam conversiones , atque in media mentis tristitia divinæ consolationis perceptiones , quoniam dulcis est Dominus omnibus diligentibus se. Rem sanè demirandam , stupendam , atque omnium maximam , ita compungi , ita contristari ad pœnitentiam , ita subitò immutari , atque amore divino succendi. Crederes prodigium illud instaurari , quod olim in monte Calvariæ gestum Evangelista Lucas his verbis commemorat : *Et omnis turba eorum , qui simul aderant ad spectaculum istud , & videbant , quæ fiebant , percutientes pectora sua reversebantur.*

Tanta adhuc hodie virtus divini sanguinis est , ut vel saxea , atque Marpessâ. caute duriora hominum corda emolliat , compungat , atque ad pœnitentiam adducat. Qua de re SS. noster Pater , ac Pontifex Maximus edoctus , novissimè , id est , anno proximè præterito , indulgentias plenarias omnibus & singulis concessit , qui ad prædictam Feriam II. post Dominicam SS. Trinitatis : item alia quâpiam die pro arbitratû eligenda , SS. Sanguinem in Augia devotè viderint , & factâ confessione , sumptâque sacra communione pro extirpandâ hæresi &c. aliquid oraverint.

Quæ cum ita sint , Tibi Christe Optime

Qui Crucem propter hominem

Suscipere dignatus es ,

Dedisti tuum sanguinem

Nostra salutis pretium.

Tibi , inquam , sit infinita laus , honor & gratiarum actio , quòd trophæum sacrae Crucis , quâ durissimum jugum æternæ servitutis à cervicibus nostris depulisti , unà cum pretioso sanguine tuo , quò lavasti nos à peccatis nostris , in Augiensi Monasterio , ceu tutissimâ arce & perflugio in omnibus nostris animæ & corporis necessitatibus deponere dignatus fueris.

P

Tu

Tu verò, non jam arcis auro & argento stipatis locuples, sed sacrâ Cruce ac Divino sanguine Dives Augia effulge, superbi, gloriare: complêctere hunc sacratissimum thesaurum, frui illo quâ decet pietate ac devotione, atque sinû tuò reconditum ad communem Orbis Christiani, cumprimis Germaniæ, patriæ nostræ, venerationem perpetuis annis ac temporibus conserva.

V. ELUCIDATIO INSCRIPTIONIS S. CRUCIS.

Sacra Crux Augiensis, Sanguine Domini referta, ex parte anticâ imaginem Redemptoris in Crucem suffixi exhibet; à tergò characteribus Græcis inscripta est. Hæc verò inscriptio cum explicatus habeat arduos atque difficiles, non Augiensibus tantum Religiosis, sed aliis etiam viris doctissimis Crucem hætenus fixit. Quid verò facit Davus, cum in sphynge laborat exponenda. Oedipum consulit. Hoc etiam à se faciendum Augienses Cœnobitæ existimârunt. Ab Augiâ Divite Imperiale Monasterium Petrusianum non ultra leucam Germanicam remotum est, intra urbis Constantiensis munita situm. In hoc Prioris ac SS. Theologiæ Professoris munere magnâ cum laude functus est *Cl. P. Cælestinus Pfeiffer*, non Latinè modò, sed Hebraicè etiam ac Græcè doctus. Huic igitur Inscriptio evolvenda omnium primò fuit oblata. Supervenerunt deinde in Augiam duo Græci Archimandritæ, *Apendius Pangallus*, & *Ananias Zachus*, quibus pariter Inscriptio legenda fuit proposita. Horum explicatione non contenti Augienses, ad alios viros eruditos literas dederunt, qui cum in Gallia tum in Italia non medicorem in legendis antiquis Inscriptionibus peritiæ suæ famam excitaverant: Mont-
fau-

fauconios , Calmetos , Bricherios intellige. Ut verò duos priores omittam, quorum nomina toto orbe literario celeberrima qui nescit, nullius viri egregiè docti nomen scire videtur, est *Dominicus Bricherius Columbus* vir nobili loco in Liguriâ natus, *Joannis Bricherii Columbi*, Patritii & Oratoris Finariensis longè præstantissimi filius, qui operibus partim in lucem jam emissis, partim prælo paratis clarissima dedit indicia, quòd Jus Romanum non tantùm deliguriverit, ut Jacobus Cuiacius de multis suæ ætatis Jurisperitis dicere solitus erat, sed ejus fontes penitus imbiberit: ad præclaram verò utriusque juris scientiam, quam à patre edoctus est, omnis politioris literaturæ, antiquitatis, atque Inscriptionum cognitionem adjunxit. Quantum deinde doctrina & ingenio præstat, tantum etiam (quod ego summâ in laude pono) humanitate, facilitate, atque singulari de omnibus rei literariæ amantibus bene merendi studio excellit. Ad hunc igitur Virum Illustrẽ, hoc temporis Vindobonæ in Austriâ negotiorum causâ demorantem cùm Inscriptio operâ amici, quem V. C. Joannes Paulus Merlet Augiensis Asceta, p. t.

Parochus Præposituræ Schinenfis supra laudatus eadem in urbe habebat, delata fuisset, in ea elucidanda operam ac studium collocavit.





DE
GRÆCA AUGIENSIS
SANCTÆ CRUCIS INSCRIPTIONE
Dominici Bricherii Columbi P. Finar.

Ad Authorem
 Epistolaris Dissertatio.



Uod jam dudum animo revolvebam, jam tibi palam testor *Magnoalae Clarissime*, oportere unumquemque in veterum monumentorum explicatione ita versari; ut sciat quam minimum conjecturis esse tribuendum. Quare et si *Calestini Peifferi*, Sodalitis tui Religiosissimi & Ornatisissimi acumen, industriamque commendem; illi tamen non adhærebo in Augiensis Sanctæ Crucis pervetusta inscriptione: in qua, ex singulis ferme litteris, iisque non raro pro lubitu compositis, integrum verbum explicatus, longam produxit ejusdem orationem, quam maxime potuit rei traditionique convenientissimam. ✠ ΚΥΡΙΑ ΕΛΕΗΣΤΟΝ, ΟΥΤ' ΗΜΩΝ ΘΕΟΣ ΕΙ. ΝΑΡΘΗΚΙΟΝ ΔΙΑ ΣΑΥΕΣΘ ΚΑΙ ΑΙΜΑΤΟΣ ΚΥΡΙΑΟΥ ΑΓ. ΟΥΤΜΕΝΟΝ, ΤΟΥΤ' ΕΣΤΙ ΙΗΣΟΥ ΤΟΥ ΣΩΤΗΡΟΣ ΗΜΩΝ, ΡΥΣΘΟ ΗΜΩΝ. ✠ *Domine miserere Rex, quia Deus noster es. Narthecium per Crucem & Sanguinem Domini sanctificatum, hoc est Jesu Salvatoris nostri, Liberatoris nostri.* Sæpe quidem in sedula monumentorum investigatione, subsidiis utimur conjecturarum; sed nusquam adeo, ut despectis certioribus quibusque argumentis, quæ cum primis ex ipsa inscriptionis lectione resultant, vulgarem famam sectemur, obscuram licet, plerumque vagam & incertam. Si litteris consentiens traditio deprehenditur, tum demum recte ex illa conjecturam aliquam capimus; ut autem litteras ipsas, sensibilesque verborum interpunctiones negligamus, ad



THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

ad inscriptionem cum fama conciliandam, pessimi plane exempli res est. Et revera quotus quisque prima verba in inscriptione distinctissime non legi contendet. ✠ Κε, ΒΟΗΘΕΙ ΙΑΛΠΙΟ. In iis comate distingui vides priores litteras κε, quæ siglæ sunt unius ejusdemque verbi, non confundendæ cum reliquis in lectione; ε grammar, quod prima fronte deesse videtur, nequidem omissum est, sed η litteræ inscribitur inversum ob spatii angustiam. Igitur siglas si suppleamus, cum re ipsa tum primo & ultimo verbi elemento moniti quid illæ indicent, planissimum est oportere legi, κύριε βοήθει ιλαρίω. *Domine adjuva Hilarium.* Ita profecto sensimus omnes; nisi quod Auditor quondam tuus egregius, idemque Sodalit P. *Joannes Merlet*, exemplo *Peifferi*, cujus vestigia in reliquis sequitur, nec ipso Crucis signo prætermisso, ex inde conjecerit legendum esse: ὁ σωτηρίας κύριε βοήθει ιλαρίω. *Crucifixe Domine adjuva Hilarium:* ingeniose, si mavis, pro nostra consuetudine; at vero non de more illorum temporum, quibus Crucis signum pio quodam usu inscriptionibus præponebatur; nihil tamen pertinebat ad orationis contextum; ut in sexcentis lapidibus & numismatibus videre est, (xx) quæ longo agmine referrem, nisi res esset notissima. Majorem recipiunt difficultatem transversæ & imæ partis characteres, qui difficillimis nexibus impliciti, tota debent cautione tractari. Vir celeberrimus & longe doctissimus, P. *Bernardus Montfaucon*, per vestigia litterarum ubique procedens, ex iis hausit istam lectionem, Δεσπότη και ΚΑΘΗΓΟΤ- ΜΕΝΟ ΤΗΣ ΜΟΝΗΣ ΟΥΤ ΤΖΗΡΑΘΑ, vel ΟΥ ΤΖΗΡΗΘΑ, aut tandem ΤΟΥ ΤΖΗΡΗΘΑ. *Domine opem fer Hilario, despota (seu Magistro) & Præfeto Monasterii Tzeretha.* Apud vero *Pangallus*, Abbas Monasterii S. Marinæ Martyris in Insula

P 3

Archi-

(xx) *Apud Ant. Augustin.* in Dialog. p. m. 19. & *Reines.* Inscript. Class. XX. passim, & alibi.

Archipelagi, & *Ananias Zachus* Archimandrita, quo tempore adventarunt in Augiam, IV. Cal. Octobr. MDCCXLI. legere voluerunt: ΔΙΣΚΟΝΗ ΚΑΙ ΚΑΘΗΜΕΝΟ ΜΕΝΟ ΤΗΣ ΜΟΝΗΣ ΟΥΤΩΝ ΤΑΞΕΩΝ. Domine saluum fac Hilarionem, *Dominum & sedentem Abbatem Monasterii & Ordinis*, nulla prorsus habita characterum observantia, & omnino arbitraria interpretatione. Splendido *despota* titulo decepti viri Græco-Barbari, nihil æque huic Hilario convenire arbitrati sunt, quam supremam in Monastica disciplina potestatem: cuiusmodi fuit, qui illa utebatur apud Byzantios, Abbas Monasterii, *Dalmati* dicti; annotante Ducangio. (γγ) Sed contraria prorsus opinione *Montfauconius* *despotam*, *magistrum* interpretatur: & Hilarium non Abbatem, sed *Præfectum* duntaxat Monasterii constituit; quanquam externus Sanctæ Crucis ornatus, celsioris dignitatis virum re ipsa designet. Tantas ego difficultates aliquando evitare credidi, & veriore[m] justiore[m]que simul dare interpretationem, si transversæ partis littera Δ cum τ & nexu, ut putabam η conjuncta, legissem, ΔΤΗΣ ΕΝΟ ΤΗΣ τοῦ ΙΗΣΟΥ ΤΟΥ ΚΩΤΗΡΟΣ ΗΜΩΝ; *Passionis tempore Jesu Salvatoris nostri*; quæ omnia in barbari ævi orthographia, characteres admissim exprimere videbantur. Jam vero, re serius perpensa, cumprimis mihi non arridet ille *Carolus*, quem cum Hilario in voti partem vocabam, ΚΥΡΕ ΒΟΗΘΕΙ ΙΑΑΡΙΟ ΚΑΙ ΚΑΡΟΛΟ. Domine adjuva Hilarium & Carolum; quia quidquid de illo dixero, nihil satis credibile dicam, etsi tunc annotaverim *Carolus M.* ejusmodi voti formula in sigillis uti consuevisse; prout acceperam ex Hertio. (xx) Præterea plura comminiscabar in inscriptione, quam quod iis opus sit; debebam namque εἶναι pro tempore, δύναι pro *passione* interpretari, & articulum τοῦ, aut postpositum dicere aut

(γγ) In Glossar. Latinit. Tom. I. Col. m. 18. & seq. (xx) In comment. de Fide Diplom. Germ. Imp. & Reg. sc&. l. 5. VIII.

aut semel omisſum: quæ ſingula exulant, ſi cum aliis legam ſimplicius *δεσπότη καὶ κατηγουμῶν*. Accedit eam non eſſe difficultatem, quam *deſpota* titulo obtendi arbitrabamur; etenim licet ipſi Imperatores principio, *deſpota* dicti ſint, eorumque nonnulli hanc appellationem alteri βασιλῆως prætulertnt; quemadmodum Joanni Meurſio, & eidem Ducangio annotatum eſt in utroque Gloſſario; (aaa) tamen deinceps, quum Imperatorum Filii & conſanguinei, tum Patriarchæ & Aulæ Proceres hoc honore uſi ſunt; uſque adeo ut ſequioribus temporibus Aulica dignitas fieri cœperit: & extrema demum Græcia, potiſſimum ſub *Paleologiſ*, Regionum, ſeu Provinciærum vel Urbium, quas in hereditii fortem obtinuerant, ſeſe deſpotas inſcriberent. Quare nihil eſt veriſimilius, quam ex iis aliquem fuiſſe hunc Hilariũ, aut eam dignitatem cum iſto Abbate fuiſſe conjunctam. Montſauconio igitur & Monachis Græco-Barbaris confidenter accedam; ſed hætenus, ut illis aſſentiar in his verbis *δεσπότη καὶ κατηγουμῶν τῆς μόνης*; in quibus quidem, quod ab illis prætermiſſum eſt, non negligo, & charactere & ſigma eſſe deprehendo verbi *μόνης*; adeoque τῆς μόνης τοῦ, ſive †, notæ ſignificationis compendio, legam præter ullam perturbationem. Verbulum ſuperreſt unicum ΖΗΡΗΘ, vel ΤΖΗΡΗΘΑ, ad quod pertinet Clariffimi Senionenſis Abbatis *Auguſtini Calmet* epiſtola, qua poſtridie Nonas Julii anni cło DCCXXXIX. renunciabat Augienſi Priori Montſauconianam explicationem. In illa ſic pergit Abbas Celeberrimus. *Quæ poſtrema verba ſibi ſatetur Vir Doctiſſimus* (P. Montſaucon) *ignota; ſignificant autem abſque dubio locum Monafterii, cui præerat Abbas Hilarius. Ego quidem ſcio fuiſſe Conſtantinopoli templum, S. Michaeli dicatum in loco dicto, Tzeri, & fuiſſe olim antrum celeberrimum ob oracula Apolliniſ Zerinthii,*

(aaa) Græcit. & Latinit. v. *Deſpota*, Meurs in Gloſſar. ead. voce.

thii, quo in loco potuit esse Monasterium, Tzeretha dictum. Certe mihi certum est, vestram illam pretiosam Crucem, olim vobis datam, fuisse allatam e partibus transmarinis, & fortasse Constantinopoli vel Hierosolymis. Vale Prior colendissime, meque tibi ad omnia obsequia paratissimum habe. Novissimis verò literis Junii mensis nuper elapsi, hæc addit:

„ Varios deditâ operâ Scriptores evolvi, ut ubi locorum
 „ Monasterium Zeretha situm sit vel fuerit, investigarem.
 „ Quum verò antiquissima sit traditio hæc S. Crucis reli-
 „ quias, Carolo Magno ex Palæstina fuisse transmissas, in
 „ animum induco, ut credam, Cœnobii hujus vestigia, aut
 „ ad torrentem Zared trans Jordanem in finibus Moabiti-
 „ cis, de quo torrente Numeror. XXI. V. II. uti & Deuter.
 „ v. 14. mentio fit, & qui subinde mare subit rubrum: aut
 „ cis Jordanem, propè Sartam seu Zaretham, non ignobi-
 „ lem urbem inveniri: ad cujus nempe mœnia aquæ Jor-
 „ danis refluxerunt, quò tempore jussu Josue divisæ fuerunt.
 Conjectura est Clarissimi Abbatis non pœnitenda; certiora
 tamen aliquando eam Daciæ partem investigantibus, quam
 Valachiam hodie dicimus, fortè subolebunt. TZHPHΘ præ-
 terea in iis litteris nondum certo legisse mihi videor; & in
 illo nexu, quod TZ interpretantur, aut plures latent litteræ,
 aut etiam ab iis diversæ; quemadmodum accuratius con-
 sideranti sphinges illas characterum, facile apparebit. Ego
 nunc nihil addam, nisi verisimillimum esse, & Augienſi
 traditioni convenientissimum, si potius legatur TH'C MONHC
 TOT NAZAPHΘ, Monasterii Nazareth; quam forte solitudi-
 nem, Natalis Dominici pia recordatione illustratam, hic
 Hilarius cum Monachis aliquot delegit incolendam; li-
 berum tamen esto cujusque judicium. Scribebam Vin-
 dobonæ ipso natali die Parentis mei XIII. Cal. Maj.
 cło lcccxliv.

§. IX.

In Parthenone Gandershemensi.

Formosum Pontificem Maximum ab hostibus acerbissimè divexatum Arnulphus Germaniæ Rex libertati juxtà ac dignitati anno 896. restituit. Papa ut erga benefactorem suum quàm gratissimus esse cognosceretur, cæsareum ejus capiti diadema imposuit, à collo autem Crucem non tam auro quàm pretiosissimo Christi sanguine divitem suspendit. Imperator relictò in Germaniam itinere, sacram Crucem, hortatû Odæ thori consortis, Gandershemensi Parthenoni, quem Luitolfus potentissimus Saxonæ Dux circa annum 852. condiderat, piâ munificentia transcripsit. Henricus Bodo Syn. tagmate de Ecclesia Gandershemensi factam donationem diffusius his verbis enarrat.

„ Expugnatis fortissimè adversariis, cùm, quid daturus
 „ esset, Papa *Formosus* pectore suo volutaret, & quidquid in
 „ mentem venisset, non dignum judicaret; atque Regi pro-
 „ posita, non tanti æstimata ab ipso Rege videret, sciscita-
 „ batur, quonam munere illius majestati gratificari posset.
 „ Ad quem Serenissimus Rex fertur dixisse: Quidquid tua
 „ sanctitas obtulerit, minus est, nisi unum, quod Romæ oc-
 „ cultatum est, mihi præstiteris. Et adjecit: Crucem, in
 „ quâ Christi omnium Redemptoris Sanguis est, quem à Con-
 „ stantinopoli invictissimus Constantinus Romam transtulit,
 „ mihi ob gratiam inventam impertiatur tua Sanctitas, opto.
 „ Et licèt non gratam beatissimo Papæ, nec etiam Romanis
 „ ipsis auditû placitam Serenissimus Rex voluntatem pandis-
 „ set, Majestatis tamen auctoritas impetravit. Cùm igitur
 „ Augustum Regem Papa benedixisset, ipsam Dominici San-
 „ guinis Crucem in collum coronati posuit, cupito illum
 „ munere dignatus. Cùm autem felicissimè in propria re-
 „ diisset,

„ diisset, consilio cum Regina inito, quonam loci tam pretiosum Christi sanguinem locaret, ubi debito honore haberetur: illa priorum memoriam docta, qualiter videlicet & Serenissimus Rex Ludovicus eum, quem ipse habuerat sacrum cruorem Gandesianum ad Cœnobium à Ducibus Saxonie ædificatum transferret, datisque ad ipsum templum regiis muneribus, quò veneratione digna coleretur, in perpetuum curaret. Ad Regine igitur votum invictissimus Rex Gandesiam venit, & munificentissimè suis donis locum cumulavit. Dedit primùm Crucem illam cum Christi sanguine pretiosum, & quo coleretur honore statuit. Hactenus Henricus Bodo.

Fuit verò S. Crux Dominicum sanguinem continens publicæ venerationi proposita in arâ S. Nicolai uti nos docet Author A catholicus, sed eruditus, Joannes Christophorus Harenbergius in Historia Ecclesiæ Gandershemensis, Dissertatione XII. pag. 1631. cujus verba admetior:

„ Altare S. Nicolai in crypta, quondam erat famosum reliquia Crucis Dominicæ, quam Arnulfus Cæsar, à Pontifice Formoso acceptum, huc transtulerat. Addidit posthæc Ludovicus Infans, & Conradus I. Rex itidem novas Crucis ejusdem particulas. Dici non potest, quanta fiducia fragminibus illis opinionem sanctitatis universi attribuerint. Anno 1324. indulgentiam peccatorum eis, qui hoc altare visitaturi forent, Andreas, Archiepiscopus Antiberensis, & Otto, Episcopus Hildeshemensis, promiserunt, & concesserunt. En diploma.

„ Universis Christi fidelibus præsentis literas inspecturis. Miseratione divina Andreas Archiepiscopus Antiberensis, Gregorius Feltrensis, Vitalis Adjacensis, Franciscus Cenetensis, Guillus Saguonenis, Robertus Connerensis, & Nicolaus Dirinastensis, Episcopi salutem à Domino sempiternam. Splendor paternæ gloriæ, qui sua mundum illumi-

„ nat

„ nat ineffabili claritate, pia vota fidelium de ipsius clemen-
 „ tissima Majestate sperantium, tunc præcipuè benigno fa-
 „ vore prosequitur, cum devota ipsorum humilitas pro re-
 „ verentia *Sanctæ Crucis* per eos exhibita ac alias ex sancto-
 „ rum meritis & precibus adjuvatur. Cupientes igitur, ut
 „ altare Sancti Nicolai situm in crypta secularis Ecclesiæ
 „ Gandersemenſis Hildeſemen. Dioceſ. ac *sancta & benedicta*
 „ *Crux apud idem altare constituta*, quæ ibidem à fide-
 „ pulo in speciali habetur reverentia, eo magis congruis ho-
 „ noribus frequentetur, & à Christi fidelibus jugiter veneretur,
 „ omnibus verè pœnitentibus & confessis, qui ad al-
 „ tare & Sanctam Crucem prædictas in singulis festivitatis
 „ Inventionis & Exaltationis ipsius Sanctæ Crucis ac Festis
 „ Sanctorum prædicti Nicolai & Martini Episcoporum, &
 „ in dedicatione ipsius Altaris, nec non singulis diebus Vene-
 „ ris, devotionis vel orationis causa accesserint, sive qui in
 „ singulis festivitatis & festis ac dedicatione prædictis ve-
 „ sperarum & completiorum officiis, ac missarum solem-
 „ niis, nec non singulis diebus, locis, vesperis & completo-
 „ riis, singulisque diebus Veneris, Missis in dicto Altari, seu
 „ apud ipsum & Sanctam *Crucem* prædictam celebrandis hu-
 „ militer interfuerint, aut qui in extremis laborantes in te-
 „ stamento, vel extra, eidem Altari & Cruci prædictis ne-
 „ cessaria, manus porrexerint adjutrices, quotiens præmissa
 „ aut præmissorum aliquid fecerint. Nos de omnipotentis
 „ Dei misericordia, & beatorum Petri & Pauli, Apostolorum
 „ ejus, autoritate confisi, singuli nostrorum singulas dierum
 „ quadragenas de injunctis eis pœnitentiis in Domini mise-
 „ ricorditer relaxamus. Dummodo *Dioceſani voluntas ad*
 „ *id accesserit & consensus*. In quorum omnium testimoni-
 „ um singulorum nostrorum sigilla præsentibus sunt appensa.

„ Dat. Avinione sanctissimo in Christo Patre Domino Jo-
 „ hanne Papa XXII, tunc ibidem cum sua curia residente.

„ Anno Domini millesimo trecentesimo vicesimo quarto. In-
 „ diâ. VI VII. Id. Aprilis. (*sigilla septem Archiepiscopi &*
 „ *Episcoporum heic ex filis sericis colore rubro dependent.*

Ottonis Episcopi Hildesemensis loci Dioecesani.

„ Nos Otto Dei gratia Hildesemensis Ecclesiæ Episcopus
 „ præsentis tenoris gratam, ratam, confirmatam habentes
 „ eam cum simili quadraginta dierum indulgentia, *authori-*
 „ *tate ordinandi* præsentibus in nomine Domini confirma-
 „ mus. In Cujus rei testimonium, nostrum sigillum apponi
 „ fecimus huic scripto. Aâ, anno Domini MCCCXXIII.
 „ Kal. Julii.

Cæterùm Otto illustris Dux Saxoniae, filius Ludolfi Fun-
 datoris Parthenonis Gandershemensis, hoc altare pro exposi-
 tione & publica veneratione S. Crucis instituit, eique reditus
 applicuit largissimos. .

§. X.

In Monasterio S. Trudperti.

Habsburgicæ pietatis ac munificentiae longè vetustissimum
 monumentum est percelebre S. Trudperti Martyris
 Monasterium, in valle Hercyniæ sylvæ ædificatum. Nobis
 de illo mentio facienda est propter duas eximie altitudinis
 Cruces ex argento laboratas, tanto illustriores, quòd quæ-
 vis earum Dominicæ Crucis portionem sinu suo conclusam
 gerat. Et quidem de unâ earum S. Crucis particula in vita
 S. Trudperti sequens proditur memoriæ prodigium.

„ Plures adhuc sunt viventes in carne, qui optimè me-
 „ minerunt, quod quidam Advocatorum, nomine Wern-
 „ herus, in publico quodam victus captivusque conspectu,
 „ cùm

„ cùm se pacta quadam summa pecuniæ redemisset, debita
 „ redditurus, B. Trudperti magna satis exactione depecu-
 „ niavit homines & colonos. Nec hoc illi suffecit, sed ad
 „ ipsum Monasterium convertit angariam; poscens, vel ut
 „ veriùs loquamur, extorquens à Fratribus, ut pignus ali-
 „ quod sibi concederent, pro viginti marcis videlicet obli-
 „ gandum; redditurum illud primo tempore promittens,
 „ Fratres ergo quid facerent? Durum erat contra stimulum
 calcitrare, negando Advocato, quod petiit, concedere du-
 rius, quod nulla redditio speraretur. Cæterùm jussio postu-
 lantis urgebat. Itaque inito consilio, Crucem quandam, quæ
 adhuc in Ecclesia cernitur, in qua veræ Crucis illa particula
 clauditur, quam unus clavorum dulcium penetravit, desti-
 nandam pro pignore decreverunt; quod certius citiùsque es-
 set hæc redimenda sperantes. Per Fratrem igitur, qui tunc
 officium cantoris agebat, lignum hoc salutare petenti vel
 potiùs compellenti transmittitur ab invitis: jamque verè
 flentibus, tam mittentibus, quàm portante. Venitur ad
 villam, quæ dicitur Crozzingen, ubi Otricus quidam nomi-
 ne, procurator ipsius quem diximus Advocati, petitem pi-
 gnus à Fratribus expectabat. Hic igitur populi multitudine
 circumstante, Crux per Fratrem in loco decenti deponitur
 reverenter; donec accepturus eam videlicet procurator
 equum ascenderet. Itaque consensu runcino (*cantherio*)
 perforti, Frater sibi Crucem præsentat, ferè cum fletu, &
 ait: O bona Crux! det Martyr Christi Trudpertus, ut citò
 nobis cum gaudio reducaris. Quò dicto Crucem ille suscepit
 deportandam. Sed mirum in modum sonipes, cui sedebat,
 immobilis & quasi clavis affixus, de locis, quibus pedes im-
 pressit, exire non poterat, quantumcunque calcaribus urge-
 batur. Expavit igitur stupore vehementi, & ultra quàm cre-
 di potest, admirans ait: Revertere Crux Sancta, revertere,
 ut intueantur te Fratres tui: nequaquam te ulteriùs aspor-

tare tentabo. Lætus itaque Frater cum Cruce revertitur, qui mæstus exierat: recipitque gaudentibus universis, eo, qui dixit: *Tristitia vestra vertetur in gaudium*, verbum suum precatu sui Martyris, quam Frater invocaverat, adimplente. *Vid. Lib. II. vita S. Trudperti M. de ipsius miraculis apud Boland. d. 26. April. p. 438.*

§. XI.

In Monasterio Mellicensi.

REstè atque ex vero Carolus Stengelius annis ab hinc centum viginti & pluribus in sua scripsit Monasteriologi: *MELLICUM inter omnia Inferioris Austria Monasteria jam ab antiquis temporibus primatum tenet cum auctoritate, tum religione.* Cui encomio nec nostrâ hac ætate quidquam ornamenti decessit, sed nova potius decora non à magnifica tantum cum Ecclesiæ tum Monasterii structurâ, sed, quod longè pluris faciendum, à præcellenti Religiosorum pietate, eruditione, ac doctrina, deinde Abbatum singulari in gerendis publicis rationibus & negotiis fide, prudentia, & dexteritate acceperunt. Sed his aliisque prærogativis silentio prætermiſſis, ad eam potiùs commendationem, nominisque gloriam ac celebritatem, quæ ab insigni Ligni salutiferi portione dudum *Mellico* obvenit, exponendam veniamus. Nihil verò proferemus, nisi quod V. C. *Hieronymus Pezius* post *Lambecium* in Bibliotheca Augusta Vindobonensi, *Philibertum Huber* in Austria ex Archivis Mellicensibus illustrata, *Anselmum Schramb* in Chronico Mellicensi in literarum retulit monumenta. Intexuit ille Historiam de Particula S. Crucis Mellicensis ab Authore anonymo Mellicensi scriptam Tomo II. insignis suæ Collectionis] *Scriptorum Rerum Austriacarum*, cui eruditæ præmisit observationes, quas in gratiam Lectorum, quibus laudata illa Collectio ad manum non est, adscribere non gravabor

HI-

HISTORIA DE PARTICULA SANCTÆ CRUCIS MELLICENSIS.

*Authore Anonymo Mellicensi ex editis ad fidem
Manuscriptorum Mellicensium recognitis.*

OBSERVATIONES PRÆVIÆ
Cl. Hieronymi Pezii Bibliothecarii Mellic.

I.

INter rara pretiosaque sacratioris Thesauri Cimelia, quæ in Cœnobio nostro Mellicensi asservantur, primas facile tenet particula quædam adorandæ salutiferæque Crucis illius, quam Servator humani generis sanctissimo suo corpore cruorêque moriens consecravit. Atque haud scimus, ullane in Ecclesia locove Austriæ (ut de provinciis aliis nihil memoremus) ejusdem venerandi ligni portionem aliquam offendas, quam tanta pietate religionêque, quanta nostram hanc Mellicensem, sæculis superioribus Austriaci coluerint, quàmque tot signis ac prodigiis ipse rerum mirabilium effector DEUS illustrârit. Hanc Crucis Dominicæ Particulam multo auro sacrisque Reliquiis convestitam, Ecclesiæ Mellicensi primùm contulit Adalbertus seu Albertus *Victoriosus* ab anno 1018. ad 1056. Austriæ Marchio, ut author est Conradus de Wizenberg I. id nominis Abbas Mellicensis in brevi Chronico sæculo XII. à se composito, dono fortassis acceptam à Poppone Archiepiscopo Trevirensi patruo suo (seu fratre, ut alii volunt) qui Hierosolymis reversus apud eum in itinere diverterat circa annum 1039, aut sequentem, teste

teste Erchenfrido Coenobiarcha ibidem Mellicensi in Vita S. Colomanni Martyris à nobis Tom. I. script. Austriac. vulgata. Integro amplius sæculo cùm à Mellicensibus nostris religiosissimè culta servatàque fuisset, Clericus quidam nomine Rupertus, auri cupiditate pellectus, eam furto subduxit, secùmque Viennam Austriæ asportatam Sanctino, vel certè Finano Scotorum sive Hibernorum Abbati clam attulit. Verisimilimum est, id anno 1169. vel insequenti 1170. evenisse, quo postremo Sanctam hanc Crucem Viennæ inventam ex auctore domestico, ac synchrono postea docebimus. Re comperta, Coenobii Mellicensis Præsul, qui tum Syrus sive Sygehardus fuit, illicò Viennam advolavit, surreptumque Ecclesiæ suæ summi pretii thesaurum modis omnibus vindicare contendit. Mira hîc prodit Anonymus Mellicensis, historiæ subjectæ Scriptor, quæ tamen ex Majorum traditione potius, quàm ex vetustis literarum monumentis, quæ vel invidorum hominum manibus sublecta, vel incendiis consumpta non immerito suspicatur, se cognovisse profitetur. Refert namque, gravem Mellicensem inter & Scotensem Abbates de Sancta hac Cruce subortam controversiam litemque, cùm eam, utpote jure suam, repetenti Mellicensi reddere Scotensis præfractè nollit, nec contra Mellicensis de jure suo decedere vel latum unquem vellet. Itaque delectos fuisse arbitros, è quorum sententia, sevocatis in partes ambobus Præsulibus, S. Crux in medio eorum collocaretur: ab iisque judicato pronuntiatum, eam sine controversia illius fore, ad cujus ipsa manus, Numine cœlesti prius in rem præsentem invocato, nullòque hominis adminiculo accederet. Accepta, utrinque conditione, omnibûsque pro voluntate nutûque arbitrorum perfectis, mirum dictu! Crucem Sanctam sponte sua in Abbatis Mellicensis manus concessisse. Neque hoc viso quidem prodigioso permotum Scotensem Præsulem, ut Mellicensis, quod suum erat, tribueret; quin (ut est in Proprio Festorum Monasterii nostri Melli-

Mellicensis anno 1713. Viennæ excuso, & à sede Apostolica approbato) eodem Antistite rei veritatem novo miraculo explorari postulante, denuo edixisse arbitros, ut Crux Sancta, naviculæ absque remige imposita, aquis Danubii committeretur: quæ si secundo flumine versûs Scotorum Cœnobium deflueret, Scotensi, sin verò adverso Mellicium versum ascenderet, Mellicensi cederet Abbati. Cùm ad hanc quoque passionem vel invitus accessisset Mellicensis noster, naviculam unâ cum S. Cruce miro planè & inaudito modo Nusdorffium usque, qui vicus est à Vienna una ferè leuca in occidentem distitus, contra flumen deportatam. Tum verò lite divino potius quàm humano judicio dirempta, Crucem Sanctam Mellicensis Cœnobii Præsidi adjudicatam, ab eoque summa omnium gratulatione ac honore maximo ad Mellicense Monasterium fuisse reportatam. Hæc de veneranda prodigiosaque hac Cruce ex Majorum traditione vetus Anonymus noster Mellicensis. Quæ si hominum (Scotorum præsertim ac Hibernorum, ut ex Adis Sanctorum gentis utriusque constat) ea tempestate viventium simplicitas, religio, ardènsque in Deum fides spectentur, haudquaquam incredibilia videbuntur. Quot enim quantique, sæculo XI. & insequente XII. contactu ferri candentis, aliisque id genus supra naturam susceptis tentamentis rerum veritatem periclitati fuerint, is minimè ignorabit, qui temporum illorum historiam perspectam habuerit. Exemplo esse potest vel unus (missis aliis quam plurimis) Wolvoldus piissimus ille Admontensis Cœnobii Pater, quem ejusdem loci Chronographus ad annum 1137. narrat, candentis ferri massa manibus illæsis contacta, integritatem suam, quam nonnulli in suspicionem temere trahebant, comprobasse. Et certè mira quædam & insolita in Inventione hujus Sanctæ Crucis Mellicensis contigisse illud facile persuadet, quod Adalbertus, seu Albertus ejus nominis II. Salisburgensis ab anno 1168. ad 1200. Archipræsul, iis

R

intel-

intellectis, probéque sub examen vocatis, peculiarem de ejusdem Inventione festivitatem in Monasterio Mellicensi die 13. Mensis Februarii solenni ritu celebrandam instituerit, ut uberiùs infra demonstrabimus. Neque enim verisimile sit, tantum Præsulem S. Crucis istius Inventionem perpetua ad posteror memoria, cultùque publico ac solemnì consecraturum fuisse, quam nullæ singulares circumstantiæ, nec eventus extraordinarii maximè memorabilem reddidissent. Tametsi igitur Anonymus noster ea miracula ac prodigia, quæ in inventione hujus venerandæ Crucis Mellicensis accidisse scribit, non quidem ex veterum annalium monumentis, sed sola fide relatùque Majorum se didicisse fateatur, nemo tamen facile ejus dictis fidem abrogabit.

II.

Incidit autem hæc S. Crucis Mellicensis Inventio in annum Christi MCLXX. ad quem hæc annotavit Chronici Mellicensis Continuator Auctor coævus: *Inventio Dominici ligni apud Wiennam, quod aurea Cruci cum aliis Sanctissimis Reliquiis inclusum quidam Clericus, minister Satanae, Ruopertus nomine, auri cupidine illectus, furatus erat. De quo furto propter communem Ecclesie ad Dominum clamorem publicatus & comprehensus, ex judiciali sententia suspendio vitam finivit.* In hujus admirandæ Inventionis perpetuam memoriam majorémque S. hujus Crucis venerationem, Adalbertus Salisburgensis Archiepiscopus peculiarem solemnémque (ut supra notavimus) festivitatem in Cœnobio nostro Mellicensi die 13. Febr. quot annis agenda constituit. Indubitata ejus rei fidem facit pervetustum ac breve fragmentum manû sæculi XII. exaratum, quod in antico folio, ut vocant, volante cujusdam Psalterii post longam laboriosamque codicum nostrorum Mellicensium lustrationem tandem bonis avibus invenimus. Lau-
datum

datum fragmentum ad verbum habet: *Hec Festivitas (Inventionis particulæ S. Crucis Mellicensis) à Venerabili Sanctæ Salzburgensis Ecclesiæ Archiepiscopo & Apostolica sedis legato ADELBERTO solemniter celebranda est instituta. Quando venerabilis CRUX, quæ in hoc Monasterio non solum à nobis sed & ab universis hujus Provinciæ habitatoribus honorificè veneratur, à quodam Clerico Satanae Ministro est furata, & apud WINNEN Idus Februarii inventa, & cum magno honore ad nostrum Monasterium relata. Ex his egregiè stabiliuntur, quæ de hoc Festo nobis Mellicensibus peculiari, post Anonymum nostrum in Proprio Mellicensi, superiùs adducto memorantur: simulque discimus, S. Crucem Idibus Februarii, seu die decima tertia Mensis ejusdem, quo & Festum hodieque sub ritu Duplici 2. Classis (ut ajunt) agitur, fuisse inventam. Falsum est igitur Necrologium Scotense, in quo VII. Id. Decembris ejusdem inventio adscripta legitur in hæc verba: VII. Id. Decembris. In Mellico S. Crucis miraculose Inventionis hic apud Scotos Vienna.*

III.

Porro Sanctam hanc Crucem anno 1360. Rudolphus Dux Austriæ IV. copiosiori longè auro, gemmis, unionibus ac Sacris Reliquiis, pro singulari suo in Sanctum COLOMANNUM Martyrem & totius Austriæ Patronum amore, perornavit, ut ejusdem Principis *Protestatio* ad calcem præsentis historiæ posita declarat. Atque in hunc modum accipientum est, cum ibidem Crux Sancta *per ipsum comparata dicitur*. Neque enim Rudolphus Dux supra laudatus, sed Adalbertus Austriæ Marchio Mellicensibus eam primum comparavit, ut aliàs observavimus. Biennio evoluta, id est anno MCCCLXII. in pervigilio S. Martini, seu die decima Novembris, tristem rursus fortunam subiit S. hæc Crux Mellicensis,

cum eam civis quidam ex vicino oppido Emerstorffensi, Otto Grimfingher dictus, clam nefariè sublatam ad Carolum IV. Imp. in Bohemiam deportare conatus est. Rem omnem minutatim exponit Auctor hujus historiæ, qui eodem vixit tempore, præsensque omnia spectavit: nec proinde necesse fuerit, amplius quidquam de ea commemorare. Sed (quod singulare benignissimi ac providentissimi divini Numinis in Mellicenses nostros beneficium fuit) reperta denuo miris profecto modis Crux est, VIII. Id. Decembris anni ejusdem millesimi trecentissimi sexagesimi secundi, & ad Monasterium maxima cum solennitate revecta. Institutum quoque à Majoribus nostris in diem sequentem, seu septimum prædicti Mensis Decembris, *secundæ Inventionis* S. Crucis Festum, quod amplius duobus sæculis perquam religiosè cultum actumque fuit, ut veteres MSS. libri Missales Bibliothecæ nostræ testatum faciunt; sed nunc penitus, incertum qua de causa, exolevit. Illud hic quoque merito annotandum duximus, hodie non nisi unicam particulam Dominici ligni in aurea hierotheca Mellicensi extare, cum tamen anno MCCCCX. die 8. Mensis Novembris tres *Similes* id est: ejusdem magnitudinis ibidem servatæ dicantur in veteri Chronico Mellicensi, cujus verba huc adscribere non gravabimur: *Anno MCCCCXX. ait memoratum Chronicon, in die quatuor Coronatorum, hora Nonarum, propter suspicionem hominum tollendam, venerabilis Pater Dominus Nicolaus tunc Abbas hujus Monasterii (Mellicensis) aperuit Crucem pretiosam hujus Monasterii, inventæque sunt tres partes similes quasi in medio ipsius, reclusæ sub laminis argenteis. Qualibet autem pars videbatur longitudinis quasi semi-digitalis; non tamen spissa. Postquam verò perspecta sunt ab his, qui tunc testes aderant, videlicet à Domino Abbate, Petro Priore, Fratribus Christanno, Mathia, Gotschalco, Nicolao Wiener, Petro, Jodoco hujus Domus Monachis, & Waser quoque Nobile & Judice nostro, & aurifabro laicis: reposita sunt eadem*
par-

partes ad locum priorem, & ibidem reclusæ. Reliqua verò Sanctorum, quibus ipsa Crux ubique intus plena est, similiter reposita sunt, quemadmodum prius posita erant. Et qui scripsit hæc, præsens vidit, scilicet Petrus Prior. Hæc Chronicon Mellicense.

IV.

DE Authore hujus Historiæ, certum est Mellicensem Benedictinum fuisse, qui eam ipso anno 1362. aut sequenti literis mandavit, rebûsque ipsis, quæ in Secunda Crucis Mellicensis Inventione gestæ sunt, præsens interfuit. Siquidem initio scriptionis suæ de festivitate mox memoratæ Inventionis agens, *Miranda utique, ait, nostris sensibus & temporibus intonuit nuper novi rumoris veneranda festivitas, & celebris in Monasterio Mellicensi fama totum divulganda per orbem, non immerito recolenda concrevit. Et paulo infra: De quibus ambiguitas fidei cuique nulla esse debet, ex eo, quia in retroactis temporibus facta fore asserantur; sed major fides eo amplius est adhibenda, quo eodem pretiosum CRUCIS lignum sua virtute stupendis inauditisque miraculis, in aqua non dissimiliter & in terra, nostræ ætatis effulsit temporibus, sicut in infra annotatis jam patebit.* Verùm quo exploratior nobis ætas est hujus Auctoris, eo cætera quæ ad res ejus illustrandas pertinent, obscuriora sunt. Neque enim, quis fuerit hic Cœnobita Mellicensis, quo die annove vivere desierit, ex ullis domesticis documentis hætenus rescire potuimus. Hanc Historiam primus omnium ex MSS. Augustissimæ Vindobonensis Bibliothecæ typis describendam curavit V. CL. Petrus Lambecius lib. II. Bibl. Cæs. cap. 8. a pag. 621. ad 627. quæ rursus anno 1702. comparuit in Chronico Mellicensi, ab A. R. D. P. Anselmo Schrambio Vindobonæ emisso. Eandem A. R. ac eruditus D. P. Philibertus Hueberus noster *Austria sua ex*

Archivis Mellicensibus illustrata inferuit, ubi & sæpe memoratæ Crucis Mellicensis imaginem æri eleganter incisam lectorum oculis subjecit. Nos trinis his editionibus ad fidem quatuor codicum MSS. nunc literis ac Numeris H. 10. H. 104. K. 4. L. 80. notatorum, studiosè recognitis quartam adjecimus, præmissa, quam vetusta nostra exemplaria præferunt, hac inscriptione :

TABULA sive MEMORIALE SCRIPTUM DE PORTIONE LIGNI SALUTIFERÆ CRUCIS IN PRÆSENTI NOSTRO MONASTERIO MELLICENSI SUB LAMINIS AUREIS HABETUR, ET A FIDELIBUS POPULIS TAM DEVOTE ADORATUR, ET OFFICIOSE VISITATUR, ET DE MIRACULIS DIVINA VIRTUTE IN EA MIRABILITER OSTENSIS.

„ Quia generatio præterit, & generatio advenit, ad memoriam autem rerum gestarum nihil melius literis convenit
 „ sive scriptis: ad cautelam nostri nostrorumque posterorum
 „ insinuamus notitiæ, præsentium fidelium & futurorum,
 „ qualiter divina dispositio patentibus claruerit miraculis in
 „ parte ligni Sanctæ Crucis, quæ præ cunctis aliis Ecclesiis
 „ Mellicensem Ecclesiam, ad Romanam Ecclesiam nullo
 „ medio pertinentem, tanquam aliarum Ecclesiarum Domi-
 „ nam, inhabitare voluit & elegit. Miranda utique nostris
 „ sensibus & temporibus intonuit nuper novi rumoris veneranda festivitas, & celebris in Monasterio Mellicensi fama,
 „ totum divulganda per orbem, non immerito recolenda
 „ concrevit. Super quibus tanto relatoribus fides est certior adhibenda, quanto facti qualitas, & series gestæ rei
 „ verisimiliora videantur habuisse primordia, & auctorisabili-
 „ ores obtinere noscuntur in tanto Monasterio patratores.
 „ Sanè olim (sicut habet antiquorum fida relatio, & in lege
 „ Mosaica plenius dicitur contineri) priusquam Mundo fa-
 „ cre

„ cræ Doctrinæ lumen Apostolicæ rutilaret, Dei providen-
 „ tia, quæ in sui dispositione non fallitur, populo Israeliti-
 „ co Moyse Duce ad terram promissionis redeunte, fienda
 „ salutiferæ Crucis quibusdam sub figuris præsignavit myste-
 „ ria, quæ veniente plenitudine temporis Verbo Dei incar-
 „ nato, Crucifixo, resurgente, & cœlos ascendente, jam
 „ Sancta Mater Ecclesia exultans saluberrimè credit facta :
 „ eadem sua nobis clementia Passionis Dominicæ portione
 „ Crucis pretiosæ licèt in parva, virtutis tamen ingentis mi-
 „ racula non minima in præfato Mellicensæ Monasterio su-
 „ scitavit. Hæc licèt scripta non appareant manifesta, quæ
 „ si fuerint, tantæ forte gratiæ manus rapuit invida, vel
 „ lingua dolosa subticuit, aut magni ignis flagrantia, quæ
 „ dicitur Monasterium prælibatum graviter exposuisse, &
 „ exustionis ipsius immanitate forsitan in cineres comminuit ;
 „ ex nonnullorum testimonio, qui adhuc favente Domino
 „ supervivunt, & alias à multis, qui se illud à progenitori-
 „ bus suis asserunt accepisse, habetur credibilis certitudo.

„ Anno quippe Incarnationis Domini Millesimo centessi-
 „ mo septuagesimo, veridica testante scriptura, eandem por-
 „ tionem salutiferæ Crucis aureæ Cruci cum aliis Reliquiis
 „ inclusam, quidam Clericus, minister Sathanæ Rupertus
 „ nomine, auri cupidine illectus furatus fuerat : de quo furto
 „ propter communem ad Deum, & devotum Ecclesiæ cla-
 „ morem, publicatus est, & deprehensus, & judiciali insu-
 „ per sententia suspendio vitam finivit.

„ Propter quod Reverendus in Christo Pater & Dominus
 „ Dominus ADALBERTUS, Sanctæ Salczburgensis Ecclesiæ
 „ Archiepiscopus & Apostolicæ Sedis Legatus, his in magna
 „ delectatione cordis auditis, habitâque super hoc medita-
 „ tione sollicita, velut Pastor bonus ad ovile Domini con-
 „ gregans vigilantius gregem suum, & tanquam doctus pup-
 „ pis Apostolicæ remex portum quietis desiderans parare fi-
 „ „ deli.

„ delibus ac salutis: attendens quòque dignum fore Sancto-
 „ rum Petri & Pauli Apostolorum Mellicensem Ecclesiam,
 „ qui caput fuerunt Fidei & Ecclesiæ præcipui Fundatores,
 „ magna honoris & reverentiæ prærogativa gaudere, si, ut
 „ pretiosissimum Lignum, & iidem Apostoli eo amplius
 „ honorentur, quo eodem Mellicensis, quæ in eorum est de-
 „ dicata honore, devotius fuerit à fidelibus frequentata;
 „ hanc solemnitatem in Mellicensi Ecclesia tertia decima
 „ die Mensis Februarii solemniter celebrandam instituit, &
 „ prout decet, instituta solemniter observatur, quando Ve-
 „ nerabilis Crux à præfato Ruperto Clerico furata à Wienna
 „ usque ad Nusdorff in navi sine nautis & amplustribus su-
 „ pernatavit. De quibus ambiguitas fidei cuique nulla esse
 „ debet, ex eo quia in retroactis temporibus facta fore asse-
 „ rantur; sed major fides eo amplius est adhibenda, quo
 „ eodem pretiosum Crucis lignum sua virtute stupendis in-
 „ auditisque miraculis, in aqua non dissimiliter & in terra,
 „ nostræ ætatis clarius effulsit temporibus, sicut in infra an-
 „ notatis jam patebit.

„ Anno Domini Millesimo trecentesimo sexagesimo secun-
 „ do fuit quidam *Otto* cognomento *Grimfänger*, civis dives in
 „ Emersdorff, qui in Mellicensis Monasterii confinio affines di-
 „ noscitur habere non paucos. Hic itaque amentia magna
 „ & stimulo Sathanæ incitatus, longo animadvertebat tem-
 „ pore, quali modo Sanctæ Crucis lignum venerandum à
 „ Mellicense Monasterio deferret, & illuc, ubi pro eo se
 „ credebat remunerari traduceret. Is etiam quasi Domino-
 „ rum collataneus, eorum raro defuit solatiis, fidelem fo-
 „ rinsecus se simulans, infidelitatis tamen & vitiorum mala,
 „ unde vitari debuit, intus contexit, & hominibus quorun-
 „ dam demonstratione operum de solo foras iustitiæ colore
 „ blanditus est.

Acci-

„ Accidit hoc itaque decima die mensis Novembris ,
 „ quando ea nocte cœteris amplius cibus & in potibus vul-
 „ gus convivare consuevit, quod præfatus *Otto Grimfing*
 „ perfidiam , quam intulit in pectore , non segniter satage-
 „ ret perficere. Nam Fratribus in eorum collatione seden-
 „ tibus, clavibus quibusdam, alternatim secundum for-
 „ mam justarum clavium ceræ impressam limatis, sacristiam
 „ aperiens, sanctæ CRUCIS lignum in papyro tunc posi-
 „ tum (quod Illustris Princeps & Dominus Dominus Ru-
 „ dolphus Quartus Dux Austriæ &c. parvo antea tempore
 „ de aurea CRUCE posuit : voluit enim , sicut fecerat,
 „ eam auri in pondere augmentare) & aliam crucem
 „ deauratam, quæ pectoralis Abbatis dicitur, cum Reli-
 „ quiis inclusis, & Insulam & calices cum aliis ad altare
 „ attinentiis, furtive usque in *Rakking* ad Danubium de-
 „ portavit: qua de re amentias se magnas & membrorum
 „ dissolutionem ibidem & antea in Sacristia sustinuisse pro-
 „ fessus est. Sed sic attritus, a sua via mala non est rever-
 „ sus, & naviculam, quam ibi reliquerat, ascendens, de-
 „ deferre in aqua voluit, & infra *Schönpuchel*, DEO volen-
 „ te, deducere nequaquam potuit. Qui mutato animo &
 „ itinere, Danubium transfretavit, & in domum suam hæc
 „ omnia deferens, per aliquot ibi dies secum latentes
 „ servavit.

„ Interea dum Domini dormitum irent, & Dominus
 „ *Bernardus*, dictus *Dapsfer*, tunc temporis custos sacristiæ
 „ pro emundatione luminis, quod tunc intus ardebat, vel-
 „ let intrare; sacristiam apertam inveniens maximè expa-
 „ vit, aliquibûsque intrantibus, hæc omnia exportata cer-
 „ nebant; sed quis fecerit, quove devenerint ignorantes,
 „ maximè turbati sunt. Hujus itaque direptionis cum ali-
 „ quod jam tempus transisset, nec ab aliquo sciscitari pos-
 „ set, quinam hæc abstraxisset; nescio quo malignus iste

S

„ spiri-

„ spiritu ductus fuit , quod quadam nocte quendam *Kerner*
 „ dictum adiit , mutataque ne agnosceretur voce , rogabat
 „ eum , ut literam , quam sibi per fenestram tribuit , Do-
 „ mino Abbati ex parte cujusdam *Gothschalici de Haselpach*
 „ præsenteret ; & sic incognitus ab eo recessit , famulusque
 „ sicut ipsi supplicaverat , literam Domino Abbati appor-
 „ tavit. Qua lecta coram eo , tenor scripturæ talis erat :
 „ Surreptionis sanctæ CRUCIS aliarumque rerum obnoxius
 „ nemo tenetur , Priore duntaxat & fautoribus suis excep-
 „ ptis : & in hujus rei testimonio quærat in cellari Prio-
 „ ris , & ibidem inveniatur Infula dilapidata , & ornatu
 „ suo privata. Intellecto igitur hoc , Dominus Abbas hæc
 „ inquirere illicò præcepit ; sed everso cellari toto , horum
 „ nihil , ut mentiebatur , inventum est. Nam Insulam or-
 „ natu suo privatam in Cameram unam , quam cellare cre-
 „ didit esse Prioris , nequiter ipse nequam per fenestram
 „ jactavit : voluit enim suæ infidelitatis culpa innocentes
 „ etiam illaqueare : Verum ut dicit Cato :

Nolo putes , pravos homines peccata lucrare.

Temporibus peccata latent , & tempore patent :

„ ita cùm iste sceleratus malum malo aggregare niteretur ,
 „ laqueis , quibus aliis noxam furti irrogare conabatur , se
 „ ipsum , & suum complicem quendam *Petrum* scriptorem ,
 „ & hujus furti adiutorem , qui scripsit literam ante memo-
 „ ratam , irretivit. Insuper ejus maleficia , haud dubium
 „ Deo disponente , tali modo patenter enituerunt.

„ Factum est , ut multi legerent litteram , quam nuper
 „ ex parte *Gothschalici de Haselpach* Domino Abbati miserat.
 „ Unus tunc temporis de servis *Henrici Mutuarii (bbb)* in
 „ *Emerstorff* nomine *Baltherus* , cùm legisset literam in scri-
 „ ptura statim novit , quis eam scripsisset : & tenorem literæ
 „ „ non

(bbb) i. e. Publicani seu exactoris vectigalis , qui nostris vulgo dicitur ein Mautner.

„ non in malum alicujus, quam Domini sui, qui Domino
 „ *Johanni Priori* specialis præ cæteris erat, confectum solum
 „ ex informatione *Otonis Grimfingersi* arbitrabatur. Quam
 „ obrem ipse *Baltherus* & sui confervi statuerunt inter se, ut
 „ scriptorem vel plagis afficerent, vel penitus occiderent.
 „ Sed ne hæc ita ficerent, Dominus Abbas intervenit, & po-
 „ tiori consilio in *Emerstorff* quarto Kalendas Decembris ca-
 „ ptivatus est, & carceribus in *Weitenack* castro mancipatus:
 „ qui furti noxam protinus, & furtum causantem ducenti-
 „ bus ipsum innotuit, sed ne verò alter nequam, videlicet
 „ *Otto Grimfingarius* præmonitus discederet, idcirco non pa-
 „ lam loquebantur, quod ipsis Scriptor denudavit. Verum-
 „ tamen idem *Grimfingarius* audiens Scriptorem apprehen-
 „ sum, captivumque duci in *Weitenack* castrum, accinctus
 „ gladio, & accepta balista, velociter ad Danubium cucur-
 „ rit. Interrogatus verò, quo tam cito festinaret: finxit se
 „ unum velle insequi in aqua, qui pecuniam sibi deportasset.
 „ Sed Danubium usque *Schompuckel* pro refugio transfretavit.
 „ Cum autem securitatis aliquid ibi non habere meditaretur,
 „ profugus ire cœpit: ingrediensque secretò domum suam
 „ Pectorale Domini Abbatis fixit in tectum Domus suæ, &
 „ calices cum aliis Clenodiis in epicauterio coquinæ in quo-
 „ dam foramine recondidit. Sed verum lignum Sanctæ Cru-
 „ cis secum sumens, ut Imperatori deferret, iter versus Bo-
 „ hemiam arripuit.

„ Arrepto itaque itinere, cum jam profectus esset, quan-
 „ tum est unius milliaris, videlicet in Lach ad Ecclesiam
 „ Beatæ Mariæ Virginis; destitutus est vigore corporis, at-
 „ que divinitus ira impeditus, ut extra cimiterium pedem
 „ ponere non posset. Et cum secundo ac tertio auferre at-
 „ tentaret, & destitutione virium impeditus cimiterium ex-
 „ ire nequiret; tandem Ecclesiam intravit, coram altari Bea-
 „ tæ Mariæ Virginis genua flectens cum mœrore lacrymas

„ fudit, & lignum Sanctæ Crucis recondit sub lapide, super
 „ quem ob reverentiam Corporis Christi flectitur: & sic cum
 „ gemitu magno profugus abscessit, sed confinia ibidem ex-
 „ cedere non poterat.

„ Interea *Henricus* Mutuarius & *Chonradus* frater ejus,
 „ statuerunt exploratores, ut sagaci inquisitione ipsum illa-
 „ quearent vinculis, quod & ita accidit. Nam unus ex ex-
 „ ploratoribus *Martinus Cholzner* in sexta feria, scilicet quar-
 „ to Nonas Decembris, vidit sororem ipsius *Grimsfingarii* eme-
 „ re pisces multos. Ex quâ re cogitavit mulierem non pro-
 „ pter se, sed propter fratrem suum, quia splendide semper
 „ epulabatur, emisse: & exinde *Henricum* Mutuarium, &
 „ *Chonradum* fratrem ejus adiit, & ipsis rem taliter indica-
 „ vit. Qui eadem nocte, aliquibus de *Weitenek* secum as-
 „ sumptis, domum ejusdem mulieris circumvallabant custo-
 „ diis. Evertentes etiam domum eum non invenerunt,
 „ tandem inquisitus in horreo, mirabiliter in acervo strami-
 „ num est repertus, quadam studiosè in scrobe detectus: ex
 „ qua eum nudè extrahentes vestibus eum induerunt, & ap-
 „ prehensum duxerunt in domum præfati *Chonradi*. Ubi
 „ dum eum compedibus vinxissent, & rebus suis privassent,
 „ duxerunt eum in *Weitenek* carceribus mancipandum.

„ Dum verò super direptione Sanctæ Crucis aliarumque
 „ rerum interrogaretur, statim se abstulisse non negavit, sed
 „ hæc neminem nisi seipsum posse invenire asseruit. Quare
 „ ipsum extrahentes è carcere, equo ligatum pedibus impo-
 „ fuerunt, atque in propriam suam domum duxerunt in
 „ *Emerstorff*, ubi Pectoriale Domini Abbatis & alias res, præ-
 „ ter lignum Sanctæ Crucis, monstravit invenienda. His ita-
 „ que, Pectorali videlicet & cæteris inventis, negantem quod
 „ abstulerit lignum S. Crucis, vinctum reduxerunt iteum in
 „ carcerem. Altera verò die petiit ut educeretur, affirmans
 „ se monstraturum lignum Sanctæ Crucis quia in Ecclesia

„ Bea.

„ Beatæ Virginis Mariæ recondidisset in *Lach*. Quapro-
 „ pter è carcere ad Ecclesiâ ductus, solus cum *Hermanno*
 „ scriptore de *Weitenekk*, cæteris præ foribus expectantibus,
 „ Ecclesiâ ingrediens, flexis genibus ante Sacramentum
 „ Domini Corporis lignum Sanctæ Crucis, quod antea ibi
 „ absconderat, subito reassumpsit occulte, & capitis laten-
 „ ter imposuit: sperabat enim omnia sua gravamina allevia-
 „ ri, si secum portasse potuisset. At verò ut *Hermannus* hoc
 „ vidit, coegit eum, quod super aram id poneret, quod ibi
 „ accepisset. Et posita super altare Cruce, qui præ foribus
 „ expectabant, vocati Ecclesiâ intrabant: & sic Dominus
 „ *Ruetelperger* & Dominus *Atzenprucker* Fratres Conventus,
 „ Lignum Sanctæ Crucis acceperunt, trans Danubium repor-
 „ tantes. Ubi Dominus Abbas *Joannes Raedeprunner* dictus,
 „ totusque Conventus cum magna multitudine expectabant,
 „ solemnibus cum processionibus, cappis videlicet, vexillis,
 „ instrumentis musicalibus & compulsionibus omnium si-
 „ gnorum reverenter, ut decuit, susceperunt, reportantes
 „ octavo Idus Decembrium anno præhabito. Sed hujus
 „ ejusdem Sanctæ Crucis solemnitas *Inventionis* in crastino
 „ Sancti *Nicolai* Episcopi & Confessoris celebratur.

„ Clientes autem de *Weitenekk* reduxerunt *Ottonem Grim-*
 „ *singarium* in carcerem, quem postea in die Sancti *Thoma*
 „ Martyris propter hoc furtum, & alia scelera, quæ com-
 „ miserat, judiciali ex sententia in cineres comminuerunt.
 „ Scriptorem verò totius furti adiutorem *Petrum*, quem for-
 „ tallis jussu Domini Abbatis comprehenderant, liberum per-
 „ miserunt abire conditione tali, ipsometipso distante talem
 „ sententiam, ut quandocunque in confinio ibidem appre-
 „ henderetur, illico pœna patibuli occumberet. Quod par-
 „ vi temporis spatio elapso, haud dubium Divino judicio
 „ disponente, ita accidit, & pœna patibuli universæ carnis
 „ viam cum pudore profectus est.

„ Quia verò omnium sanctarum solemnitatum totus,
 „ Mundus est particeps, & unius fidei pietas exigit, ut quid-
 „ quid pro salute universorum gestum recolitur, communi-
 „ bus ubique gaudiis celebretur; verumtamen harum *Inven-*
 „ *tionum* solemnitates speciali & propria *Mellicensi* Ecclesiæ
 „ exultatione venerandæ sunt, ut ubi infidelium partem Li-
 „ gni Sanctæ Crucis diripientium temerarius propulsus est
 „ ausus, ibi in diebus earundem *Inventionum* sit fidelibus læ-
 „ titiæ principatus: præstante Domino Salvatore nostro
 „ *Jesu Christo* (qui eandem venerandam Crucem suo pretio-
 „ so sanguine decoravit, & per ipsam à maledicto mortis nos
 „ liberavit) qui cum Patre & Spiritu Sancto vivit & domi-
 „ natur per infinita sæculorum sæcula, Amen.

„ Unum expluribus, quæ Dei Clementia in hac Venera-
 „ bili particula Sanctæ Crucis mirificè ostendit, ad præhabita
 „ non adscribere in memoriam fidelium non possumus. Si-
 „ cut superius (ccc) continetur, quando Venerabilis Crux
 „ Wiennæ apud Scotos inventa memoratur, didicimus ex
 „ nostrorum relationibus Seniorum fide dignorum, quod in-
 „ ter Venerabiles Patres & Dominos, Dominum Abbatem
 „ *Mellicensem* & Dominum Abbatem *Scotorum* pro obtinenda
 „ Sancta Cruce jam dudum furata, quisquis Ecclesiæ suæ tol-
 „ leret, orta fuerit dissensio. Et ecce in eadem mutua op-
 „ positione Abbatum per arbitros decretum est, ut segrega-
 „ tis in partes Abbatibus, Crux Sancta in eorum medio po-
 „ neretur: si tunc alicui ipsorum sine adminiculo mortalis
 „ implorato Divino auxilio, in manus donaretur, in jurisdi-
 „ ctione servaret sua, pacifice etiam frueretur. Quocirca
 „ his ita peractis, occultorum omnium cognitor Deus, qui
 „ non solum non privat bonis suis ambulantes in innocen-
 „ tia, sed reddit etiam cuique quod suum est: Domino Ab-
 „ bati

(ccc) i. e. in *Historia Fundationis Monasterii*, quam habes Tom. I. Scriptorum Re-
 rum Austriacarum Col. 39, c. cl.

„ bati Mellicensi in suas manus jam dudum subreptam San-
 „ tam Crucem miraculosè, cunctis coram astantibus, re-
 „ commendavit. Et ut sua dinosceretur esse plenius, in aqua,
 „ ut prælibatum est, à *Wienna* usque *Nusdorff* approbavit.

PROTESTATIO

AD MEMORIAM FUTURORUM


ILLUSTRIS PRINCIPIS RUDOLFI

QUARTI DUCIS AUSTRIÆ &c. DE PRÆ-

FATA SANCTA CRUCE HUIUS MONASTERII

PER IPSUM COMPARATA, UT

PATEBIT.

„  Os RUDOLFUS Quartus, DEI gratia
 „ Archidux Austriæ, Styriæ & Carinthiæ, Dominus
 „ Carniolæ, Marchiæ ac Portus-Naonis, Comes in
 „ Habsburg, Tyrolis, Ferretis & in Kiburgk, Marchio Pur-
 „ graviæ, nec non Lantgravius Alsatiæ, profiteamur, quod
 „ hanc Crucem ob Dei reverentiam, & ob specialem amorem
 „ Sanctissimi Martyris COLOMANNI comparavimus, &
 „ multorum Reliquiis Sanctorum ab intra decoravimus, sub
 „ anno nativitatis nostræ vicesimo quinto, dominationis no-
 „ stræ anno sexto, regnante Imperatore *Karolo* Quarto, &
 „ *Urbano* Papa Quinto, scilicet anno Domini Millesimo tre-
 „ centesimo sexagesimo.

Cæterùm hanc lectionem ut cum maximè dignam historiam
 de Particulâ Sanctæ Crucis Mellicensis in patrium convertit
 sermonem V. C. *Godefridus Deppischius*, Cœnobita Mellicen-
 sis, càmque ad calcem Vitæ S. *Colomanni* Martyris, Austriæ
 Inferioris Patroni, eodem à se idiomate, magnâ eruditione,
 nec minore elegantia conscriptæ, atque Viennæ Austriæ an-

1743. typis in folio excusæ subjecit, eâ ratione, quòd *Rudolphus IV.* Archidux Austriæ eandem sacram Particulam in honorem Divi *Colomanni* auro & gemmis condecorârit. Illustrando autem *Cl. Hieronymi Pezii* prævias Observationes supra à nobis allatas advertit, mox laudatum *Pezium* in eâ sententia fuisse, ut existimaret, hanc S. Crucem *Adalberto* Marchioni dono fuisse datam à *Poppone* Archiepiscopo Trevirensi, patruo suo, qui Hierosolymis reversus apud eum in itinere diverterat. Ab hac verò opinione *Pezium* jam discedere, postquam Chronica Illustris Stirpis Babenbergicæ in Osterreichia dominantis, quam vir Reverendus *Aloldus de Peklarn*, Serenissimi quondam Austriæ Marchionis *Adalberti* ab anno MXXXIV. usque ad annum MXLVI. Capellanus conscripsit, ex autographo typis mandata fuit à Clariss. *P. Chrysothomo Hantaler* Bibliothecario & Chronographo Campoliliensi anno 1742. Diverſa enim sunt, quæ hic Author coævus & synchronus memoriæ prodidit; non enim annum duntaxat, quò Marchio *Adalbertus* Particulâ S. Crucis Asceſterium Mellicense donavit, sed occasionem etiam quâ illam consecutus fuit, exactè cum cura annotavit. Ejus verba sunt hæc:

„ Anno MXXXVIII. Sanctus *Stephanus* Ungariæ Rex in
 „ cœlum receptus est: quò Filium suum *Emersum*, sanctum
 „ pariter Juvenem, jam ante se præmisit. Cum hoc verò
 „ Rege Ungariæ pax, & felicitas simul sepultæ sunt.

„ MXXXIX. *Petrus* in Ungaria *Stephano* succedit, ejus ex
 „ sorore *Gisela* nepos. Sed vitiis plurimis scatens, subditis
 „ brevì nvisus evasit.

„ MXL. Idem, dum Ungari ab eo ad *Ovonem*, suâ linguâ
 „ *Abam*, deficiunt, Regno privatur. Fugit verò ad ADAL-
 „ BERTUM, cujus Levir erat, sive Frater Uxoris.

„ MXLI. ADALBERTUS Marchio pro *Petro* apud *Hain-
 „ ricum* Tertium Romanorum Regem, ei pariter affinem, in-
 „ tercedens, ei auxilium impetrat. „ MXLII.

„ MXLII. Hainricus Rex cum exercitu per Osterri-
 „ intrat in Hungariam, & Comitem belli secum accipit
 „ ADALBERTUM. Cum Patre vadit & filius *Liupoldus*,
 „ Vastatur Regnum, & *Ovo* maximam cladem accipit: ubi
 „ ADALBERTI & *Liupoldi* fortitudo maximè enituit. Pan-
 „ nonii coguntur vel *Petrum* recipere, vel alium è suis Du-
 „ cem sequi, quem Rex *Hainricus* deputavit, deposito *Ovo*-
 „ ne. Sed quia Ungari neque *Petrum*, neque novum Ducem
 „ volebant: *Ovo* tandem se valde humilians, impetravit ab
 „ *Hainrico*, ut sibi regnum permitteret. Addiderat ille pre-
 „ cibus etiam dona: è quibus ADALBERTUS magnam *sal-*
 „ *visca Crucis Particulam accepit, quæ olim Sancto Stephano*
 „ *Regi donata fuit.*

„ MXLV. ADALBERTUS Marchio non fortitudine tan-
 „ tum, sed etiam pietate, prudentia, & æquitate insignis,
 „ *Sanctæ Crucis Particulam in Ecclesia Medilic religiosè, & so-*
 „ *lenniter deponit.*

En epocham anni, quò miraculosa Particula Sanctæ Cru-
 cis in Mellicensis Asceterii Ecclesiâ reposita fuit; quam non
 ignorare magis delectat, quàm cum Grammaticis scire quo
 anno Argonautæ aureum vellus ex Colchide reportarint.

§. XII.

In Monasterio ad S. Michaellem Hildesie.

S. Bernwardus, Episcopus Hildesheimensis priusquàm fa-
 bricam Basilicæ Monasterii S. Michaelis absolvit, Ora-
 torium, seu sacellum, in quo Monachi interea divina pe-
 ragerent, ædificavit, eique salutiferi ligni partem Otto-
 nis III. donum, intulit. Rem gestam Tincmarus in vita
 (ddd) S. Bernwardi in literas his verbis retulit. „ Sacel-

T

„ lum

(ddd) Extat apud Mabillon, Actor. Benedic. sec. 6. part. 1. pag. 207.

„ lum etiam splendidum valde foris murum in honore miri-
 „ ficæ Crucis extruxit, cujus etiam aliquantam partem,
 „ largiente domino tertio Ottone Augusto Imperatore, ibi-
 „ dem clarissimis gemmis auroque inclusam condidit; ubi
 „ etiam divina pietas plurima suæ pietatis indicia, apertis
 „ signorum miraculis per virtutem sanctæ Crucis ostendit.
 „ Inter quæ illud unicum, quo Dominus Antistitis nostri
 „ devotionem consolari dignatus est, inserere libet. Nam
 „ venerabilis Pontifex Bernwardus, thecam auro gemmis-
 „ que lautissimam, in qua vivificum lignum includeret,
 „ paravit, & cum ex tribus particulis, sancti ligni, quar-
 „ tam si fieri posset, excidere tentaret, ut per singulas ab-
 „ sides (eee) singulas conduceret portiones, ne gracilitas,
 „ vel parvitas, quacunque ex causa sectionem admitteret:
 „ cum devotissimus DEI famulus animo fluctuaret, ecce
 „ subito inter manus ipsius antistitis quarta pars sacratissimi
 „ ligni, angelico, ut creditur, ministerio sibi delata appa-
 „ ruit. Mox igitur Præsul Christi, lætus lignum sanctum
 „ per quatuor absides paravit. O quanti inde portantes
 „ ardorem vehementissimæ febris sæpius virtute sanctæ Cru-
 „ cis restinguebant. Multotiens ortam aeris inæqualitate
 „ pestilentiam fideles hoc vivifico ligno se suæque lustrantes
 „ sedaverunt. Nimiam etiam siccitatem, prolato in publi-
 „ cum hoc singulari ligno pluviis imperantes, repulimus,
 „ multaque virtute sanctissimi triumphi, fiunt quotidiana
 „ remedia, dum quisque mœrens ibi prostratus, prompta
 „ percipit sollatia. Ipsum verò sacellum sanctæ Crucis va-
 „ rio decore perfectum dedicavit quarto Idus Septembris
 „ anno Incarnationis Dominicæ nongentesimo nonagesimo
 „ sexto, indictione nona, regni verò gloriosissimi tertii Ot-
 „ tonis Imperatoris decimo tertio, imperii primo, ordina-
 „ tionis autem suæ quarto: locumque quondam dumis &
 „ VC-

(eee) an fortè legendum apices?

„ vepribus horridum vicinis incolis, gloria tibi Christe, ex
 „ tuis datis, baptismi, sepulturæ, unctionis æternæ fecit
 „ solatium. Hactenus Tancmarus.

Hæc Crux, ut Browerus in scholiis ad vitam S. Bernwardi pag. 96. observat, in S. Michaelis cimeliis asservata, magno adhuc in pretio ac veneratione est. Et visitur ibi Pontificis effigies vario emblemate, & parergis ornata, Crucem hanc dextera, læva pedum tenentis. In hac & Angelus cœlo devolans apicis supremi signat vestigium, cui scilicet cum Crucis tantilla portio deesset, supernè delata & infixæ creditur. Nec aliter Ecclesia Hildenesheimensis hujus sui Patroni imaginem, quàm cum hac Cruce exhibere consuevit.

§. XIII.

In Sacro Monasterio Casinensi.

DUas partes S. Crucis, alteram ab Hierosolymis, alteram à Constantinopoli in sacrum Montem Casinum allatas fuisse lego in Chronico Casinensi. Aligernus Abbas sacri Archisterii Casinensis circa annum 986. Leoni, fratri suo & monacho ejusdem loci professo potestatem fecit, ut Jerosolymam ire, locaque Christi vestigiis consecrata devenerari posset. Redux Leo ex itinere, ut alter Leo Mariscanus in Chronico Casinensi lib. 2. cap. 11. fidem facit, *portionem ligni Crucis Dominica non parvam auro & gemmis pretiosis ac margaritis secum ab Hierosolymis detulit: & huic Sancto Canobio devotissimus obtulit die nono Novembris.*

Angelus Nuceus in observationibus ad Leonis Mariscani Chronicon Casinense huic loco isthanc apposuit notam. *Inter Cimelia Casinensia veneramur adhuc non parvam sacri ligni portionem. An verò illam, quæ à Leone Monacho huc illata est? non constat,*

Adest verò adhuc alia Dominicæ Crucis portio in eodem Asceterio, ut Petrus Diaconus Leonis Marficani Continuator lib. 3. c. 55. his verbis testatur: *His porro temporibus (circa annum 1078.) quidam Amalfitana civitatis nobilis, munde, mundanisque omnibus renuntians ad hunc locum pervenit, & à Desiderio (Abbate, postea Victore III. hujus nominis Romano Pontifice) gratanter susceptus, & Monachus factus partem non exiguam Ligni salutiferi & vivifica Crucis auro & lapidibus pretiosis ornatam, & in aurea ycona locatam, quam ipse de palatio Constantinopolitano abstulerat in conjuratione, qua contra Michaelem Imperatorem facta est.*

§. XIV.

In Monasterio Wiblingano.

CRUX Thaumaturga donum est Fundatorum Monasterii Harthmanni & Othonis, illustrium Comitum de Kirchberg. Unde hi verò illam acceperint, capite præcedenti à nobis dictum fuit. Per plura sæcula suos habuit cultores & adoratores. Ab eo autem tempore, quo hæreses, Lutherana & Calviniana, novos Crucis Christi inimicos, infelici satù progerminârunt, ab his non de nihilo metuendum erat. Flagrante bello tricennali Monasterium à Joachimo Wiclaff, Duce Suecico, anno 1633. Mense Augusto occupatum fuit. Is verò cùm se legitimum Wiblingæ Dominum jure belli non modò diceret, sed militari etiam licentiâ ferret, quid Joannes Abbas faceret? Cùm de cæteris omnibus esse actum videret, omnem curam & sollicitudinem eo intendit, quâ potissimum ratione Crux Thaumaturga, ceu pretiosissimus Wiblingæ thesaurus ad pacatiora tempora salvari posset. Tandem (fff) maturâ consulatione in unam itum sententiam ab Abbate, & duo.

(fff) Vid. Templum Honoris Wibling, pag. 130.

duobus senioribus, P. Magno Pfistero, & P. Conrado Oeffelino, viris omni exceptione majoribus, ut thesaurus ille, Christi sanguine sanctificatus non alio transferretur, sed domo, loco decenti, cæteris omnibus ignoto, salvus asservaretur, credentibus hunc unicum tuendo Monasterio, si quid fatalitatis obtingeret, sufficientem fore. Noluit prudens Paterfamilias Sacramentum Regis omnibus innotescere, ne vi, aut metu dolove adactus unus aut alter id palam faceret; quod experientia compertum, secretum eò fore tenacius, quò occultius. Sed ut fieri amavit tantâ rerum vicissitudine, peste, fame, bello turbantibus omnia, è vivis sacramenti arbiter aufertur cùm primis Rñus D. Joannes anno 1635. d. 17. Julii. Elapsis vix septem diebus succedit eidem fato P. Conradus Oeffelin alter, & quod deterrimum denique eodem anno P. Magnus Pfister, Prior in lectum ascendit, ex quo non amplius descendit, cùm paulò ante obitum, Capitularibus cæteris, tum Constantiæ de eligendo Benedicto in Abbatem degentibus, F. Gothardo Schal, Converso infirmario, manifestare cuperet, præ doloribus autem ex integro nequiret. Unde factum, ut cæterorum omnium notitiam fugeret. Quis ex reductu dolor omnium præ cæteris Benedicti Abbatis animum tetigerit, non est, quod facile dicam. Unde thesaurum sibi, ut rebantur, innocenter subreptum, absque consolatione lamentabiter conqueri, cœlûmque votis instanter pulsare, non tam Pater, quàm filii, integro quadriennio cœpere, donec mirabilis Deus pro majori sui nominis gloria, & SS. Crucis celebritate latentem hæcenus thesaurum, sequentem in modum patefecit.

Quod diximus, Sacramentum Regis non sic intra personarum triadem tractari potuit, ut & operarii cujusdam fidelitatem iisdem aliunde spectatam latuerit. Cœmentarius is erat Monasterio ab opera quotidiana, vir grandævus & multæ fidei, quem non dubitabant, illud occultare posse. Hic bonus

nus vir, cū omnia susque deque verti animadverteret, incumbentia mala prævertere cupiens, salutem in fuga quæsit, seque in saluum, probabiliter patriam suam Carinthiam recepit. Ubi cū quadriennium insumpisset, multo jam fenio confectus, stimulis actus est perennibus, ut adhuc semel Sueviam reviseret, latentēque thesaurum, suō artificio terræ concreditum panderet; quibus denique, si bene mori vellet, ut fatebatur, cedendum existimans, præter omnem expectationem, Wiblingam advenit publica omnium gratulatione & gratiarum actione exceptus, locum retrò Altare majus digito monstravit, cōstos lapides removit, & Taumaturgam Crucem nostram reperit illæsam. Quæ res cū propè Exaltationem SS. Crucis contingeret, Benedicto Abbati argumento fuit, ut servato quidem ordine Ecclesiæ, Inventionem SS. Crucis, quasi secundam in Exaltatione ejusdem celebraret, communi, licèt ad tertiam partem per pestem dimidiati populi lætitiâ, plausū, & exultatione: Cujus pro tanta hominum paucitate, qualemqualem solemnitatem, verbis Ernesti Rm̃i D. Abbatis concelebrantis hīc aperio:

Horâ VIII. signum ære campano ad Concionem datum; sermonem ad populum Rm̃us D. Abbas habuit, proposita unicâ figurâ arca fæderis Domini &c. soluta concione instituta est processio hoc ordine; Prælatâ est Crux de antiquissimo Catholicorum more, secutum vexillum, successerunt quatuor juvenes Angelico habitû ornati; post hos duo lampadiferi, deinde Diaconus, & Subdiaconus, jam ipse Abbas sacratissimum pignus Fundatorum argentea grandi Cruci inclusum ferens; proximè ibant duo juvenes, nitram & pastorale pedum ferentes; quibus succedebant cum luminibus vicini Nobiles, & commune licèt tenue vulgus, seu devotione colendi, seu curiositate Crucem inventam videndi infusum. Postquàm ad Altare B. V. perventum, Abbas in supremo gradu constitutus SS. Crucem populo monstrans: Ecce lignum Crucis &c. aliâ voce cantavit. Quo per Convēntum absoluto, supradicti qua-

quatuor juvenes Germanicis rythmis Crucem salutarunt, statimque cantiuunculam convenientem junxerunt. Denique Abbas præfenti populo SS. Crucem deosculandam porrexit.

Manſit hac ratione ſacra Crux Wiblingæ per aliquot annos cultû publico honorata. Poſtquam verò Galli Suecis jundî aperto Marte Cæſarem aggreſſi fuerunt, Wiblinga ab hoſtibus direpta, incenſa, ac miſerum in modum devaſtata fuit. Quare Abbas (ggg) Benediſtus cedendum ratus, donec pacatiora ſuperviveret tempora, arreptâ ſecum SS. Crucis particula thaumaturgâ San-Gallum profeſtus eſt; ubique ob allatum ſecum theſaurum ſummâ veneratione exceptus. Inter inſigniora SS. Crucis miracula eniteſcit illud, quò puella in San-Galleni Eccleſia, ad expoſitionem tanti theſauri toto corpore clauda, inſtar quadrupedis repens, integritatem grefſuûm, ſanitatêque membrorum recepit, ſtupenti hominum frequentia, SS. Crucem uſque in Cœlum laudibus extollentium. Pace autem an. 1648. Germaniæ reſtituta, & ipſa SS. Crux Wiblingæ reſtituta fuit.

§. XV.

In Monasterio Schirenſi.

SChira nobile & antiquum Baviaræ Monasterium eſt. (bbb) In eo ab annis propè ſexcentis aſſervatur & religioſè colitur Crux ex ligno Dominicæ Crucis confeſta, quæ quaſi ſpithamæ unius longitudine, latitudine duorum eſt granorum (quorum quatuor faciunt unciam, ſeu digitum) Dividitur verò, cum ſupra, tum nonnihil infra medium tranſverſis portionibus, quatuor quidem unciarum circa ejuſdem umbilicum; duorum circa verticem. Porrò extrema ipſa ſena, formâ ſemilunari facta & effigiata cernuntur.

De

(ggg) l. c. pag. 123. (bbb) Ex Caroli Stengelii Monasteriologia.

De hac Cruce ita Aventinus anno Christi MCLVI. *CONRADUS* iste Dux Dalmatiæ, Comésque Dachuni salutiferæ Crucis sacrosanctique ligni magnam partem ab Heraclito Patriarcha Hierosolymitano impetravit. Hoc quoque omine, quicumque pressus inopia valetudinève adversus Solymos proficisci nequiverit, non minorem veniam, quàm si illuc ivisset, consequitur: siquidem donaria pro sua pietate elargitus fuerit. Hoc sacrosanctum munus Conradus Dux Cænobia Schirensi tradidit. Ubi adhuc servatur, ac magna reverentia celebratur: convenit huc certatim singularem septimanarum sexto quoque die populus ac Sacerdotes complures, uti conspeximus.

Fama constantissima manat (sicuti ego quoque à gravibus viris accepi) quicumque hanc sacrosanctæ Cræcis partem, dum ei monstratur, conspicatus non fuerit, aut crimini flagitioso obnoxium esse, aut eodem anno procul dubio moriturum. Id quod mea memoria eventû probatum sæpius audivi. Admodum fabre, magnificèque hæc sacra argento, auròque inclusit Reverendus Pater Dominus Joannes Tarbest Monasterii Schirensis mea ætate Abbas, singularis prudentiæ atque diligentiæ homo. Extant adhuc, ac diligenter, & adhuc integra servantur, & obsignata duo diplomata Friderici (Folcberli) & Heracliti Patriarcharum, cum Græcarum literarum inscriptione, ex quibus pleraque excerptimus.

Ea Diplomata integra cum pererudito commentario & notis reperies in secunda parte Horti S. Crucis R. P. Jacobi Gretseri S. J. qui & inter cætera ad dicta verba Aventini; Ab Heraclito Patriarcha Hierosolymitano, hæc notat.

Nec ab Heraclito; nec ab Heraclio Conradus Dux Dalmatiæ partem Dominicæ Crucis impetravit; quia Heraclius multis demùm post mortuum Conradum Ducem Dalmatiæ annis; creatus est Patriarcha Hierosolymitanus; sed sub Folcherio Patriarcha, & Conrado Duce Dalmatiæ, Crux, de quâ prius diploma, vi Canonico Hierosolymitano adempta fuit; quam postea Conrado de Dachaw, prioris Contradi filio, Heraclius

raclius Patriarcha donavit; sed iis conditionibus, quas ipsum Diploma requirit.

Aventinum etiam emendat Stephanus Abbas Schyrensis in Chronico *Conradi Schirensis*, quod quibusdam additionibus, & notis auctum luci publicæ dedit an. 1623. sic verò loquitur: „ Alterum (Aventini) erratum est, quod à Conrado Duce Dalmatiæ & Comite de Dachau insignem thesaurum, & ornamentum, magnam nempe Dominicæ Crucis partem adeptus sit. Verùm non hunc Conradum filium, sed patrem ejus Conradum itidem Schyrensis Crucem attulisse fama est vetus, ut scribit supracitatus R. P. Jacobus Gretserus; cui suffragantur verba illa Eraclii Patriarchæ in II. Diplomate ad filium Conradum: *Quam quidam de notitia vestra temporibus Patris vestri à quodam fratre nostro abstulerunt.* Et ampliùs sententiam hanc confirmat, id, quod scribit Conradus supra in historia, Conradum Patrem Monachum postea factum esse. Eum autem Conradum, qui ad Schyrenses Crucem attulit, Monachum fuisse aliquando apparet ex ejus tumulo, qui in ambitu circa capellam omnium Sanctorum cernitur, supra quem aliquis religiosus manibus Sanctam Crucem in ea forma, quâ allata est ad nos, gestans, depictus visitur. Quam perantiquam picturam designare Conradum Donatorem & Custodem Crucis, Monachum factum apud nos, fama est ab antiquo. Id quod filio Conrado quadrare non potest.

Hæc autem pars Dominicæ Crucis est inclusa magnæ thecæ argenteæ & inauratæ, ex quâ tamen extrahi potest ad facilius portandum, & eandem piè deosculantibus exhibendum. Color ejus, qui hîc exprimi non potuit, est spadiceus seu castaneus. In cujus inferiore extremitate apparer fixura quædam quasi cultro facta: quam quendam extraneum infixisse, & in ipso fixuræ actu excæcatum obmutuisse, & tertia die milere exspirasse fama est vulgatissima. Quia verò

præter hanc nihil inscriptis mandatum invenio, ejus rei factum longius recensere supersedeo.

Accurrit ad hanc Crucem colendam quot annis in festo ejusdem inventionis ex locis & Dioecesibus vicinis, Frisingensi (in quâ hic locus situs est) Augustensi, Ratisbonensi, & passim aliis multitudo ad quatuor circiter millia & amplius hominum: quorum non pauci Sacramenta pœnitentiæ & Corporis Domini ad Indulgentias, quæ jam ab anno 1617. concessione summi Pontificis eo die plenariæ sunt, participandas obeunt. Absolvuntur quoque eadem concessione summi Pontificis eodem festo & per annum à deputatis ad id patribus conventûs accedentes ab hæresi &c. & aliis gravioribus & enormibus peccatis reservatis innodati.

Quovis præterea anno à tempore jam immemorabili die Veneris proximè sequenti post dictum festum Crucis inventæ, fit processio, cum eadem Sancta Cruce, quâ cum tota parochia circumitur in equis. Inter circumeundum ad quatuor plagas, & loca destinata substititur, ex equis descenditur, initia quatuor Evangeliorum cum certis collectis decantantur. Et ad quatuor Ecclesias Parochiales divertitur: Quarum tres Eyrbach/ Merzenbach/ Pfaffenhoven in Augustensi, & quarta in Hettzenhausen in Frisingensi Episcopatû sita est. A quorum locorum incolis, obviis processionibus, non sine magna pietate, suscipitur, & ad Ecclesiam deducitur; ubi à cunctis facta ejusdem Crucis pia & religiosa deosculatione; & allatis hinc inde rosariis ejus attactû sacrandis, non sine gratiarum actione à parcho loci publicè facta in viam cum eadem processione non minori pietatis studio quàm priùs suscepta fuerat, dimittitur. Ex quo cultu Sanctæ Crucis tantam confidentiam capiunt passim omnes, per quos transitur, ut vel hoc ipso se securos & immunes fore à grandine & reliquis aeris malis sibi polliceantur. Incipit hæc processio manè horam circiter quartam, ante exitum uno, in Monasterio,

sterio, & altero in Eyrmbach facto sacro (ad quod omnes illi, qui primo interesse non poterant, ex equis descendunt) Et confecto toto circulo circum comitatum Schyrensem, ad medium sextæ circiter sæpe dicta S. Crux Schiram reducitur. Numerantur in singulos annos huic processioni interesse ad ducentos propè equites. Et hæc de cultû anniversario Crucis Schirensis. De qua etiam nonnulla Aventinus in Annalibus hujus loci anno 1156. Cui suam fidem relinquo, mihi verò quod asserit, eum, qui eandem Crucem ostensam sibi non conspicatus fuerit, vel enormi flagitio obnoxium, vel illo anno moriturum esse, nihil præter ejus assertionem constat. Duo diplomata unum à Fulcherio (significato per litteram F. in diplomate) alterum ab Eraclio (significato per litteram E.) Patriarchis Jerosolymitanis adhuc apud nos illæsa conservantur. Quæ notis & quæstionibus suis illustravit supra dictus R. P. *Jacobus Gretserus in Horto suo de Cruce Schyrensi*. In quibus unicum videtur immutandum. Estque illud, quod in citato libro quæstiunc. IV. quærit: Utrùm Crux Schirensis sit illa ipsa, quæ in primo diplomate describitur? Cui quæstioni respondet, videri diversam: idque scribit ex conjecturâ quâdam (quam sibi propositam etiam probavit Marcus Welferus Duûmvir Augustanus) ductâ ex hoc solo fundamento: quod cum diploma loquatur de variis reliquiis Cruci circumcirca conjunctis, nullæ autem harum cum hac Cruce appareant, inde non malè conjici esse aliam Crucem ab ea, quæ in diplomate describitur. Verùm cum eadem reliquiæ, & de illis ipsis locis Christi Domini, & B. Virginis tantû sacratis, quas diploma exprimit, adhuc hodie præsentès in quinque cornibus majoris thecæ Crucis inclusæ lateant (quas quidem anno 1613. explicata & apertâ dicta à me theca ipse vidi) & Catalogus reliquiarum atque locus separatus in antiquâ thecâ, in quâ cum Cruce allatæ sunt illæ reliquiæ, coram testentur, non video, quare non eadem Crux sit, & ha-

beri debeat, quæ in primo diplomate describitur. Veniam tamen facilem hujus conjecturæ meretur auctor, qui non fuit informatus à Schirensibus, dum eorundem Crucem scriptis suis exornaret: quo suo labore non tantum Crucem Schirenses, sed etiam ejusdem custodes Religiosos nimirum Schirenses æternum sibi devinxit, qui proin precantur Deum, ut pro mercede consequatur, sed serò, quod nomine ejusdem S. Crucis promittitur Ecclesiastici 24. *Qui me elucidant, vitam æternam habebunt.* Neque vitio quisquam mihi dabit, quod hinc extra rem & propositum in cultu Crucis hæream, cum eidem per professionem religionis viginti tres annos lubens non in alio, quàm in hac Cruce Domini mihi gloriandum ducam: quidquid enim universi boni, ornamenta, & splendoris obtinet hic locus Scheyrn, super omne illud eminet, vincit, & transcendit Sancta & præclarissima Crux ex ligno Dominicæ Crucis confecta: & jam ab annis 465. & amplius hinc religiosè asservata & culta. Eò præsertim quia ille qui desiderio flagrans, vel voto obligatus Dominicum Sepulchrum visitandi, illud verò ob infirmitatis, paupertatis, longi itineris &c. impedimentum personaliter perficere non potest, tantum mercedis, si hanc Crucem Schyræ visitet, veneretur, & pro modulo suo donaria elargiatur, consequitur, quantum consequuturus foret, si illud Dominicum sepulchrum Jerosolymis visitaret, coleret, & aliquid ad illud elargiretur. Ita expressè habet diploma primum infra n. 9. A. cum secundo n. 9. B. positum. Nec illustria, eaque recentia miracula deforent, quæ lectorem ad cultum hujus S. Crucis excitare possent, nisi ab instituto alienum foret, ea hinc referre. Hactenus Stephanus Abbas Schyrensis pietatis & doctrinæ laude conspicuus in Chronico Conradi Schyrensis à se additionibus & notis aucto pag. 30. & seq.

§. XVI.

In Monasterio Donawerdano.

IN hoc celebri Monasterio asservatur ac religiosè colitur portio ligni S. Crucis, quam MANGOLDUS fundator ex Græcia secum tulerat, ut Capite præcedenti tetigimus; ejus descriptionem hic accipe.

Tabella ipsa laminâ constat aureâ, lichadis unius longitudine; latitudine minor, unciâ. In hujus medio Crux est, ut vulgò vocant, Hierosolymitana; longitudine digitali; capitello constans & basi ex eadem ligni materiâ. Duo alia transversa ligna, quæ partim è medio, partim nonnihil post fastigium promicant; non pari omnino constant magnitudine. Quod enim medium occupat, duorum propè pollicum est: Alterum, nonnihil est brevius. Basis & fastigium, æquali pro portione brevitæ præstant. Latitudo omnium ferè par est: nisi quòd partes illæ, quæ fastigio propiores sunt, minores, tenuiorésque appareant. Trium autem est granorum. Porro ne Crux ipsi tabulæ insita insertaque labet: argenteis uncinis supra infrâque geminis innectitur. In quatuor angulis quaterna sunt ostiola, quæ reliquiaria totidem occludunt, celântque. Reliqua in hoc tabellæ aureæ spatio, parerga, ut stellæ, rosæ, scutâque bina obtinent.

Quæ quidem tabella S. Crucis aurea, margine itidem aureo cingitur, insigniturque cum unionibus prægrandibus sexdecim: quibus scutulic suis vel orbiculis intermicant gemmæ undeviginti magnitudine, ac pretio variæ atque dispares: ut sunt adamantes, pyropi, smaragdi, amethysti, sapphiri. Quod quidem emblemma fertumque gemmeum, quod Sanctæ Crucis hujus iconismum ambit, munificentia donatum, & oblatum est MAXIMILIANI I. Imperatoris religiosissimi, & liberalissimi; Pars enim postica tabulæ hujus, quæ grandiuscu-

lis literis epigraphen præfert, eam Imperatoris hujus pietatem & beneficentiam disertè prædicat : sic autem habet.

MAXIMILIANUS. RO. AC UNGARIÆ REX. ARCHIDUX. AUSTRIÆ. DUX. BURGUNDIÆ. &c. ME. 12. KAL. MAY VISITAVIT. ANNO. DNI. 1496. QUI HUIC ECCLESIAE. SCE CRUCIS. WERDEE. PER. MAN. GOLDUM. EX. NOBILIORI GENERE. ELPHECIORUM. DE. SANGUINE. DUCUM. SUEVIÆ. TUNC. ECIA. COMITEM. IN. DILINGEN. CUM FUNDATIONE. ME. DONATA. AMPLIUS. DECORAVIT. NAM. ET. IPSO. NULLUS. VIVENCIMUM. LONGE. AUT. PROPE. PLUS. TRAXIT. ORIGINEM. DE. HABSPURGENSIBUS VEL. KIBURGENSIBUS. PARTICEPS. ET. IPSE. SIT. DEVOCIONIS. IN. ÆUUM. AMEN. CONSUMMATUM EST. HOC. OPUS. ANNO. DOMINI. MILLESIMO. QUINGENTESIMO. TERTIO. DECIMO.

Epithema verò seu operculum, quo S. Crux tegi solet, est hujusmodi. Septenas continet imagines, ex opere tessellato, Mosaico, seu Musivo, quo imaginum genere olim Græci valde delectabantur; & hoc etiam ævo delectantur. Supernè ad dexteram, visitur icon *Joannis Baptista*, orbi inclusa; additis his characteribus Græcanicis; ὁ ἅγιος πρὸ δρομος, *Sanctus Præcurzor*. Ad lævam conspicitur effigies *S. Joannis Evangelista* cum hac designatione ὁ ἅγιος ἰωάννης θεολόγος, *S. Joannes Theologus*. Infernè ad dexteram, apparet ὁ ἅγιος πετρος. *S. Petrus*. Ad sinistram, ὁ ἅγιος πᾶνλ. *S. Paulus*. In medio cernitur imago Deiparæ folio insidentis, & in gremio puerulum JEsu gestantis, additâ hac inscriptione; Μητέρα Θεῷ *Mater Dei*. Ad dexteram Virginis, intra eundem ambitum, est imago *Michaelis Archangeli*; ad sinistram, *Gabrielis*. Illi adscriptum est Μικαήλ; huic Γαβριήλ. Sub Angelicis icunculis
appa-

apparent characteres nonnulli, quorum expositionem sagacioribus relinquo; nam mihi quidem hic sunt densæ tenebræ. Non ambigo tamen referendos ad Deipariam Virginem, & puellum Christum, quem in sinû gestat. Opus & formâ seu schemate & imaginibus planè est Græcanicum, ut agnoscent, quibus vel modica Græcarum rerum notitia suppetit. Ingens olim cùm prisca pietas in Germaniâ adhuc floreret, ad hanc Crucem factus est omnium hominum concursus. Præsertim festis *Inventa* & *Exaltata* Crucis, & die, quo Templi S. Crucis dedicatio peragebatur. Multis miraculis claruit. Commemorabile est illud, quod contigit anno Redemptoris M. CCC. XVII. 4. Kal. Febr. cùm oppositu S. Crucis sævissimum incendium restinctum est, ad eum ferme modum, quo S. PAULINUS olim similis portionis de S. Cruce objectu populabundis flammis terminum fixit: de quo lege P. Gretf. tom. 1. lib. 1. c. 85. de S. Cruce: certè ob crebritatem miraculorum, quæ virtute hujus Crucis edebantur, fecit quidam patrum memoriâ hos versiculos leoninos.

*Crux pia Werdensis, non præterit horula mensis,
Quin radiet dignis per sex nunc secula signis.*

S. LEO IX. Pont. Max. mandavit, ut Sacrosanctæ Crucis portio, quam præfatus fundator, Comes MANGOLDUS, dum nomine Imp. Conradi Salici legatione Constantinopoliungeretur, ex Græciâ secum attulerat, & tanquam pretiosissimum thesaurum dicto Cœnobio contulerat, perpetim in Monasterio Werdensi maneat; dicto & lato in illos, qui quid contra tentaverint, anathemate. Nos, inquit S. Pontifex, quia locus ipse conditus est propter eam, quæ supradicta est, Sanctæ & vivifica Crucis portionem; eandem inibi semper manere volumus, cupimus & optamus, & à nemine auferri, statuentes Apostolica censura sub divini judicii obtestatione, ut nullus Imperator, nullus Rex, nullus Episcopus, nulla præterea magna parvâque persona, eandem vivifici ligni portionem ab ipso Monasterio

ferio audeat auferre quolibet modo. Quod idem postea INNOCENTIUS II. Apostolica autoritate præcepit: Decernimus, ut nulli-omnino hominum liceat portionem ligni vivifica Crucis, quæ in eodem loco recondita esse creditur, pro cuius honore Canobium factum est, exinde amovere.

Nec desunt divinæ severitatis & vindictæ exempla in eos; qui Crucem hanc furtivis manibus harpagare conati sunt, ut Annales Werdenfes memorant, teste Carolo Stengelio in *Monasteriologia* in descriptione Monasterii S. Crucis Werdecæ Suevicæ.


§. XVII.

In Monasterio Trevirensi S. Mathiæ.

Cùm Constantinopolis à Latinis anno 1204. obseffa, expugnata, & direpta fuisset, Reliquiæ Sanctorum magni pretii in varia Occidentalis Ecclesiæ loca exportatæ fuerunt. *Multis enim, inquit Otto de S. Blasio cap. 49. occiduis regionibus divitias tunc Græcorum invehitas, ac præcipuè ornatum templi, quod Justinianus Imperator Sancta Sophia quondam extruxerat, cum multo auri pondere, & reliquiis Sanctorum innumeris magna ex parte Venetias translaturum; sed regiones alias item civitatésque iisdem reliquiis & thesauris cumulatas. Quippe ultionem genti superba contigisse, tamenetsi seram, qua quoties peregrinos majores affixerat, & violarat, toties Saracenis sanguinem Christianum prodiderat; cecidisse itaque non Saracenorum, sed Christianorum manû: hoc meritis Sanctorum postulantibus, quo ne præclare, ipsorum reliquiæ Saracenorum manibus polluerentur, sed à Christianis aliud translata justo debitóque suo coleantur honore.*

Nobiles inter Equites Urbis Trevirensis, qui sacræ militiæ interfuerunt, *Henricus ab Ulmena*, vir patria in civitate mili-

militiæ morûmque principatû nemini secundus exstitit. Quæ verò in templorum direptione sibi vindicavit, ea plurium in Treviris Ecclesiarum ornamento consecravit. Ea Crucis Sanctæ portio, quam in ædem Monasterii S. Mathiæ pia munificentia intulit, octo circiter digitorum longitudine, quâ superat omnes, quæ quidem in Treviris exhibentur. Ligni sancti color hîc, quàm in cæteris vivacior : Conformatio, quam nunc exprimimus.



Tabula, cui inhæret, ex lamellis multo auro argentôque cœlatis, discolori metallo, lapidibûsque & lipsanothecis more cæterarum adornata. Epigraphe (iii) talis legitur :

ANNO AB INCARNATIONE DOMINICA MCCVII.
HENRICUS DE ULMENA ATTULIT LIGNUM SAN-
CTÆ CRUCIS DE CIVITATE CONSTANTINOPOLI-
TANA, ET HANC MAGNAM PORCIONEM IPSIUS
LIGNI SACRI ECCLESIAE SANCTI EUCHARII CON-
TULIT.

X

S. XVIII.

(iii) Vld. Broweri Annal, Trevir. Tom. 2. pag. 103.

§. XVIII.

In Monasterio Lacensi.

NEque Lacense Monasterium Vir illustris, *Henricus ab Ulmena* immune reliquit, isthuc importato salutaris ligni pretiosissimo quoque dono; unde nomen ejus aureis mandatum literis, ad posteritatis memoriam, his etiam versibus celebratur:

VIR MERITIS CLARUS HENRICUS IN ULMENA-
NATUS CONTULIT HOC LIGNUM NOBIS VENERA-
BILE DIGNUM, QUOD GRÆCIS VICTIS ADVEXIT
PARTIBUS ISTIS, ALBERTUS CLAUSTRO QUO TEM-
PORE PRÆFUIT, AURO SIC EXORNAVIT, DEUS
HOC QUOD GLORIFICAVIT.

Situm est Lacense Monasterium in Dioecesi Colonienſi inter Andernacum & Kempenichum ad Lacum vastæ magnitudinis, unde nomen traxisse videtur, anno 1093. à Comite Henrico Palatino condi cœptum, & anno 1112. ab ejus privigno Sigfrido ad fastigium perductum. *Vid. Brower, l. c. pag. 103.*

§. XIX.

In Parthenone Trevirensi S. Martini.

ESt adhuc Treviris alia S. Crucis insignis portio in Ecclesiâ Benedictini Parthenonis ad S. Martinum. Hanc Cardinalis Cusanus Apostolicæ Sedis Legatus in Germaniam, quam ingenti pietatis ardore implevit, anno 1451. veneratus est. Ipse Treviris sanè, cùm augustissimas quasque Divorum Basilicas religione & vetustate celebres obiit cum Archiepiscopo Jacobo, ædem Martinianam ingredientem, quæ

quæ Benedicīnæ professionis est, rogasse Jacobus proditur: Quoniam ipse quidem multas præclaras urbes, aliæque præcipua antiquitus religione culta loca Pontificis Legatus visisset, promeret verò nunc, ubi terrarum sanctorum hominum reliquias vel vidisset, vel crederet extare, quàm hîc usquam pretiosiores. Tum per fidem suam jurasse Legatum præstantiores quàm Treviris, haud alicubi temerè se perlustrasse oculis; maximè verò, posteaquam è Divi Martini sacrario prolata Sacrosanctæ Crucis ligni salutiferi pars magna, quæ Christi Domini sanguinis guttas, ceu præsentis aspectui subjiceret. Porro istoc Cardinalis responso permotus Jacobus, magnæque religione tactus, id gloriosum triumphalis signi monumentum, quandocunque rem istic divinam fecit, ante oculos proponi suos, & in arâ, quâ sacrificabat, collocari voluit.

Wiricus autem Comes Obersteinus, hujus testis narrationis, qui & Jacobi Consiliarius, & Philippi Colonienſis inde Pontificis parens extitit, quamdiu illi vita comes, identidem Basilicam eam summâ cum religione frequentavit, vinôque ligno sacratissimo superfuso crebras se profligasse corporis infirmitates, patribus est narrare solitus. *Vid. Brower. Annal. Trevir. Tom. 2. pag. 286.*

§. XX.

In Monasterio Cormariceno.

ANnus agebatur MCIII. cùm sacrae quædam reliquiæ è locis Sanctis Cormaricum à *Guillelmo* cognomento *Ludovico*, ejus loci quondam Monacho, allatæ, perhibentur. Erat is è castro Turonis proximo, quod Rupes vocatur, oriundus, qui factus Cormarici Monachus, æmulorum exagitatus invidia, Constantinopolim abiit, ubi Alexio Imperatori notus & carus evasit. Inde semel & iterum ad loca sacra profectus,

fectus, plurimas ex eis reliquias retulit. Postmodum Salpinæ civitatis in Apulia creatus Episcopus, Cormariceni Monasterii haud immemor sacras illas reliquias istuc attulit, in his de ligno Sanctæ Crucis, quod per ignem probavit. Quæ reliquiæ anno MCIII. solemnî ritu Cormarici susceptæ sunt XIV. Kal. Augusti, die Dominico, regnante Philippo. *Ex Mabill. Annal. Ben. Tom. 5. p. 459.*

§. XXI.

In Monasterio SS. Udalrici & Afræ.

Augustæ Vindelicorum in Basilicâ San-Udalricana habentur cum simulachra Christi Domini Crucifixi, tum argenteæ Cruces, in quibus particulæ de Ligno Sanctæ Crucis asservantur.

Sic in Cruce argentea, quam Dominus Joannes de Hohenstein, Abbas Anno MCCCCLII. fieri curavit, continentur.

Due particula de Ligno S. Crucis. De spongia Domini. De Sudario Domini. De Titulo superposito Cruci. De spinea Corona.

In Cruce argentea, quam D. Jacobus Köpplinus Abbas fieri curavit, sunt particulæ *de Sancta Cruce. De sepulchro Domini.*

In argentea Hierotheca facta Anno MCCCCLIV. inclusa sunt *Duo fragmenta de Ligno S. Crucis.* Fama est ea olim sive casu sive studio in ignem projecta illæsa sponte resiliisse.

Item particula *de Miraculosâ Cruce* Carabacensi ex Indiis ad nos transmissa, inquit Rm̃us Abbas Bernardus Hertfelder in descriptione Basilicæ Imperialis & Celeberrimæ suæ Abbatie, quam vide p. 109. 111. & 123.

§. XXII.

§. XXII.

In Monasterio Calvariae.

Calvaria mons est excelsus, in terra *Sandomiriensi*, oppido *Oppatow* propinquus, assiduo poene rigens frigore, & frequenter nives, nebulas, & pluvias producens, scatuerientes in plerisque locis habens fontes, famosissima quondam, si veteri & vulgatæ assertioni standum est *Cyclopus*, quod ingentes acervi testantur lapidum ex arce, quam monti imposuerant, ruinati, nunc verò virorum religiosorum sub regula *S. Benedicti* militantium habitatio. Incertum à quo *Cyclopus*, & quo tempore arx tanta tot parietum continens longitudines, & tam grandes ævo suo moles sumptu tam magnifico exstructa fuerit. Cujus monstruosi ædificii monstruosam lapidum congeriem atque ruinarum acervos ingentes, neque vepres, dumosque gramina, nec arbores frequentes potuerunt contegere. In arcis locum succedenti monasterio, à magno enim *Boleslao* primo Polonorum rege ex petra superædificato, in quo ligni Dominici magna mortalibus beneficia conferens, notabilis habetur portio à Beato *Emerico* filio *B. Stephani* Hungariæ Regis monente per visum Angelo illic relicta. Ob quam rem locus ipse in celebri habetur reverentia, & in assidua mortalium suis necessitatibus succurri per virtutem sanctæ Crucis deposcentium frequentatione. Qua in re altitudinem divinæ providentiæ, & ejus dispensationis mira opera libet admirari; nam, qui pro salute generis humani pati dignatus est in monte *Calvariae*, is lignum in quo patiebatur pro salubritate & consolatione Polonorum, in monte ejus appellationis voluit consistere. Accessit ad hæc admiratio amplior, nam cum *Lithuani* ea tempestate gentiles & idolatræ clandestino incurfu Regnum Poloniæ irrupissent, &

spoliato præfato monasterio etiam lignum vivæ Crucis in suam terram apportaturi rapuissent, sed priusquam *Sandemiriensem* regionem egrederentur, quadriga, in qua sacratissimum lignum vehebatur, substitit, nec ab equis aut bo- bus, stupentibus barbaris, moveri potuit. Ingens illic pestis exorta maxima strage tam homines quàm pecora absumebat. Quo malo *Lithuani* perterriti, consilio quoque Polonorum, quos captivos ducebant, usi, lignum Domini- cum in locum suum cum magnis muneribus detulere; & illico omnis pestifera vexatio ab eis non secus quàm quon- dam post interceptionem & restitutionem archæ à Philistinis conquievit. Ex Dlugossi Histor. Polon, lib. 2. pag. 31. col. 2.

§. XXIII.

In Monasterio Majoris Augiæ Brigantine.

LAudi non postremæ verti potest Augiæ Majori Brigantine, quod antiquitate in Germania superiore nulli domui Religiosæ sit secundum. Prima enim ejus fundamenta posuit S. Abbas Columbanus, quo tempore à Theoderico Rege Luxovio pulsus viam in Italiam cœpit, atque in agro Brigantino aliquamdiu confedit. Nullis verò per tot sæcula Augiam temporum hominûmque injuriis fuisse jactatam, quis prudens credat? Enimverò modò flammis hausta, jam solo æquata, nunc directa, atque adeò ad incitas fuit redacta. Ut iterum resurgeret, stare, ac florere, Udalrico Brigantiæ & Rhæthiæ Comiti sub an. 1097. in acceptis referri debet.

Quòd si verò sacrum thesaurum antiquissimi hujus monasterii inspiciamus, oculos omnium primò in se convertit insignis particula S. Crucis. Donum hæc est Hugonis III. Comitis primùm Tuwingani, tum etiam Brigantini. Huic
à Ma.

à Mathilde Henrici II. Regis Angliæ filia, & Henrici Leonis, potentissimi Baviaræ atque Saxoniarum Ducis uxore nupti data fuit. Hanc verò illa à marito Leone accepit, qui eandem è manibus Patriarchæ Jerofolymitani, de quo ejusque universo Clero, teste (kkk) Helmoldo Chron. Slav. I. 3. c. 7. quàm optimè meritis fuerat, acceptam ex Palæstinâ in Germaniam asportavit.

Incertus verò animi sum, an Augiensi monasterio magis de Sancta Cruce, seu pretiosissimo thesauro aggratuler, an Sanctæ Cruci de loco, in quo nempe veros sui cultores, id est, integrioris disciplinæ, quæ verè crux est, studiosos ascetas semper habuit, hodieque habere non desistit, aggaudeam.

§. XXIV.

In Monasterii Cladrubiensis Ecclesiâ Parochiali.

UT recentium florum major est gratia, ita præclara nostræ ætatis exempla pii lectoris animum majori voluptate perfundunt, delectantque. Præclarum verò est, quod referam. Cladrubiense in Regno Bohemiæ monasterium, cujus laudes alio loco (lll) celebravimus, anno 1115, ab Wladislao Bohemiæ Duce, quod non ita multis ante annis Suatoplucus inchoârat, absolutum stetit. Oppidum huic inclyto cœnobio additum ecclesiam habet S. Jacobo Majori Apostolo sacram. Hæc anno 1711. à funesto deformata incendio non parum pristini splendoris amiserat; cui novum verò fulgorem insignis S. Crucis particula, exacto nondum biennio, conciliavit. Fuerat autem ista sacra particula Româ dono missa ad Virum cum generis prosapiâ tum mune-


(kkk) Obtulit autem Dux ad S. Sepulchrum pecuniam multam, & Basilicam, in qua lignum Dominicum repositum est. (lll) Epitomes Historiæ Monasterii Brevnoviensis cap. XV. pag. 204.

muneris, quod Viennæ in Austriâ gerit, dignitate illustrem. Is pietate, studiôque provêhendæ erga Crucem Christi devotionis incitatus, sacram Particulam pereleganti argentæ & inauratæ hierothecæ inclusam in Bohemiam, terram patriam, ad Ecclesiam Parochialem Urbis Cladrubienfis, Monasterio subjctæ, transmisit. Utque est vir eximiâ prudentia, omnia ad veram referre diuturnitatem solitus, authenticas literas adjunxit, quibus Rm̃us DD. Simon Gritti Dei & Apostolicæ S. Sedis Gratia Episcopus Ferentinus, SSm̃i Dñi PP. Benedicti XIII. Prælatus Domesticus, & Pontificii solii Assistens fidem facit, attestatûrque, sacram hanc particulam ex verâ Cruce Christi fuisse decerptam. Dici paucis non potest, quanto quàmque incredibili animi gaudio ac solatio cûm Ecclesiæ Parochialis Rector R. P. Leonhardus Rauchfues, tum urbis Magistratus sacrum hoc donum exceperint. Scriptis ad illustrem Mœcenatem literis, gratiæ, quantæ poterant humanissimæ, eidem actæ fuerunt. Subinde, ut sacra Particula publicæ venerationi exponi posset, Pragæ à Rm̃o Consistorio Archidiœceseos facultas impetrata est; dies verò pro solenni ejusdem Translatione ex Cladrubiensî Monasterio ad Parochialem Ecclesiam duodecima Januarii an. 1744. destinata. Deditâ verò operâ hæc dies designata fuerat, quod esset dies Dominica, quâ populo à laboribus & operibus abjungere licet, quò majori otio ac pietatis sensu rebus divinis vacare possit. Ut verò hæc illuxit, solennis pompa & supplicatio adornata est, quâ Rm̃us DD. Josephus Abbas Monasterii, & Urbis Cladrubienfis Dominus sacram Particulam in Ædem Divo Jacobo dicatam deportavit. Aderant non solum Magistratus, Cives, & Oppidani Cladrubienfes, sed ex circumjctis pagis, oppidis, atque urbibus ingens omnis ordinis, ætatis, ac sexûs hominum multitudo affluerat. Habita igitur ad frequentissimum populum de cultû S. Crucis concione, solennis Procellio non sine sacrâ pom-

pompa, concinentibus suavissimum in modum phonaecis, populóque immensí agminis comprecante instituta fuit. Relatá in Ecclesiam sacra Cruce omniumque venerationi publicæ exposita, summum Missæ sacrificium decantatum est. Re divina peracta, sacra Crux populo exhibita fuit, quò eam pio devenerari osculo posset. Tenuit ea pietas, veneratióque ad horam II. pomeridianam. Tum Rector Ecclesiæ Amplissimum Abbatem, Urbis primores, aliósque hospites lauto excepit epulo. Nullus convivarum erat, qui non spumantem hauriendo pateram illustri Mœcenati, qui tanto tamque cælesti dono Ecclesiam Cladrubiensem profecutus esset, seram apprecaretur ætatem. Dolet animo, quod ejus nomen singulari ipsius modestia prohibente, hîc apponere mihi non liceat. Virum verò philosophum, non verbis, sed factis, qui non suam, sed Crucifixi Dei-Hominis gloriam quærit; meliorémque illis antiquis philosophis, qui cùm de aspernanda gloria scripsêre, sua libris nomina præposuerunt, & in ipso gloriæ contemptu, gloriam ambiverunt.

Ut verò populi devotio majora erga Dominicam Crucem in dies incrementa caperet, Apostolica Sedes indulgentias, seu noxarum condonationes iis subinde elargita est, qui ad eandem devenerandam, maximè singulis feriis sextis per
 vernum jejunium, Ecclesiam Cladrubiensem
 visitaturi essent.





CAPUT III.

Aliæ Cruces Dominicæ Crucis imagines in Monasteriis Benedictinis.

JESUM, & hunc Crucifixum, salutis nostræ authorem, semper ante oculos, si fieri posset, habere deberemus. Cùm verò hoc nobis concessum non sit, utinam saltem sacram ejus Crucem, in quâ à teterrimâ mali dæmonis captivitate nos liberavit, semper ante oculos constituere nobis daretur. Sed cùm nec isthæc felicitas omnibus contingat, ut Dominicam Crucem, vel etiam particulam illius ante oculos semper habere possint, Ecclesia ejusdem imaginem fidelibus intuendam atque devenerandam proponit. *Qui non possunt habere de ligno Domini, inquit B. Alcuinus lib. 3. de offic. div. cap. 8. adorant illam, quam habent.* Est verò imago Dominicæ Crucis similitudo ab ipsa eadem sacra Cruce, cujus imago est, expressa, atque ipsius representativa. Fieri potest in ligno, ferro, auro, argento, & quacunque demum in materia. Aliquando præscripta ab Ecclesia orationis formula benedicitur; quod si prætermittatur, typum tamen salutiferæ Crucis sine sacra oratione, & dedicatione, ut honore dignam & sanctam veneramus. Inter hanc verò Crucem, & ipsam Christi Crucem originariam non minima intercedit differentia. Crux enim originaria non ideò tantùm digna habetur, ut illam cultû latriæ non quidem absoluto, sed respectivo adoremus, quia suâ figurâ Christum repræsentat patientem, sed etiam quia clavis fuit, quâ Christus disruptis Tartaris januam cœli nobis aperuit. Crux quoque Pontificis Maximi & cruenti sacrificii ara fuit, in quâ se Christus, suumque pretiosum sanguinem in pretium humanæ salutis obtulit. Quapropter par-

particulas Crucis Christi, tametsi figuram Crucis Christi non amplius retineant, nihilo tamen secius cultu patriæ respectivo adoramus, quò cultus genere alias Cruces, ut primum Crucis figuram & imaginem amiserit, non amplius dignas existimamus. Ejuscemodi verò Cruces, quæ in sacrariis Benedictinis religiosè asservantur, complures sunt, ad quarum nunc historiam agredimur dicendam.

§. I.

Crux S. Andreae Apostoli.

Opiniones vulgò receptæ, etsi vero dissentaneæ, ex animis hominum difficulter eruantur. Validâ & satis veteri fama, inquit eruditissimus Lipsius, dicitur, S. Andreæ Apostolum in Cruce decussatâ fuisse cruciatum. Est verò Crux decussata, in quâ duo ligna directâ, & æquabilia inter se obliquantur, cujus formam refert litera X. quæ, ut ait Isidorus *in figura Crucem, & in numero decem demonstrat*. In id genus Cruce S. Andreæ Apostolum fuisse necatum, vetus, ut dicebam, habet opinio; quam tamen à vero alienam esse, idonei alii affirmant authores. Joannes Molanus Lovaniensis Theologus, non infimi nominis scriptor, in Historia SS. Imaginum lib. 3. cap. 51. de Cruce S. Andreae ita scribit: „ Men- „ se Novembri postremus est Sanctus Andreas, vocatione in- „ ter Apostolos primus: cujus Crux religiosissimè asservatur „ ad Sanctum Victorem. Ex quâ constat nonnihil in ejus „ picturâ aberrare domum Burgundicam, quod tamen cum „ bonâ ejus veniâ dictum sit. Robertus enim Cœnalis, Epi- „ scopus Arboricensis, in libris de re Gallicâ ob hanc discre- „ pantiam aliquoties notat Burgundiæ Principes insigne suum „ Crucis, falso appellare Divi Andreae, ubi intersectio fit ad „ angulos partim obliquos, partim acutos: cùm Crux An-

„ dræ ad Sanctum Victorem Massiliæ eandem cum Cruce
 „ Christi figuram habeat. Lignum enim ligno affixum est
 „ ad angulos rectos. Hæc Molanus; quibus addi possunt,
 quæ Hugo Menardus habet in Martyrologii Benedictini Ob-
 servationibus ad diem octavum Novembris pag. 739. ubi Cru-
 cem S. Andræ in Benedictino S. Victoris Massiliensis Mona-
 sterio asservari testatur; quæ cum olim quondam (mmm) ferro
 inclusa esset, nunc autem argento, & ab Angelo revelata
 S. Hugoni Sacristæ, cum ob metum Saracenorum propè flu-
 vium (*la Veauue*) infossa terræ fuisset. Hæc vero Crux non
 est decussata, sed recta, immissa, & Cruci Dominicæ omni-
 no similis. Sed ipsius Menardi verba afferamus: „ Fuit
 „ Sanctus Hugo Monachus Sancti Victoris Massiliensis vir ma-
 „ gnæ sanctitatis. Huic rem divinam facienti revelatum est,
 „ ubinam esset Crux Sancti Andræ, quæ amissa fuerat. Hæc
 „ autem Crux, quæ asservatur in dicto Coenobio, creditur
 „ esse illa, in quam suffixus est Sanctus Andreas Apostolus,
 „ estque ad angulos rectos, non verò ad angulos obtusos,
 „ quemadmodum vulgò depingitur.

Hoc ut verò Burgundi credant, animum ægrè inducent, cum
 persuasissimum sibi habeant, Crucem S. Andræ Apostoli esse
 suorum Principum insigne, quæ est Crux decussata, & vulga-
 to nomine *Burgundica* appellatur. Et verò fuit, qui Crucem
 San-Andreanam, id est, Burgundicam tanto habuit in honore,
 ut eam ipsi capiti suo inscribere non dubitaret. Is verò est
 Venerabilis Ludovicus Blossius, Abbas Loetienſis, Ord. S. B.
 scriptis Asceticis, & vitæ sanctimonia clarissimus, qui cum in
 Aulâ Caroli V. Imperatoris inter illustres ephebos adhuc age-
 ret, luculentam in capite plagam accepit, incerto quidem
 casu, sed Dei providentiâ jam tunc omnia ad salutem Blossii,
 multorumque aliorum disponente. Curando vulnere dum
 chirurgus artem manumque impendit, ferro hiatum perten-
 tans,

tans, deprehendit plagam sanari non posse, nisi per incisionem dilaretur. Quâ de re cùm Blossum monuisset, & ut id vellet ac pateretur, facillè persuasisset, ex eo sciscitatus est, quâ figurâ vellet cicatricem induci. Volo, ait Ludovicus, *Crucem Burgundiam*. Ita factum fuit, non sine adstantium, atque ipsius adeò Blossi præfagio, qui per piam allusionem quodammodo de vitæ mutatione vaticinans, se hoc velut stigmatæ Crucis inustum in perpetuam JESU Christi Crucifixi servitutem addicendum dixit: ut qui per lusum jocumque Crucem acceperat, Crucem deinde suam sponte & seriò tolleret, Christumque in Cruce fixum sequeretur. Ex hoc sanè velut novæ vitæ symbolo sancta sua consilia auspicatus est, vanitatem cum pietate, & jugum diaboli cum jugo Christi commutandi. Mox enim ab hoc vulnere capitis curato, vitale cordis vulnus accepit; & gaudium mundi in toedium, honoris desiderium in fastidium, divitiarum copia in nauseam versa est: cùmque amarescerent illi terrenæ deliciæ, alias sibi in Religiosæ vitæ paradiso voluptates quærendas, & à Caroli castris ad Christi vexillum, Crucisque militiam transendum esse, Deo inspirante decrevit. Felix omnino vulnus in Blossio, quod pectus Sanctis Dei consiliis aperuit. *Ex vitâ cap. 2. apud Bolland. in Actis Sanctorum Tom. 1. Jan. pag. 433.*

§. II.

Crux SS. Amphibali & Albani Martyrum.

CUM S. Amphibalus Romanæ Ecclesiæ Clericus in Britanniam venisset, Verolamii ab Albano, viro eminentis dignitatis, hospitio acceptus fuit. Hunc cùm ad fidem Christianam adduxisset, cruce secum allatâ donavit, quam is summâ habuit in veneratione. Morti adjudicatus Cru-

cem secum ad martyrii locum tulit. Ut verò capite plexus fuit, *Crux, quam vir sanctus*, primus Britanniae Martyr, *jugiter in manibus ferre consueverat*, felici jam cruore resperfa super herbam decidit: eamque occultè quidam Christianus, paganis omnibus ignorantibus, rapuit & abscondit. Hæc Crux post plura sæcula sacrario denique Monasterii ad S. Albanum cessit, ut nos Mathæus Parisius, ejusdem celeberrimi loci Monachus, & Regius Historiographus his verbis (*nun*) docet: *Crucem quoque S. Amphibali, qua diuturno tempore Londoniis latuit abscondita, & qua in possessiones multorum, videlicet patrum in filios transmigraverat, nobis prudenter acquisivit Abbas Gulielmus memoratus. Qua quidem Crux talis existens schematis, tanto charius habuit custodiri, quod sicut historia de SS. Albano & Amphibalo protestatur, sanguine B. Albani in decollatione ejus fuit delibuta, & prima quæ in Britanniam fuit apportata. Quò autem postea devenerit, postquam Religio Benedictina unà cum fide orthodoxa ab Henrico VIII. in Britannia excisa fuit, dicant, qui compertum habent.*

§. III.

Crux Sancti Latronis Crucifixi.

CRUX boni latronis tincta sanguine primùm impij, postea verò justij & sanctij, procul dubio ita est sanctificata, ut & ipsa cultû aliquò digna censerij possit, inquit eximius Theologus, Jacobus Gretserus Lib. 1. de Sanctâ Cruce cap. 99. ubi etiam scribit, quòd crux boni latronis adhuc existet in Cypro, in templo quodam montano, non procul ab urbe Nicosiâ. Hujus suæ assertionis testem laudat

(***)

In vit. Abbatum Monasterii Sancti Albani. Vide etiam Acta SS. Albani & Amphibali in Actis SS. Bolland. d. 22. Junii.

dat Felicem Fabri è sacrâ Prædicatorum Familiâ, qui illam cum multis aliis vidit, qui & addit; communem esse persuasionem, quòd eò ab ipsa S. Helenâ Reginâ sit allata; quòdque vulgò censeatur, in sublimi pendere sine ullo retinaculo; non enim, ne à curiosis quidem animadverti possè, à quonam crux illa retineatur, in alto. Addit, ab Helenâ de Cruce Dominica inclusam particulam, ut honorabilior efficeretur; etsi, ut Gretserus rectè docet, per se quoque digna sit cultu & veneratione, quippe sanctificata ejus cruore, qui lætissimam illam vocem audiit: *Hodie mecum eris in paradiso*. Ecclesiam verò, ubi Crux boni Latronis asservatur, spectare ad Monachos Ordinis S. Benedicti, qui in Cyprò Insulâ Monasterium habebant, fidem facit Guillelmus Baldensel, oculatus testis, in suo Hodæporico his verbis: *Est in Cypro in quodam alto monte apud Monachos S. Benedicti Crux boni latronis, & pars clavi Domini, & alia reliquia veneranda*. Vixit & scripsit Baldenselius an. 1336. Cypro verò Insulâ postmodum à Turcis in potestatem redactâ, quid de Cruce boni Latronis factum fuerit, ignoramus.

Incerti etiam animi sumus, quam fidem Gervasio Tilberienſi adhibeamus. Erat is vir illustris & studiis (pro capto temporum) & militia clarus, qui ad Ottonem IV. Imperatorem, Henrici Leonis Ducis Bavarie & Saxonie filium, Ottonis primi Ducis Brunsvicensis, patrum, librum misit, quem *Otia Imperialia* inscripit, ut in jucunda ejus lætione Imperator curas distingeret. Hunc librum Illustris Leibnitiſ Scriptorum Rerum Brunsvicensium Tom. 1. cum literato orbe communicavit. Capite verò XLVII. *De Cruce Latronis Dominum in Cruce confitentis* Gervasius hæc memorie prodidit: „ In insulâ Cypro Crux est latronis confitentis „ Dominum, cui Dominus ait: *hodie mecum eris in paradiso*, eratque sub divo posita, eò quòd tempore inventio- „ nis Sanctæ Crucis, cùm S. Helena mater Constantini Impe- „ rato-

„ ratoris, & filia *Liacelli*, (000) *Regis Britannia majoris*
 „ cum thesauro pretiosissimo Crucis, clavorum, & ampullæ
 „ sanguinis & aquæ, quæ fluxerant ex latere Domini pen-
 „ dentis in Cruce, transitum fecit per Cyprum, Romam re-
 „ diens, tunc terra Cypri nullum cadaver poterat retinere.
 „ Unde factum est, ut ad instantiam populi, de corruptione
 „ aeris & miranda novitate conquerentis *Crucem* in insula
 „ Cypro relinqueret, cuius virtute terra cadavera mortuorum
 „ absorpta retinuit, cum ante in tempus sepulta remove-
 „ consuevisset. Est autem hoc insigne Crucis illius miraba-
 „ le, quod, cum sit in Ecclesia inclusa, nullo fixorio firma-
 „ tur, verum in aere stans sine firmamento, osculum porri-
 „ gentibus se offert, contactum manuum fugit. Si atten-
 „ tatur manibus, statim movetur & fugam facit, nunc ad
 „ latus declinans, nunc ad altum tendens. Hæc *Gervasius*,
 quibus omnibus, maximè postremis, an fides sit adhibenda,
 iudicium lectoris esto. Mihi *Æneæ Sylvii* verba usurpare hic
 liceat: *aliorum dicta refero, & plus scribo, quàm credo.*

Apud eruditos Bollandi Socios die 25. Martii pag. 543-
Mafinus in Bononiâ perlustratâ asserit, *S. Dismam bonum la-*
tronem in veneratione esse in Ecclesiâ SS. Vitalis & Agricola, ubi
pars aliqua Crucis ejus adservatur, & in Ecclesiâ S. Stephani
alias ejus reliquias credi esse.

Non *Dismas*, sed *Dimas* bonus latro vocatur à Venerabili
 & doctissimo nostro Godefrido, Abbate Vindocinensi, & S.
 R. E. Cardinali Sermonem X. qui licet egregia Boni Latronis
 sit panegyris, non omnibus tamen Sodalibus nostris in prom-
 ptu est. Vulgatus enim fuit à V. C. Jacobo Sirmondo, cu-
 jus opera tomis V. comprehensa non omnibus ad manum
 sunt. Unde hunc Sermonem in gratiam sodalium nostrorum
 adscribere non gravabor. Cuiuspiam forsan minùs arridebit,
 quod eundem poenitentem Latronem necessariò priùs bapti-
 zatum

zatum esse adstruat; cū quō tempore Christus Cruci affixus fuit, nulla adhuc suscipiendi baptismatis obligatio data fuerit. At enim *Godefridus* nihil aliud dicere volebat, quā quōd Christus suprema auctoritate per se ipsum Sacramenti baptismatis effectum Latroni sine Sacramento baptismi contulerit,

S E R M O

*Goffridi Abbatis Vindocinensis, & S. R. E.
Cardinalis*

DE LATRONE SALVATO IN CRUCE.

IN passione nostri Salvatoris latro ille, qui in sinistris positus fuerat, & adulabatur Judæis, & convitiabatur Christo, malam vitam peiori morte finivit, & recepit sicut meruerat. Et ideo diu loqui de eo inanis labor est, & mora inutilis. Loquimur igitur de alio, de quo loqui & materia fidelis est, & causa salubris. Hic verò in dextris positus, non quia crediderat Christo, patiebatur; sed credidit, dum pateretur. Christum hominem Crucifixum clavis in Cruce, toto corpore tensum vidit aspectū corporeo, & in ipso spinarum vulnera & sanguinem de membris radiantem, & sola signa afflictionis & mortis, sicut in homine mox morituro. Concepta autem & natā in eo fide, operante Spiritu Sancto, Angelicis oculis immortalem & divinam in Christo contemplatur majestatem; admiratur, adorat, laudat, & confitetur. De Cruce pro fide pugnat, socium increpat blasphemantem, & in eo Judæorum, qui aderant, infidelitatem arguit; nec blanditur eis, nec eos veretur. Mirabilis divina potentia! Crux quæ ante ad supplicium gerebatur, jam suffragatur ad proemium: & reus, qui pro suo scelere damnabatur in Cruce, de reatū suo antidotum, quo sanatur, conficit; & de Cruce

Z

ope.

operatur mysterium. Reatus in pœnitentiam, mortis interitus in æternam vitam commutatur. Ista quidem felix commutatio; nec est inferior illa, quæ sequitur. Latro confessor ex latrone efficitur, & martyr ex confessore; & tormenta quæ priùs in latrone cœperant, novâ gratiâ coronam & præmium martyris fortiuntur. Huic beato & mirando viro nullum salutare defuit Sacramentum. Nam quod per vicarios Christus visibiliter agit in aliis Christianis, hoc invisibiliter egit in illo per semetipsum. Per Christum itaque baptismum in Cruce percepit, & cætera Sacramenta. Nisi enim à Christo baptizatus esset, & factus omnino perfectus Christianus, ei Christus minimè diceret. *Hodie mecum eris in paradiso. Luc. 23. v. 43.* Jam enim dixerat: *Non intrabis in regnum celorum, nisi qui renatus fuerit ex aqua & Spiritu Sancto. Joan. 3. v. 5.* Vir iste beatus quàm perfectus à Deo factus est, videamus. Eo tempore venit ad fidem, quo Petrus fidem deseruit: & quam Apostolus perdiderat, hanc die sequenti latro invenit. Ad vocem ancillæ primus pastor Ecclesiæ illum se nosse negat, quem voce publica latro prædicat: & quem Princeps Apostolicæ electionis se etiam hominem nosse diffitetur, hunc Deum esse latro manifestè & piè confitetur. Tota illa Beatorum Apostolorum electio relicto Domino perturbatur & fugit: Latro inter sævientes Judæos manet intrepidus, Christum asserit innocentem, & se reum publicè dicere non erubescit, nec suum confiteri reatum. A Christo itaque veniam postulat, precatur misericordiam, dicens: *Memento mei, Domine, cum veneris in regnum tuum. Luc. 23. 41.* Christus veniam postulanti compatitur, miseretur misericordiam deprecantis: & Deus Crucifixus in homine Crucifixo latroni sic loquitur: *Hodie mecum eris in Paradiso.* Confirmationem utique, quam in die Pentecostes Apostoli per Spiritum Sanctum susceperunt, Latro iste positus in Cruce primus susceperat, qui nec Judaicam perfidiam formida-

midabat, & nomen Christi perfectus Christianus, pius Confessor, & Martyr gloriosus, non in occulto, sed palam portabat. Apostoli quidem à Christo vacati fuerant & electi, & sæpe privatim & publicè ab eo vitæ æternæ verba audierant; illum cœcos illuminantem, leprosos mundantem, ejicientem dæmones viderant, & mortuos suscitantem. Multa præterea, quæ nemo alius facere poterat, nisi solus Deus, in illo cognoverant. Illi etiam in ejus nomine quæ ipse faciebat & ipsi faciebant. In passione verò illius quam eis ante prædixerat, ita conturbantur, quod & illum ignorant, & seipsos, quales in ejus virtute fuerant, obliviscuntur. Latro sanctus nec fidem ante noverat, nec dilexerat sanctitatem, quippe qui initium bonæ vitæ nunquam perceperat; in morte autem Christi fidei cognovit virtutem, quam Petrus præsentem corporea divinitate, & ipsum edocente didicerat. Mira res! ubi fidem deposuit Apostolus, latro recepit. Iste si Christum antea cognovisset utique, & in illo felici Apostolorum conventu non esset novissimus, qui in regno extitit primus, & nulli in fide secundus. Utraque autem, & primi electi in Christi passione negatio, & venerabilis Latronis in Cruce confessio, ex medicinæ cœlestis venit consilio. Permissus est cadere electus, ut unusquisque discat nulla perfectione de se præsumere. Erectus est Latro, qui lapsus fuerat, ut nullus de sua imperfectione, si tantum pœniteat, & dignè confiteatur, valeat desperare. Hunc Deus virga justitiæ castigat, & illum sustentat baculo misericordiæ. In isto justis, ne incidunt in elationem, timorem excutit, & in illo spem tribuit peccatoribus, ne veniant in desperationem. Dicamus aliquid & breviter, quod dici potest & de Petro, & de Latrone veraciter. Petrus à Christo vocatus est, & electus est: Latro electus est, non vocatus. Petrus Apostolus & Martyr, Latro confessor & martyr factus est. In operibus bonis, in virtutibus, in miraculis, in laboribus, in ligandi & solvendi

potestate Petrus Latrone longè excelsior: Latro si non major Petro in fide, non tamen extitit minor. Uterque bonus valde: sed Latro est in his, quæ diximus, Petro inferior. Quicumque istorum minus potest apud Deum, ab illo obtinet quod rogat, quod petit, & quod desiderat. Nos autem & Beatum Petrum præcipuum Apostolorum & principem, & illum gloriosum Confessorem & Martyrem *Dimam* nomine, diligenter oremus, quatenus suis precibus & meritis apud bonum creatorem nostrum, & pium redemptorem nobis obtineant, ut ipse in exitu vitæ nostræ, animas nostras à diaboli potestate custodiat: & cùm in suum regnum venerit in illa scilicet regiam & admirabilem claritatem, qua vivos & mortuos judicaturus est, nostri meminisse dignetur, & unicuique nostrum dicere: *Hodie mecum eris in Paradiso*, qui vivit & regnat unus Deus cum Patre & Spiritu Sancto, per omnia sæcula sæculorum, Amen.

§. IV.

Cruce Sancti Benedicti Abbatis.

Habet sanè Divus Patriarcha Benedictus, ut cum Regio vate Psal. 142. v. 1. gratâ erga Deum mente exclamet: *Benedictus es Domine Deus meus, qui doces manus meas ad prælium, & digitos meos ad bellum.* Inscruiisti dextræ meæ Crucem tuam, quæ hastæ & clypei loco esset, omniâque arma tam defensiva quàm offensiva subministraret. Hasta est, quâ contra diabolum, ejusque conjuratam aciem, magos & veneficos depugno: clypeus est, quò meam implorantes opem contra omnium dæmonum ac maleficorum protego machinamenta.

De hac S. Benedicti Cruce, seu, ut vulgò vocatur, Numismate quatuor formari quæstiones possunt. Primum, quæ sit ejus

ejus origo; tum quæ illius quidditas: deinde quâ polleat virtute, ac postremo, in quo ejusdem consistat usus. Et quidem quod ad originem attinet, ea ad sæculum XI. refertur. Hoc enim decurrente D. Benedictus cœlò delapsus, Brunonem nobilissimæ profapiæ adolescentem, ac futurum postea Leonem IX, Pontificem Maximum, à stygio bufone lethaliter fauciatum attactu Dominicæ Crucis longo hastili præfixæ sanavit. Ab hac apparitione mos ille repetendus videtur, quò S. Patriarcha cum ejuscemodi Cruce in cuspis Numismatibus repræsentari consuevit. Sacrum verò Benedictinum Numisma Cruce Christi insignitum circumscriptivè sic definitur: *Est res sacra, & quoddam sacramentale, in spirituale contra corporis & animæ mala, ac præprimis contra omne opus diaboli plerumque efficax remedium, quasque antidotum atque amuletum à velsiosis, prisque viris Deo inspirante adinventum, & à SS. sede Apostolica approbatum, insignibusque gratiarum muneribus & prærogativis accumulatum, perpetuòque robore ac valore confirmatum.* Quanta verò, quàmque mirifica Crux S. Benedicti (quæ tamen nihil aliud est, nisi imago Crucis Christi) polleat virtute, salutare ejusdem effectus satis & abundè ostendunt, quos nemo legerit, nemo audiverit, quin non fateri cogatur, eam omne veneficiorum genus vel avertere, vel dissolvere, nullaque esse mali dæmonis, ejusque satellitum, magorum & strigarum, machinamenta, adversus quæ non sit fortissimum præsidium. Quid? quòd Numismatum, seu Crucicularum S. Benedicti tanta est auctoritas & potestas (liceat hîc D. Cypriani verba serm. de Pass. Dom. usurpare) ut non solum Israelitica limina muniat, sed etiam ab his, qui Israeliticè non vivunt, solum Sacramenti signum repellat dæmonia. Unde meritò fidelibus ejusdem usus commendatur, qui in duabus rebus consistit, memoria & veneratione. Habendus est in memoria S. Benedictus, ut ceu fortissimus maleficorum debellator invocetur. Crux verò Christi Benedictino incisa Numismati

in veneratione habenda est, cùm hasta & clypeus sit, quibus-
cum D. Benedictus contra diabolicos insultus & nos prote-
git, & pro nobis depugnat.

Hujus sacrae Crucis si Lector uberiores desiderat notitiam,
eum ad Dissertationem remittimus, quæ novissimè Anno
MDCCXLIII. Viennæ Austriæ sub hac epigraphe prodiiit:
Dissertatio Sacra Numismatica de Origine, Quiditate, Virtute,
piòque Usu Numismatum seu Crucularum S. Benedicti Abbatis
novissimè per SS. D. N. Benedictum XIV. P. M. instaurato ad pre-
ces Reverendissimi ac Amplissimi DD. Benonis Liberi ac Exempti
Monasterii Brzevnoviensis, vulgò S. Margarethæ propè Pragam
Ord. S. Benedicti Abbatis, ejusdem Sac. Ord. per Bohem. Morav.
& Silesiam Visitat. Generalis Perpet. Præpositi Wabistat, in Sile-
siæ, Regni Bohemiae Prælati Insulati.

§. V.

Crux Sancti Magni Abbatis.

FAUCENSIS in Suevia Monasterii quàm antiqui, tam cele-
bris primus Abbas & Fundator erat S. MAGNUS, an-
te etiam MAGNOALDUS dictus. Asservantur ibidem
thesauri pretiosi instar veneratione dignissima ejusdem DIVI
monimenta, inter quæ principatum quasi obtinet CRUX
argentea, quæ sub initium sæculi proximè præteriti pretio-
sæ alii hypothecæ deauratæ gemmis & chrystallo exornatæ
inclusa fuit. Continet eadem crucicula reliquias B. DEI
genitricis MARIÆ, Ligni S. CRUCIS, SS. Martyrum
MAURITII & Sociorum ejus, nec non BB. Confessorum
CHRISTI COLUMBANI & GALLI. Eandem collo de-
pendentem in viâ gestare, cùm verò orationi incumbere
vellet, vel ex arbore vel alicubi suspendere, & coram eâ
se prosternere solebat. Adhuc salutaris ejus usus sæpe inve-
nitur.

nitur. Ubi enim tempore tonitruī aſportatur, aërem mitigat, aëreas poteſtates expellit, ſegetes à grandinibus præſervat : quin & Campana major hac cruce benedicta, magnam virtutem habet contra tempeſtates.

Quo loco meminiffe etiam licebit Scipionis ſive Baculi [vulgò St. Wangen Stab] quo ante S. MAGNUM uſi fuere SS. COLUMBANUS & GALLUS, cujus virtutes admirandas, vere atque æſtate præſertim, ſermè quotidie, experiuntur agricolæ. Quando enim vel in agris, aut hortis, ſeu plantis, arboribus, ſive herbis nocivi graſſantur vermes, aut cujuſcunque tandem generis mures, erucæ, cynipheſ, ſeu qualiacunque demum animalcula, venenatæ beſtiolæ, aut inſecta, quæ lædunt aut arrodunt radices ſegetum, inficiunt, devorantve folia, flores aut fructus arborum, herbarum, cujuſcunque generis plantarum : quamprimùm ſacer iſte baculus, terræ, ubi peſtis illa graſſatur, inſigitur, mox fugatur, aut extinguitur. Eundem effectum habere ramos ſeu frondes arborum & fruticum, item terram, ſi baculo aut Cruce prædictis tangantur, ſignentur, & à Fratre quodam ejusdem Monafterii benedicantur, experientia penè quotidiana docet. Hinc etiam apud longè diſſitas & exteræ nationes S. MAGNUS honore, feſtòque die ſolemniter colitur, intèrque eos Divos, quos ob ſpeciales quasdam prærogativas *Auxiliatores* vocamus, præſentiſſimus Patronus habetur. „ *Hæc ex Caroli Stengelii Monafteriologiâ an. 1619. typis excuſa.* „ Aquo tempore prodigiorum numerus non imminutus, ſed auctus fuit. Cerrè gratitudinis ergò ob expertos ſalutares effectus tot undique donaria ſubmiſſa fuere, ut ex eiſdem machina argenteæ lampadis, quâ majorem aut elegantiorẽ non modò non Germania, ſed nec totus orbis habet Chriſtianus, fabrefacta fuerit paucis abhinc annis Auguſtæ Vindelicorum; ubi etiam ejusdem ſchema æri incuſum prodiit.

§. V.

§. VI.

Cruciculæ S. Petri Cælestini.

Miraculorum gloria S. Petrus Cælestinus Pont. Max. fulgebat; quorum fulgorem in Cruciculas, quas bene multas in eremo uti ipse faciebat, ita opem ejus implorantibus distribuebat, refundere solitus erat. Cujus rei fidem duobus adstruemus exemplis.

Sulmonæ erat Catania quædam, filia Mag. Benedicti Medici, & uxor Notarii, Joannis Rizardi. Quæ cum subito cæca ac furda facta fuisset, per visum admonita fuit, ut ad S. Petrum Cælestinum se conferret. Ad quem cum à marito ducta fuisset, non cum ipsâ, sceminarum præsentiae impatiens, sed cum ejus viro sermonem de vita piè transigendâ instituit. Interim vicino in loco sedens & expectans mulier obdormivit, viditque ad se portari sanctum à magna hominum multitudine, supràque eam formare signum Crucis, uti fit ad Evangelium, atque ita sibi visum restitui, manere tamen supra oculos quoddam veluti pondus, de quo interroganti quid factum esset, respondere videbatur Sanctus: Accipe & liga, ac tibi reponere. Sub hæc expectæ maritus astitit, afferens à Sancto cruculam ligneam ex ejus collo suspendendam: quam cum devotè accepisset, eaque à capite ad pedes sese signasset; subito cœpit videre clarè, omni infirmitate solutâ. Quare Catania devotè servabat cruculam, quâ mediante obtinuerat sanitatem; ac deinde supra multorum oculos malè affectos posuerat, quorum aliqui omnino curati fuerant, aliqui multum levaminis senserunt: quin etiam ad alias infirmitates eandem applicans similem erat experta effectum, integra quandoque valetudine reddita ægris, & magno saltem solatio iis semper allato. *Leilius Marinus in supplem. Hist. ad vit. S. Petri Cælest. apud Bolland. d. 19. Maji pag. 509.*

Mag.

Mag. Rainaldus Medicus Sulmonensis, octogenarius, Testis XXIII. in processu Canonizationis, retulit, quod anno MCCCIV. transiens per Ecclesiam S. Mariæ ad Petram Alduni de Sulmona, ibidem viderit magnam multitudinem virorum atque mulierum; causamque requirenti dictum est, violenter illuc inductam fuisse Marficanam, uxorem Nicolai de Coliana, à dæmonio agitatam. Intravit ergo, conspexitque, quod mulier avertēbat vultum, corpúsque torquebat, ne cogere-tur intueri objectas sibi Deiparæ ac Sanctorum imagines, & ægrè teneri poterat. Transiit autem ad quoddam suum prædium, quò iter intenderat, indēque revertens adhuc ibi reperit eandem cum eadem muliere turbam. Tum recordatus Cruculæ lignæ, quam penes se habebat olim acceptam à Sancto, cum ea signavit dæmoniacam dicens: In Nomine Domini Nostri Jesu Christi Nazareni Crucifixi, & per merita Fr. Petri de Murone liberet te Deus: & addidit Dominicam orationem, itaque discessit. Paulò autem post audivit populum transeuntem ac gratulabundum, quòd mulier illa liberata esset: modumque liberationis quærens, intellexit; ipsam à vomitu coactam, mox à vomitù sibi ipsi Crucis signum fecisse, ac discessisse ab omni vexatione immunem: quod ut certius cognosceret, quæsiuit eam ipse, inventamque rogavit, ac vidit formare Crucem absque impedimento ullo, nec dubitavit meritis Sancti Petri id acceptum referre. *Lel. Marin. loc. cit. pag. 530.*

§. VII.

Crux S. Dunstani Archiepiscopi Cantuariensis.

EX Abbate Glastoniensi factus est S. Dunstanus primùm Episcopus Londoniensis, tum Archiepiscopus Cantuariensis. Quocunque verò progrediretur, cum Crux, itineris

A a

Dux

Dux & Comes antecede-
bat. Cùm coronationi regis Angliæ
Eduardi quidam principes adversarentur, S. Dunstanus *ar-
pto Sanctæ Crucis vexillo sibi præferri solito, medius constitit, &
regem constituit*, inquit Osbertus in vitâ S. Dunstani, qui etiam
refert, quomodo hæc ipsa Crux post mortem S. Dunstani li-
beraverit à dæmone obsessum: *Elfwinus miseratus vicem ja-
centis, Crucem quam B. Dunstanus in corpore degens, tanquam
Archiepiscopus, coram se ferri volebat, dæmoniaco imposuit &c.*
*Mirum dictu: illico pulso dæmone, ager levatis piè sursum oculis,
lacrymans dixit: Grattas tibi ago piissime pater.* Osbertus l. c.
apud Gretserum lib. 1. de Sancta Cruce cap. 35.

§. VIII.

Crux S. Udalrici Episcopi Augustani.

Nihil in Germaniâ celebrius, atque Crux S. Udalrici. De
hac Rñus Bernardus Hertfelder Abbas ad SS. Udal. &
Afr. Augustæ Vindelicorum in descriptione Basilicæ Imperia-
lis ac celeberrimi sui Monasterii memoriæ sequentia prodidit.

„ Cùm Anno Christi CMLV. Ungarorum innumerabilis
„ multitudo Germaniam infestaret, & Bajoariâ totâ vastatâ
„ Augustam gravi obsidione premeret, Divus Udalricus Epi-
„ scopus Urbis pro muro fuit. Is de salute suorum Civium
„ anxius, optimi Pastoris officio functus orando, hortando,
„ consulendo omnibus prospexit. Viros in prælium, Mulie-
„ res ad preces & supplicationes excitavit. Ipse spem ac fi-
„ duciam in Deo ponens insomnes aliquot in oratione duxit
„ noctes; manè sub primâ luce sacris operatus omnem etiam
„ populum cœlesti pane refecit. Crebris velitationibus cum
„ hoste interfuit non militaribus armis, verùm sacerdotali
„ stolâ tectus, securus & illoesus, inter medios telorum ja-
„ ctus. Quadam ergo die parvam ab Angelo de Cœlo por-
„ tatam

„ tatam accepit *Crucem* victoriæ certò obtinendæ argumen-
 „ tum. Venit interea & appropinquat Imperator Magnus ille
 „ Otho cum valido exercitû, & prælium in die S. Laurentii
 „ commissurus, factò priùs voto sacrâ communione à Divo
 „ Udalrico instruitur. Itur mox in hostem, & sequitur vi-
 „ ctoria, quâ Barbari non solùm repressi, sed penitus extin-
 „ cti fuere, non tam Othonis armis, quàm Udalrici precibus
 „ & sanctitate.

„ *Crucem* hanc D. Udalrico de cœlo missam Majores no-
 „ stri in magna semper veneratione habuerunt, eaque in ho-
 „ diernam usque diem religiosè in hoc loco asservatur, &
 „ immeritò aliqui de illa dubitant, quod à multo tempore
 „ nemini visa fuerit; ajo enim eam & videri posse, & visam
 „ esse. Certè ex antiquo Codice MS. habemus Anno
 „ MCCCCLXXIV. Legatos ab Episcopo Gnesnensi Polono
 „ Romam missos Augustæ sacras visitasse reliquias, & hanc
 „ *Crucem* singulari pietate veneratos esse, affirmantes, ejus
 „ famam in plerisque Poloniæ Ecclesiis notam ac celebrem
 „ esse. Clauditur alia *Cruce* ex auro puro gemmis pretiosis-
 „ simis ornata cum tali inscriptione

SACROSANCTAM HANC VICTORIÆ CRUCEM
 COELITUS DIVO UDALRICO PORTATAM D. JOAN-
 NES DE GILTINGEN MONASTERII SS. UDALRICI
 ET AFRÆ ABBAS. HIC OCCLUDI ET EXORNARI
 CURAVIT DICAUITQUE ANNO MCCCCLXXXIII.

Ante Rmum Abbatem *Bernardum* De *Cruce* S. Udalrici
 scripsit Carolus Stengelius, Monasterii SS. Udalrici & Afræ
 Augustæ Vindelicorum Cœnobita piissimus juxtà ac doctissi-
 mus; postea verò Anhusani in Suevia Monasterii dignissimus
 Abbas. Id autem fecit in libro de rebus gestis S. Udalrici,
 qui cùm ad manum mihi non sit, eorum operà uti liceat, qui
 illum evolverunt, & quæ de prædicta *Cruce* diffusius expo-
 suit,

fuit, summatim referunt. Sunt verò hi Conradus Janningus Jo. Bapt. Sollerius, & Joannes Pinus, eruditi è Societate Jesu Hagiographi, qui Acta Sanctorum, celeberrimum opus à Joanne Bollando coëptum magno labore atque industria, nec minori sacræ eruditionis copia prosequuntur. Hi ergo Tomo 1. Julii in Commentario prævio ad vitam S. Udalrici Episcopi Augustani §. VI. p. 88. ita loquuntur: „ *Carolus Stengelius lib. 3. cap. 24. de rebus gestis S. Udalrici, pauca præfatus de pia Sancti, in Sacrosanctam Crucem Domini, veneratione, tam ex auctore vita, quam ex monumentis Monasterii Sancta Crucis Augusta narrat voluisse Deum compensare illam pietatem spectabili aliquo munere; Cruce, inquam è cælo per Angelum delata, & S. Udalrico porrecta, in signum victoriæ, postea consecuta, hostibus innumeris, qui Augustanam urbem arduissima obsidione premebant, ab Ottone Imperatore ad intercessionem usque deletis; de qua victoria refertur in vitâ S. Udalrici cap. 7. Narrat itaque Stengelius, S. Udalricum hanc Crucem, è calo acceptam collo appendisse, eumque hac munitum armaturâ, imperterritum, vestitu episcopali indutum, hostibus obviam processisse, telque inser & gladios illasum perstisisse. Demum etiam dicta Crucis longitudine & latitudine descripta, addit neminem repertum hætenus, qui materiem ejusdem potuerit dignoscere. Historia hujus veritatem probare conatur appellans ad traditionem, continuo per manus, inquit, ad nos deductam. Citantur item codic. MS. plures; edita vita Latinè & Germanicè MDXVI. Chronicon editum MCDLXXXIII; Sigif. Meist. Chronicon lib. 4. cap. 9. Catalogus Abbatum MS. Gretferus Tom. 1. lib. 2. cap. 49. de Sancta Cruce. Præterea nonnullis interjectis, profert hanc inscriptionem: Sacrosanctam hanc victoriæ Crucem, ab Angelo cœlitus divo Udalrico portatam, Dominus Joannes de Giltlingen, Monasterii SS. Udalrici, & Afræ Abbas hîc occludi fecit, & exornari curavit, dicavitque anno Domini MCDXCIV. Accedit Martyrologium Germani-*

manicum die 4. Julii, Breviarium Augustanum, Romæ editum MDLXX. Pii V. auctoritate restitutum. Denique P. Bernardus Hertfelderus, antea citatus, in libro, qui inscribitur Basilica SS. Udalrici & Afræ appellat ad antiquum codicem MS. quem habet, anni 1484. legatos ab Episcopo Gnesnensi Polono Romam Missos Augustæ sacras visitasse reliquias & hanc Crucem singulari pietate veneratos esse, affirmantes ejus famam in plebisque Poloniæ Ecclesiis notam ac celebrem esse. Clauditur alia Cruce ex auro puro ac gemmis pretiosissimis ornata cum inscriptione statim data.

Jam vero huic Crucis miraculosæ historiæ quò minùs integram adhibeant fidem, eruditi Hagiographi duo potissimùm in causa esse prætendunt. Primum; quòd traditio, cui Scriptores Stengelius & Hertfelderus innituntur, non satis antiqua, sed potiùs novitia videatur. Alterum est scriptoris synchroni & cœvi vitæ S. Udalrici antiquissimæ altum hac de re silentium. Ego qui hanc litem noviter intentatam nolo facere meam, responsionem ad argumentum, quod ab auctoritate negativè ducitur cujusque amore non admodùm afficior, doctissimis Cœnobitis, quorum copiam semper habuit San-Udalricanum Monasterium, dandam relinquo, eisque dico: *possidete, ut possidetis, atque ut tota credit Germania.*

§. IX.

Crux S. Joannis Gualberti Abbatis.

VOta Benedictina S. Joannes Gualbertus in Monasterio S. Miniatis nuncupavit. Postea factus est Vallumbrosanæ Congregationis institutor. Ex ejus sacris Reliquiis in Vallis umbrosæ Monasterio servatur Crux, quâ idem S. Abbas demones in fugam avertere solitus erat, de quâ Hieronymus Ra-

diolensis (ppp) Libro 1. de Miraculis ejusdem Divi sequens in literas retulit prodigium.

„ In Ipsius sanctissimi Joannis vita legitur, quendam Florentinum, cum plurimum eloquentia & vulgari prudentia polletet, nonnunquam contra Joannem inter alios cives pro Petro Simoniaco Episcopo Florentino insurrexisse. Hic cum in extremis, quadam detentus infirmitate, laboraret, salutare sibi visum est consilium, cum ipsemet sua conscientia ad inferos damnaretur, habitum à Joanne sanctissimo Religionis impetrare; ut negotium hujusmodi suis necessariis committens, à Joanne pio & injuriarum immemori facile ventiam impetravit; ad habitum tamen dandum, quia sine probatione fieri non licet, immobilem reppererunt. Ægrotum igitur affines non sine difficultate ad S. Joannem deferunt; & denique precibus & lacrymis parentum, vel reverâ magis ipsius fide flexus, habitum ad extremum illi consentit. Proh bone JEsu! tanta S. Joannis virtus & gratia fuit, ut qui jam moriens videretur, sumpto eo amictu, surgeret & ambularet.

Sed nonnullo interjecto tempore, cum gravior quædam ægrotatio eundem corripere, ita ut nullam evadendi jam spem haberet, P. Joannes, vocatis Monachis, eum visere pergit, & ipso & certis orantibus, ille ægrotus caput totum, lecti arrecto panno cooperuit. Quid vereatur rogat S. Joannes: Ille faciem enudans inquit tremens: Diabolum toto ex ore flammam ignitam & naribus hiulcis pestiferum sulphureumque fumum edentem cominus me miserum intueor: Et B. Joannes, ubinam esset, interrogans, illicò arripiens manibus Crucem, umbram perquam strenuè percussit; qui diabolus statim ejulans ac fætens ceû fumus evanuit; & infirmus alacri voce exclamare: Deo gratias! Deo gratias! Abiit discessit. Ecce adfunt Virgo Dei gloriosa Mater, Petrus Apostolus, & pater Benedictus. His dictis animam felicissimè emisit.

Quam

(Fip) Extat in Actis SS. Mens. Jul. Tom. 3. p. 383.

Quam Crucem Monachi in sacrario inter sanctorum reliquias servantes, sæpius etiam nostrâ ætate fide & virtutibus S. Joannis ducti, ubi aliquis à dæmonio captus huc accesserit, utrùm captus sit à dæmone an non, eadem Cruce tentant; in primis tamen aquam sale & verbis exorcizatam aspergentes, qua solum, me præfente, quam plures discessere incolumes. „ *Ita Hieronymus Radiolensis Prior Abbatialis S. Donati in Vincla, inter scriptores Vallumbrosanos valde celebris.*

Cæterùm V. C. Papebrochius hanc Crucem putat esse eandem, quam S. Gualbertus Petro Igneo innoxie flammam transeunti gestandam dedit. Quidquid sit de ea re constat, Crucem illam miræ virtutis esse contra dæmones, ita ut anno 1634 à R. D. Valentino Balduino Abbate argenteis ornamentis fuerit condecorata. Joannes Solerius in Comment. prævio ad vit. S. Joan. Gualberti §. 12. p. 341. col. 1. Ad. SS. Mens. Jul. Tom. 3.

§. X.

Cruce in S. Ansberti honorem erecta.

CUM venerabile corpus S. Ansberti Archiepiscopi Rotomagensis ab ipsius obitu ad Fontanellam monasterium, locum suæ professionis Benedictinæ, esset transferendum, in ditione quorundam illustrium virorum, Bertholdi scilicet & Radamaſti, disſitâ à cœnobio Fontanella quatuor milliaribus pausaverat. Hic verò in honore & memoria ipsius à fidelibus crux posita fuit lignea, ubi infirmi à diversis languoribus, Domino largiente, meritis sancti Ansberti plura frequenter perceperunt sanitatum munera. Ubi circa diem pausationis, sive adventus ejus ad eundem locum, quod est quinto Idus Martii ad honorem & intercessionem ejus plebes innumeræ pia Domino solenniter persolvunt vota, vigiliarum videlicet ac divinarum hymnorum, donorumque diver-

diversorum, cum devotione summâ. Atque ibidem per merita ipsius multa assidue fiunt miraculorum signa, quæ sui enormitate (magnitudine) relatoris transcendunt scientiam. Ibi enim amissio corporeæ lucis visum, ariditas gressum, ac retinacula linguæ verborum seriem, officiûmque diu negatum aurium, recipit auditum, dæmonûmque frequens ab humanis corporibus fit expulsio.

Redeunte autem tempore die sexto Idûum Aprilium in eodem loco, ubi sanctæ Crucis vexillum fuerat erectum, mulier quædam, quæ per multa annorum curricula contracta extiterat, cum fide rectâ ad eundem pergens locum, pristinæ sanitati est reddita: tellûsque, quam diu debiles non prefferunt gressus, est stupefacta, se ab invalidis quondam tam subito contingi vestigiis. Agamus grates DEO nostro innumeras, qui propter jam dicti famuli sui merita, talia dignatur monstrare miracula. Sequenti quoque tempore in præfato loco ecclesia est constructa, in honore S. Ansberti Præsulis, augusto & polito opere, à Venerabili Hildeberto Abbate, successore ejusdem sancti Patris in ordine regiminis. *Aigradus in vitâ cap. XI. apud Bolland. in Act. SS. d. 9. Febr. p. 356.*

§. XI. *Crux Nigra.*

Celeberrimæ hujus olim quondam in Anglia Crucis Capite I. meminimus, dum nobis sermo erat de fundatione Benedictini Parthenonis in *Helnesfou*, in quo primum decenter reposita, post ejusdem verò destructionem in Abendonienfè Coenobium fuit translata, ut Wilhelmus Dugdalius & Rogerius Dodesworthus in Monastico scribunt Anglicano. „ Quorum testimonio sancta adeò est, ut nullus
„ jura-

„ juramento super eam præstito, impunè & sine periculo
 „ vitæ suæ possit affirmare mendacium; creditur etenim
 „ ex clavis Domini ex magna parte conflata & facta. Nec
 „ tamen à Constantino Magno, qui in ea regione Impera-
 „ tor creatus fuit, ibi reposita, ut quidam dicunt, sed
 „ credibilius quidem à benevolis suis *Britannis*, quos se-
 „ cum *Romam* profecturus deduxerat, transmissa illuc, ut
 „ memoria sanctitatis & meriti utrorumque scilicet matris
 „ & filii insigniùs appareret, ubi & corporalis præsentiae
 „ ipsorum conversatio habita magnificabatur, vel certè
 „ transmitte *Cesare* ipso, vel matre ejus ad honorem &
 „ tuitionem patriæ, de qua ad imperium assumptus fuerat,
 „ crucem illam repertam fuisse asserunt, per quam multa
 „ signa indicantur, sanctuarii illius virtutes monstratæ sunt.
 „ Quot rei periurii super eam deprehensi sunt, non est nu-
 „ merus. Unde cùm tot virtutibus, quas enumerare non
 „ possumus, mendacia & assertiones falsæ detegerentur,
 „ reverentia, quâ debebat, honorabiliter tractabatur, &
 „ volentibus fratribus (*Monasterii Abendonienfis*) cum
 „ auro & argento ornare, quidquid ei in una die circa
 „ adaptabatur, totum altera decidisse, & dissolutum esse
 „ videbant, nec poterat aliqua parte aliquando aurum vel
 „ argentum circa eam confirmari, tantum exterius per to-
 „ tum involuta est., Hæc Dugdalius & Dodesworthus in
 „ Monastici Anglicani tomo 1. quam cùm paginâ 97. curâ &
 „ jussu Cissæ Abbatisse confectam fuisse affirmassent, paginâ
 „ aliâ Romæ factam, & inde in Angliam perhibent transmis-
 „ sam. Hæccine uni Cruci conveniunt? Vel igitur Viri eru-
 „ diti hoc loco falluntur, vel non una tantùm CRUX NI-
 „ GRA, sed plures magnæ celebritatis in Anglia fuerunt.
 „ Quamquam hoc postremum qui asserat, neminem unum
 „ sciam. Apud Hectorem Boethium in Scotorum Historia
 „ lib. XII. fol. CC. LXVI. N. LXXV. de NIGRA CRUCE

lego: nempe cū Wilhelmus Nothus, cognomento *Conquæstor*, Angliæ Regnum in suam redegit potestatem, multos viros nobiles ejusdem regni proceres sibi suspectos proscripsit. Quorum ingens in Scotiam numerus ad Malcolmum pervenit, prædæisq; ab rege acceptis perpetuò ibi mansere. --- Sed qui id temporis venere ex Anglia ad Edgarum inter exules præcipuum, vasa cæлата magno artificio, partim argentea, partim attulerunt aurea. Sanctorum quoque reliquias quasdam, inter quas pretiosissima illa CRUX NIGRA, quam postea rex David Cœnobio suis impensis in Lundonia ædificato donavit. Unde & nomen Sanctæ Crucis obtinet. Quantâ autem devotione per totam vitam suam illam prosecutus fuerit, indicio est, quod cū in extremis ageret, post Missarum solennia venerandam Crucem, quam *Nigram* vocant, produci sibi petiit adorandam... Hanc igitur Crucem, omni Scotorum genti non minùs terribilem, quàm amabilem, cū Rex devotissimè adorâisset, cum multis lacrymis peccatorum confessione præmissa, exitum suum cælestium mysteriorum perceptione munivit. Fecit hoc Rex David exemplo Matris suæ S. Margaritæ Scotorum Reginæ, quæ ipsa etiam, teste Theoderico nostro, Monacho Dunelmensi, qui Sanctæ Reginæ Confessarius morienti adfuit, ejusque vitam (qqq) scripsit: *Ipsa quoque illam, quam NIGRAM CRUCEM nominare quamque in maxima semper veneratione habere consuevit, sibi offerri precepit.* Jam verò sciscitari liceat, cū hæc CRUX NIGRA in Scotiam ex Anglia fuerit delata, an illa sit, quæ curante Abbatisâ Cissâ elaborata, ac primùm in Parthenone *Helnefou* asservata, tum in Monasterio Abendonienfè translata fuit? Davus hîc ego sum, non Oedipus. Gratias illi debebo, qui mihi in tenebricosa *Nigra* hujus Crucis historiâ caliganti clariorem affundat lucem.

§. XII.

(qqq) Extat apud Solland, d. 10. Junii, ubi vid. append. pag. 336.

§. XII.

Crux Wintoniensis.

Wintoniæ, celebri Angliæ civitate, erat in Ecclesia Monasterii S. Grimbaldi Crux magna, Crux sancta jussu regis Canuti dudum fabricata, & ab eodem auro & argento, gemmis & lapidibus pretiosis decentissimè adornata. Hæc quo tempore Henricus Wintoniensis Episcopus [cujus milites Warwellense S. Crucis Monasterium ipsa die festivitatis Exaltationis S. Crucis sacrilegis absumpsisse flammis, Capite Imo narravimus] furore percitus & hostium vindictâ ardens, urbem incendi jusserat, jam sibi approximante incendio (quod mirum dictum est) quasi imminens sibi præsentens periculum, intuentibus, qui aderant fratribus cœpit sudare, nigrescere, imò comburentium nigredinem exprimere. Sed & in ipso concremationis ejus momento fragor horridus tonitruum magni tribus vicibus intonuit, quasi de cælo. - - - Henricus verò Episcopus tulit ex combusta Cruce quingentas argenti libras, auri quoque marcas 30. diademata tria cum totidem scabellis, ex auro Arabico purissimo, & lapidibus pretiosissimis undique operta, opere pulcherrimo & mirifico facta, eaque in suis recondidit thesauris. Continuator Florentii Wicgorniensis pag. 677. & 678.

§. XIII.

Crux Brauweillerana.

Coram hac miraculosâ Cruce, cùm adhuc esset in *Tonaburg* castro, quædam cæca visum, ipsius nimirum (ut indubitanter credi potest Crucifixi Domini medicabili dextrâ adjuvante consecuta est : propter quod eadem Crux Sancta

ad venerationem sui majorem, per seipsam Brauwillere honorificè translata est. Ita Anonymus Brauwillerenſis in Narratione de Venerabilibus Comitibus Palatini Rheni Erenfrido & Mathilde apud Leibnitium Tom. 1. Scriptor. Rer. Brunſwic. pag. 318. Eſt verò Brauweilleranum Monasterium ad Rhenum ſitum, ab Ezzone ſeu Ehrenfrido Comite Palatino, ejusque conjuge Mathilde, Ottonis II. filia conditum; in quo non ſuperioribus modo ſæculis, ſed hiſce præſentibus temporibus viri pietate & doctrina eximii florent, de quorum ſcientia & eruditione Opera ſanè quàm præclara in publicam emiſſa lucem perhibent teſtimonium.

§. XIV.

Crux Egmondensis.

Theodericus II. hujus nominis Comes Hollandiæ magna devotione erga S. Adelbertum Diaconum, Ordinis Sancti Benediſti Monachum Eſternacenſem ferebatur. Nec ſine cauſâ id faciebat. Liberos enim habebat, qui ejusdem Divi ope ac ſuffragio ſanitatem à Deo recuperarant. Ut igitur erga Sanctum Patronum, & apud Deum interceſſorem gratum ſe exhiberet, in honorem illius Egmondæ quæ eſt elegans urbs Hollandiæ Septentrionalis, Monasterium Familiæ Benediſtinæ magnis ſumptibus & impenſis conſtruxit. Inter donaria, quæ Deo ſanctoque Adelberto obtulit, multum à nonnullis ob antiquitatem, artem, & religionem celebratur tabula altaris ex fulvo auro compaſta, & pretioſis lapidibus reſplendens. In qua Crux viſitur, cum diademate & effigie Salvatoris. In Crucis dextro brachio inſcribitur, *Charitas*, in ſiniſtro *Spes*, pedi *Fides*, cum condecentibus imaginibus. Sed hæc, noſtra ætate, inquit Molanus in Hiſtor. S. Imag. lib. 2. cap. 61. p. 214. Geuſica rabies cum toto Monasterio delevit. In publicis tabulis paulò poſt recitandis hæc tabula Altaris

ab

ab Hildegarda Theoderici uxore dono oblata fertur. Utcunque sit, potest ab utroque conjugē Theoderico & Hildegarde donata fuisse. Filios progenuerunt duos, Arnulphum III. Hollandiæ Comitem, & Egbertum Archiepiscopum Trevirensē, Browero in Annalibus hujus Archiepiscopatus (rrr) laudatissimum Præsulem.

Hic igitur Egbertus puer etiamnum in Benedictinorum disciplinam deditur, & jam inde à pueritia divino cultui, religionē parentum consecratus, tandem in Ordinem eum, adultâ jam ætate se adscribi voluit. Mox subdiaconum factum perhibent gravissimâ atque diuturnâ conflâto febri; atque hoc morbo, eo ipso die levatum, quo anniversariis D. Adelberti ministrare sacris, & pro muneris impositi conditione, astare sacerdoti optavit sacrificanti. Imbecillum porro atque invalidum, adhibito deprecatore Sancto Adelberto, diutinâ vi morbi repentē liberatum, atque operatum ex voto tum etiam rei divinæ. Hoc igitur eximium virtutis atque indolis generosæ specimen attulit ad Episcopatum Egbertus. Fuit (sss) vir staturâ corporéque procerus; oris dignitate tam excellenti, quàm, qui plurimùm inter omnes id ætatis Germaniæ primores. Formam antistitis mirificè commendabant insignes animi dotes; quæ cùm per omnes in eo ætatis gradus, tum in sacerdotio, vel maximè exsplenduerunt. Etenim adolescens Monasticæ vitæ genus secutus, id ita deinde retulit & in omni actione virtutibus expressit, nihil ut videretur in quiete illa ac solitudine meditatus aliud; quàm ut hac amplissima functione suis & meritis dignitatem sustineret, & moribus ornaret Episcopatum. Egmondam Abbatiam in Hollandia superstes tum aliis innumeris donariis, libris, tum aurâ tabulâ pretii immensâ, ac undique gemmis irradiante, tum *Crucē pretiosa* donârat: hujus verò *Crucis* mirificam virtutem sunt experti incolæ Coenobitæ, ut infirmis remedium

B b 3

poscen-

poscentibus salutem illa certissimam non raro afferret; eaque causâ creditum à multis, Egbertum in Divorum etiam cætu ac numero reponi. Meminit Wilhelmus Heda Donationum, quæ publicis attestatæ tabulis, anno 1083, Henrico IV. Imperatore, Conrado Episcopo Trajecti, Stephano Abbate Egmondæ, publico in conventu Ulaerdingæ. In quibus ubi Theoderici comitis mentio illata, caput illud subjicitur.

Ornata autem bonis moribus uxor prædicti Comitis Hildegarda venerabilis; & ipsa obtulit Deo, Sanctoque Adelberto tabulam Altaris, fabricatam ex auro claro gemmisque pretiosis. Textum Evangeliorum etiam auro gemmisque decoratum, Historiam, id est, medicinalem librum: Egbertus nominati Comitis filius Dei gratiâ Trevericæ Ecclesiæ Archiepiscopus honoravit, eundem locum Eckemundensem offerens Deo, Sanctoque Adelberto Crucem auream, Casulam pretiosam, stolam pulcherrimam, Cingulum auro contextum, Dalmaticam, subtile Missale, Capitulare, & Historiam vetus novumque testamentum continentem, multosque alios libros. Scrinium argenteum: plenum reliquiis Sanctorum. Hæc ibi:

Nobis de una Cruce prodigiis clara sermo erit. In vita S. Adalberti Diaconi cap. 12. unum memoriæ proditur, quod hîc retulisse me non pœnitat.

„ Anno Domini MCXIII. Nonis Octobris dedicatum est
 „ templum in Egmunða (111) à domino HARTBERTO
 „ Trajectensi Episcopo, præsentè Theoderico nono Comite,
 „ & uxore ejus Sophia, & congregato populo infinitæ mul-
 „ titudinis, tanta præparatione necessariorum à Domino
 „ Waltero Abbate provisa, ut qui præfentes fuerunt, nun-
 „ quam tali dedicationi se adfuisse hodieque testantur. Au-
 „ ræ etiam derepente superveniens jucunda serenitas festivi-
 „ tati arrisit, cùm per sex hebdomadas antè pluvialis aura
 „ fue-

(111) Nunc quo loco sit Ecclesiâ Egmondensis Monasterii ad Oceanum Germanicum, sciunt omnes, qui profligatæ in Hollandia Religionis catholicæ statum norunt, NOTA Mabillonii ad hoc 12. caput vitæ S. Adalberti, quam sec. III. Ben. part. 1. p. 644. exhibet.

„ fuerit. Hujus eventus , immò miraculi Dominus Hart-
 „ bertus Episcopus in sermone , quem locutus est ad po-
 „ pulum , mentionem fecit : & dicebat se mirari , quòd
 „ tantæ & tot Reliquiæ maximorum sanctorum Apostolo-
 „ rum , Martyrum , Confessorum , & Virginum contine-
 „ rentur in extremo margine mundi. Cùm autem Sancto-
 „ rum Reliquiæ recondiderentur à Domino Episcopo altari-
 „ bus , *Frithericus* pius & religiosus Monachus , in quæ-
 „ rendis , videndis , dividendis & exportandis Reliquiis stu-
 „ diosissimus omnium fuit. Quem Dominus è vestigio com-
 „ pleta dedicatione castigans castigavit , & tam in cor-
 „ pore quàm in sensu cito utrumque sanaturus flagella-
 „ vit. Adscendente enim ad cerebrum infirmitatis humore ,
 „ à semetipso in tantum alienatus est , ut nec verba ejus , nec
 „ gestus convenirent consuetudini & personæ ipsius. Post
 „ aliquot dies cùm Frater ille infirmitatis immensitate , &
 „ congregatio tota orando & vigilando super eo laboraret ,
 „ signatus est *Cruce* , quam Egbertus Trevirensis Archiepisco-
 „ pus Egmundensi contulit Ecclesiæ : cujus virtutis effectum
 „ sæpenumero experti sunt & narrare solent Fratres ejusdem
 „ Ecclesiæ , & laici quamplures ad eam pertinentes. Hac igitur
 „ *Cruce* signato confestim Dominus reddidit lætitiā sa-
 „ lutaris sui , & sensu integro devotis eam incliniis salutavit ,
 „ nec multò post ab ægritudine mentis & corporis convaluit.
 „ Creditum est autem à multis , hanc eum plagam ex hoc
 „ incurrisse , quòd tam audacter & minùs cautè Sanctorum
 „ Reliquias tractaverit : ut discat homo , & putredo & ver-
 „ mis , talibus se non præcipitanter ingerere , sed cum
 „ tremore & summa reverentia tractare
 „ divina.



§. XV.

Cruces Wiblingenses S. Crucis Thaumaturgæ imagines.

EAm S. Crucem, quæ in Wiblingensi Sueviæ inclyto Monasterio religiose asservatur, esse veram illius ligni partem, quod sacratissimum salutis nostræ instrumentum fuit, vel illud indicio est, quod innumeris in credentes collatis beneficiis salutaris habeatur: præcipuè virtutem à sacratissimâ Christi carne & sanguine impressam contra veneficia & tempestates ostendit: Quæ causa est, ut continuò devoti populi accursû, donariis, & oblationibus frequentetur. Quæmadmodum verò hæcenus nemo unus fuit, qui expetere ausus sit, ut in sui gratiam vel minimum de Cruce Thaumaturga frustillum abscinderetur, ita plerique sat magno se beneficio mactatos existimant, si ejusdem imaginem, id est, ligneam aliam Crucem, physico illius contactû dignatam, secum auferant. Quare Ascetæ Wiblingenses, ut cultorum Thaumaturgæ Crucis devotioni satisfiat, ligneas variæ magnitudinis Cruces fabrefieri curant; quas primùm benedictas, tum attactu Dominicæ Crucis sacratas piè efflagitantibus prompto animo distribuunt. Quid? quòd multæ etiam in remotas distrahantur regiones ac provincias, tot prodigiis illustratæ, ut pro beneficiorum amplitudine peculiari libro describendæ veniant. Cujus lucubrandi Operis spem fecit, qui an. 1702. *Templum Honoris Wiblingensis* publicis vulgavit typis. Interea ex mox laudato *Honoris Templo* (uuu) Inscriptionem Honoribus Thaumaturgæ Crucis nuncupatam afferre liceat.

(uuu) In epologo seu appendice pag. 66.

PAR-

PARTI DE TOTO, ET TOTI DE PARTE

Insigni Particulæ
Præmio Laboris

FUNDATORUM

Ob meritoriam pro Terrâ Sanctâ Expeditionem
SS. CRUCIS,

In Qua Salus Mundi Pependit,
Vita continetur æterna,

Mors captiva ducta;

Dulci Arbôri, Dulci Robori, Dulci Ligno,
Dulcem gerenti Fructum,

Benedictio summæ Propitiationis Altari,

In quo peracta est expiatio Mundi;

Triumphali signo Regis Æterni,

In quo debellati sunt Principes & Potestates Tenebrarum,
Justissimæ supernæ clementiæ statera,

In qua appensum & persolutum est debitum Captivitatis
antiquæ

Et acquisita est Humano generi gratia libertatis æternæ,

CRUCI THAUMATURÆ WIBLINGANÆ

SExcentis jam annis, & ultra

Securissimo in Tempestatibus Asylo,

Efficacissimæ in Maleficiis Medelæ Salutiferæ,

Saluberrimo in ægritudine, morbisque Remedio,

Mirabili in attactis etiam particulis virtuti,

C c

pluri-

Plurimorum votis incessanter expetitis
 Remotissimas in Oras;
 Contra grandines, fulgura, tempestates, incendia,
 Aquarum inundationes, Veneficia, Dæmonum infidias &c.
 Probatissimo Præservativo,
 Jugi Miraculo,
 Laudem, Hymnum, & Gloriam
 Dicit
 Potitum votis suis, & numeris
 Wiblingense Monasterium.

§. XVI. *Crux Buelliana.*

DE primo Indiæ Occidentalis Apostolo Thomas Bozius Eugubinus S. Congregationis Oratorii in urbe Roma doctissimus Presbyter lib. 1. Signorum Ecclesiæ Dei sic loquitur: *Primus Evangelii Præco fuit Indiæ Occidentalis Buil Catalaunus ex Ordine S. Benedicti, quem Papa Alexander Sextus Sacerdotibus duodecim præfecit, suasque in iis regionibus illi partes mandavit, atque suum Vicarium, ut Genebrardus infra citandus asserit, apud illas Regiones nominavit.* Fuit enim hic Prælatus prius Abbas Montis Serrati in Catalonia, præ reliquis viris tum in sacris tum humanioribus doctissimus, ac illo tempore in Hispania multum celebris. Quamcunque ad insulam seu regionem cum Christophoro Columbo appulit, vexilla S. Crucis expandit. Præcipuè (xxx) in Insula Cuba Crucis trophæum eximie magnitudinis cum fociis Benedictinis erexit, ad quam deinde multa prodigia facta fuerunt. Ait enim Franciscus Lopez c. 34. *que sanaron muchos enfermos con el palo*
 ij de-

(xxx) Vid. Honor. Philippon in Navigatione Monachorum O. S. B. in Nov. Mund. five Americam pag. 56.

ij devotion de una Cruz, que puso Christoval Colon la segunda vez, que passo en la Vega quellamaren por esso de la vera Cruz, cuyo palo tomavan por reliquias. Id est: „ Sanabant multos „ infirmos per devotionem cum quodam ligno S. Crucis, „ quam posuit (ut quidam ait in oppido S. Jacobi de plan- „ tie vulgò de la Vega) Christophorus Columbus, secunda „ vice, cum Vegam versùs viam institueret. Et eam Crucem „ in honore habent & amant Insulani, ab eaque reliquias „ tollentes, quasi vera esset illa Hierosolymitana Christi Do- „ mini.

Hic præterea silendum non est, quid de Cruce hac in Spagnola erecta miraculosè contigerit: Nostri enim hominibus longius ad interiora recedentibus: Ecce tibi derepente maligni Apostatæ scèdissimi Cacodoemones, vim Sanctissimæ Crucis persentientes, & expelli se hinc atrociter ferentes, suis cultoribus idololatris inspirabant, S. Crucem positam ut ad terram deicerent, aut flammis exurerent. Continuo ultra sexcenti Barbari concurrunt, machinis suis instructi, solotenus hoc S. Crucis lignum deturbare conantur. Nihil verò proficere valentes (divina enim virtute prohibiti erant) ad alia malitiosa accinguntur. Ingentem enim subito pyram comportant, incendunt, inflammantque, sperantes, se in favillam hanc S. Crucem redacturos. Sed Christo Domino renitente inanes illorum conatus & irritos Deus fecit. Nam ignis vim suam non exeruit, sed illibatum à depascente flamma hoc sacrum lignum Crucis reliquit. Insuper ut quidam fide dignissimi retulerunt, pulcherrima quædam Virgo, incredibilibus circumdata fulgoribus, vultu subirato Indis præfatis, dum ista satanico furore perpetrarent, apparuit: quare mirum in modum exterriti maximo cum timore & clamore in sylvas aufugerunt. Hanc verò non aliam fuisse, quàm Coeli Reginam, inter omnes nationes & generationes Benedictam Christi Dei Matrem Virginem Mariam autumandum est.

Sæpius enim deinceps illis in Regionibus mirabilia gratiæ opera fidelibus & infidelibus exhibuit: uti videre est in Insulis S. Mariæ Hispanis dictæ *de los Remedios*, prope Cozumellam, sive S. Joannis Insulam à latere consitis intra tropicum Cancræ & æquatorem; Hispani *Cabo de los S. Maria* nominant. Et quidem jam dudum illæ gentes quædam symbolica præludia de hac sacrosancta Dei genitrice Maria, & filio suo semper benedicto JESU Christo, Deo Salvatore nostro habuere, ut jam supra memini, & apertè Petrus Martyr Hispanus in sua Historia novi Orbis recitat, ubi in Guadalupea Insula mirabile, colere solitos fuisse hos barbaros Americanos intereratæ S. Virginis Mariæ simulachrum scribit. Hoc ergo solenni factò miraculo, causa extitit, ut in posterum hæc S. Crux à Christi fidelibus maximo in pretio & honore etiam ab ipsis barbaris in Americana Ecclesia haberetur, illiusque venerabilis ligni in diversas & regionum ac insularum terras expeti particulæ incœperint, & à populis exportari.

Neque immeritò hujus S. Crucis à Buellio Patriarcha Christo dedicatæ deinceps reverentia crevit, & incrementum sumpsit. Nam ad ejus tactum concomitante fide in Christum plurimos languoribus incurabilibus oppressos convaluisse, ac innumeros dæmoniacos energumenosque hujus sancti Ligni virtute liberatos & sanatos expertum est. Adcòque frequentia miraculorum percrebuit, ut in qua posita & erecta hæc S. Crux fuit Insula, *S. Crucis Insula* vocitaretur. Unde procul Fr. Gonzagæ fabulamentum rejiciendum est, qui ambitiosè nimis in Iconibus Provinciarum Franciscanorum suis hominibus hoc possum à Monachis Ordinis S. Benedicti S. Crucis trophæum in Insulis Americanis, aut novi Orbis affingit, quod tamen Buellium Patriarcham nostrum crexisse audivisti. F. Buellium enim secunda navigatione anno 1493. cum Christo-phoro Columbo in Spagnolam navigasse demonstravimus supra, inquit *Honorius Philoponus*, id est, *Caspar Plantius Abbas*

bas Seittenftadianus in Nova Typis tranſacta Navigatione pag. 57. Et ex officio *Vicariatûs Pontificii* hæc Religionis ſigna adornare debuiſſe, quis eſt tam fatuus, ut controvertat, Politicôque potiùs adſcribat Magiſtratu ac Capitaneo?

Nam diu poſt Ordinis S. Benediſti Monachos Franciſcani Americam acceſſerunt, uti patet ex Bulla data per Adrianum Papam Sextum Anno ſalutis humanæ 1522. Bulla verò Apoſtolici gradûs & officii data eſt Ordinis S. Benediſti Monachis ſuper dirigendas & conſtruendas Indiæ Occidentalis Eccleſias ab Alexandro Papa Sexto Anno Domini 1482. ut ſuperiùs ex Bulla, & cum doctiſſimo D. Genebrardo, multiplicibûſque locupletiſſimis teſtibus demonſtratum eſt. Huic enim Buellio ſoli & ſuis ex officio competeſſet designare per S. Crucis ſignum loca Eccleſiarum: utpote SS. Petri & Pauli à S. Sede Romana delegato plenipotentiſque ſuper Indorum novi Orbis Eccleſias Vicario. Quemadmodum jam ſuperiùs ex Fernando Conſalvo Ovettenſi clariffimo & oculato teſtimonio; qui Fernandus tunc Romæ cum Hiſpaniæ Legatis adfuerat, legiſti; fuiſſe nimirum conſtitutum & eſſe Illuſtriſſimum & Reverendiſſimum Buellium *Capo degli alteri Chierici & Religioſi al colto divino & alla converſione di queſti Indiani, que no iſſua por Arcobispado ij Obispado en el Mundo Nuevo, muſ ij ſua por Vicario di Papa.* Id eſt: *Qui Buellius non pro Archiepiſcopo nec Epicoſcopo ad illas novi Orbis Gentes diſmiſſus eſt. Sed pro ipſo Vicario Papa;* Huic Ovetenſi conſentit Franciſcus Lopez c. 48. & c. 20. ſic dicens: *Los Reies Catolicos Don Ferdinando ij Donna Iſabella conforme alà voluntad ij mandamiento de ſu ſanctitad, ij aſſa mandaron à Joan Rodriguez de Fonſeca, Dean de Sevilla, Buſcàron doce Clerigos de ſcientia ij conciencia paraque predicàſſen ij convertieſſen junta mente con Fraij Buill Catalon, de la Orden de S. Benito que iſſua por Vicario del Papa con Breve Apoſtolico.* Id eſt: *Reges Catholici Dominus Ferdinandus, & Domina Iſabella ſua ſanctitati voluntatiſque ſe con-*

formantes, Joanni Roderico Fonseca Decano Seviliensi mandabant, ut doctos & conscientiosos Clericos inquireret, qui & predicare & convertere adjuvarent, unà cum Fratre Buellio Ordinis S. Benedicti Monacho gentes Americanas: qui F. Buellus ibat ad Indos cum Brevis Apostolico pro Vicario ipsius Domini Papæ. Item ulterius idem autor Franciscus Lopez cap. 34. 66. scribit: Fratrem Buellium Ordinis S. Benedicti Monachum & doctos Clericos Indianorum populorum Americanorum conversionem incepisse, & continuasse. Fuitque primus Episcopus de la Vega Petrus X Suarez de Deca. Cui successit Alexander Geraldinus Romanus, Garzias de Podilla, Alphonsus de Fuen; Joannes Cabedus primus Episcopus de la Antiqua, Darien ac terræ firmæ in novo Orbe. Qui omnes à fratre & Monacho Ordinis S. Benedicti Buellio, utpote Patriarcha, ac novi Orbis summi Pontificis Romani & Papæ Vicario in Episcopos ordinati & consecrati. Ex quibus etiam redarguas erroris necesse est, ipsum Joannem Mayer Frisingensem in Epitomis Chronicorum fol. 76. & 77. & Joannem Metellum cum suo Cabedo Dariensi Episcopo; & alios qui sibi præmaturos Apostolici Vicariatus in Orbe novo fructus applicare videntur, ac primam columnam fidei Christianæ apud illas Americanas gentes alios quàm Ordinis S. Benedicti Monachos posuisse nugantur & blaterant. Quod quàm veritati contrarium sit, oculatorum testium auctoritatibus ac præstantissimorum virorum fidelissimis scriptis satis puto intellexisti & vidisti. Ferdinandum enim Cortesium Anno salutis 1521. Mexicam & Themixtitam navigasse patet; cùm Columbus Admiralus jam pridem in fata mortalia concesserit, nempe anno salutis 1506. in Hispania: quo vocatus à Rege, causam suam iniquè accusatus defendit. Qua ratione ergo combinat Franciscanos cum Columbo Themixtitam & Mexinum navigasse F. Gonzaga? eosque ibidem Vicariatûs Apostolici exercuisse officium? De quibus vide Joannis Myritii Cosmographiam fol.

THE UNIVERSITY OF CHICAGO



CRUX APOSTOLICA REGUM HUNGARIÆ.
 Quæ, interuentio S. Anastasio, Archi. Canobii S. Martini Sacri
 Montis Pannoniæ Abbate, à Summo Pontifice impetrata, inque
 Hungariam S. Stephano Regi fuit delata.

fol. 120. & mundi Theatrum titulo de Cosmographia fol. 266. 267. & Franciscum Lopez in sua generali Indiarum Historia capitibus supra citatis. Quàm ineptè igitur cùm plerisque aliis F. Gonzaga ista eructet, clarum est. Gloria proinde erectæ in Occidentali Indiâ primæ ac prodigijs claræ CRUCIS intemerata manet Patriarchæ Buellio.

§. XVII.

Crux Apostolica Regum Hungariæ.

Miraris Lector, hujus Crucis mentionem hõc locò à me fieri? Mirari defines, si intelligas, hanc ipsam Crucem à Summo Pontifice ex D. Benedicti Familia Regibus Hungariæ singulari privilegio concessam, iisdemque ab Abbate & Episcopo ex eadem sacrâ Familia internuntio fuisse delatam.

Author est, præter alios idoneos Scriptores, Antonius Bonfinius Rerum Hungaricarum lib. 1. Decade 2. Opera, studio, ac indefesso labore Monachorum Ordinis S. Benedicti Hungaros à beatissimo Rege STEPHANO ad fidem fuisse adductos. Fuerunt verò ii potissimùm Monachi, qui sub S. Africo Abbate, in regio ac celeberrimo S. Martini Monasterio à Stephano Ungarorum Duce condito non vitam tantum Monasticam sibi excolendam, sed quo Christianæ religionis propagandæ zelo fervebant, Hungaros etiam ejusdem Sacris imbuendos existimârunt.

Sed sine Pastoribus diu subsistere non potuit nascenti Ungarorum Ecclesia, huicque necessitati beatus Princeps desiderans providere, Provinciam totam in decem Episcopatus distribuit, atque Colocensi Ecclesiæ, uni ex illis, *Africum, quem doctrina & moribus præstantem esse noverat, ut ait Bonfinius, præfecit, eumque, post initum Pontificatum,*

Ana.

Anastasium appellavit. Hoc ultimum meritò expungimus, cum verum esse non possit; jam enim Joannes XV. in Bulla sua Pontificia, quâ Brzevnoviensis in Bohemia Monasterii Fundationem confirmavit, Anno 993. *Anastasium* eundem *Astricum* appellavit. Verùm hæc omnia (yyy) non satis tuto egisse sibi videbatur S. Stephanus, nisi accederet Sanctæ Sedis Apostolicæ Auctoritas. Quare Anastasium quadrien- nio post Patris sui Geyse obitum Romam misit, tum ut Pontifex nascenti ecclesiæ benedictionem impertiret, ac no- vos Episcopatus erectos confirmaret, tum etiam, ut Re- gium Diadema sibi concederetur. Quanta cum prudentia hanc Legationem executus fuerit Anastasius, ipsius rei even- tus declaravit; non enim Regium Diadema solummodò, verum etiam CRUCEM Insignia Apostolica Principi obti- nuit: qua de re audiendus est præter Chartuitium Antonius Bonfinius.

„ Hunc Anastasium, quarto post obitum Patris anno,
 „ Romam ad Summum Pontificem mittendum esse censuit,
 „ mandata dat, ut à Christi Vicario in Ungaros, qui ejus
 „ fidem nuper iniverant, Apostolicam Benedictionem im-
 „ ploret, & inter oves Petri adnumeret; post hæc, ut
 „ Strigoniensem Basilicam Metropolitanam esse jubeat: item
 „ cæteros Episcopatus in Ungaria nuper erectos sacrosancta
 „ auctoritate confirmet; demum quando potestas omnis à
 „ DEO est, & maxima cœpta sine divina ope confirmari
 „ nequeunt, Regalia Insignia cum Pontificia Benedictione
 „ assequatur. Astricus Romam properans, ut legationis
 „ officio diligentissimè fungeretur, die noctûque iter facit.
 „ Quid facit DEUS, qui piorum consiliis & honoribus
 „ semper incumbit? Nimirum dextris eos prosequitur
 „ auspiciis. Eodem anno Misca, Poloniæ Dux, ad fidem
 „ cum populo conversus, eadem à Benedicto Pontifice Ma-
 „ ximo,

(yyy) Vid. Mabill. A& SS. Ord. S. B. secul. 6. part. 1. pag. 73.

„ ximo , per Legatos postulabat ; Quare coronam Pontii
 „ fex ingenti sumptu comparat , ut religionis ac fidei ac-
 „ cessione lætatus , Miscam Ducem , & novum Christi mi-
 „ litem ob rem bene gestam regio diademate insigniret . Pri-
 „ die ejus diei , quo Polonis destinata Corona tribuenda
 „ erat , Astricus Urbem ingreditur ; ecce in somnis superio-
 „ re nocte DEI internuncius Pontifici apparet : Salve , in-
 „ quit , Pontifex , cras Pannonicæ Gentis Legatum ad te
 „ venturum esse scito , qui ut tuo beneficio & auctoritate
 „ suum Principem regio diademate dones , exorabit ; desti-
 „ natam Polonis Coronam , quando ita merita postulant ,
 „ huic dato , proinde Divina mandata servato . Quum is
 „ in auras recessisset , secunda hora diei Astricus in Sena-
 „ tum Apostolicum admissus est ; ubi quum Regis mandata
 „ ex ordine retulisset , ejusque sanctissimè gesta subjecisset ,
 „ & quantum Catholicæ fidei , ultraque Danubium , fe-
 „ cisset , quam in Getas & Sarmatas usque propagaret , in-
 „ credibili Apostolicum Ordinem gaudio complevit . Re
 „ ad Senatum relata pro voluntate Regis , & Legati postula-
 „ tione , nullo refragante , decernitur : ut non modò Chri-
 „ stianissimus Rex Regia Corona donetur , in Regno Aposto-
 „ lica auctoritate confirmetur , & Regis acta cuncta , cum
 „ institutis Episcopatibus approbentur , verum etiam , quia
 „ verus & fidus Dei miles est , & Apostolus , ad exaggeran-
 „ dam ejus dignitatem , in perpetuum Pontificiæ Legationis
 „ Insigne , quâ sibi posterisque Regibus , semper fungi fas sit ,
 „ præferendæ Crucis potestate , honoretur . Quum Legatus
 „ omnia non solum è sententia , sed præter spem & opinio-
 „ nem impetrasset , magno refertus gaudio in Pannoniam se
 „ recepit . Strigonio appropinquanti Rex cum singulari sa-
 „ cerdotum Pontificumque pompa obviam prodiit ; Astri-
 „ cum Pontificia munera deferentem & Coronam , & Crucem
 „ ostendantem , honorificentissimè Deo gratias agens , excepit .

D d

„ Apo-

„ Apostolica Insignia reverenter accepta; quando ad unam
 „ quàmque Romani Pontificis mentionem Stephanus, spe-
 „ cante populo, inclinato capite sese ingeniculabat, ut
 „ exemplo suo ad Romani pontificis, Apostolicæ Senatus
 „ obsequium, & observantiam omnes hortaretur.

Qua verò ratione Anastasius pro totius Hungaricæ Nationis honore & gloria Legationem obire jussus fuisset, nisi ad eam parem mentem, incredibilem industriam, summam judicii gravitatem, infinitamque prudentiam attulisset? tanta verò felicitate suam Legationem peregit, ut non existimem, inquit Balbinus, (zzz) ullum ex *Ordine Sacro* nominari posse, cui plus debeat *Ungaria*. *Asticus* benedictionem à Pontifice, quod erat imperatum, retulit; *Asticus* Ungariam Christo, & ejus in terris Vicario obedientem & morigeram representavit; item cæteros erectos nuper in Ungaria Episcopatus confirmari obtinuit; sed duo reliqua in Ungariam Astici merita longè superant, primum Regno, alterum Regi & Regno datum: quod Coronam sanctam & decus Regium ad Hungaros attulerit, & Crucem *Apostolicam*, quæ Hungariæ Regibus velut Apostolica Legatione fungentibus præfertur, impetrarit. Narrantur hæ Prærogativæ multis verbis apud Chartuitium, Bonfinium, Baronium, & in eorum scriptis, qui de S. Corona Ungariæ scripserunt; cujusmodi est *Martini Schmeizelii Commentatio Historica de Corona Regni Hungaria*. Verbo: Corona Poloniæ Regibus, destinatione Pontificis Sylvestri II. ex Ordine S. Benedicti parata, divino jussu Astico, seu Anastasio cessit, S. Stephano Regi in Ungariam deferenda, Regisque Ungariæ Apostolici appellati, quos procedentes *Crucis* Insigne præcedat. Res est digna memoratu, sed obvia, & à pluribus Auctoribus pertractata. Nobis ejus mentio hîc facienda visa est, quòd *Crux Apostolica Regum Hungariæ* ad cæteras Cruces, quæ in Sacrariis Benedictionis asservantur, eo
 nomi-

nomine quodammodò pertinere dici possit, quod & ab Abbate Episcopóque Benedictino impetrata, & à Pontifice Benedictino concessa fuerit, indultaque.

Cæterùm hujus Crucis Apostolicæ jactura non immeritò scriptoribus Rerum Hungaricarum dolet. *Utinam*, exclamat *Inchoferus* Annal. Ecclesiast. ad an. MXIV. pag. 304. *Utinam eam ab initio diligentiam adhibuissent in custodienda Cruce illa gemina, Apostolatus insigni, quam Romanus Pontifex unà cum Coronâ transmisit: opinione omnium res Hungarorum meliori loco starent. Scilicet, eâ amissâ, sive temporum injuria, sive hominum incuria (quando enim & quomodo perierit incertum est) praesagium universis incessit, futurarum calamitatum, quibus Hungaria ab aliquot sæculis confictata est. In eandem sententiam Petrus de Rewa, Illustr. Comes Comitatus de Turóc in celebri Tractatu, quem de sacra Regni Hungariæ Corona edidit, Crucis hujus Apostolicæ amissionem his verbis pag. 6. deplorat. *Cruce hac expectandarum adversitatum præludium & symbolum, nescio temporumne injuria, an hominum potius incuria? amissa desideratur; auctis ejus loco hucusque grassantibus calamitatibus, ita ut Ungariam, non omnino abs re Angariam, quod illam perpetuo angore agi oporteat, quidam alius dixerit. Hodie solemnitatibus, Crucem aliam, veteris illius à Pontifice Maximo transmissæ loco adhiberi oportet. Vid. Math Bellus Notit. Hungar. Nov. Tom. 1. pag. 351.**

§. XVIII.

Cruce Regii Parthenonis in Castro Pragensi ad S. Georgium.

ANno 1252. Mense Julio Pomienus Judex Curie Regis Bohemiæ dum in templo S. Georgii ad S. Ludmillæ tumulum, in arce Pragensi coram Crucifixi Domini simulacro piè

D d 2

Chri-

Christum patientem veneratur, ex pede *Crucis* sanguinem stil-
lare animadvertit, quem ipse suâ manû extergere conatus est.
Hoc signum hodièque in S. Georgii Ecclesia servatur & spe-
ctatur. Idem miraculum repetitum, & à plurimis mortalibus
visum commemorat Hagecius An. 1283. antequàm Bohemia
bello, fame, & peste, confisteretur; sed illud quod hoc
tempore accidit, significatio fuit malorum vicinorum: nam
anno sequenti 1253. Bela Rex Ungariæ iterum cum suis *Cu-*
manis, Turcarum, qui postea Ungariam invaserunt, anteam-
bulonibus, Christianorum quietem sollicitavit, totâque Mo-
raviam, non parcens ætati, nec sexui, cæsis omnibus, per-
vastavit: barbariem hanc urbes, arces, & loca mœniis cin-
cta evaserunt; templa ipsa pessumdedit, sacrorum omnem ap-
paratum rapuit &c. *Balbinus Epit. rer. Bohem. lib. 3. c. 14.*
p. 267.

§. XIX.

Crux San-Henriciana.

S. Henricus Imperator connubio sibi junxerat S. Cunegun-
dem nobilissimæ prosapiæ virginem, cui postridie nu-
ptiarum ex more Germanorum *munus*, ut vocant, *matutinum*,
vulgò *Morgengabam* dedit. Fuit hæc Crux eximie magnitu-
dinis, ex auro, ut ferunt, puro, ingentis pretii, operis Græci
vetustissimi, uti inscriptiones atque imagines argumento sunt.
Ipsa verò sanctissima Imperatrix Crucem ceu sacrum pretio-
sissimûmque cimelium Cœnobio S. Michaelis à se cum piissi-
mo conjuge Bambergæ condito dono concessit, perpetuum
amoris sui pignus atque munificentie monumentum. Utverò
Crux sacris usibus aptaretur, Abbates Michaelitæ, hostile
oblongum seu perticam ex argento fieri curârunt, cui Crux
imponi possit, Latinis istis versibus ad instaurandam identi-
dem

dem sanctissimorum Conjugum ac Fundatorum memoriam circumductis : *Jesu Christe bonum clemens Crucis accipe donum, quod dabit Henricus pius Caesar atque secundus.* Solet hæc Crux usque hodie in festis majoris solemnitatis, cum instituuntur processiones, à Michaelitis circumgestari. Ejus iconismum exhibet Joannes Petrus Ludewig in volumine suo de Scriptoribus rerum episcopatus Bambergensis; multo verò accuratiùs Joan. Bapt. Solerius S. J. Commentario prævio ad Acta S. Henrici Imp. Tom. III. Julii pag. 785. ubi etiam in ejus ætatem, artificem, fabricandi causam & intentum, adjunctaque cætera inquirat. & pro viribus illustrat.

§. XX.

Crux Ecclesiæ Fuldensis.

Mille anni, multum sanè temporis, supra hanc nostram ætatem (aaaa) fluxerunt, exquo Ecclesiæ Fuldensis condita fuit. Dicere verò liceat de Fulda, Monasterio S. Salvatoris, quod Divus Leo Pont. Max. de Christianâ religione sapienter pronuntiavit, *eam super crucem esse fundatam.* Fuit igitur Fulda suis à primordiis Asceterium S. Crucis. Vixerunt in eo Ascetæ, qui cum teste ipsomet Fundatore S. Bonifacio, Germaniæ Apostolo, accuratæ vivendi disciplinæ observantissimi essent, fieri non potuit, ut S. Crucis non in spiritû & veritate essent cultores. *Vita enim boni monachi,* ut Author libri de Imit. Christi inquit, *crux est.* Vita illi non lingua, factis non dictis, moribus non sermonibus Crucem Christi venerabantur. Tum verò sibi licere existimârunt, ut statis diebus, *singulis Dominicis,* instituta solenni processione, sacram Crucem circa vicina quæque loca Monasterii gestantes, hymnis, canticis, ac laudibus

D d 3

conce-

(aaaa) Annus MDCCXLIV. erat Ecclesiæ Fuldensis Jubilæus Millenarius.

concelebrarent. Quam processionem *Crucis gloriationem* nominare consueverant. Hoc cultu non contenti in calamum incubuerunt, atque Authore B. Rabano Mauro, scriptis, supra quàm dici potest, ingeniosis, doctis, summæque scum pietatis significatione conjunctis ejusdem laudes extulerunt. Quibus in libris, quasi quadam in tabula, ardentissimæ Fuldensium Ascetarum erga S. Crucem devotionis imaginem intueri licet. Quid jam dicam, quòd Crucem Christi, Judæis scandalum, Gentibus stultitiam, per vastissimas Saxonie terras incredibili Christianæ fidei propagandæ ardore succensi annis quàm multis prædicaverint? Verè eximios Crucis Christi cultores, encomiastes, atque præcones. Quid plura? Ut paucis omnia complectar, verba Divi Basilii in Op. 63. ad Neocæs. de Fuldensibus hisce Ascetis usurpo: *Hi sunt, qui in fronte, vultuque toto quasi scriptam ferunt mortificationem JESU Christi, quem unusquisque suâ cum Cruce sequitur.*

Sed verò his silentio prætermisiss, orationem ad se convertit *Helinfridus* Abbas X. Fuldensis. Hujus laudatissimi Præfulis exemplo, si quid auro magis aureum, si quid gemmis magis gemmeum in orbe habetur terrarum, næ illud præ cedro & argento rectè deligitur, ut Vivificæ Crucis imago ex illo adornetur. Quod nemo sanæ mentis iverit inficias, nisi qui genus humanum in Dominicâ Cruce à terribimâ mali doemonis servitute fuisse redemptum nesciat, vel bipedum omnium ingratisissimus tantum tamque infinitæ magnitudinis beneficium nihili faciat, habeâtque despectui. Certè *Helinfridus* pro insigni suâ devotione, quâ erga sacratissimam Crucem ferebatur, in id genus icone concinnandâ nec auro nec gemmis pepercit; quâ deinde ad stuporem præfulgidâ Principalem suam Ecclesiam donavit. Quia verò plerumque fit, ut res pretiosæ non hominum modò oculos,

los, sed sæpiùs etiam manus ad se convertant; ita etiam progressû temporis pretiosissimâ hac cum Cruce actum est.

Henricus VI. Germaniæ Rex, quia diadematis honori quærendo in animo erat profectio Italica, Henricum Comitem de Widaha subornavit, qui à Conrado Abbate & Principe Fuldensi, Regis nomine postularet de S. Bonifacii templo crucem auream, quia sumptus itineri decrat, mille talentû argento pignus opponendum. At ille postulata abnuere, moram innectere cupiditati. Sed Henricus Fuldam usque persecutus avidiùs instare. Tabulas itaque pro cruce subicere visum binas, auro & gemmis insignes, sedandæ siti cupidorum; quas cùm Ludgero Haselsteinio Imperii Legato Rex tradidisset, clam mandata dedit, seu poenitentiâ consilii, seu pertinaciâ Cœnobitarum Crucem subtrahentium, ut eas Ecclesiæ S. Bonifacii restitueret; id quod eo promptiùs factum, quòd anno sequenti diadema Romæ accipiens, hoc nomine à Cœlestino reprehensus est. Quamobrem ipse in Germaniam rediens, magna populi ac Cœnobii gratulatione die Palmarum ad ecclesiam retulit. Ita factum est, ut Crux auro gemmisque præfulgida Ecclesiæ Fuldensi salva & intacta relinqueretur. *Vid. Brower Fuld. Antiqq. lib. IV.*

§. XXI.

Monferratenses Crucicule.

Monferratense in Catalonia Asceterium, nisi à Thaumaturga Imagine Magnæ DEI Matris, multisque aliis nominibus, toto Christiano orbe esset celeberrimum, vel eo solû nomine apud alias Christianas gentes in famam iret, quòd Cruciculas ab Abbate suo benedictas per totum Catholicum dispergat orbem, quæ vulgò *Monferratenses*

ses vocantur. Benedictus verò XIII. Pontif. Max. edito Apostolico Brevi anno 1727. die 2. Jan. multas iis largitus est Indulgentias, qui easdem secum devotè gestarent; jubens tamen, ut in distributione & usu istarum Crucicularum Alexandri VII. Decretum typis impressum 6. Febr. Anno 1657. observetur; ad quod Lectorem ut brevitati consulamus, remittere liceat.



CAPUT IV.

Apparitiones Sanctæ Crucis, & quid eadem portenderint.

Visionem illam magnam, ac stupendam, quæ ad unum omnibus futura est hominibus, cum in extremi die judicii Signum filii hominis in cœlo apparebit, multæ hæcenus Sanctæ Crucis apparitiones antecesserunt. Memorabilis præ primis illa est; quam Jerosolymis ipsa Pentecostes die, omnibus non sine ingenti admiratione ac stupore aspectantibus, contigisse Divus Cyrillus Hierosolymitanus Archiepiscopus in epistola ad Constantium Imperatorem data perhibet. Ejus verò significandæ atque Augusto perscribendæ hanc affert rationem: *Opera pretium fuerit, celestes hæc à Deo datas visiones silenter non præterire, sed potiùs eas divine tue pietati his literis significare, ut bono illius, quæ priùs inte fuit, fidei fundamento, cognitionem eorum, quæ nuper divinitus contigerunt, superinadificans, firmiorem in Dominum nostrum Jesum Christum fiduciam assumas.* Quibus verbis adducor, ut non inanem sumpturus operam mihi videar, si quæ Divine Crucis apparitiones Majoribus nostris, vel certè quidem circa

ea, quæ ad ipsos attinebant, factæ fuerunt, hoc loco accu-
mulem, atque literis consignem. Fiduciam namque erga
Divinum Redemptorem nostrum non parùm in animis no-
stris augere possunt. Nec illæ penitus prætermittendæ vi-
dentur, quibus vel Angelici Spiritus, vel Sancti Cœlites cum
Cruce se Ordinis nostri alumni aspectabiles præbuerunt.
Non minùs enim ex his posterioribus, quàm illis prioribus,
si piæ & attentæ considerationi à nobis subjiciantur, utilita-
tes atque emolumenta ad nos redundare possunt.

§. I.

Apparitio Crucis super cellam S. Petri Cælestini.

Hanc nobis Petrus ab Alliaco in vitâ sanctissimi hujus Pon-
tificis lib. 2. cap. 19. in hæc verba describit: *Quidam
milites, qui cum [S. Cælestinum] custodiebant in carcere, tam
Papæ [Bonifacio VIII.] quàm aliis pluribus retulerunt, quod à
fervida sexta usque ad horam mortis ejus viderunt ante januam ca-
merulæ suæ Crucem coloris aurei, non affixam alicubi, sed mira-
biliter pendentem in aere. Quo miraculoso Crucis signo patenter
ostensum est, Crucem pœnitentiæ, quam ille per carnis mortifica-
tionem jugiter portaverat, Deo placuisse.*

Hujus apparitionis etiam meminit Eminent. Cardinalis
Robertus Bellarminus in Epistolâ Nuncupatoriâ quâ ceu Pro-
tectior Congregationis Cælestinorum Monachorum Ordinis
Sancti Benedicti eidem venerabili Congregationi Libros duos
De septem Verbis à Christo in Cruce prolatis inscripsit. Cum
verò isthæc Epistola apparitionem Crucis non parùm illustret,
digna mihi videtur, quam integram hic adscribam.

„ Sapienter omninò Pynuphius Abbas apud Cassianum
„ (bbb) perfectum Monachum cum Christo Domino Cruci-

E c

„ fixo

(bbb) Lib. 4. de Inst. Renunc. c. 4.

„ fixo comparandum censuit. Virtutes enim , quæ in per-
 „ fecto Monacho potissimum requiruntur , tres numerari so-
 „ lent ; paupertas , omnem proprietatem excludens ; castitas
 „ carnalium voluptatum semper expers ; & obedientia , à
 „ nutu Præfati omnino dependens ; quibus in regulâ Sancti
 „ Benedicti loci stabilitas adjungi solet. Si quis autem velit
 „ voluntariæ paupertatis usque ad omnimodam nuditatem ,
 „ & egestatem exemplar cernere Christum Crucifixum in-
 „ tueatur , qui sicut dum viveret , non habuit , ubi caput
 „ reclinaret : sic in morte , ipsa etiam vestimenta , quæ sola
 „ illi reliqua erant , inter Crucifixores dividenda dimisit.
 „ Et si quis cupiat speculum intueri mortificationis carnis ,
 „ quæ castitatem impollutam custodiat , in Christo Crucifixo
 „ sine dubitatione reperiet ; quippe quem à planta pedis us-
 „ que ad verticem capitis dolor continuus occupabat. Quòd
 „ si & obedientiæ perfectum typum requirat , nusquam alibi
 „ clariùs cernet , quàm in illo , *qui factus est obediens usque*
 „ *ad mortem , mortem autem Crucis.* Neque solam obedientiæ
 „ virtutem , sed etiam comites ejus individuas , patientiam ,
 „ & humilitatem , & principium ejus & finem , ardentissimam
 „ charitatem , & in his omnibus perseverantiam usque in fi-
 „ nem , quæ per stabilitatem significatur , in Christo Cruci-
 „ fixo , tanquam in eminentissimâ virtutum omnium Idea
 „ conspiciet. Verè igitur & Christus in Cruce pendens exem-
 „ plar est clarissimum Monasticæ perfectionis : & perfectus
 „ Monachus Crucifixum Dominum verissimè repræsentat.
 „ Hanc Christi Crucifixi repræsentationem vel similitudinem
 „ Sanctus Petrus Cælestinus ad vivum expressisse videtur :
 „ ejus enim vita ab ipsa poenè infantia usque ad extremam
 „ senectutem , & mortem , nihil fuit aliud nisi assidua medi-
 „ tatio Crucis , & perpetua imitatio Crucifixi. Ad quam
 „ rem propriè designandam , CRUX AUREA in aere , divino
 „ miraculo pendens , visa est ante fores cubiculi ejus morien-
 „ tis ,

„ tis, à feria sexta usque ad vesperam Sabbathi, in quâ Spi-
 „ ritum Deo felicissimè reddidit. Quam Crucem à multis
 „ conspectam cum stupore fuisse refert Petrus ab Alliaco Car-
 „ dinalis Cameracensis; & res eadem, ut planè cæleste si-
 „ gnum, in ipso Canonizationis ejus diplomate commemo-
 „ ratur. Quæ cum ita sint, jure mihi videor libros meos de
 „ septem verbis in Cruce à Christo pronuntiatis, Cælestinis
 „ meis offerre, ac dicare potissimùm debuisse. In his enim
 „ libris explicare conatus sum Crucifixi virtutes præcipuas,
 „ quæ omnibus quidem fidelibus valde utiles sunt, sed iis,
 „ qui Crucis mortificationem ex proprio instituto sequuntur,
 „ omnino necessariæ. Qui enim cum Christo Cruci affixi
 „ sunt, & mundo mortui, per externam observantiam regu-
 „ larem; & virtutibus Christi Crucifixi carent, ii cum infe-
 „ lici latrone Crucis ignominiam, & dolores patiuntur; sed
 „ Christi Crucifixi gloriam & præmia non assequuntur, &
 „ melius erat illis, ut loquitur Sanctus Petrus, *non cognovisse*
 „ *viam justitiæ (perfectæ) quàm post agnitionem retrorsum con-*
 „ *verti ab eo, quod illis traditum est, sancto mandato.* Quare
 „ Monachos omnes, sed in primis Cælestinos meos admonéo,
 „ ut si velint esse, quod nomine præferunt, librum Crucis
 „ Christi assidue legant, & iterum atque iterum volvant &
 „ revolvant: ac ut commentarium habeant ad obscura loca
 „ intelligenda dilucidum & fidele, Beati Petri Cælestini, &
 „ aliorum Sanctorum vitas frequenter legant, & quæ didi-
 „ cerint, opere complere studeant. Sic enim fiet, ut quo-
 „ tidie magis Crux illis dulcescat, & imitatio Crucifixi sic
 „ illis suavis, amabilisque reddatur, ut facilè contemnant
 „ scribas & Phariseos, id est, carnem & sanguinem claman-
 „ tes: *Descende de Cruce.* Sic olim discipuli Sancti Francisci
 „ cum libros sacros nondum haberent, ut Sanctus refert Bo-
 „ naventura, librum Crucis Christi continuatis aspectibus,
 „ diebus ac noctibus revolvebant, exemplo Patris & eloquio

„ eruditi, qui jugiter faciebat eis de Cruce Christi sermonem.
 „ Accipite igitur Venerabiles Patres munusculum à Protecto-
 „ re vestro, quod erit etiam post obitum ejus pignus amoris,
 „ quo vos omnes corde dilexit; & virtutum S. Petri Cæle-
 „ stini hæredes, & Christi Crucifixi veros discipulos, & imi-
 „ tatores semper esse cupit.

§. II.

*Crucis Dominicæ signum in brachio S. Ansberti
 apparet.*

Cùm Monachi Fontanellenfes S. Ansberti, sui quondam
 Abbatis, ac postea Archiepiscopi Rotomagensis, sepul-
 chrum post septendecim dies à sacro ipsius obitu aperuissent,
 & putarent, venerabile illius corpus, ob tam prolixi tempo-
 ris intervallum jam foetere, tanta suavissimi fragrantia odo-
 ris inde manavit, quasi diversis aromatum floribus ac balsami
 gutulis omnis repleretur Ecclesia. Et cùm Fratres, qui ad
 eum visendum ex propriâ provinciâ advenerant, cum his,
 quos secum in exilio habuerat, ablatis ab eo vestibus, cum
 quibus in sepulchro reconditus fuerat, mutare eas vellent,
 novis eum indumentis indui cupientes, veluti fecerunt, in-
 venerunt in brachiis ejus signum Dominicæ Crucis, rosei co-
 loris similitudinem gerens, ut patenter cunctis daretur intel-
 ligi: quia cujus arma vivens portaverat in corde, ejus stigma-
 ta defuncti monstrarentur in corpore. *Aigradus in vit.*

cap. 10. apud Bolland. in Act. SS. d. 9. Febr.

pag. 355.



§. III.

§. III.

Crucis apparitio in corpore S. Leonis IX. Papæ.

S. LEO IX. Pont. Max. ab incunabulis Sacræ Crucis miraculum fuit. Nobilissimam fortitus originem ubi primam aspexit lucem, in toto ejus corpore Crucis signa comparuerunt. *Ubi in hanc lucem susus est, sunt verba Wiberti vitæ scriptoris, totum ejus corpusculum invenitur charaxatum [scalptum] quasi crucicularum sigmatibus. Cujus rei novitate mater permota à nulla nisi à se ipsa pertulit eum sustentari lætis alimonia.* Quid sibi verò in tenelli corpore infantis tot Cruces voluere? Nobis innumeras illas curas, sollicitudines, atque angores, quibus in regimine totius Ecclesiæ aliquando gravandus erat, portendisse videntur. Cùm *Christiana Religio*, ut S. Leo Magnus docet, *super Crucem fundata sit*, fieri non potest, ut sine Cruce Ecclesia bene regatur. Jam verò si considerare velimus, quæ fuerit tunc temporis in Ecclesiâ disciplinæ observantia, quò S. Leo clavum illius moderari cœpit, eam vix non penitus fuisse collapsam intuebimur. *Omne sal*, inquit S. Bruno Episcopus Signiensis, *omne sal erat infatuatum, neque erat aliquid, in quo condiretur.* *In hac igitur tantâ tempestate B. Leo Apostolici culminis cathedram suscepit, &c.* Ut verò Ecclesiasticam instauraret disciplinam, simoniam extirparet, concubinatum clericorum exterminaret, aliâque eliminaret vitia, gravissimos illum exantlassé labores, difficultates, persecutiones, atque adeò vitæ incurrisse pericula, præclare ejus gesta testantur. Sed quàm admirabilis erat illa visio, quâ deformem quandam Canidiam reddere Crucis signo venustam, vitæque restituere, in somno sibi visus est? Imago hæc erat Ecclesiæ, cui ut pristinum redderet nitorem, id sine Cruce fieri non posse, admonebatur.

„ Quodam tempore illi per somni quietem videbatur,
 „ quòd quasi persona cujusdam deformis vetulæ eum impor-
 „ tunè impeteret, & veluti familiari, sed tamen sincero col-
 „ loquio sibi adjungi exposceret. Quæ tam horridi vultus,
 „ discissæ vestis, hirsutis capillis, atque turpiter erectis vi-
 „ scbatur, ut vix quidquam humanæ formæ in eâ recogno-
 „ sceretur. Cujus deformitatis horrore nimium perculsus,
 „ eam plurimum volebat evitare: sed ipsa tanto magis illi
 „ nitebatur insistere. Quâ importunitate motus vir Domi-
 „ ni, ei signum Crucis in faciem imprimebat: at illa ad ter-
 „ ram veluti mortua proruens in admirabilem pulchritudi-
 „ nem denuò resurgebat. Cujus visionis terrore experre-
 „ ctus, ad nocturnas surrexit vigilas: denuòque in hujus rei
 „ admiratione sopori tradidit membra. Cui videbatur in
 „ somnis adesse venerabilis Abbas Odilo Cluniacensis [qui
 „ tum recenter ad superos migraverat, sanctorum fastis sub-
 „ inde adscriptus] quem quasi rogabat, sibi portendere, quæ
 „ esset hujus visionis significatio. Qui lætissimus ei tali re-
 „ spondebat oraculo: Beatus es tu, & tu animam ejus de mor-
 „ te liberasti. Hæc non esse ficta probat idonea virorum
 „ venerabilium testificatio; Domini videlicet Walteri Leu-
 „ corum claustrî Decani, nec non intimi consecræ ejus
 „ Warnheri, qui asserunt, se audisse talia cum lacrymis ab
 „ illo referri, & quid signarent, quam plurimum admirari.
 „ Nec incredibile esse videtur, talia ei à summa divinitate
 „ præmonstrata fuisse: cùm crebrò nocturna in lecto suspi-
 „ ria, & frequentes pectoris tunctiones, ac stratus sæpe à ve-
 „ ridicis cubiculariis repertus irrigatus lacrymis, ostendant
 „ illum divina fuisse visione dignum. Nulli autem dubium
 „ est, quid significet prælibatæ mulieris visio, quicumque le-
 „ git pene simile somnium Magni Constantini pro restituenda
 „ urbe Byzantio. Nam certum est horribiliter extabuisse
 „ per diversas orbis partes ecclesiasticum decorem, imò Chri-
 „ stianam

„ stianam religionem; & per eum Christi adminiculante suf-
 „ fragio, ad pristinum reductam esse honorem. Wibertus
 in vit. lib. 2. c. 1. n. 3, apud Mabillon, in Aët. SS. O. S. B.
 sec. 5, part. 2. & apud Bolland, d. 19. April. p. 657.

§. IV.

*S. Gerardo Abbati Majoris Sylvæ Crux appa-
 rens locum condendi Monasterii designat.*

S. Gerardi frater erat Abbas S. Vincentii apud Laudunum
 Clavatum, qui postquam defunctus est, S. Gerardus
 omnium votis adhunc honorem, invitus licet, provectus
 est: tum quantum maximè potuit, enixus est monachis
 vitæ integritate præluere. Illi verò ad terrena proni, cœ-
 lestium pertæsi ab ejus moribus non parùm dissonabant.
 Quod cùm animadverteret sanctus Abbas, de abdicando
 munere cogitavit. Quam obrem cum quodam incluso sui
 monasterii consilium inire cœpit, qui satis idoneum dedit.
 Milites enim quidam haud ignobiles mundum fastidientes
 nuper cum convenerant, & apud illum pura confessione
 peccatorum nævos absterferunt, mentémque suam de mun-
 do repudiando aperuerant. Quod cùm videret inclusus il-
 le, id statim S. Gerardo manifestavit, qui milites tanquam
 sibi à DEO missos in discipulos adoptavit, & cum quibus-
 dam monachis S. Vincentii Laudunensis de consensu Epi-
 scopi in Aquitaniam monasterii condendi gratia DEO duce
 profectus est. Gloriosi igitur illi milites duce beato Gerar-
 do rectà ad cœnobium S. Dionysii tendunt, ubi advocato
 Martyrum auxilio: inde Aureliam devenerunt, ubi in Ec-
 clesia S. Crucis DEUM deprecanti, inde Turones profecti
 sunt, & implorata S. Martini ope Pictones venerunt. Illis
 urbem ingressis Widonem Comitem Pictaviensem conspiciens
 align="right">ex

ex altera parte urbis advenientem Abbas Gerardus statim cum sociis adiit. Comes perspecta eorum voluntate se omnia necessaria ad monasterium ædificandum subministratum promisit. Interea adest Rudolphus Burdigalæ præpositus, qui se illos ad locum idoneum deducturum comiti significavit. Lætus comes eo præposito commendavit, qui eos in locum, qui sylva major dicitur, inter duo maria situm deduxit, eisquæ ædiculam non ex lapidibus, sed ex terra constructam ostendit, ad quem ob vepres & dumos non patebat aditus; quibus ferramento accisis ad eam perventum est. Locus beato Gerardo solitudinis amatori placuit, egitque cum Augerio de Riuntio aliisque ejusdem sylvæ Dominis, qui eam ad monasterii ædificationem DEO virginique matri Mariæ ultrò condonârunt. Sanctus autem Gerardus de loco, ubi monasterium esset ædificandum sollicitus, quadam nocte DEUM obnixè deprecatus est, ut locum, in quo monasterium construi vellet, ostenderet. Inter orandum sopore gravis in somnis vidit duos boves ab oriente currum vehentes, qui cùm longiùs processissent, in equum unum visi sunt mutati, qui per eundem tramitem incederet; pro quo statim visus est Christus in Crucis patibulo, cujus pars superior cœlum, inferior terram pertingebat. Quo viso in genua procumbit, Christumque in cruce suffixum adoravit, & tam felicibus auspiciis in loco, ubi *lignum crucis* defixum, erat ædificavit monasterium. Felicem verò situm hujus Cœnobii, in quo, ut verbis utar B. Petri Damiani, *Crux jungit cælum & terram*; (ccc) ut omne genu ei flectatur cœlestium, terrestrium, & infernorum.

(ccc) Serm. de Exalt. S. Crucis

§. V.

Apparitio Crucis S. Landradæ Abbatissæ facta.

S. Landrada virgo nobilis , & Abbatissa Belisensis Mona-
sterii prima , atque adeò fundatrix , cùm vitam adhuc
degeret solitariam , aliquando , stabat in medio noctis si-
„ lentio , incomitata & sine arbitris , & ultra omnem hanc
„ luteam infirmitatem elevata , libero mentis pede in odo-
„ rem cœlestium unguentorum currebat. Cùm subitò pa-
„ tefactis cœlis , comitante lumine , mirifici operis crux
„ delabitur , & Landradæ , quæ jam mundo crucifixa erat ,
„ velut pro munere super contiguum lapidem deponitur.
„ Sicut enim mollis cera impressam sigilli imaginem recipit ,
„ & repræsentat ; ita & durissimus lapis , adhuc nobis ejus-
„ dem crucis totam impressionem integrè demonstrat. Vox
„ interim administratorii spiritûs audita est : Accipe Lan-
„ drada hoc ab immortalis sponso charitatis pignus. Ipse
„ tibi crucis mittit sponsalia , qui in cruce moriens restau-
„ rat omnia. Amatoris tui hæc sunt munera. Tali muni-
„ mine hoc in loco deinceps non nocebunt spiritus immun-
„ di , fames , mortalitas , rerum inæqualitas , morbi , &
„ pestilentia.

„ Virgo Dei gavisa de munere ; roborata de consolatio-
„ ne ; oblita sexûs & ætatis , in quandam virilitatem accin-
„ gitur ; propriis manibus negotium , quod non potuerat ,
„ aggreditur : Vepres & spinas extirpare , humum sarcire ;
„ Ecclesiam in honore , & memoria Dei Genitricis , & per-
„ petuæ Virginis Mariæ conari fundare : propriis manibus
„ lapides effodere & comportare , lineam ducere , fundamen-
„ ta jacere , & in loco sibi destinatæ *Crucis* , non alius , quàm
„ ipsa collocavit ipsum , quod adhuc perdurat , altare. Ad-
„ fuit indefessæ laboratrici suæ manus Omnipotentis usque

F f

„ ad

„ ad consummationem perfecti operis. Tunc verò Lambertum Episcopum, postea Christi Martyrem futurum, evocat, & pia commonitum familiaritate, quâ se ab initio sanctæ animæ obligaverant, novæ suæ & Ecclesiæ consecrationem, & reliquiarum impositionem ex voto implet.

„ Ex hinc jam crescente religione, videbat diabolus, & ingemiscebat, ingentes animos in fragili sexû mirabatur. Aliæ patientiâ, aliæ pugnabant obedientiâ; aliarum tepens calor moderatis jejuniis refrigerabatur; aliarum tepidius studium exemplis & consolationibus accendebatur. Tanti dux foemina facti. In cujus ore pallor ex jejuniis, elemosyna in pauperes, constantia in adversis, modestia in prosperis, in servos Dei jure obsequium, humilitas cordis & vestium; sermo etiam modestus, idemque sufficiente sale conditus, quem non frangerent, quem ad virtutem non accenderent? Hac tali virginum militia, his gymnasiis in brevi locus adolevit, & in omnis humanitatis crescens annositatem, non, ut prius, à belluis Belua, sed Belisâ, hoc est, bene Elysia vocari cœpit.

Ita Theodericus Abbas S. Trudonis in vita, quam exhibent Surius & Bollandus d. 8. Julii. Mabillonius verò nec in prætermisissis Sanctorum vitis Ord. S. B. habet; ejus tamen Menardus & Bucelinus in suis Menologiis meminerunt.

§. VI.

Crux S. Lamberto Trajectensi Episcopo in cælesti visione ostensa locum sepultura S. Landrada designat.

Cùm S. Landrada, Abbatissa Belisensis, ex hac vitâ migratura esset, Divum Lambertum „ accersiri præcepit, ut „ in morte quoque ejus foveretur colloquiis, cujus in vitâ „ sem-

„ semper jocundabatur consiliis. Accepto tristi nuntio,
 „ sanctus senex omnibus se expedit, viamque dum maturat,
 „ Landrada interim de hac corruptibili domo in æternita-
 „ tem transmigrat. Pontifex in itinere, ingruentibus tene-
 „ bris, dulci visione jucundatur. Somnivigilanti & velut in
 „ extasim raptò, quadam gravi majestate venerabilis virgo
 „ apparuit, & senilem arguens tarditatem, solita & fami-
 „ liari allocutione de mora reprehendit, cur scilicet abeunti
 „ mysteria ipse suis manibus non tradiderit.

„ Ille negligentiam excusat, de illis quæ supersunt : ut-
 „ pote de sepulchri loco se paratum reddens. Et illa : Ar-
 „ rectis, inquit, oculis cælum suspice, & quo se extendat
 „ per medium lucis nimbum Crucis signum diligenter in-
 „ tende. Lambertus totum se in visionem extendens, & ve-
 „ lut quosdam fulguris tractus, quò poterat, conatû sequens,
 „ notat locum, Crucis fulgore designatum cum admonitio-
 „ ne Virginis. Hic, inquit, sepulturæ locus : hic cinerum
 „ meorum erit tumulus usque in diem, quâ jusserit Domi-
 „ nus.

„ Hæc jucundâ illius demonstratione, istius attentione
 „ Virgo cœlis recipitur : Episcopus à somno erigitur, & re-
 „ legens visionis suæ libellum, festinato & præter vires cur-
 „ su delatus Belysiam, invenit eos agentes de sepulchro in-
 „ fra Ecclesiam. Expleta oratione, episcopali facundia ple-
 „ bem suam alloquitur. Postremò de revelatione ad eum
 „ facta sermonem ingreditur. Submurmurant statim uni-
 „ versî, & necdum perorantem clamore tumultuario impe-
 „ diunt, & velut impugnant. Hic, ajunt, fuit consecrata
 „ & prælata. Ejus operibus hæc crevit Ecclesia. Hic per
 „ eam puellaris adolevit turba, hic cæcos illuminavit, hic
 „ claudos erexit; hic omnibus incommodis se opposuit. Tu
 „ ipse hic studiorum ejus adminiculator, tu virtutum atte-
 „ stator, ipsiusque hujus Ecclesiæ consecrator. Non est epi-

„ scopi populum lædere: non est Pastoris, oves velle spolia-
 „ re, ut quam vivam tenuimus, mortuam amittamus. Nul-
 „ lum hoc pietatis, nullum hoc officium humanitatis, san-
 „ ctam à nobis dimittere, virtutum operationem aliis relin-
 „ quere. Age tua pro officio, cætera nos curabimus pro
 „ tempore & negotio.

„ Hac tumultuariæ plebis Lambertus permotus pertina-
 „ cia, facile est, inquit, præesse civibus, sed difficile place-
 „ re omnibus. Obedire quidem Deo oportuit, magis quàm
 „ hominibus. Sed certus cùm sim, nihil posse mutari de
 „ omnibus, quæcunque voluerit Dominus, sciens, & pru-
 „ dens manum in flammam mitto, & voluntati vestræ inte-
 „ rim me præbeo. Sic ad votum populi Virgo sepelitur:
 „ sed Episcopo nihil de pristina sollicitudine imminuitur.
 „ Sciebat enim facilius elementa posse mutari, quàm Landra-
 „ dam mentiri. Jejunium sibi Episcopus indicit, orationes
 „ cum jejuniis continuat. Demùmque exacto triduo, in
 „ concione pro re pauca declamat. Dei, inquit, voluntati
 „ nolle obedire, contra torrentem brachia extendere. Ideò-
 „ que tempus est, de nostro quoque ut pendeat iudicio, quid
 „ illa nobis dudum exposita sibi velit nostra visio; ocularia
 „ fides adhibeatur; tumba virginis aperiatur, ut omnis su-
 „ per hoc negotio scrupulus amoveatur.

„ Acclamatur ab omnibus: pedibus eunt in sententiam,
 „ & apertâ tumbâ, non modò corpus, sed neque ipse repe-
 „ ritur corporis locus. Expallent tacito murmure cæteri
 „ solus Episcopus Deo gratias agens, & ut filios paternè de-
 „ mulcens: Quia, inquit, jam quievit dissidentia, experia-
 „ mur nunc, quid Dei possit magnificentia. Prædux ipse
 „ viam arripit: populus comes secum Wintreshovum usque
 „ percurrit; in quo scilicet fundo idem Episcopus olim à
 „ venerabili genitore suo Apro, sancto archipresbytero Lan-
 „ doaldo commendatus, nutritus, & adultus, in sanctitatis

„ api-

„ apicem excrevit. Ibi relegens suæ illius visionis indicia,
 „ & ostensæ *Crucis* vestigia, effusa humo (o rem novam &
 „ novè semper stupendam!) Virginis glebam cum ipso sarco-
 „ fago inveniunt transportatam, eo ordine, eâ decenti re-
 „ verentia locatam, ut nulli sit dubium, Angelorum id effe-
 „ cisse ministerium, *Abbas Theoderic. l. c. in vitâ S. Landrada.*

§. VII.

Apparitio Crucis ante Martyrium S. Lamberti *E. & M.*

Cùm S. Lambertus Episcopus Trajectensis Martyrio affi-
 ciendus erat, *Crux* supra ædes ipsius conspicuam se de-
 dit, eo fulgore & splendore, ut vel ipsorum hostium oculos
 perfringeret: *Viderunt enim signum admirabile Crucis Domi-*
nica effigie supra Episcopi domum rutilare, tanta luminis clari-
tate & splendore, ut nec conspici facile posset, nec ullis verbis
exprimi. Quod sanè, inquit Stephanus Episcopus Leodiensis
in vita (dddd) S. Martyris, Christus Dominus idcirco mortali-
bus apparere voluit, ut per id liceret perspicuè animadverti San-
ctum Episcopum mundo huic & ejus cupiditatibus atque deside-
riis esse crucifixum.

§. VIII.

Apparitio Crucis in loco Martyrii S. Bonifacii *Germania Apostolici.*

IN Trajectensi Dioecesi in Doccum, ubi S. Bonifacius mar-
 tyr trucidatus fuit; *Crux* visa est in ejusdem Martyris festo
 die, ingens sanè & albi coloris, perinde ac si trabi altera trabs
 Ff 3 trans-

(dddd) Apud Sur. d. 17. Sept;

transversum artificiosè impacta esset. *Greiser, de S. Cruc.* l. 1. p. 54.

§. IX.

Crucis apparitio in morte S. Hildegardis Abbatissæ.

SANCTÆ hujus Abbatissæ, prophetiæ dono illustris, felix ex hac vitâ transitus apparitione Crucis à Deo fuit illustratus. „ Supra habitaculum, inquit Theodericus Abbas in „ vit. lib. 3. cap. 27. in quo Sancta Virgo primo crepusculo „ noctis Dominicæ diei felicem animam Deo reddidit, duo „ lucidissimi & diversi coloris arcus in firmamento apparuerunt, qui ad magnitudinem magnæ plateæ se dilataverunt, „ in quatuor partes se extendentes, quorum alter ab aquilone „ ad austrum, alter ab oriente ad occidentem procedebant. „ At in summitate ubi hi duo arcus jungebantur, clara lux „ ad quantitatem lunaris circuli emergebat, quæ latè se pro- „ tendens, tenebras noctis ab habitaculo depellere videbatur. In hac luce *Crux* rutilans visa est, primùm parva; „ sed crescendo postea immensa, circa quam innumerabiles „ varii coloris circuli, in quibus singulis singulæ rutilantes „ Cruciculæ oriebantur cum circulis suis, priore tamen minores conspiciebantur. Et cùm hæ in firmamento se dilatassent, latitudine sua ad orientem magis pertingebant, & „ ad terram versùs domum, in quâ sancta virgo transierat, „ declinare visæ totum montem clarificabant. Et credendum quod hoc signo DEUS ostendit, quanta claritate dilectam suam in cælestibus „ illustraverit.



§. X.

Cruce S. Elisabethæ Schœnaugienſi Abbatiffæ apparet.

HAbuit hæc S. Abbatiffa plures Crucis apparitiones, quæ in ejus vita legi poſſunt. Ego unam referre ipſius verbis contentus ſum: „ Accidit quadam vice, inquit, cùm „ frequenter ſe mihi obtuliſſet columba nivea illa, de qua „ dixi, ut apud me ipſam dubitarem de illa, & quærerem à „ Domino Abbate, utrùm poſſet ſathanas ſe transfigurare in „ columbam. Qui cùm negaret ſe unquam hoc legiſſe, & „ ego dubia permanerem; aſpexi quadam die Crucem, quam „ videre ſoleo; & venit ex adverſo columba illa & reſedit „ in ea. Sic ergo certificata ſum, non eſſe hoc ſathanam, „ quoniam inimicus eſt Crucis. *Ex vita cap. 2. extat apud Bolland. in Act. SS. d. 18. Julii pag. 613* Qui autem fiat, quòd dæmones aliquando Cruce non modò non terreantur, ſed & eâdem ad varias ſuperſtitiones & incantationes abutantur, præclare ex S. Auguſtino docet inſignis Theologus, Jacobus Gretſerus lib. 4. de S. Cruce cap. 44.

§. XI.

Cruce ſplendida præſignat locum futuri Monafterii.

Conditor perilluſtris Monafterii Sigebergenſis eſt ſanctus Anno, Archiepiſcopus Colonienſis. Cùm aliquando in cryptâ Eccleſiæ S. Petri reſidens ſecretiùs pſalleret, à quodam ſuperveniente ſene his verbis eſt admonitus: Ne mora ſit, venerande præful, in extruendo requiei tuæ loco, quem DEO prædeſtinante in monte, qui à præterfluente flu-

fluvio *Sigeberg* cognominatur, habebis. Accessit huic adhortationi prodigiosa S. Crucis apparitio. Interiacente propè milliario, vicus quidam *Stieldorp* dictus, memorato distat à monte. Hujus incolæ Dominicæ diei festo tracti, sub iisdem diebus Ecclesiam petentes, cum licentia populari varia conferentes, liberum quaquaversum dirigerent intuitum, contra montem prospicientes, repentè signum Crucis cœlo contiguum, quasi dependens vertici ejus imminere cernebant. Quod dum pulchrè ex colorum varietate distinctum mirarentur, qui prudentiores erant, ingens dicebant esse ostentum, per quod portenderetur, triumphum Crucis inibi digna veneratione frequentandum, cultoribus loci fide Crucis, non armis visibilibus, semper triumphantibus. Quare nihil cunctandum ratus ad construendum in monte victrici monasterium, diversis vallatus artificibus pontifex accessit. Quid multa? De cœlis auxilio præstito consummatio templi prosperata est, quod anno Dominicæ incarnationis millesimo sexagesimo sexto, decimo Calendas Octobris, nomini S. Michaelis Archangeli specialiter assignans, in honore omnium cœlestium Virtutum sub patrocinio gloriosi ducis Mauritii, sociorumque ejus consecravit. Cùmque sanctæ Crucis aram sanctificare, & in eam Reliquias imponeret, lux igneo cœlitus radians fulgore, pariter introire visa est. *Surius d. 4. Decemb. tom. VI, p. 710.*

§. XII.

B. V. MARIA apparens Cruce aurea S. Egwinum benedicit.

ANno gratiæ DCXCII. tempore Regis Ethelredi, filii Pindæ, Regis Merciorum, & Brithwaldi Archiepiscopi, S. Egwinus DEO dilectus Wigorniensis Ecclesiæ præfula-

fulatum suscepit, cui gloriosissima Virgo MARIA cum *Cruce*, decimo anno sui Episcopatus, in loco, qui dicitur *Hethome*, nunc verò Evesham, nominatur, manifesta visione apparuit; quæ in ipsius vita his verbis describitur.

„ Illis diebus locus erat in territorio Wigornienſi, du-
 „ mis & vepribus condens incultus, qui à modernis Eoves-
 „ hamium appellatur: hunc B. Egwinus à Rege Mercio-
 „ rum Ethelredo expetiit & obtinuit. Super illam quoque
 „ ſylvam quatuor paſtores gregum ad viſualia ſervorum
 „ DEI nutrienda conſtituit. Ex quibus unus Eoves nomi-
 „ ne, quadam die ad interiora ſylvæ progreſſus eſt: & ec-
 „ ce adſtabat in loco quodam virgo quædam cum aliis dua-
 „ bus virginibus præclariffima, omnem mundanam pulchri-
 „ tudinem & ipſius ſolis fulgorem ſui ſplendore & gloria
 „ devincens, librum in manibus tenens, & cum ſacris vir-
 „ ginibus cœleſtia cantica pſallens. Expavit vir ille tam
 „ coruſca viſione hebetatus, nec ferens cœleſtia conſpice-
 „ re, tacitus ac tremens domum redit; quæ viderat ſancto
 „ Epifcopo intimare curavit. Vir autem DEI tacitè rem
 „ conſiderans, poſt jejunia & preces quadam die cum tri-
 „ bus ſociis, & cum pſalmis & orationibus devotis, nudus
 „ pedes ad locum deſignatum pergit, eminusque relictis
 „ ſociis ipſe interiùs proceſſit, diutiùsque terræ accubans,
 „ cum gemitu & lacrymis implorabat reſpectum miſericor-
 „ diæ redemptoris. Surgente illo ab oratione, tres virgi-
 „ nes non minoris ſplendoris & gloriæ, quam priùs appa-
 „ ruere: quarum quæ media erat præceſſor, domni nitore
 „ ſplendidior præfulgebat, liliis candidior, roſis vernan-
 „ tior, ebore inæſtimabili fragrantior, librum quoque ma-
 „ nibus præferens, *crucem auream luce radiantem*. Cùm
 „ que cogitaret hanc Domini genitricem eſſe: virgo præ-
 „ cellentiſſima, quaſi favens tam piæ æſtimationi, adoran-

G g

„ tem


„ tem prætensâ quam tenebat Cruce benedixit , & cum ta-
 „ li valefactione disparuit.

Quem quidem locum S. Episcopus Egwinus , in quo à Virgine Parente benedictionem cum Cruce acceperat , consentiente Rege Ethelredo , atque donante statim ædificare inchoavit in honore ejusdem gloriosæ Virginis **MARIÆ**. Sexto siquidem anno posthæc Episcopatum prædictum ex toto reliquit , & apud Evesham primus Abbas, Pastor, & Patronus effectus est , ubi sanctissimè ac religiosissimè novem annis vivens cum Patribus devotissimè perrexit ad Dominum, videlicet 3. Kalend. Januarii anno gratiæ **DCCXVII**. Vid. *Monast. Anglic. de Abbat. Evesham. & etiam S. Egwini in Actis Sanctorum Ord. S. B. sec. 3. part. 1. p. 333.*

§. XIII.

*Angelus apparens signo S. Crucis inconsideratum
 tollit timorem.*

Teutonicus quidam *Eppo* nomine à beato patre *Hugone* Ab-
 bate Cluniacensi in Monachum susceptus , toto quo postmodum vixit tempore, religiosè conversatus est. Qui appropinquante horâ vocationis suæ, infirmitate correptus, in domum infirmorum secundum morem delatus est. Erant ibi & alii fratres, morbis & ipsi diversis laborantes. Quorum quidam cæteris morti proximiores , ultimum pene spiritum natura succumbente trahebant. Interea frater jam dictus valetudine ingravescente, & ipse ad extrema perductus, inter vitæ mortisque discrimina agonizabat. Adhuc tamen sensu & verbo integer conspexit infandam dæmonum turbam cum titutionibus igne fumigantibus irruentem, per domum illam infirmorum furioso ubique impetu discurrere. Qui cum ita bacchantes huc illucque verterentur, ecce beati Apostoli de cæle-





Apparitio S. Patris Benedicti.

cælestibus advenientes perterritos fratres ne timerent blandè hortati sunt, & mox gloriosa sui adventûs præsentia latrunculos illos effugaverunt. Verba verò loquentium Sanctorum ab astantibus audiebantur, sed personæ minimè cernebantur. Sic domo Dei Apostolica præsentia ab immundis spiritibus emundata, cælestis visionis gloria augmentatur, & beatis Apostolis Sancti Angeli conjunguntur. Habetur autem in domo media locus, unius corporis capax, ad hoc aptatus, ut fratres ibidem in cinere & cilicio compositi, extremum Deo inde spiritum reddant. Hunc locum frater, hujus visionis conspector, quodam inconsiderato timore ita abhorrebat, ut nullatenus ei se appropinquare pateretur. Dum ergo ea, quæ dicta sunt, contemplaretur, respexit, viditque Angelum Domini manum in sublime porrigentem, signo Sanctæ Crucis locum eundem signasse. Quò factò visio ab oculis ejus subtracta est. Jam omni à corpore ejus stulto timore sublato, post paululum se in loco eodem reponi fecit, sicque animam suam sanctis qui apparuerunt, alacriter tradidit. *Petrus Venerabilis de Miracul. lib. 1. cap. 19.*

§. XIV.

S. P. Benedictus apparens attactu Sanctæ Crucis moribundum sanat.

S LEO, Pont. Max. cùm adhuc esset adolescens, Bruno dictus, in ædibus suorum parentum, præpotentium in Alsatia comitum, grave adiit vitæ discrimen. „ Nam quodam æstivo tempore dum ex more cum eis apud nobile castrum, Eginisheim nuncupatum, moraretur, superveniente „ cujusdam nocte Sabbati, in amænissimo cubiculo soporatur. Cujus dexteram faciem venenosa illa rana, quæ bufo „ nuncupatur, sive rubeta, conscendit, eique ex anterioribus „ pedi-

„ pedibus unum in genis, alterum autem sub labio, & ex po-
 „ sterioribus priorem post aurem, alterum verò sub mento
 „ affigens, fugere ac stringere immaniter cœpit. Quo dolo-
 „ re expergefactus, horribilis animalis deprehendit faciei suæ
 „ incumbere perniciosum pondus. Tanto itaque, tamque
 „ novo periculo attonitus à strato se ocyùs corripuit, & im-
 „ modicum non perferens cruciatum, ietû palmæ post au-
 „ rem libratae, virosum illum in eundem stratum suum de-
 „ cussit, timens ne si manû medium arreptum extrahere
 „ tentasset, acriùs irreperet. Tunc nequam ille, licet in suo
 „ super lectum casu elisum sonitum ediderit, tamen capita-
 „ lem pulvillum denuo conscendere, ipso perspiciente, non
 „ distulit; nam lunaribus radiis tunc illustrabatur omne pe-
 „ netral cubilis. Nec mora famulorum turba repentino di-
 „ lecti domini sui clamore accita accurrit, lucernam secum
 „ exhibuit, sed pestiferum illud animal sub illorum ingressû
 „ nusquam comparuit. Inquiritur passim diligentissimâ ve-
 „ stigatione vernaculorum, sed omni supellectili cubilis ever-
 „ sa ac perscrutatâ, minime fuit repertum. Sed sive illud
 „ verum aut fantasticum fuerit, plagas tamen veras, & do-
 „ lores veros reliquit. Quibus etiam totum vultum, gut-
 „ tur, ac pectus tumefactus, usque ad desperationem aliqua-
 „ tenus recuperandæ sospitatis est infirmatus. Uterque ejus
 „ parens, omnesque sui super hoc miserabiliter duobus men-
 „ sibus plenis consternebantur, solum funus jam efferri su-
 „ spicantes, lugubrem illam exsequiarum pompam continuïs
 „ suspiriis & lacrymis præstolabantur. Verùm benignissimus
 „ JEsus, desperatis rebus succurrere solitus, super plenaria
 „ ejus sospitate subito parentes ejus est consolatus: & Eccle-
 „ siæ suæ per hanc relevandæ secundùm propositum suum
 „ recordatus. Nam cùm jam duobus mensibus à lecto per
 „ se minimè surgere potisset, jamque concrescente infirmi-
 „ tatis nimietate, sine loquela octo diebus permanisset: tan-
 „ dem

„ dem quâdam die apertis oculis, supino, ut recubabat vul-
 „ tu vigilans conspexit quasi luminosam scalam ab ipso suo
 „ grabato per seipsum erigi & fenestra ad pedes ejus transita
 „ usque in cælum porrigi, atque per eam quendam nimie
 „ claritatis, reverendæ canitici senem descendantem in ha-
 „ bitu monachali, *cujus dextera gestabat Crucem conspicuam*
 „ *in longo bastili.* Qui ad ægrotum ut pervenit, sinistrâ
 „ manu scalam retinuit, dextrâ verò eandem *Crucem* primum
 „ ori ejus apposuit, deinde loca tumoris ex ipsa signavit, &
 „ totius veneni incoctam putredinem post aurem extraxit;
 „ statimque via, qua venerat, reversus, dimisit infirmum ha-
 „ bentem se melius. Nec mora denique Adalberonem suum
 „ clericum, tunc tantummodò ejus assidentem lectulo, allo-
 „ cutus, per eum optato nuntio paternam domum repressit
 „ à diutinis clamoribus. Post aliquot autem dies omni ve-
 „ neno pustulæ illius, ruptâ cute post aurem ejecto, sospes
 „ & incolumis evasit, sub maximo cunctorum miraculo at-
 „ que gaudio. Qui sicut nunc usque inter commonitoria
 „ colloquia tam evidentem Dei miserationem super se agni-
 „ tam recitare suis familiarissimis est solitus, profitetur se in
 „ præfatâ ecclasi beatissimum patrem Monachorum BENE-
 „ DICTUM illicò luce clarius agnovisse ex qualitate vultûs
 „ & habitûs. Cujus corporis accidentalem dignoscentiam
 „ ita commemorat, quasi præ oculis carnis adhuc habeat.
 Haftenus Wibertus auctor gravis & coævus in vita S. Leo-
 nis IX.

Ab hac verò descriptione cælestis illius apparitionis, quâ
 D. BENEDICTUS cum Cruce se conspiciendum præbuit,
 mos ille videtur repetendus, quo idem S. Patriarcha
 cum Cruce longo bastili præfixâ depingi
 consuevit.

§. XV.

Apparitio Crucis super Monasterium Corbeia Nova in Saxonia.

Fundatorem si spectemus, *Corbeia Nova* Cæsareum, Augustum, & nulli secundum Asceterium est, ut quod à Ludovico Pio Imperatore per S. Adalardum Corbejæ veteris Abbatem anno 822. fundatum & dotatum fuit. Si primos ac veteres illius Ascetas contemplemur, in firmamento Religionis Benedictinæ astrum est primæ magnitudinis, quod doctrinæ, virtutum, ac Apostolici zeli radiis non Germaniam modò, sed septentrionem totum mirè illustravit. Populus Daniæ, Norwegiæ, Sueciæ, aliarumque provinciarum ac regnorum ambulabat in tenebris, donec ex *Corbeia Nova* lux orta est eis. Habebant verò S. Anscharius, aliique Monachi Corbejenses linguas dispersitas vitæ & doctrinæ. Faciebant & docebant. Quò factum, ut totum serè septentrionem ad Christiana sacra amplectenda adduxerint. Igitur *Corbeia Nova*, ut dicebam, ceu astrum primæ magnitudinis miro virtutum ac doctrinæ fulgore Ecclesiam Catholicam multo tempore illustravit; post elapsa verò aliquot sæcula negari non potest, quin ecclipsin passa sit: neque enim in perpetuo observantiæ regularis meridie inviolabili splendore perseveravit; sed primo despoliata fervore in disciplina monastica tepuit, atque magnis passibus ad occasum properavit.

Tum verò anno MCXVI. *aurea Crux cælo delapsa super Corbejam tantum de se sparsit splendorem, ut omnes rapti fuerint in stuporem.* Singulare verò ac eximium Divini Numinis erat beneficium hæc Crucis apparitio; per eam siquidem monachi tepidi, dissoluti, exleges sui officii admoniti fuerunt. Vita enim monachorum nihil aliud esse debet, quàm
affi-

affidua Crucis meditatio, & perpetua imitatio Crucifixi.
 „ Qui vero, ut Eminentissimi Cardinalis Bellarmini verba
 „ superius allata hîc repetam, qui verò cum Christo cruci
 „ affixi sunt, & mundo mortui per externam observantiam
 „ regularem; & virtutibus Christi crucifixi carent: ii cum
 „ infelici latrone crucis ignominiam, & dolores patiuntur;
 „ sed Christi crucifixi gloriam & præmia non assequuntur,
 „ & *melius erat illis, ut loquitur S. Petrus, non cognovisse viam*
justitiæ (perfectæ) quàm post agnitionem retrorsum converti ab
eo, quod illis traditum est, sancto mandato.

Sic igitur felici sanctæ Crucis fidere in Monasterio Cor-
 bejæ Saxonicæ collapsa disciplina Monastica instaurata est,
 cujus chorda ne æquo laxius iterum remitteretur, Religio-
 sissimæ Congregationi Bursfeldensi anno 1486. se adiunxit.
 Quo etiam labente sæculo, ut in Chronico Huxariensi pag.
 135. legitur, Anno MCCCCLXXIV. „ Excellentissimus &
 „ Nobilissimus Vir veniens Corbeiam cum stupore & summa
 „ reverentia intuitus est *admirabilem locum*, Deo gratias agens.
 „ Idem quoque fecit Nicolaus de Cusa Presbyter Cardinalis
 „ ad Vincula, & Sedis Apostolicæ Legatus per Germa-
 „ niam &c. Hic sanctitate & gloria Corbejæ permotus Min-
 „ dâ, ubi tunc erat, huc accessit. Arcam Monasterii ingres-
 „ sus, in terram prostratus, eam osculatus est, dicens eleva-
 „ tis ad cælum manibus: *O sancta tellus! qua tot genuisti*
Apostolos & Episcopos. Sit Dominus in sæcula benedictus.

Apparuit igitur aurea Crux super Corbeiam Novam:

species ejus in visione gloria. Eccles.

cap. 43.



§. XVI.


S. Crucis apparitio super ergastulum S. Bavonis.

S. Alloinus, seu Allowinus, cui cognomen Bavoni inditum, Francorum principum genus, & Austrasiæ Ducum hæres fuit. Ab uxoris obitû nomen suum inter Gandavenfes Monachos sub S. Floreberto Abbate professus est. Vitam, supra quam dici potest, egit austeram. Postquàm in cellâ reclusus fuit, non modò gradum è tugurio nullum extulit, sed etiam tenaci utrumque pedem cippo inclussit, quibus in pedicis ferè quatuor menses hæsit, deditque veteri libertati pœnas. Dira, ô cœlites! supplicia! quæ tamen Allowinus inter nugas habuit: idcirco invenit, quî corpus totum subigeret, vexaret, funus faceret. Accitis nimirum S. Amando Episcopo, & Floreberto Abbate, huc & huc ora vertit, nihil esse pœnæ questus cippum ferre: proinde cupere exire, & corpus totum in arcto compingere: & si liceat, complicare. Illi mitte quæsumus, inquirunt, insolitos hujusmodi cruciatus. Saltem da tibi inducias. Non tamen destitit ille rogare per sacra, ut probarent, quæ supplex peteret. Tandem precibus fracti significarunt se permissuros. Quid sit? Cippo exclusus foras, ergastulum mediò domûs æquore molitur, quod solum hominem unum admitteret, pedibus insistentem, huncque adeò arctè coerceret, ut caput neque dextrorsum, nec lævorsum avertere posset: si vellet tamen, inclinaret, Christi in Crucem sublatis effigiem exhibiturus. Quod igitur bene eveniat, anno post salutem partam sexcentesimo nono, V. Id. Novembris vivere Bavo, quantum potuit, desivit: morti se dedit: Age verò, quid deinde virum facturum putas? sepulchrum vitâ nondum amissa subit. Quid non aggredimur mortales, si magna nobis præmia proponuntur? Porro ne quicquam in hoc funere desiderares, Clerus populûsque

lúsque Gandavenſis fuit accerſitus; prælata Crux: admota fumantia thura: præluxere faces: auditæ lugubres voces: viſæ lachrymis natantes genæ, ut cadaver efferri nullus dubitâſſet. Parochi munere functus eſt Sanctus Amandus, in egregio Mauſoleo Bavonem vivum condendo. Non modò is ſiccus, verùm etiam lætus intravit, quaſi poſt longam jaſtationem fidiffimo portu tandem potitus eſſet, duobus ampliùs annis nec pedem inde diſceſſit. Noſtrum eſt, *Laudare Dominum in Sanctis ſuis.*

Cùm verò non deeſſent, qui pollicem roderent, atque auſteritatem hanc pro temeritate acciperent, DEUS, illam ſibi probari, prodigiò oſtendit. Fortè in ſummum faſtigium ſol radiis vallatus evaſerat, cùm lux in crucem diſpenſata ſe cœlo in Allowini cellam demiffit. Confertam populi turbam attonitis oculis in ſpectaculo hærentem ſacer corripuit horror, divinam majeſtatem à quopiam mortali in terras deduci potuiſſe. An ſtipendium illi numerare cœpit DEUS, etſi nondum militia ſoluto? Inde ſemper in ore habuit: *Me autem gloriari oportet in cruce Domini noſtri Jeſu Chriſti.*

Poſt hæc in lethalem morbum incidit; quo etſi frangeretur, nihilominus ora pallore imbuta præbuit orationi: circumfuſos Monachos, vacuas aures admoventem plebem ad æternam beatitudinem erexit: ſingultientes & complorantes blandis dictis demulſit. Interea venit ad ultimam lineam rerum, felici anima ſponte ſua è vinculis eluſtante. Sub hæc deſluunt Angeli, quin ipſe Rex cœlicolum, ducturi funus. O terra! Allowinus prægaudio ſui propemodum incertus, qua licuit per defeſtas vires vocem raucam intendit paſſis brachiis. *Vale, ingeminans vale ſervorum Dei Eccleſia. Chriſtus adeſt: egredere in occurſum ejus anima mea.* Hiſce cum verbis vitam effudit, ac felici S. Crucis fidere ad ſuperos migravit. *Yeſeſus in Chron. Gener. O. S. B. cent. 2. p. 99.*



CAPUT V.

*Per signum Dominicæ Crucis res prodigiôsè gestæ
à Sanctis Benedictinis.*

Benedictinam erga Crucem Christi devotionem miraculo-
rum fulgor mirificè illustrat. Quî enim futurum fuisset,
ut Majores nostri vel solo Crucis signo tot tantæque
ederent prodigia, nisi eandem summæ habuissent venerationi?
In permultis eorum divinum illud Marci 16. oraculum adim-
pletum fuit: *Signa eos, qui crediderint, sequentur.* Quod sic
interpretari liceat. Cùm Majores nostri in Jesum & hunc Cru-
cifixum fide non illâ mortuâ & inani, sed viva & igne cha-
ritatis succensa crederent, ut sacra ejus Cruce nihil pretio-
sius, nihil charius, nihil veneratione magis dignum se habere
testarentur, in pium & laudabilem induxerunt morem, ut si-
gna S. Crucis non minùs sæpe quàm devotè facerent; sed
hæc ipsa Sanctæ Crucis signa alia signa, id est, prodigia &
miracula non rarò sequuta fuerunt, quibus Deus magnam eo-
rum erga S. Crucem devotionem ac pietatem quodammodo
remunerari & compensare voluit. Fuit igitur in Ordine Divi
Benedicti, ceti illustri parte congregationis & Ecclesiæ eorum,
qui crediderunt, miraculorum signo Sanctæ Crucis editorum
multitudo & fulgor; è quibus nonnulla commemorare ne-
mini ingratum fore speramus, quàm plurimis, ne lectori
prolixa narratione tœdium afferamus, silen-
tio prætermisissis.



§. I.

*S. Maurus Abbas Coeco deprecanti signo Crucis
lumen restituit.*

Cùm S. Maurus ex Monte Casino iter in Gallias faceret, Agaunum pervenit in agro Octodurensi, nunc Diœcesis Sedunensis. Ibi prodigium memoratu dignum edidit, quod S. Faustus itineris socius his verbis in vitâ (cccc) ipsius describit. „ Exinde cùm Ecclesiam pretiosorum Martyrum „ Christi Mauriti ac sociorum ejus, gratiâ orationis omnes „ simul fuisset ingressi, coecus quidam ex matris utero „ pro foribus ejusdem Basilicæ sedens, & ab intrantibus ac „ egredientibus quotidianum mendicando victum deposcens, „ comperit à sociis itineris nostri illic Maurum advenisse, discipulum beatissimi Benedicti, cujus fama sanctitatis jam „ ubique percrebuerat. Cùmque oratione completâ ostium „ Basilicæ fuisset egressi, Coecus isdem in pavimento toto „ prostratus corpore deprecari & obtestari beatum Maurum „ cœpit dicens: Adjuro te, Maure serve Dei, per hos pretiosissimos Thebaidæ (ffff) Legionis venerabiles Martyres, & per Magistri tui venerabile nomen Benedicti, ut tuis sanctis precibus lumen oculorum mihi conferri obtineas à Domino. Sanctus ergo Domini hoc audito, parum „ per figens gradum substitit, eumque de pavimento surgere præcepit. Cùmque stetisset ante illum, interrogavit illum dicens: Dic mihi, homo, quantum temporis jam emensum est, ex quo hæc Sancta Sanctorum adisti limina? Cui respondit dicens. Undecimus penè jam elabitur annus. Et Sanctus Domini ad hæc ait: Nunquid si voluissent hi sanctissimi ac Domino charissimi Martyres, qui corpora sua sancta pro Christo gladiatoribus perimenda exposuerunt, ut animas pro

H h 2

ipso

ipſo ponerent, lumen oculorum tibi à Domino dari impetrare non potuiſſent? Iſtos itaque attentius exorando deprecare, quorum magis hæc quàm noſtra ſunt opera, & quorum ipſi non minùs cæteris indigemus ſuffragiis. Et hæc dicens cœpit abire. Cœcus verò horrenda quædam & pavenda vociſferando inſclamare ſacramenta non intermittebat, uſquequo ſanctus vir nobis etiam compellentibus, ſedibus oculorum ejus, quibus eatenùs lucicorni ſolis non ſplenduerat claritas, lacrymis madefactos (gggg) dexteræ manùs ſuæ impreſſit digitos, cælóque aliquantiſper intendens, ac ſuper eos ſignum noſtræ redemptionis edens, Dominus, ait, & Salvator noſter JESUS CHRISTUS, qui eſt vera lux quæ illuminat omnem hominem venientem in hunc mundum, ipſe te per invocationem ſancti ſui nominis & merita horum beatorum ſanctorum ac Magiſtri noſtri Benediſti illuminare dignetur, ut videns mirabilia opera Altiffimi, quibus diſtinguere mundanæ voluit formam creationis, ipſum conditorem horum ac reſtauratorem noſtrum voce exultationis & opere veræ credulitatis collaudes.

Hæc Sanctus Vir cùm oraſſet, ſtatim ſanguis ubertim ab oculis ejus deſluere cœpit, & continuò clariffimis luminibus ſphæram ſolis reſpectans hymnum trium puerorum ex ordine decantare clara voce cœpit. Vocabatur autem vir ille LINUS; qui ut ab ipſo comperimus, tam Pſalterium, quàm omnia & diurna & nocturna audiendo didicerat officia. Habitatores autem loci illius videntes tale miraculum per beatum Maurum celebratum, ſimul in unum conglobati deprecabantur eum, ut benedictionem ſuam ſuper eos daret. Quibus ipſe hac tantùm reſpondit voce: Benedicat vobis Dominus Deus noſter, qui habitat in Sion, ut videatis quæ bona ſunt in Jeruſalem omnibus diebus vitæ veſtræ. Deditque mandatum illi, qui illuminatus fuerat, ut nunquam jam ab
ipſa

(gggg) al madefactis.

ipsa Ecclesia discederet, sed jugiter ibi Domino & Sanctis Martyribus deserviret: quod ipse postea devotissimè implevit. Cum enim post transitum beati Mauri ad nostrum reverteremur Monasterium, Clericatus eum functum officio in ipsa invenimus Ecclesia, & decrepitam jam agentem senectutem.

§. II.

S. Placidus Martyr multos infirmos uno Crucis signo sanitati restituit.

S. Placidus cum à Divo Benedicto ex Monte Casino in Siciliam missus fuisset, ac juxta civitatem Calatiam (hhhh) iter ageret, quidam languidus ei factus est obviu, conquirens, quòd accolæ regionis illius gravi tædio laborarent. Vir autem Dei illius fidem admirans, oratione præmissa, salutiferæ Crucis vexillo languidos cunctos, qui præsentés erant, consignans, pristinæ saluti restituit. Tunc temporis quædam mulier filium parvulum habens in ultimo statu palpitantem, jamjamque moriturum, ante Sanctum Domini Placidum obtulit, dicens: Placide pater honestissime, qui sanitatis gaudia quamplurimis reddidisti, respice quæso voces ancillæ tuæ, attende fletum, suscipe preces, & mihi unicum filium jam in extremis positum redde, ut plena gaudio, vacua gemitu, cuncta regentis laudare possim magnalia. Vides infelicem extorquente morte rapinam, aut mihi filium restitue, aut pariter cum ipso funeratam me obtine. Indulge pater Placide, miseræ, per magistrum tuum Benedictum te adjuro, quam dolor reddit audacem. Quâ flebiliter poscente, mox ut beati Placidi dextra supra expirantem signum salutiferæ Crucis expressit, quasi evigilans de sopore matris papillas expectat,

Hh 3

tiit,

(hhhh) Gajazzo.

tiit, qui jam frigebat in mortem. Ita in momento temporis filius de mortis fauce, mater tollitur de mœroris funere. Gratia creatori & gubernatori ab omnibus redditur, Patris Benedicti sanctitas cunctorum ore prædicatur, qui talem dignus fuit nutrire discipulum, à quo morbis jugiter ac languoribus imperabatur. Post hæc oblatus est ei quidam Paralyticus universorum membrorum damnata ferens officia, nullumque vigorem retinens plantæ vel dexteræ. Sanctus autem Domini Placidus, qui dona larga præstabat mortalibus, super eum salutiferæ Crucis signaculum fecit, confestimque morbus excluditur, salubris vigor illabitur, recreatisque visceribus melius renascitur salute, quàm germine: plus acquirens, & plus sumens ex munere, quàm sumsit ex origine. *Vid. vit. sec. 1. Ben. pag. 55.*

§. III.

S. Gregorius M. equitans magorum incantationibus occidendus equum crucis signo sistit.

Paterfamilias erat Romæ, valde rebus ditissimus, sed religione nimis egenus, qui non vitiis minùs plenus, quàm rebus, cum uxor sua ei displicuisset, fecit ab eà contra præceptum Domini nostri Salvatoris Jesu Christi divortium. Res verò beatissimum Gregorium Pontificem piissimum latere non potuit, quia & magnitudo mali, & agnitio personarum se faciliè prodidit; quem B. Gregorius multis & suavissimis monitionibus, seu districti divini examinis terroribus studiosissimè & sæpissimè immò indefinenter persuadere contendit, ut uxorem suam in pacatam gratiam reciperet, à qua quoquo modo divelli nisi morte aut amorum consensu intercedente nequiret. Sed is diabolica præventus irremediabiliter pertinaciâ monita beatissimi Gregorii viri

viri DEI sprevit. Quem ipse sanctissimus Papa Gregorius Apostolica auctoritate ab Ecclesia sub anathemate, nisi resipisceret, sequestravit. Quam excommunicationem idem ægrè admodum ferens, & peccata peccatis accumulans duos magos pecuniis ex placito locat, ut in sanctum apostolicum ad vindictam ejus apodixem suæ artis exercerent. Qui cum facie ignorantes, dum quâdam die ad processionem ex more pergit, sibi eum rogant insinuari. Quibus responsum est, ipsum esse, qui solus Pontificali dignitate equitans, præcedentem & subsequenter cuneum Ecclesiasticorum virorum haberet. Et intuentes eum, repente equum illius maleficiis suis à dæmonibus vexari fecerunt: statimque B. Gregorius, invocato nomine Domini nostri JESU Christi & edito signo Crucis, ab equo perturbavit dæmonia, respiciensque in partem, mox ut magos est contemplatus, illi cœcati, ab eisdem dæmoniis pervasi, ceciderunt retrorsum. Intellexit inde vir Domini eorum id perpetratum nequitia: & cum jussisset eos ad se adduci, interrogati, rei ordinem prodiderunt. Quibus respondit beatissimus Pontifex. Perpetuò cœci esse debetis, ne videntes ad consuetam perversitatem redire tentetis: in nomine autem Domini nostri JESU Christi, operante beato Petro liberi à dæmonibus liberati, & credentes fonte salutari perfusi sunt, ac permanente cœcitate damnati, jubente B. Gregorio de cetero stipe sunt ecclesiastica aliti. *Joan. Diac. in vit. S. Greg. M.*



§. IV.

*S. Amandus Episcopus Trajectensis serpentem
signo Crucis pellit.*

QUadam die dum ei, adhuc novitio monacho, à Fratribus imperatum fuisset, ut obedientiæ causa per insulam Ogiam deambulet, fit ei repenti obviam miræ magnitudinis serpens, sicut idem vir DEI narrare consueverat, ita ingens atque immanis, qualis nec post, nec antea in eadem visus est insula. Quo viso, perterritus puer, sicut ipsa patiebatur ætas, quid ageret, ignorabat. Tum subito superna respectus gratia ad orationum confugit auxilia. Statimque solo prostratus cum aliquantisper orationi incubisset, *signum Crucis* contra immanem opposuit anguem, potentique virtute verborum ut ad latebras quantocius rediret, imperat. Qui dicto obediens, atque ad signum viri DEI fugiens, rapidoque cursu ad latebras remeans, in eadem insula ulterius nusquam comparuit. Sicque eandem insulam per orationem beati viri Amandi omnipotens Deus ab imminente liberavit periculo. Hoc initium signorum ejus ad nos multorum famâ volitante perlatum est, inquit Baudemundus ejus discipulus & Abbas Blandiniensis in vitâ apud Bolland. VI. febr. p. 849.

§. V.

*S. Tillo Monachus Sollemniacensis agram crucis
signo curat.*

QUadam mulier propè jam mortua vulnus gestabat in collo: occurrit ergo sancto viro, obsecrans, ut super hoc signum Crucis armaret, quia jam mori timebat. Cum-
que

que super vulnus plenum vermibus, Christi signum exprimeret, repentè mortui sunt vermes, & fœmina rediit incolumis. Ex vita apud Bolland, d. 7. Jan. c. 3. n. 27. pag. 380. col. 1.

§. VI.

S. Joannes Abbas Parmensis fluvium exundantem Cruce munitus transiit.

Cùm vir iste beatus quodam tempore iter peragere vellet, ad quendam fluvium (Hetruriæ) nomine Arnun per venit. Cùmque idem fluvius inundatione facta sui cursûs alveum egressus esset, & omnia transvadando iter denegaret, ac multa populorum turba propter transvadandi difficultatem, ibi turbata permaneret, Vir Domini prædictus in Christo confisus signo se Sanctæ Crucis armavit; & cum suis omnibus, velut athleta, per medium furentis fluvii alveum transire promeruit. At cùm ipse fluvius in tantum crevisset, ut vix ibi navis cursum tenere potuisset; Vir sanctus ita cum suis recto tramite, adjutus Christi gratia, securus equitando transiit, ut nec etiam unda furens eorum pedes madefactaret. Quod cùm gens equitatura, quæ ad hoc spectaculum cum multis aliis diversi generis hominibus aderat, vidisset, ac temerè similiter equitando transvadare vellet, & vir Sanctus magno cum clamore illis, ne hoc facerent, prohiberet; atque ipsi econtra sancto viro resistendo in fluvium temerè introirent; ita vim suam aqua contra illos extorsit, ut statim in ipso fluvio necati essent, nisi vir sanctus orationibus suis protegendo, & per semetipsum eos adjuvando, citò succurreret. Quo stupefacti miraculo universi qui affuere, magnificas laudes Christo reddiderunt; & manibus in cælum erectis diutissimè Deum glorificaverunt, qui ita quo-

tidie suos non destitit Sanctos magnificare. *Monach. Parmenf. Synchron. in vit. apud Bolland. Tom. 5. Maij d. 22. p. 181.*

§. VII.

*S. Odilo Abbas Cluniacensis signo Crucis oculum
particulâ corticis inhirente læsum sanat.*

Nobilis quidam vir dum jaceret sub arbore, particula corticis in ejus oculum cecidit, cui non modò lumen omnino turbavit, sed & aliarum calamitatum multiplex pondus invexit. Nam cùm id, quod oculo semel infederat, nullo modo potuisset expelli, fugit somnus ab oculis; & non modò homo jam non dormire, sed nec ciborum quidem valebat alimenta percipere. Quem seorsim vir sanctus abducens, signum sibi Crucis impressit, ac mox insufflans super locum doloris halavit. Deinde promittens se salutare pro eo victimas oblaturum, abiit. Abscedente itaque viro Dei, protinus homo suaviter obdormivit. Evigilans autem particulam corticis ab oculo non sine lanugine quadam projecit; & è vestigio factus incolumis, nullam de cætero doloris hujus molestiam sensit. Cæcum etiam ab incunabulis puerum signo salutiferæ Crucis in fronte depicta illuminavit. In Paterniacensi Monasterio Rudolphum puerulum Monachum struma non deturpaverat modò, sed claritatem vocis ei etiam ademerat. Ejus S. Odilo misertus signum Crucis strumæ impressit & sanavit. Ejusdem signi impressione vulnus brachii, quo Turonensis quidam Clericus laboravit, perfanavit.

Vide S. Pet. Dam. in vita apud Mabill. in Act.

Sanctor. Ord. S. B.

§. VIII.

*S. Hermelandus Abbas Atrensis in Gallia signo
Crucis vinum auget, & lampadem extinctam
accendit.*

QUODAM die dum vir sanctus per pagum Nanneticum cum Fratribus aliquibus iter necessarium carpendo conficeret, contigit, Arnaldum, juxta dignitatem sæculi prædixit, clientulorum stipatum cuneo, ei devenisse obviam. Vir quoque Domini diutius eum spiritualibus ex auctoritate divinarum Scripturarum instruens eloquiis post verbi documentum dixit cuidam Fratri: Quia pro captu nostri intellectus huic illustri viro spiritualem ministravimus potum, caritate suggerente etiam corporalem nihilominus sumamus. Qui respondens ait: non plus ibi vini adesse, nisi in parvissimo pendente ad sellam vasculo, quod parum plusquam heminam caperet vini. Sed ipsum jussit afferri, confidens vir Dei, plenus illius fide, qui inter quinque millia hominum panes quinque distribuens augmentavit (nam potestate divinâ, postquam omnes ubertim sunt refecti, plus reliquiarum multò superfuit, quàm integritatis, ante distributionem Apostolorum in turbas fuisset pondus) impresso editoque signo Crucis vir Domini prædicto Arnaldo cum omni comitatu suo jussit distribui. Qui cum omnibus distribuisset, omnesque cum gratiarum actione, ipso distribuente, singulos calices bibissent plenos, vinum tamen tanti sacerdotis merito dispartiendo crevit ex tam parvissimo vasculo. Ipsum quoque vasculum, in testimonium hujus miraculi in ejus servatur Monasterio. Nullus, ut reor, ambigit in hoc miraculo virtutem Eliæ cum imitatum fuisse: quia sicut ille invocato Majestatis nomine oleum, ita iste vinum crescere fecit in vase per virtutem Crucis Christi.

Quod prodigium in augendo vino per signum Crucis alia occasione semel atque iterum repetiit; sed his omiſſis audiamus, quomodo noctū inter orandum viſitans Eccleſias lampadem extinctam ſigno Crucis accenderit: „ Quādam nocte dum ſollicitē orationis gratiā baſilicas ſui coenobii circuiret, in unā earum extinctum cuidam Fratri recuperare juſſit lumen. Quo ſecum deferente, in manū Fratris, ſtante procella venti lampas extincta eſt. Cūmq; iſdem frater, ut eam iterum accenderet, feſtinatō ire cōepiſſet, vir Domini ut ſubſiſteret, innuit, & extentā manū ſignum edidit Crucis, atque ex tenebrarum caligine amiſſum, Chriſto juvante, reſtauravit lumen. Nam poſtea atrociūſ ingruente procella venti, lumen divinitūſ datum, nullius deſenſionis munimine teſtum, inextinctum uſque ad locum, quō deſerebatur, ſolidūmq; perlatum eſt. *Vid. Bolland. in vit. 25. Martii p. 580. & 582.*

§. IX.

*S. Pontius Abbas Andanoenſis ſigno Crucis furem
manifeſtat.*

Monaſterium Andanoenſe juxta Avenionem ſitum eſt. Cum Sanctus Pontius in eo aliis ſplendore virtutum præluſceret, omnium ſuffragiis & votis Abbas fuit renuntiatus. Quādam die dum ſe ad trajiciendū Rhodanum accinſgebat, ſacro prius pro more facto cum amplo ſatis comitatu, ecce occurrunt ei bubulcus vomerem manū tenens & agricola Monaſterii, qui altercabantur de vomere: agricola bubulcum furem appellare, quod vomerem nuper à ſe ſub terrā abſconſum ſuſtuliffet. Alter furtum audacter negabat. Res erat in medio. Sanctus Pontius litis arbiter præcepit, ut vomer in Rhodanum mitteretur, & facto ſuper fluvium Crucis ſigno juſſit eum, de quo major erat furti ſuſpicio, primum è fluvio vome-

vomerem extrahere. Miser ille ausu temerario manum in aquam intulit: quam inde tanquam ex cacabo ferventi elixam sine vomere retulit: & sic furti veritas innotuit. *Monach. Andanoensis Anonym. in vit. S. Pontii apud Hug. Menard in Martyrol. Benediclin. pag. 515.*

§. X.

S. Frodobertus Abbas Trecensis, adhuc puer claret miraculis, & matri signo crucis visum restituit.

Contigit enim matrem ejus oculorum suffragio destitutam luminis dispendium incurrisse: cūque longam in cœcitate noctem trahens, vitam mœrore consumeret; die quadam filium inter amplexus demulcens obsecrat, ut manū suā Crucis signum super oculos ejus exprimeret. Quod cū ille abnueret, mater verò importuniùs perurgeret, tandem maternā permotus instantia, invocato Domino, salutiferum signum super oculos genitricis expressit: illicò cedentibus tenebris, lux amica revertitur; & parvuli merito filii magnum matri beneficium cumulatur.... Jam verò in effugandis dæmonibus ea virtutis præstantia præpollebat, ut cuicumque energumeno in fronte vel pectore signum Crucis imprimeret, mox ejus compellente imperio malignus spiritus abiret. Jure enim tanta ei potestas in expulsiōe dæmonum applaudebat, ut eis fiducialiter imperaret, qui totum se divinatorum submiserat obedientiæ præceptorum. *Auctor Anonym. Mon. Cellens. in vit. apud Boll. d. 8. Jan.*

§. XI.

*S. Wulstanus Episcopus Wigorniensis , Crucis
signo labentem servat.*

Cùm quidam de campanili præceps rueret, Wulstanus
eminus stans & intuens condoluit, & signum Crucis
opposuit: casusque ruentis corpus non solum non attrivit,
sed nec animum, frigente sanguine, ut solet, hebetavit.
Surrexit incolumis, suæ temeritati imputans quod cecidit.
& Wulstani sanctitati, quod evasit. *Auctor anonym. in vit.
apud Bell. tom. 2. Jan. d. 19. p. 246. col. 2.*

§. XII.

S. Cunegundis Crucis signo incendium extinguit.

Confugia monasterium Ordinis S. Benedicti fuit, situm
apud Cassellas in Hassiâ. Hic S. Cunegundis Impera-
trix, mortuo Henrico Imperatore ac Coniuge suo mun-
do se abdicans, Monialis Benedictina facta est. Quæ
statûs mutatio in ejus vita his verbis describitur. „ Deni-
„ que Cunrado sibi succedente in regno, ipsa curis secula-
„ ribus sicut jam diu desideraverat, exonerata, in ipso An-
„ niversario die transitûs S. Henrici, Archiepiscopos cum
„ Episcopis ad dedicationem Confugiensis Ecclesiæ convo-
„ cat, ubi inter Missarum solemnias, imperiali decentissimè
„ omni cultu ornata ante principale altare, Virgo DEO
„ devota processit, ibique thesaurum incomparabilem, li-
„ gni Dominici Crucem, parvam quidem in materia, sed
„ maximam in virtute, DEO obtulit. At ubi lectio Evan-
„ gelii, in quâ super arborem Crucis ascendens suspicien-
„ tem

„ tem se (*iiii*) JESUM suscipere, & ab eo benedictionem
 „ pusillus meruit accipere, lecta fuit; regalem purpuram
 „ exuens, tunicam fusciorem, quam ipsa sibi manibus suis
 „ operata fuerat, vestem religionis, datâ sacerdotali bene-
 „ dictione, induit. Et multis quidem pro se flentibus,
 „ pro illâ autem gaudentibus, quæ jam sæculum damnâs-
 „ set in vestibus, capillis, qui huc usque in eodem mona-
 „ sterio pro ipsius servantur honore, præcisus, imposito si-
 „ bi ab Episcopis velo annulo fidei subarrhata, gratula-
 „ bunda succinuit; Posuit signum in faciem meam, & an-
 „ nulo suo subarrhavit me Dominus meus JESUS Christus.
 Vixit verò S. Cunegundis in Ordine D. Benedicti per XV.
 annos.

Aliquando cùm post orationis frequentiam inter lectio-
 nis lassitudinem ancilla Christi in lecto, non plumis ex-
 structo, sed cilicio strato, membra sopore gravata remisisset;
 puella sacrata de more illi assidebat, sacros collices legens,
 cùm ferè ad medium noctis lectionem extenderet, caligantes
 oculos clausit, lumenque è manibus illius prolapsum paleas
 corripiens, sui fragore circumjacentes sorores excitavit.
 Clamore ex concursu facto, Virgo Christi de somno excus-
 sa, dum colluctantes inter se, & concrepantes flammæ cir-
 ca se adspexit, ad orationis arma se convertit, & *signo Cru-*
cis adustionem illam absque omni suarum læsione vestium
 avertit. Tua sunt hæc, Christe, opera, qui olim Babylo-
 nium Regem in suo furore confudisti, & Chaldaicos ignes,
 ut pueri tui liberarentur illæsi, tua virtute exstinxisti.

Ex vista apud Bolland. d. 3. Martii p. 174.

✠ 175.

(*iii*) De Zachæo & arbore sycomori ob dedicationem Ecclesiæ,

§. XIII.

§. XIII.

S. Richimirus Abbas signo Crucis captivos liberat.

QUadam die ad urbem Cenomanicam venit , ut Egilberti Episcopi benedictionem perciperet : eo portam urbis ingrediente capti clamârunt, ne se sine stipe præteriret: venit ad ostium carceris; quòd cùm esset obseratum, *signo Crucis* à Sancto Richimiro factò repentè apertum est, & captivi inde exilientes aufugerunt. *Hugo Menard, in vitâ, quam exhibet in Observat. ad Menol. Benediclin. lib. 2. pag. 483.*

§. XIV.

S. Anselmus senem moribundum ab horrifcissis spectris librat.

Cùm S. Anselmus Prior Monasterii Beccensis in Normania factus esset, plures habuit æmulos. Quidam verò ex antiquioribus ipsius Cœnobii Fratribus , qui veteri odio plurimùm erat infestus Anselmo, nec ullatenus poterat super eum respicere simplici oculo, infirmitate pressus ad extrema perductus est. Cùm itaque Fratres meridiana hora in lectis ex more quiescerent, ipse in domo infirmorum, in quâ jacebat, cœpit miserandas voces edere, & quasi quorundam horridos aspectus subterfugere gestiret, pallens & anxie tremens, vultum suum delitescendo hinc inde commutare. Territi Fratres, qui aderant, quid haberet percunctantur. At ille: Geminos immanes lupos me inter brachia sua compressum tenere, & guttur meum impressis dentibus jam jam suffocare videtis; & quid mihi sit quæritis? Quò auditò unus ex Monachis, Riculphus nomine, ad Anselmum, qui tunc in claustro

stro emendandis libris intendebat, concitus perrexit, & eo extra claustrum educto, quid circa infirmum fratrem ageretur, patefecit. Jussus ergo Riculphus ad ægrum rediit, & Anselmus in secretiorem locum solus secessit. Post modicum, domum, in quâ frater, qui patiebatur, erat, ingrediens, levatâ manû *signum Sanctæ Crucis* edidit, dicens: In nomine Patris & Filii, & Spiritus Sancti. Ad quod factum statim æger conquelevit, exhilarato vultû, intimo cordis affectû Deo gratias agere cœpit: dicebat enim, quod Anselmo ostium ingrediente, & extensâ manû *signum Sanctæ Crucis* edente, viderit ex ore illius flammam ignis in modum lanceæ procedentem, quæ in lupos jaculata eos deterruit, & celeri fugâ delapsos procul abegit. Tunc Anselmus ad Fratrem accedens, atque cum eo de salute animæ suæ secretiûs loquens, ad poenitentiam & confessionem omnium, in quibus se Deum offendisse recordari valebat, cor ejus inclinavit. Paterna dehinc auctoritate à cunctis absolutum dixit eum horâ, quâ Fratres ad Nonam surgerent, præsentî vitâ decessurum. Quod & factum est: nam Monachis à lecto surgentibus, ipse ad terram depositus est; & illis circa ipsum in unum collectis, defunctus est. *Eadmerus in vit. cap. 3. quâ in ejus Operibus ad calcem Operum S. Anselmi editæ Paris. 1657. & 1721. fol. habetur.*

§. XV.

*S. Wiborada Virgo & Martyr vas dissolutum
signo Crucis reparat.*

Consuetudo fuit huic Beatæ Virgini ter in anno balne-
uti, non tamen sine licentia Abbatis sui. Quâdam au-
tem die cum ei balneum in tina (Germanicè *Wannen*) para-
tum esset, repentè vinculis resilientibus, dissolutio regularum

Kk

aquis

aquis profluendi dedit locum. Super hac re cum ejus serva nimis contristaretur, consolatoriè dixit ei beata Virgo: Noli moerore affici, sed expectemus misericordiam Domini. His dictis consignans semetipsam & vas per Sanctæ Crucis impressionem, conglutinavit omnem ejus dissolutionem. Quod vas non solum tunc & deinceps quamdiu in corpore vixit ad usus balnei utile fuit, sed etiam post ejus martyrium pro diversis languoribus medicabile fuit, & est. *Hepidanus Monachus Sangall. in vitâ S. Wiborada cap. 20.*

§. XVI.

S. Petrus Cælestinus paralyticum Crucis signo sanat.

Thomas Joannis-Gualterii de Rocca-Moricii, quinque continuis mensibus mansit sic debilis ac dissolutus membris omnibus, cum totius corporis inflatione enormi, ut neque in pedes stare, nec ambulare, nec sedere posset, neque tangere quidquam, nedum manibus apprehendere, adeoque sive manducandum seu bibendum esset, seu alteri alicui corporali necessitati serviendum, opus habebat alienis manibus juvari ad singula: nec profuerant remedia copiosè adhibita. Quare illectus famâ miraculorum quæ spargebatur, portari ad Sanctum voluit, & à consanguineis suis Gualterio de Granella, atque Bartholomæo de Abbateggio, supra asinum ligatus, Orfentémque deductus, propter multitudinem hominum, qui illuc accurrerant, non potuit, sicut erat offerri sancto, sed solutus ab asino, per manus assistantium promotus est usque ad cancellos altaris, ad quos Petrus Missæ sacrificium faciebat, ejulans interim propter cruciatus, quos gravissimos tolerabat. Finito autem sacrificio venit ad eum Sanctus interrogatúmque de suo malo audivit longanimiter, ac denique

om.

omnia ejus membra suis pertractans manibus, *signum ei Crucis* impressit, Deumque oravit. Hoc facto, subito in pedes surrexit Thomas, ambulavitque & manducavit coram omnibus ibi presentibus, clamantibusque, Benedictus sit Dominus: Miserere nostri, Sancte Pater, miserere nostri. Thomas autem pedes inde recessit, multis eum deducentibus domum suam, pro admiratione tam grandis miraculi. Post triduum verò etiam tumor omnis evanuit, nec ulla mali reliquias amplius pertulit. *Lel. Marin. in supplem. Histor. ad vit. B. Petri Calest. cap. 5, apud Boll. Tom. 4. Maij p. 511.*

§. XVII.

S. Gregorius VII. ignem sistit signo Crucis.

ANNO MLXXXII. Henricus IV. Imp. in Italiam assumpto apostata suo Guiberto, iterum Romam invasurus proficiscitur, advocatâ multitudine schismaticorum: ibique eâ æstate moratus, pene in cassum laboravit, quia cum nec hac vice Romani intrare permiserunt. Ignem quoque in domum S. Petri per quendam traditorem immittere voluit, sed Dei misericordiâ protegente non potuit: cogitavit enim, ut de improvviso portas irrumperet, si Romani derelictis propugnaculis ad incendium restinguendum concurrerent; sed Dominus Apostolicus huic versutiæ obviavit. Nam primùm viso incendio, omnes milites Romanos ad gubernacula defendenda transmisit, ipsèque solus, fiducia S. Petri fretus, *facto signo Crucis* contra incendium ignem ulterius progredi non permisit. Igitur Henricus capto Venerabili Episcopo de Sutria, aliisque nonnullis suoque apostata Guiberto in Tiburtinâ urbe ad infestandos Romanos derelicto, ipse Longobardiam revertitur. *Bertholdus in Chron. Constant.*

§. XVIII.

*S. Swithunus Episcopus ova per nequitiam fracta
redintegrat.*

S. Swithunus, Wintoniensis Episcopus, pontem suæ urbis construxit. Cùmque ei ædificando sollicitam navaret operam, quodam die, illo ad opus residente, quædam paupercula mulier eò venit, ova venalia in vase deferens: quam apprehensam operarii lascivientes & ludibundi, magno incommodo affecerunt, ovis universis non ereptis, sed confractis. Illa igitur pro illatâ injuriâ & damno dato, cum lacrymis & ejulatû coram Episcopo conquerente, vir sanctus pietate permotus, vas, in quo erant reposita ova, corripit, dextrâ signum Crucis exprimit, ovæque incorrupta & integra restituit. *Getzelin. Mon. in vit. apud Sur. d. 2. Julii,*

§. XIX.

*S. Adelbertus signo Crucis panem signans ægram
sanat matronam.*

Cùm S. Adelbertus, Episcopus Pragensis, Romæ in Monasterio SS. Bonifacii & Alexii adhuc Monachus esset, nobilis quædam fœmina Monasterium hoc causa orationis ingreditur, & cùm caritatem ibi facere jussa foret, jam septem annis panem se non gustâsse profitetur: ille verò (S. Adelbertus) hunc abstinentiæ morem pro infirmitate ei adhæsisse recognoscens, allato pane salutiferæ Crucis signaculum impressit; ac deinde prandenti matronæ eundem apponens, in nomine Domini mei Jesu Christi, filia, inquit, manduca panem; non licet tibi Sanctam Christi caritatem violare: pro ejus enim amore hoc parum prandii accipere jussa es. Ad hanc

hanc vocem credula mulier, panis munera degustans, cum gratiarum actione regreditur in domum suam; exhinc ergo communi cibo usa, rem novam sibi contigisse civibus narrat, ac glorificat vox omnium Dominum Deum. *Monach. Ceav. in vitâ die 23. April. apud Boll. Tom. 3. p. 183.*

§. XX:

*Vener. Drogo signo Crucis ignem fatuum
extinguit.*

Venerabilis Drogo fuit Monachus Coenobii Floriacensis in Gallia, postea eremita, in loco Balma dicto. Cùm festo quodam die Sancti Benedicti exploraret horam, quâ Deo laudes persolvere deberet, apparuit ei cacodæmon ementitus speciem procere arboris, quæ undequaque ardens ad ejus tugurium incendendum accedere videbatur. Sed vir Dei factò signo Crucis hunc ignem fictitium esse cognovit. Statimque ei visus est Sanctus Pater Benedictus claritatis immenso lumine circumfusus, albâ indutus stola; qui eum consolatus ad perseverantiam est adhortatus. *Aimoinus libro de Miraculis S. Benedicti cap. 4. & ex eo Menardus in Menol. Ben. p. 138.*

§. XXI.

*S. Ursmarus Abbas Lobiensis signo Crucis febres
tollit.*

IN Monasterio Malbodiensi monialis ægrota jacebat tam pessimo languore obfessa, ut qui eam viderent, recuperari posse sanitatem omnimodis desperarent. Quæ cùm audisset tanti viri (S. Ursmari) adventum, cœpit virtute, quâ po-

terat dicere. Obsecro, ut rogetis illum venire ad me: confido enim in Deo, me recuperaturam sanitatem quantocyùs, si eum videre meruero. Quod cùm B. Ursmaro fuisset indicatum, confestim properavit ad domum, intuitus febricitantem, elevans manum, signum Crucis super eam edidit, & febre decedente, illicò convaluit. Quæ palàm prædicabat omnibus, se sancti viri sanatum fuisse orationibus. *Anso Abbas Lobienfis in vit. apud Bolland, d. 18, April, Tom. 2.*

§. XXII.

S. Hugo Abbas signo Crucis tempestates pellit.

S. Hugo, Abbas Cluniacensis, loco non procul à Basileâ sito, à Ludovico Comite & Sophia uxore, magnæ devotionis conjugibus hospitio susceptus fuerat. Deinde posita in viridario mensa commotus aer tempestatis signa præmisit. Turbati discursant ministri, quid fieret ex appositis jam dapibus ignorantes. Cæterùm DEI famulus elevans manum Crucis signum opposuit, & imminentem sic abegit tempestatem. Quæ ne casu potius quàm meritis Abbatibus abscessisse videretur, circumquaque pluviis descœvientibus & tonitruis, locus ille tempestatis expers, & serenus remansisse perhibetur. *Ven. Hildebertus in vit. c. 4. n. 27,*

quæ extat inter ejus Opera conjunctim à V. C. Beaugendre è Congr. S. Mauri vulgata.



§. XXIII.

§. XXIII.

S. Enneco Abbas Oniensis ex energumeno dæmonem signo Crucis ejicit.

VIr quidam, nomine Timotheus, sic à maligno spiritû torquebatur, ut passim cogeretur caput in parietes impingere; ex quo multis periculosisque vulneribus affligebatur, ita ut miser ad ultimum vitæ terminum properaret: nam cùm tabes ex vulneribus emanans foedos progenuisset vermiculos, isti cutem, ossa, & cerebrum corrodebant. Tantam miseriam videntes consanguinei, ægrotum ad cœnobium Onesienfem advexerunt. Cujus spectaculum intuens Eneco, cor ad DEUM elevans, fide & spe plenus, signum Crucis super energumeni corpus expressit: cujus tactu dæmon vociferans, liberum reliquit Timotheum; & quod plus est, vulnera vermibus scatentia illicò curata sunt, nec locum dedere cicatricibus, *Bolland. in vit. d. 1. Junii c. 3. tom. 1. p. 116.*

§. XXIV.

S. Arnulphus energumenam signo Crucis liberat.

S. Arnulphus ex Monacho Vindocinensi Episcopus Vapingensis in Gallia vixit sub Alexandro secundo circa annum millesimum septuagesimum. Quædam verò sanctorum monialis multis sceleribus contaminata malè in ipsa civitate audiebat, unòque gravi admodùm recens perpetrato peccato, justo DEI judicio à dæmone arrepta est: quæ tanto furore agitabatur, ut vinculis ferreis esset constringenda. Tandem ad virum DEI adducitur: qui signo crucis, & oratione ad DEUM fusa dæmonem ejecit. *Hug. Menard, in Menol. p. 329.*

§. XXV.

§. XXV.

*S. Sequanus Abbas paralyticum Crucis signo
sanat.*

Quidam paralyticus ei oblatus est in ipsa Paschæ vigilia: sanctus Sequanus in oratione pernoctavit, ar-
túsque paralytici oleo sanctificato perunxit: crastino illuc
escente die Paschæ rem divinam fecit, ipsúmque infirmum
Christi corpore & sanguine recreavit, & sublati in cœlum
oculis *signum Crucis* super jacentem efformavit, eúmque sa-
nitati restituit. *Menard. in Menol. p. 326.*

§. XXVI.

*S. Benno signo Crucis aquam in vinum vertit,
& Albim sicco pede transivit.*

Cùm die quâdam ad operarios in prato exiisset, illis siti
ac labore fatigatis, signo Crucis edito, aquam in vi-
num commutavit. Quod cùm puer suus animadvertisset,
allata sibi unda. En, dixit, faciam sicut Dominus meus.
Qui interrogatus, quidnam fecisset; Crucem, respondit,
desuper edidit. Cùmque puer idem faceret, meritis beati
viri & simplicitate pueri aqua mox vini saporem induit.

Cùm autem jam dies ad occasum tenderet, & Divus
Benno recta via per pontem ad civitatem pervenire non pos-
set, iter ad proxima Albis fluenta deflexit, & Cruce se mu-
niens, fluvium sicco pede pertransivit. Quod videns rusti-
cus quidam, qui eum cum plaustrî scœno sequebatur, pro-
tinus per aquam insecutus est, & incolumis transvexit:
Benno autem audaciam hominis vehementer increpans, pro-
hibuit, tum ne id amplius faceret, tum ne cuiquam quod
fa-

factum erat, eo vivente detegeret. Hieron. Emser in vit. c.
4. in Actis Sanct. d. 16. Junii p. 169.

§. XXVII.

*S. Corbinianus signum S. Crucis fronti latronis
imprimit, cujus mira est efficacia.*

IN vita S. Corbiniani, primi Episcopi & Fundatoris quàm antiqui tam inclyti Episcopatus Frisingensis in Bavaria mira virtus & efficacia signi S. Crucis fronti impressi his verbis consignatur: „ Contigit, ut Carolus Martellus Major Domûs, seu Prorex Galliae, Corbinianum, verbo DEI in Galliis disseminando intentum, ad Aulam accerferet. Paruit Vir Sanctus, & in viam ocyûs se dedit, experturus, ecquid se Major Domûs vellet? In eo autem itinere constitutus, cùm oppido cuidam immineret, vidit eminûs turbam hominum, & inter eos Latronem, resti collo inserta, manibûsque post terga revinctis jamjam in furcam ob ausus nefarios agendum. Misertus itaque hominis piissimus Pater, sonipedem acriter impulit, & ad confertum populum quanta potuit festinatione properavit, jamque factus propinquior magnis vocibus clamavit, ut ante feralis mandati executionem justitiæ Ministri nonnihil subsisterent. Quod cùm ex Episcopi voto illi annuerent, ipse ex equo profliens, prono in terram corpore supplex judicibus accidit, ut reum sibi donare, vel certè ejus supplicium eousque disferre vellent, dum ipse cum Pro-Rege, ad quem aliàs iter haberet, ea super re egisset, & vitæ veniam reo impetrasset. Verum nihil evicit Corbinianus, Judicibus Episcopum obtestantibus, ne supplicio tam necessario, tamque justo moras vellet injicere. Actum esse de hominis vita, Legis mandato, non sua auctoritate eum damnatum esse. Si veniam

LI

Latro-

Latroni darent, fore, ut ipsi in sua capita consciscerent patibularii poenas. Actum proinde agere Corbinianum: ob stare Leges Patrias: moriendum esse Latroni. At saltem, inquit Episcopus, eam mihi veniam dabit, ut remotis tantisper arbitris, parvula ei monita salubria in aurem instillem? Id assecutus, qua potuit paternâ ac solitâ sanctâque facundia reum cohortatus est, ut amore salutis æternæ sibi omnes animæ recessus panderet, peccata omnia fideliter exponeret, nihilque sileret, quidquid vel cogitatu, vel locutione, vel ipso pravo opere unquam contra DEUM, contra proximum, contra seipsum deliquisset. Et verò mitissimo, atque salutis alienæ cupidissimo Episcopo facilè annuit miser, peccatâque omnia, quæ quidem animo occurrerant, integerrimâ confessione non sine ingentibus contriti animi indicibus exposuit, veniâque postulavit. Corbinianus ad hoc *S. Crucis signum*, velut absolutionis & salutis æternæ indicium, ac munimen contra quævis occurrentia mala, fronti pectorique hominis impressit, reum bene sperare iussit, Deo, Judici supremo, commendavit, eisque vultu subtristi valefaciens, sonipedem rursus conscendit, & iter ad Carolum Pro Regem profectus est, quàm potuit celeriter, Latrone interim ex furcâ à lictoribus suspenso. Posthac alterâ die (nam longiùs ab aula supplicii locus aberat) ad Carolum venit Corbinianus: in cujus conspectum delatus in genua confestim cecidit, summis precibus obtestatus, ut, quidquid ageretur de latrone quodam heri in furcam acto, saltem cadaver illius sibi dono daret: pretiosum sibi munus fore latronis exuvias. Addidit, quâ ratione summis precibus apud Ministros Regios nihil effecisset, ut adeò ad eum, penes quem Regia potestas esset, confugere opus haberet, à quo proinde eam gratiam sibi humiliter flagitaret.

Obstupuit utique ad eas preces Carolus, cùm non caperet, quorsum ea Viri sancti petitio spectaret? quid enim?
neca.

nefarii hominis, infami supplicio affecti, exuvias peteret Vir Sanctus? quo id fine? qua utilitate? quo consilio? humiliorum esse eam postulationem, quàm ut vel ab Episcopo fieret, vel Pro-Regi exponeretur. Verùm cùm precationem suam urgeret Episcopus, negari nihil poterat piæ importunitati. Carolus itaque precibus annuit, misitque, qui Latronis cadaver ad Aulam asportarent. His è suis quoque nonneminem adjunxit Corbinianus; additæ etiam fuerunt ad loci Magistratum literæ, ne Principis jussu exequentibus obex poneretur, & Corbiniani preces irritæ esse pergerent. Ventum igitur est bonis avibus ad patibulum, è quo Adelbertus (id Latroni nomen erat) spectabatur pendulus. Jàmque scalæ admotæ erant, paratæque currus, in quo ad Aulam deveheretur, cùm ecce! spirantem, viventem, imò in eo ipso valetudinis robore, in quo ante triduum *Sanctissima Crucis signo* munitus à Corbiniano fuerat, constitutum deprehendunt: qui è furcâ solutus statim cum iis, quos Princeps & Episcopus miserant, ad aulam venit, ingentem populi frequentiam excivit ad insolens illud spectaculum concursantis. *Tunc idem Adelbertus (subdit Aribo scriptor vitæ S. Corbiniani) quasi passer à laqueo penarum habitum mutavit, Benedictinum induit, & in Sanctæ Conversationis vita sub Magisterio Viri*

Dei post multa temporum spatia finem vivendi fecit. Vid.

Carol. Meichelbeck Histor. Frising. Tom. 1.

pag. 6.



LI 2

CA.

§. I. Obsequium Devotionis I.

Frequens usus signi Sanctæ Crucis.

Venerabilis Hildebertus noster sermone de Laudibus S. Crucis docet, signum super frontem corporis, & cordis imprimendum esse, *ut foris appareat operis exhibitione, & intus resplendeat fidei veritate.* Solet verò signum S. Crucis à Benedictinis potissimum fieri in Choro, Missæ Sacrificio, Laboratorio, Refectorio, Dormitorio, ante egressum è monasterio, in tentationibus, ad intuitum diaboli, in morbo, in horâ mortis, atque aliis locis & occasionibus, de quibus cursim agemus.

I. IN CHORO. Cùm divina officia celebrantur, signum Crucis persæpe fieri solet; sed quia parùm hoc est, nisi etiam devotè fiat; unde in Cœremoniali Monastico Congregationis S. Mauri (kkkk) *De modo & tempore fermandi signum Crucis* sequentia præscribuntur. 1. Quoties in Officio divino fratres nostri se signabunt à fronte ad pectus dicendo, *In nomine Patris &c.* ponent sinistram manum digitis junctis infra pectus extensam, & dextram pariter extensam junctis etiam digitis, ita elevabunt ad caput, ut volâ manus ad signantem conversâ, digitis supremis tantùm frontem attingant, nulla ratione caput inclinantes. Ad verba, *Et Filii, &c.* demittent eandem dextram, ac iisdem supremis digitis illius tangent pectus; sinistra infra illud retenta: tum dicendo, *Et Spiritus*, ducent eandem dextram ad humerum sinistram; tandèmq; reducent ad dextrum, dicendo, *Sancti.* Ultimò ad particulam, *Amen*, jungent manus, si fieri conveniat. 2. Ad versum *DEUS in adjutorium*; cùm

Ll 3

dice-

dicetur *DEUS*, oculos ad *DEUM* levabunt : ad particulam *In*, tangent frontem, sinistra infra pectus admota : ad verbum *adjutorium*, tangent pectus ; dicendo *meum* ducent manum ab humero sinistro ad dextrum : ad Verbum *intende*, jungent manus. Celebrans verò paratus, antequam incipiat, junget manus. 3. Cùm Hebdomodarius dicet, *Domine labia mea aperies*, tum ipse, tum alii omnes signabunt labia pollice dextro, reliqua manu non omnino extensa, verùm digitis non nihil inflexis, & volâ manûs ad se conversa, sinistra infra pectus ad cingulum positâ. 4. Ad Evangelium, quando dicitur *Initium*, vel *Sequentia sancti Evangelii &c.* sinistram tenebunt infra pectus, sêque signabunt in fronte, ore, & pectore, dextri pollicis palpæ extremitate, ut ad *Domine labia*. 5. Signamus nos Horarum initio, ad versum, *DEUS in adjutorium* (non autem cùm ad *Pretiosa*), vel ad preces, aut in Psalmo dicitur ille versus) Similiter ad versum *Adjutorium nostrum &c.* ante Confessionem : ad Primam, & ad Completorium, ad *Indulgentiam, absolutionem &c.* Præterea initio Completorii ad versum *Converte nos*, signamus nos pollice dextro, in pectore, interim sinistra extensa, & infra pectus admota. 6. Fiet quoque signum Crucis à fronte ad pectus, cùm in fine Completorii dabitur Benedictio ad verba, *Pater, & Filius, & Spiritus Sanctus*. Nec non quotiescunque solemniter Episcopus benedictet. 7. Lecturus matutinam meditationem in Choro, serotinam, & regulam in Capitulo, non incipiet legere, quin signo Crucis se munierit à fronte ad pectus ; non tamen propterea dicet, *In nomine Patris &c.* nec aliud quid simile.

II. *IN SACRIFICIO MISSÆ.* Cùm legitur à Diacono in Missa Evangelium, tam ipse, quàm Sacerdos & Conventus signant se & quidem ad hæc verba : *Initium*, vel *sequentia Sancti Evangelii*, fronti, ori, & pectori Crucis signum imprimentes. Ad *sursum Corda* ut Sacerdos Crucem pectori imprimat

primat cum pollice dextræ manus, in Ordinario Bursfeldensi præcipitur. Quod spectat ad Cruces in Canone faciendas, observandum, hac de re consultum fuisse olim à S. Bonifacio Episcopo, Germanorum Apostolo Zachariam Papam, quot scilicet, quibúsve in locis faciendæ essent, ut videre est in epistola Zachariæ, quæ extat in ejus vita sæc. 3. Benedictin. part. 2. Apud Bursfeldenses ad *Pax Domini sit semper vobiscum* Conventus fronti, ori, & pectori pollice dextræ manus Crucis signum imprimit. Apud eisdem Bursfeldenses jubetur, ut Sacerdos in fine Missæ Crucem pollice imprimat altari, ipsum osculando: & mox erectus dicit sub silentio *Cælesti benedictione bene* ✠ *dicat nos*, Crucem faciendo ante se versus Crucifixum; deinde vertens se ad meridiem dicendo: *Omnipotens Pater*, & ad occidentem dicendo: *Et Filius* ✠ & ad septentrionem quoque dicendo: *Et Spiritus* ✠ *Sanctus*, Singulas Cruces faciat sinistrâ manû ante pectus collocata. Vid. Edm. Marthene de *Antiq. Monach. Rit.*

III. IN LABORATORIO. Labori manûum signum Crucis præmittebant, & auxilium divinum invocabant veteres Benedictini, dicentes tertio *Deus in adjutorium &c. Gloria Patri &c. & Adjutorium nostrum.* Vid. *Concordia S. Dunstani.*

IV. IN REFECTORIO. Hoc denique salutis nostræ præsignaculum non solum sacris, sive sacrandis rebus imprimimus, sed etiam alimentis, sive quibuslibet etiam rebus domesticis adhibemus, ut evidenter appareat, quod & homo & quæque humano usui sunt necessaria, hujus virtute signi à jure sunt dæmonum absoluta. S. Pet. Dam. serm. de Exalt. Cruc. Cujus rei memorabile exemplum habemus in vita S. Legislatoris Benedicti lib. 2. Dial. S. Greg. Papæ cap. 3. (Et cum vas vitreum in quo ille pestifer potus habebatur, recumbenti Patri ex more monasterii ad benedicendum fuisset oblatum, extensâ manû Benedictus signum crucis edidit.)

Apud

Apud multos etiam veteres Benedictinos usitata erat *S. Pirminii*, ut vulgò vocant, ducta cruce *benedictio*; præcipuè apud illos, quorum Monasteria hic sanctus fundaverat. Credebant enim nihil nocivi à se contrahendum, ubi cibum & potum sumendum sic benedixerant:

*Sanctificet nostram sanctus Pirminius escam
Dextera Pirminii bene † dicat pocula nostra.*

Nec Benedictini solùm, sed alii etiam Christiani vim adversus venena cibo aut potioni noxia alexiacam benedictioni *S. Pirminii* tribuerunt. *Vid. Brower, in notis ad vit. S. Pirminii cap. 10. p. 30.*

V. IN DORMITORIO. Apud Bursfeldenses Exercitio primo Spirituali præscribitur, ut à somno ad Matutinas canendas expergefacti post DEI benedictionem, atque à somnolentia & torpore diligentem excussionem, nihil priùs habeant, quam ut signo sacræ Crucis se muniant. Idem facere jubentur, quando datur ipsis juxtà sacram Regulam cap. 48. à meridie facultas nonnullo tempore pausandi in lectis suis. Maximè verò quando nocturnum cubitum concedunt; & se in lecto collocant, ut in Domino obdormiant. Tum enim maximum ab insidiis inimici periculum est. Legitur in vitâ *S. Radegundis* Reginae, & Abbatisse *Pictaviensis (III)*

„ Postquam Congregatio se recondebat jam ad pausationem,
„ illa ut pernoctans in oratione suâ sancta dextera Monasterium per signum Crucis salvabat. Quadam vice dum Beata illud signaret, aliqua de sororibus vidit supra murum
„ millia millium daemonum in specie caprarum adstare: ubi
„ sancta dexteram beatam cum signo Crucis elevavit, omnis
„ illa multitudo daemonum fugata nusquam comparuit.
Non malè verò immundi illi Spiritus in petulcos satyros, hircos & capreas se transformant, cùm homines ad impura & ob-

(III) Apud Mabill. sec. Ben. 1. pag. 332.

obscœna irritare soleant; id verò ut cum maximè noctu faciunt; unde monet Prudentius in hymno: (mmmm)

*Fac cùm vocante somno
Castum petis cubile,
Frontem locumque cordis
Crucis figura signet:
Crux pellit omne crimen,
Fugiunt Crucem tenebra,
Tali dicata signo
Mens fluctuare nescit.*

S. Morandus, (nnnn) Monachus Cluniacensis cùm quadam nocte post laborem se quieti dedisset, in teterrimâ specie diabolus affuit, & operimentum vehementissimè ei detrahère cœpit. Quo expergefactus vir Dei, illicò cùm monstrum horribile vidit, vim diabolicam esse cognovit, ac imperterritus manû injectâ operimentum fortissimè retraxit. Sicque diutiùs altercantes, tandem vir Dei victoriæ signum intulit, quo devictus inimicus velut fumus evanuit. Nos igitur, inquit S. Petrus Damiani serm. de Invent. S. Crucis, *vexillum in corde gestamus, & fronte, ne repentinus hostis irruens valeat auferre salutem.*

VI. ANTE EGRESSUM E MONASTERIO, se ipsi signo Crucis muniebant, vel eodem à Superioribus muniebantur. In Monasterio Anianensi erat cuidam fratri custodia boum imposita: is cùm ad officium egredi vellet, à patre benedictionem petiit juxtâ Regulæ præscriptum; cui B. Abbas Benedictus protinus signum Crucis dedit, dicens: *Dominus te custodiat.* Ille ergo frater in diversorium veniens latronibus occurrit, qui statim eum tenuerunt: se verò diutiùs aspicientes & obmutescentes eum dimiserunt illoesum. Hug. Menard, in *Observ. ad Martyrol. Benedictin.* lib. 2. p. 474.

M m

VII.

(mmmm) Gauthierinay: (nnnn) Ex vit. apud Bolland. d. 3. Junii p. 390. col. 2.

VII. *IN TENTATIONIBUS.* Signo S. Crucis malas cogitationes avertabant. Cùm S. P. Benedictus quadam die ad vesperam refectiorem sumeret, unus è suis Monachis, cuiusdam Defensoris filius, candelam tenebat ad mensam. Is natalium suorum splendore tumidus: Et quis est hic ait, cui sedenti ac manducanti assisto, ac servio candelam tenens? an is verò sum, qui ei ministrare debeam? Non latuit virum Dei superba hominis cogitatio, sed statim ad eum conversus, vehementer eum increpuit, iubens cor suum ut Cruce signaret ad abigendam insanam cogitationem. *Mabil. Annal. Ben. Tom. 1. p. 90.*

Aliud subijcio exemplum. Cùm Willelmus Abbas S. Vincentii Venerabilem Hildebertum nostrum Episcopum Ceno-manensem consuleret super gravissimam carnis tentationem, quâ demon unum è suis Monachis, præcipuè verò orationis tempore vexabat, pius Antistes inter alia remedia præscripsit, ut Monachus membra quoque de quibus hostis præter auditum præsumit, impressione Crucis muniret, & salis benedictionibus aspergeret. Vid. Hildebert. epist. 23. lib. 1. p. 74.

Hoc etiam victrici signo foeminae ad illicitos amores & amplexus provocanti fortiter restitit S. Wulstanus noster. Cùm enim matrona quædam pulcherrima, nobilis ac dives, in concupiscentiam ejus, insano amore ac illicito decepta, in tantum vexaretur, ut tentationi resistere non valeret, desiderium suum ei aperit, suspirando rogat & orat, ut cubile suum, paullulùm rigore postposito, ingredi dignaretur. Ille verò vocem funestam ulterius non ferens, sed sermone loquentis interrupto & facto fronti Crucis signaculo dixit: Fuge fomes lasciviæ, mortis filia, vas satanæ: alapamque mulierculæ tanto nisu impegit, quòd crepitus illius palmarum circumquaque auditus fuit. Sicque alter Joseph muliebrem lasciviam animo respuens, manu compescebat. *Ex vita edita à Capravio & Surio apud Bolland. d. 19. Jan. p. 246.*

VIII.

VIII. *CONTRA DOEMONIS ASPECTUM.* Legimus in vitâ B. Theoderici, Abbatis Andaginensis, quod cùm quadam nocte pro more suo vigilas anticiparet, & ante altare jaceret profusus in oratione, unus de Monachis & ipse habens propositum prævenire alios, surrexit, & ibat ad oratorium causa orationis; & ecce cùm ante fores oratorii venit, vasta mole metuendus, picea specie terribilis, ardentibus minax oculis, sulphureo fœtore intolerabilis, inter eum & ostium subito medium se opposuit dæmon, ipse ingressu ardens Monachum. Unde tu quoque hic, cum cæteros placida quies his horis foveat? dixit, aut quò vadis, aut quid queris? Tunc arcere etiam me hinc paras vigiliis & orationibus, sicut qui intro jacet Theodericus? nisi Nicolai (Sanctum Myræ Episcopum intelligebat) quem Theodericus huc in suum oratorium allexit, præsentiam vererer, jam te hoc (videbatur autem immanem quassare tridentem) usque ad mortem cæsum, quid possem ostenderem. Ad hæc Monachus non valens ferre amplius, cujus vel solummodo visus plures potuit terrere, cecidit, & quanta potuit majori voce, succurre domne Theoderice, succurre ingeminavit. At Theodericus clamore fratris actus ab oratione surrexit, & aperto ostio, lumine etiam adhibito hunc miserum vidit jacentem, inde autem nigrum Æthiopem, tanquam victo insultantem. Sed non & ipse territus signum Crucis adversus hostem extulit, & cum signo hunc versiculum cantavit: *Per signum Crucis de inimicis nostris libra nos Deus noster.* Tunc dæmon quod in se libratum fuerat non ferens telum, evanuit pulsus & virtute Crucis & meritis Theoderici.

IX. *IN MORBO.* Leniendis doloribus ægrotantes signum Crucis adhibebant. Plus fecit S. Leo IX. extremo decumbens morbo; surrexit enim de lectulo, in quo jacebat: & perrexit ad tumulum sibi præparatum, & incumbens super illum cum lacrymis dixit: Cernite Fratres ex tantis divitiis

& honoribus, quàm parvam & vilissimam mansuiculam expectamus: ego enim tantis usque modò repletus divitiis & dignitatibus decoratus, ex omnibus hoc solum marmor, quod videtis expecto. Et elevans manum suam signo Sanctæ Crucis signavit: Benedictus tu inter lapides, qui non mea dignitate, sed misericordia Dei, mecum sociari dignus fuisti: me cum gaudio suscipe, & retributionis tempore præsentamethoro resurrectionis. Credo enim, quòd Redemptor meus vivit, & in novissimo die de terra surrecturus sum, & in carne meâ videbo Deum salvatorem meum. Et hoc lacrymans dixit, & reversus est ad lectulum suum. Tanti Pontifex ille signum S. Crucis faciebat, ut nec sub sepulchrali lapide jacere voluerit, nisi qui eodem prius signo fuisset sacratus. *Ex vit. apud Mabillon, in Act. Ben. & Bolland. in Act. Sanctorum.* Moris etiam erat, ut Sacerdos super pectus infirmi fratris Crucem ex cinere & aquâ faceret, quo tempore extremæ unctionis Sacramentum illi conferebat. *Vide Ratoldum Abbatem de Ordine Unctionis infirmi apud Menardum in lib. Sacram. Greg. p. 337. 339. 345.*

X. IN MORTE. Adventante mortis horâ contra ejusdem horrorem signo Crucis se muniebant. Cujus rei, si longiores esse vellemus, quàm plura afferre exempla facile foret. Sed ad evitandam lectoris satietatem, uno atque altero contenti erimus. S. Majolus Abbas Cluniacensis in extremis agens frontem iteratâ Crucis impressione consignavit, tum fatigatum divinis operibus cælo spiritum expiravit. *Nagel-dus in vit. c. 4. d. 11. Maij apud Bolland. Tom. 2. Maij p. 668. col. 1.* S. Suibertus Saxonum, Frisonum, & Westphalorum Apostolus perceptione corporis Dominici se muniens, ac Sanctæ Crucis vexillo se cunctosque circumstantes signans, in mortis quiete dormiens, transiit feliciter de mundo. [Marcell. in vit. S. Suibert. apud Sur. Tom. 2.] Huic sanctissimo autem Apostolo satis non erat, se Crucis signo munuisse, nisi & illos; quos post se in mun-

mundo reliquit, ante suum è vitâ discessum eodem signâset. Quod idem S. Ansbertus ex Monacho Fontanelle nû Archiepiscopus Rotomagensis, teste Angrado Monacho in vitâ, suis præstitit.

§. H. Devotionis Obsequium II.

*Crux pro veneratione & præsidio in variis
Monasterii locis erecta, & collocata.*

Solliciti Majores nostri, ut sacra CRUX cùm venerationi tum præsidio Monachis sit, non uno illam loco eisdem ob oculos constituendam existimârunt. *Ubique enim, inquit S. Petrus Damiani, signum Crucis erigitur, illic procul dubio & Christi victoria, & diaboli captivitas denotatur.*

I. IN ECCLESIA. Præcipuus locus, in quo crucis vexilla fulgere debent, quid ni sunt ecclesiæ, quæ sine cruce nihil forent aliud, quàm sine malo navis? Vix ullum apud veteres Benedictinos reperias cœnobium, in cujus templo non erecta staret Crux eximie magnitudinis. Exemplum prævit S. P. Benedictus, qui super basim illam porphyreticam, unde Apollinis simulachrum deturbârat, sanctissimum Crucis vexillum constituit. Milletio verò teste, hodieque ænea crux isti columnæ videtur imposita. Refert Leo Marficani in Chronico Casinensi, lib. 3. c. 22. quod tempore Abbatis Desiderii, postea Victoris III. Romani Pontificis, fulmen cœlo lapsum Novitium quendam extra chorum stantem ante ipsam majorem Crucem percuciens occiderit. In Monasterio Dunelmensi apud Benedictinos Anglos mos obtinebat, ut novitii ascetæ ad Crucem in medio ecclesiæ stantem adducerentur, tum ut Crucem Christi in humeros sibi

tollendam esse scirent, tum ut ejus ferendæ vires ab illo, qui in eâdem pro salute humani generis suspenſus fuerat, ſupplices efflagitarent. Quâ de re inſigne exemplum Acta Sanctorum Ordinis noſtri ſuppeditant.

II. *IN DOMO CAPITULARI.* *Convenientes ad Capitulum*, inquit S. Dunſtanus Concord. cap. 1. *verſâ facie ad orientem ſalutent crucem.* Similiter antiquus ordo converſationis monaſticæ: *Veniant omnes ad capitulum, & converſi ad orientem ſalutent crucem*; nempe, ut ejus ignominiam & dolores æquo patiantur animo, id eſt, ut quando culpam errorum ſuorum dicturi ſunt vel pro iisdem denuntiandi, reprehendendi, & puniendi, recogitent illum, qui *propoſito ſibi gaudio, ſuſtinuit crucem, confuſione contempta.* Hebr. 12.

III. *PRÆ FORIBUS CELLÆ.* Exemplum nobis vita S. Attalæ Bobienſis Abbatis ſuppeditat. Cui cum jam in ſupremis vitæ præſenti hora fungeretur, cùm adhuc vigenſ habitus ſupereſſet, ſe foras cellam protrahi jubet: ſurgensque de ſtratu quo valebat conamine, ſuſtentantibus undique ſtratibus foris cellulam progreſſus, adſpiciens crucem, quam ipſe in eodem loco poni præceperat, ut egrediens ingrediensque cellulam, tactu ejus ſuam frontem muniret, cœpit mœſtas lacrimas fundere ac trophæum Crucis memorare: *Ave*, inquit, *alma Crux, quæ mundi præſium portâſti, quæ vexilla ferens æterna tu noſtrorum vulnerum medicinam attuſiſti: tu cruore ejus illita es, qui ut genus humanum ſalvaret, è cœlo in hanc lacrymarum vallem deſcendit, qui in te primi Adæ rugam extendit dudum, geminūque ſecundus Adam lavacro maculam abluir.* Adorata ſic cruce in cœlos intuens, eos ſibi vidit apertos, ac poſterâ die lætiſſimè ex-
piravit. *Jonas in vita apud Mabil. Sec. Ben. II. pag. 126.*

IV. *APORTA MONASTERII* longiuſculè Crux deſigi conſueverat in ſignum, quouſque uterque ſexuſ admitti deberet. Nec ſemel factum, quòd qui præſtitutos, Cruce
negle-

neglecta, limites prætergressi fuerunt, poenas dederint. *Vid. Mabil. Annal. Ben. tom. 2. p. 587.* Witlafius Rex Merciorum apud Ingulphum in Historia Monasterii Croytlandiæ Ord. S. B. terminos illius quinque Crucibus circumscripsit, intra quos nefas erat, ullum, quamvis maximi sceleris reum, à ministris Regiis comprehendere; intra siquid admisset, à monasterio puniri poterat. *Vid. Gretf. in Horto S. Cruc. cap. 7. & tom. 1. de S. Cruce l. 2. c. 24.*

V. SUPRA PORTAS. *Canobita*, inquit Hahrenbergius ex grege Lutheri vir eruditus, *crucem peculiari ardore supra portas templorum ac canobiorum conlocarunt.* In vita B. Meinweri Episcopi Paderbornensis & Fundatoris Monasterii Abdinghoffsensis in urbe Paderborna hæc legas: „ Ab omni „ autem hostilicio, & secularium exactorum negotio ipsum „ Monasterium liberum & immune esse constituit; & ad in „ nuendam futuris, & prædia ipsius transituris tam constru „ tis devotionem, quam constructi in *Crucis* trophæo spe „ ciei & defensionem per omnia prædia & pertinentia, *Cru „ cem* sive in portis seu aliis eminentioribus locis figi præcepit. *Mabil. Sec. VI. part. 1. pag. 393.*

VI. IN REFECTORIO. Antiquò ritû, ut Benedictus Hæstenus observat, Monachorum refectoria orientem versûs spectabant, eoque loci Superioris mensa statuebatur, cui Crucis aut Crucifixi supereminebat imago; hinc Joannes Monachus in vitâ S. Petri Damiani cap. 19. de eodem scribit: *Hic quoque vir tulit mensam Abbatis [Casinensis] qua occidentem versûs fuerat constituta, & ad orientem posuit refectorii plagam, ubi videlicet imago Crucifixi Domini fuerat in pariete per picturam expressa.* Quod confirmatur ex historia aurea Joannis ad an. 967. in quâ refertur, quòd mortuo Eadgaro Rege ejedus de magnis Monasteriis Monachis, & Canonicis per Magnates intrusis, coactio super hoc Wintoniæ concilio [Ibi imago Crucifixi in capite refectorii Monachorum posita, humanas exprimens

primens voces dixit: Absit hoc, ut fiat; judicâstis bene, mutaretis non bene] Citatur à Clemente Reynero in appendice Script. 37. p. 41. referturque in vitâ S. Dunstani num. 36. Sec. 5. Ben. Quando igitur Monachi refectorium ingrediuntur, Crucem inclinato capite salutant; quod idem post refectiorem in egressu è Refectorio faciunt.

VII. IN DOMITORIO. Ut quiescentibus contra insidias inimici præsidio esset. Cùm aliquando Fratres Monasterii Lindisfarnensis in Anglia sub Abbate S. Cuthberto post laborem quieti se exponerent, apparebant subito quidam cucullati ascensores caprarum: nigri, breves illis stature, vultus terribiles, & barbæ prolixæ, & eorum equitatus horribilis aspectus: habebant & lanceas in manibus, quas more militantium vibrantes præferabant, & contra jacentes militiæ signa commovebant: quorum ipsi conatus primo Crucis irritabant objectu; deinde cùm ab insultibus non quiescerent, quidam pro sepe in circuitu ipsorum stramina signata, id est, Crucis vexilla, sabulo infixit, cujus cùm orbis munitionem irrumperere cuperent equitantes perterriti resiliabant, & palmam victoriæ quiescentibus relinquebant. *Ex vit. S. Bartholomæi Eremitæ Farnensis apud Bolland. in Act. SS. d. 24. Junii.*

VIII. IN INFIRMARIA. Ægrotantibus Crux ob oculos constitui solebat, ut ejus intuitu dolores suos lenirent. De B. Mathæo ex Cluniacensi Monacho S. R. E. Cardinali scribit Ven. Petrus Abbas Cluniac. quod sub extremam vitæ horam conversus ad Dominicam Crucem, qua coram erat, velut si in ipsa Salvatore, ut olim Crucifixum conspiceret, dixerit: Jam è misericors Salvator tempus est, ut quod promisisti, adimpleas, & tuo instanti Natali a vita mortali migrandi, & ad te, qui vita es æterna transmigrandi licentiam concedas. Lib. 2. Mirac. c. 22.

IX. SUPER MENSAM. Cùm Monachorum quispiam humana absolvit, in multis Monasteriis & Congregationibus consuetudine receptum est, ut locum Defuncti nemo ad refectio-

fectionem per totos triginta dies occupet, sed in vicem illius sacra Crux atrii coloris super mensam constituitur: tum ei non minùs, atque si Monachus assideret, fercula cum pane & haustu apponantur; quæ omnia tamen subinde in honorem S. Crucis pauperibus cedunt absumentia, ut pro demortui anima Deo supplices offerant preces.

X. SUPER SEPULCHRA. Collocata etiam Crux fuit super sepulchra defunctorum fratrum. Hoc Sancti complures in supremo morbo sibi fieri disertis verbis rogârunt, uti nemo nescit, nisi qui in eorundem Actis evolvendis parùm versatus est. In Congregatione Casalis Benedicti olim præscriptum erat: *Crux apponatur in pectore defuncti sepeliendi.* In Rituali Anianensi; Dominus Abbas Cruce impressa super sepulturam dicat: *Requiescat in pace.*

XI. NEC SEPULCHRA tantùm Crucibus insignita fuerunt, sed & loca, in quibus aliquando corpora Sanctorum cùm transferrentur, vel ad sepulchrum deferrentur, quieverunt. In epitome vitæ S. Aldhelmi nostri, cujus & Beda meminit, hæc legimus: „Ejus obitum S. Egwinus, qui vitam ejus conscripsit, divinitus agnovit, sicut ipse in quodam suo scripto testatur his verbis: Post duos annos Althelmus religiosus Episcopus migravit ad Dominum: quod ego per revelationem agnoscens, convocatis fratribus, excessum venerandi patris eis aperui: concitòque gradù ad locum, ubi sacrum corpus jacebat, quinquaginta ferè milliaribus ultra Meldunensè Monasterium positum deveni, & ad sepulturam adduxi, honorificèque sepelivi: mandavique, ut quibuscunque locis sacrum corpus, dum asportaretur, quiesceret, sacre Crucis signa statuerentur: quæ quidem adhuc permanent, nec ullam vetustatis sensere injuriam, potestque ex iis unum etiamnum videri in Cœnobio. *Gretser de laud. S. Cruc. lib. 1.*

XII. CRUX denique sub divo erecta stabat ad pœnitentiam agendam, sed de hac peculiari S. plura. Hic solum

N n

anno.

annotamus, quædam Monasteria Crucem pro Insigniis adhibuisse, uti olim Monasterium Hersfeldense, antequam in manus pervenisset Protestantium, hodièque adhibere, uti antiquissimum & celeberrimum Monasterium Divitis Augiæ.

S. III. Devotionis Obsequium III.

S. Crucis adoratio.

HÆc tribus per annum diebus à Majoribus nostris fieri consueverat, nempe in die Parasceves, utroque Festo Inventionis, & Exaltationis. Varii verò Ritus adorandi describuntur à V. C. *Edmundo Martene* in celebri Opere *De Antiquis Monachorum Ritibus*. Unum ex Concordia S. Dunstani propter peculiare, easque devotissimas orationes me attulisse, ne no, ut opinor, ægrè feret.

Igitur post decantata illa verba : *Ecce Lignum Crucis* :
 „ Illicò eâ nudatâ, veniat Abbas ante Crucem sanctam, ac
 „ tribus vicibus se prosternat, cum omnibus fratribus dexte-
 „ rioris chori, scilicet senioribus ac junioribus, & cum ma-
 „ gno cordis suspirio septem pœnitentiæ psalmos cum ora-
 „ tionibus S. Cruci competentibus decantando peroret.

In primâ quidem Oratione tres psalmos primos cum Oratione : *Domine JESU Christe adoro te in Crucem ascendentem; deprecor te, ut ipsa Crux liberet me de diabolo percussente. Domine JESU Christe adoro te in ipsa vulneratum; deprecor te, ut ipsa vulnera remedium sint animæ meæ. Domine JESU Christe adoro te descendentem ad inferos liberare captivos; deprecor te, ut non ibi me dimittas introire. Domine I. C. adoro te, ut in tuo adventû non intres in judicio cum me peccante; sed deprecor te, ut ante dimittas, quàm judices, qui vivis & regnas.*

In

In secunda duos medios cum sequenti oratione: *Domine J. C. Gloriosissime conditor mundi, qui cum sis splendor gloria, coeternus Patri, Sanctoque Spiritui; idcirco dignatus es carnem ex immaculata Virgine sumere, & gloriosas palmas tuas in Crucis patibulo permisisti configere, ut claustra dissipares inferni, & humanum genus liberares de morte; respice, & miserere mihi misero, oppresso facinorum pondere, multarumque nequitiarum labe polluto; non me digneris delinquere piissime Pater; sed indulge, quod impie gessi, exaudi me prostratum coram adoranda gloriosissima Cruce tua, ut merear tibi mundus assistere, & placere conspectui tuo, qui cum Patre &c.*

A tertia ultimos duos cum oratione: *Domine omnipotens JESU Christe, qui tuas manus mundas propter nos in Cruce posuisti, & de tuo sancto sanguine nos redemisti; mitte in me sensum, & intelligentiam, & habeam bonam perseverantiam omnibus diebus vite mee: Amen.* Et eam humiliter deosculans surgat. De hinc sinisterioris chori omnes fratres, eadem mente devota peragant; nam salutata ab Abbate, vel omnibus Cruce, redeat ipse Abbas ad sedem suam, usque dum omnis Clerus ac populus hoc idem faciat.

S. Petri nostri Damiani, S. R. E. Cardinalis, Orationes tres die Veneris sancto in Crucis adoratione dicendæ hic etiam adscribi merentur: sed Oratio primæ Genuflexionis sicut & secundæ pars desideratur.

--- *Insistens ad eum respiceret, & venenum exitiale evaderet, & optata salutis vitam adipisceretur, significans te ipsum futura longè post curricula pro tui salute plasmatis Crucis patibulo extollendum: ut quos diabolus armis invidia captivaverat, tua desiderabilis passio ad patriam revocaret. Concede tam mihi misero & peccatori, quàm omnibus tuo cruore mercatis: qui bodie sanctam passionem tuam supplices venerantur, lignumque vite adorant: ut diabolicas insidias te adjuvante vincamus, & æternæ vite participes effici mereamur.*

In tertia Genuflexione.

Domine JESu Chrifte, qui nos per passionem Sanctæ Crucis hodierna die de diabolica servitute liberasti, ut quo die hominem condideras, eodem & reformares; exaudi me miserum, & peccatorem, coram hoc signaculo Sanctæ Crucis tue consistentem, & deprecantem; ut hujus venerabilis & vitalis signi tuitione munitus, & hostis nequissimi ignita tela repellere, & ab insidiis evacuari vulneribus, & ad vitam æternam valeam pervenire. Per te Domine JESu Chrifte, qui cum Patre & Spiritu Sancto vivis & regnas Deus in sæcula sæculorum. Amen.

Eadem Adoratio apud Majores nostros fiebat festo utroque die Inventionis & exaltationis S. Crucis. Antiquus Cassinensium ritus in veteri Ordinario Oderisii (0000) Abbatis his verbis describitur: [Post symbolum, antequam Sacerdos dicat: *Dominus vobiscum*, unus ex sacerdotibus pergens in secretarium, tollat inde Crucem cum ligno Domini; & deferat ante pectus suum, antecedentibus se Acolythis cum candelabris & incenso; & veniens ante altare, ibi collocet crucem, & sic Sacerdos ac Ministri in locum suum recedentes. Illi in choro, qui ante ipsam Crucem tres Clerici cantaturi sunt versus: *Crux beata nitet*, mox ut inceperint; Sacerdos ab altari veniens cum omnibus Ministris adoret Crucem; deinde omnes per ordinem; quibus finitis Sacerdos dicat: *Dominus vobiscum*: & sic cantetur Offertorium, & peragatur Missa ordine suo.

[In festo Exaltationis ad Majorem Missam, inquit Cassinenses (pppp) in veteri Ordinario adoretur Crux cum ligno Domini eodem ordine, quo in Inventionem ejus] Id communis Ordinis Benedictini usus obtinuit; quamvis in modo varietate fuerint Monasteriorum consuetudines. Divionenses Sancti Ben-

(0000) Apud Martene l. 6. lib. 4. c. 5. p. 596. (pppp) Apud eundem Martene lib. 4. c. 3. p. 625.

Benigni suum ita exprimunt [In exaltatione Sanctæ Crucis post tertiam, sicut in Parasceve statim totus chorus, & pavementum ante altare tapetibus sternitur, antequam officium Missæ incipiatur, & Crux ab Armario duobus festerlis (qqqq) dum Missa minor cantabatur, cooperta apportatur à duobus albatis, qui de post majus altare exeunt usque ad gradum ante altare principale. Tunc à tenentibus discooperta Crucis, & ab Armario incepta antiphona: *Ecce lignum Crucis*, omnes petunt veniam super genua. Finita autem supradicta antiphona sequitur alia, id est: *Crucem tuam*, quæ & repetitur per singulos versus psalmi: *Deus misereatur*. Si verò hoc finito nondum omnes adoraverint, incipit Armarius antiphonam: *O Crux splendidior*, & *O Crux viride lignum*, atque alios Cantus de Cruce, donec sani & infirmi omnes adoraverint. Adoratâ autem Cruce ab omnibus, quemadmodum in Parasceve etiam infantibus, sicut eorum ordo exigit, adorant infirmi, qui quocunque modo aut per se possunt, aut alio sustentante accedere. Quo completo illi, qui tenebant Crucem, elevantes eam recedunt, eadem hora ab Armario incepta antiphona: *super omnia ligna*, quæ dum incipitur, iterum venia ab omnibus petitur. Post hæc siqui convenerint populares, deferuntur eis in alium locum, & adorant. Antiphona autem finita statim omnia signa pulsantur & Missa incipitur] Idem habetur in antiquo Corbeienfi Ordinario, à quibus vix discrepat S. Udalricus Cluniac, Consuet. lib. 1. c. 38. In Monasterio S. Dionysii in Franciâ hoc modo fit adoratio [Post Tertiam adoretur Crux ita: Tres Sacerdotes in cappis deferant clavum, & coronam, & reliquias Crucis; & deferantur duo candelabra, cum thuribulo; & cantetur antiphona: *Ecce lignum*, & sic cant ante altare S. Trinitatis, ibique adoretur Crux à conventû, & dum adoratur, cantetur psalmus post antiphonam: *Beati immaculati & N. Crux*

Nn 3

fide,

(qqqq) *Festerla* est velum vel ligamen.

fidelis inter omnes, & hymnus: Pange lingua gloriosi, & alii
¶. qui sequuntur, quantum opus fuerit. Post adoratam
Crucem eant Sacerdotes cum reliquis in clauistro & faciant
benedictionem, & post cantetur magna missa.] Permanet ha-
ctenus apud nostros San- Dionysianos, & San- Germanenses
hæc consuetudo, quæ ut in Germaniæ etiam Monasteriis in-
stauretur, optandum, illis saltem, quorum Ecclesiæ à S. Cru-
cis Reliquiis præ cæteris celebrantur, & propterea magno
populi accursu frequentantur; cujusmodi sunt Augiensis,
Wiblingana, Schyrensis, & Donawerdana. Posset itaque
utraque die festa Inventionis & Exaltationis S. Crucis in qua-
tuor hisce Ecclesiis, post adorationem à Religiosis factam, pro
mulieribus & accurrente populo extendi in loco convenienti
& apto tapetium cum cussino & velo: tum Sacrista, vel alius
Sacerdos paratus stolâ rubrâ, illuc deferet Crucem, Acolytho
præcedente, ibique remanebit Frater genuflexus, devotè assi-
stens, quamdiu fiet adoratio, tum ob reverentiam Crucis,
tum ut arceat populi tumultum: quod similiter observandum
erit, si aliæ Cruces ponantur aliis in locis adorandæ, propter
frequentiam populi. At enim meum non est, præscribere,
& ordinare, quid fieri oporteat, sed Majorum duntaxat no-
strorum devotionem (quæ tanta fuit, ut non tantum in die
Parasceves, sed, quod mireris, diebus etiam Inventionis &
Exaltationis nec infantes, nec infirmos ab adoratione S. Cru-
cis exemptos esse & haberi voluerint) in memoriam humili-
ter revocare. Quidquid verò futurum sit, monet nos inte-
rea B. Alcuinus noster L. de divin. Offic. cap. 8. ut „ quando-
„ cunque S. Crucem adoramus omne corpus nostrum hæreat
„ terræ, & ipsum, quem adoramus, quasi pendentem in eâ
„ mente cernamus, virtutemque quam accepit ex Dei filio,
„ ipsam adoremus. Posternimur corpore ante Crucem, men-
„ te ante Deum. Veneramur Crucem, per quam redempti
„ sumus, & illum deprecamur, qui redemit.

A B.

A B. Alcuini commonitione non abluunt verba S. Petri Damiani, qui ferm. de Exalt. S. Crucis „ Vexillum, inquit „ Imperatoris æterni, fratres charissimi, eâ devotione prosequimur, quâ & ipsum, qui in eo triumphare dignatus est, veneramur. Quod videlicet nulli Sanctorum ex Ecclesiastica cognoscitur institutione collatum. Sanctos enim quoslibet, sive etiam cælestes Virtutes oramus quidem, sed non adoramus; cum verò Crucem nos fatemur adorare vel colere, illi tantum figuræ Dominici Corporis, quæ in Cruce facta est, hanc noscitur reverentiam exhibere. In signo nempe victoriæ victorem colimus, & adorando Crucem, ipsum, qui crucifixus est, adoramus.

Cum igitur dicimus, Crucem Christi esse adorandam, cultum Patriæ non absolutum, sed respectivum intelligimus prout explicant Theologi, nominatim Clariss. Paulus Mezger Theologiæ Salisburgensis Tom. 4. Tract. 14. Disput. 15. §. 2.

§. IV.

Devotionis Obsequium IV.

Meditatio de S. Cruce.

AD Meditationem de S. Cruce nos adhortatur Apostolus, cum ardentè optat, ut in charitate radicati, & fundati possimus comprehendere cum omnibus Sanctis, quæ sit latitudo, longitudo, altitudo, atque profundum. „ Quæ „ Crux est procul dubio, inquit B. noster Petrus Damiani „ in præclara (rrrr) epistola ad Damianum Monachum, ex „ sorore nepotem scripta. In hac enim cœlesti figura victoriæ omnis religio Christiana depingitur, in hoc vitalis „ signi charactere tota virtutum spiritualium perfectio desig-
„ gnatur.

(rrrr) Libri 6. epistola 21.

gnatur. Nam cū in his tribus virtutibus, videlicet, Spe, Fide, & Charitate, omnis lex divina consistat, atque ex his omnium virtutum multitudo procedat; in illa Crucis parte, quæ terræ defigitur, Fides, quæ religionis Christianæ fundamentum est, figuratur. Huic scilicet fundamento tota fabrica bonæ operationis innititur; & ut stare possit, omnis virtutum spiritualium machina sustentatur. Unde & Apostolus ait: 2. Cor. 1. Nam Fide statis. Per supremum verò cornu, quod cæteris eminet, Spes intelligitur, qua noster animus ad capeſſenda cœlestia provocatur. Illo verò ligno, quod in medio positum, binis utrinque porrigitur brachiis, latitudo designatur geminæ Charitatis. Hoc eodem vivificæ Crucis signo quatuor principalium virtutum numerus indubitanter exprimitur: ex quibus utique tanquam seminibus omnium virtutum segetes germinantur, justitia scilicet, fortitudo, prudentia, atque temperantia. Per supremum namque cornu, quod cœlum spectat, justitia figuratur: sicut ex ipsius Redemptoris sermone colligitur, qui cū præmisset: *Quia Spiritus Sanctus arguet mundum de peccato, & de justitia & de judicio; Joann. 10.* paulò post intulit: *De justitia verò, quia ad Patrem vado, & jam non videbitis me.* Et vir sapiens ait: *Justitia elevat gentes, Prov. 14.* nec dubium, quin ad cœlum. Inferior autem pars Crucis, quæ superiorem sustinet molem, fortitudinem signat, quæ videlicet gravia quælibet, & adversa æquanimiter tolerat. Dextrum verò Crucis brachium prudentiam exprimit, qua videlicet injecta maligni spiritus jacula, tanquam dextræ manus objectione propellimus; eumque fervidi spiritus telo perfoſsum divino muniti præsidio, fortiter prosternentes, victoriæ manubias reportamus. Per sinistrum quoque cornu temperantia non immeritò designatur. In sinistra scilicet manu minor virtus est, quàm in dextra. Per temperantiam ergo virtutis nostræ quodammodo

modo robur attrahimus, dum temperanter & modeste vivimus: dum sæpe rigorem censuramque justitiæ quadam magistræ discretionis arte mollimus. Quid dicam, quod & lex veteris instrumenti in ipso suæ promulgationis initio mysterium jam redolebat Crucis: dum videlicet, sicut ista compingitur lignis; ita nihilominus & illa digito DEI geminis exarata noscatur in tabulis. Et quia denarius numerus per X literam, quæ signum Crucis repræsentat, exprimitur; lex autem per decalogum data fuisse non dubitatur, perspicuum est; quod & lex illa, licet occultè, salutiferæ Crucis in se sacramenta continuit: quod postmodum coruscando per mundum Evangelicæ gratiæ claritas revelavit: Unde & per Zachariam dicitur: *In die illa erit, quod super frænum equi est, sanctum Domino vocabitur. Zach. ult.* Frænum equi sanctum est Evangelium, quod utique carnalis desiderii velut infrenis equi cohibet appetitum. Super hoc ergo frænum Crux est, quia quidquid per Evangelica mandata præcipitur, ad Crucem procul dubio refertur, ipso Domino perhibente: *Qui vult, inquit, venire post me, abneget semetipsum, & tollat crucem suam quotidie, & sequatur me. Luc. 9.* Quæ nimirum Crux sanctum Domino jure vocatur, quia per eam mundus, qui adeo prophanatus fuerat, benedicitur. Hoc vitæ tuæ signum, fili charissime, sicut in fronte depingis, ita nihilominus cordis tui liminibus imprime: Exod. 12. quod ultor Angelus cernens, sine tua non tardet læsione transire. Hæc phylacteria præ oculis tuis sine cessatione debeant; hæc stigmata corpus tuum undique sicut Apostolus de se testatur, inurant: *Ego, inquit, stigmata JESU in corpore meo porto.* Frange jejuniis corpus, propriis voluntatibus abstine, alienæ jussionis imperio promptissima devotione subterne, procacis linguæ petulantias modesta silentii censura cohibeat, jocosæ sermonis lenocinia non crumpant, illices carnalium passionum motus districtæ

O o

conti-

continentiæ rigor elidat: ut qui nunc Christo sponte commoreris, quanto gravior Crux ejus, in tua conversatione conspicitur, tanto tibi plenior resurrectionis ejus gloria cumuletur. „ Hæc B. Petrus Damiani in epistola ad charissimum Nepotem, quæ devotæ animæ longè uberrimam de S. Cruce meditandi materiam suppeditant. quibus quædam ex Meditationibus D. Anselmi nostri de ejusdem S. Crucis latitudine, quæ est charitas, longitudine, quæ est æternitas, sublimitate, quæ est omnipotentia, profunditate, quæ est inscrutabilis sapientia, superaddere juvat. Sic verò sanctus Doctor de Dominicâ Cruce meditatatur.

„ Tux victoriosæ Crucis regale vexillum in nomine tuo,
 „ Christe, adoro. Odor enim vitæ mihi spirat in hoc.
 „ Hujus vivifico odore spiritum meum Domine, à peccati
 „ morte resuscita. Hujus virtute ab astutiis satanæ me cu-
 „ stodi, meque conforta, ut & jugum mandatorum tuo-
 „ rum suave mihi fiat; & onus crucis, quod post te baiu-
 „ lare me jubes, humeris animæ meæ leve fiat atque porta-
 „ bile. Quæ est enim fortitudo mea, ut juxtâ præceptum
 „ tuum mundi pressuras tam multiplices animo invicto su-
 „ stineam? Nunquid pedes mei tanquam cervorum, ut te
 „ velociter currentem per spinas & confraga passionum con-
 „ sequi valeam? Sed audi quæso, vocem meam, & inclina
 „ super servum tuum suavem illam crucem, quæ lignum
 „ vitæ est his, qui apprehenderint eam, & ut spero, cur-
 „ ram alacriter: Portabo infatigabiliter eam, quæ ab ini-
 „ micis est, crucem post te. Illam, inquam, divinissimam
 „ crucem humeris meis impone, cujus latitudo est caritas,
 „ super omnem creaturam se extendens; cujus longitudo
 „ æternitas; cujus sublimitas omnipotentia; cujus profun-
 „ ditas inscrutabilis sapientia est. Confige illi manus meas
 „ & pedes meos; & totam formam passionis tuæ servo
 „ tuo

„ tuo (ssss) induc. Da mihi, obsecro, continere ab ope-
 „ ribus carnis, quæ odisti: & facere iustitiam, quam dilexi-
 „ sti: & in utroque tuam quærere gloriam: & sinistram
 „ quidem meam clavo temperantiæ, dexteram verò clavo
 „ iustitiæ in illa sublimi Cruce confixam arbitrabor. Da
 „ menti meæ jugiter meditari in lege tua, & omnem cogita-
 „ tum jugiter jacitare in te; & dexterum pedem meum eidem
 „ ligno vitæ prudentiæ clavo affige. Da ut ministram spi-
 „ ritus mei sensualitatem nec enervet labentis vitæ infelix
 „ fœlicitas, nec conturbet perennis vitæ præmia fœlix in-
 „ fœlicitas; & sinister quoque pes meus fortitudinis clavo
 „ in Cruce tenebitur. Ita orabat, ita meditabatur de San-
 „ cta Cruce Divus Anselmus.

Venerabilis Hildebertus noster, primò Cenomanensis Epi-
 scopus, deinde Turonensis Archiepiscopus varia in suis Ope-
 ribus de Cruce meditandi argumenta suppeditat. Alicubi
 (ssss) varias Crucis dimensiones considerandas proponens:
 Hoc lignum, inquit, est Crux Christi, cujus latitudinem &
 longitudinem, profundum, & sublimitatem imitari debemus.
 Latitudinem in amplitudine charitatis, ut sicut ipse in Cruce
 positus, pro inimicis oravit, dicens: *Pater, ignosce illis, quia*
nesciunt, quid faciunt. Ita nos quoque ipsum imitando [pro-
 ximum] diligamus. Omnis enim ejus actio nostra fuit insti-
 tutio. Longitudinem verò in longanimitate charitatis, ut
 usque ad mortem Deum ex toto corde, & velut nos, proxi-
 mos diligamus. Sublimitatem verò, ut in spe omnium, quæ
 agimus, sola cælestia meditemur. Profundum verò, ut su-
 per Christi fundamentum omne bonum nostrum constitua-
 mus. Ipse enim est fundamentum, quod nemo mutare po-
 test, &c.

Sed quid de S. P. Benedicto, Legislatore nostro dicam?
 quem librum Meditationum secum in Sublacensem attulit spe-

O o 2

cum,

(ssss) al. me saculum tuum, (ssss) Sermon. 3. de Sanctis col. 527.

cum, nisi Crucem Christi? Certè aliud in hoc sibi à Deo præparatum habitaculum non invenitur intulisse, (*numi*) nisi æneam Crucem cum Crucifixi imagine, in quatuor angulis totidem habentem dependentia numismata: quod in superiore erat parte Salvatoris repræsentabat imaginem; ad dexteram effigies erat Beatissimæ Virginis Mariæ; ad sinistram S. Joannis Baptistæ, cui peculiariter fuit addictus: quod inferiorem occupabat locum, sanctum quendam referebat Anachoretam, scipionem manu tenentem, quæ S. Antonii, aut veteris cujusdam Patris forma fortasse fuerit. Atque hic liber [Meditationum] erat, unde profundam illam mysticæ Theologiæ hausit scientiam, abunde se doctum reputans, si cum S. Paulo nihil aliud sciret, nisi Christum, & hunc Crucifixum. 1. Cor. 2. Ex hoc enim libro, ut cæteri desint, omnia discuntur. Hic enim est *Liber Vitæ*, cui titulum quidem Pilatus, sed ex Dei inspiratione inscripsit: *Jesus Nazarenus Rex Judeorum*. compositus autem est ex membranis immaculati Agni, qui tollit peccata mundi, exaratus clavis ferreis, & characteribus sanguineis, impressus propè Jerusalem, in Officinâ montis Calvariæ, ad signum *tau*. Hunc librum [Meditationum] legebat quotidie hic Sanctus Tyro, ut quod postea docuit, *passionibus Christi per patientiam participaret, & regni ejus mereretur consortium*. In Proleg. Reg.

S. V. Devotionis Obsequium V. *Orationes de S. Cruce.*

Ardentis erga S. Crucem devotionis haud dubium est indicium ardens oratio. Quis unquam enim ardentem ora-

oravit, aut orare potuit, nisi cujus pectus, intimæque animi medullæ sincerâ arserunt devotione? Ut à fonte frigido haud calida emanat aqua, ita à corde tepido & indevoto fervida oratio minimè ebullit. Quàm ardentem igitur oportuit esse S. Anselmi nostri Archiepiscopi Cantuariensis devotionem erga Dominicam Crucem, cum tam calentissimas ad eam, deque ea fuderit preces? sic verò oravit.

„ Salve Crux Sancta, salus & vita mea. Salve Crux, quam
 „ adorat & desiderat exercitus Angelorum. Salve Crux,
 „ quam adorat & invocat omnis chorus Sanctorum. O verè
 „ sancta & venerabilis Crux. Ecce peccator & infelix homo,
 „ ante te, & in te Crucifixo manet, quamvis indignus; sed
 „ pro peccatis suis ita est anixus, ut ferè nesciat quid agere
 „ debeat. Desiderat enim te adorare; sed non audet oculos
 „ ad te levare. Desiderium quidem bonum habet in te; sed
 „ nullum meritum sentit in se, pro quo confidat de te. Ma-
 „ neo itaque in conspectu tuo trepidus & dubius; ita ut co-
 „ ram te stare erubescam, & à te recedere pertimescam.
 „ Hortatur me stare ante conspectum tuum memoria divinæ
 „ tuæ pietatis; sed dehortatur me conscientia miserabilis &
 „ inveteratæ meæ iniquitatis. Arctor quoque graviter ab
 „ iis duobus, & quid eligam ferè ignoro. Elegi tamen ma-
 „ gis opportuno conspectui tuo importunè assistere, etiam si
 „ debeas me occidere. Melius est enim mihi mori juxta te,
 „ quàm vivere longe à te, quia nulla mors homini pejor est,
 „ quàm cum homo longè à te est.

„ Suppliciter ergo deprecor te, chara majestas, & magna
 „ charitas, qui pendes in Cruce, ut importunitatem meam
 „ non importunè suscipias; sed ad necessitatem meam op-
 „ portunè & misericorditer respicias. Tu es enim spes mea,
 „ tu refugium meum; tu misericordia mea. Miserere igitur,
 „ miserere mei, & doce me quomodo adorare te debeam,
 „ & quomodo te diligere valeam. Quamvis peccatis meis

„ exigentibus nescio quomodo te adorare ac diligere debeam;
 „ tamen hoc est meum desiderium, ut te adorem & diligam.
 „ Obsecro te, verè piis exaudibilis JESU, per omnem dile-
 „ ctionem quam habes in homine, dum pendes in ligno, ut
 „ hoc bonum specialiter facias cum servo tuo, ne stare in
 „ conspectu tuo, & ante Crucem tuam me aliquando tædeat
 „ aut pigeat, sed potiùs delectet & placeat. Delectet ani-
 „ mam meam in conspectu tuo fideliter assistere, & placeat
 „ oculis Divinitatis tuæ misericorditer in me respicere. De-
 „ lectet me lugere miseriam meam, & placeat omnipotentiae
 „ tuæ vertere in gaudium tristitiam meam.

„ Delectet autem me recordari hoc, quod pendens in
 „ Cruce benedictæ Virgini matri tuæ dixisti. *Mulier ecce*
 „ *filius tuus.* Et nunc, quæso, benignissime Domine, dic
 „ mihi servo tuo: Homo, ecce Deus tuus, ecce redemptor
 „ tuus. Te quoque, obsecro, virgo inter omnes mulieres
 „ benedicta, ut dicas mihi: Homo, ecce filius meus, ecce
 „ Salvator tuus. Video quippe, venerabilis domina, filium
 „ tuum in præsepio jacentem, recognosco filium tuum in
 „ templo docentem; sed in nullo loco eum certius cogno-
 „ sco, quàm in Cruce pendentem. Ibi enim ipsemet de se
 „ testatur dicens: *Mulier ecce filius tuus.* Hic ergo, felix
 „ mater, & omni laude digna, hîc intercede pro me misero
 „ apud ipsum, qui, dum se filium tuum nominat, quodam-
 „ modo se debitorem obligat, ut preces tuas cum amore sus-
 „ cipiat. Dic illi itaque: Fili, iste peccator clamat ad me,
 „ & lacrymabiliter deprecatur, ut intercedam pro eo apud
 „ te, quatenus remittas ei peccata sua, quæ insipienter com-
 „ misit in te. Verùm est, Domine mi, verum est certè. Ego
 „ reus confiteor coram te Deus, & coram genitrice tua, quia
 „ ab infantia mea usque nunc veniens ante gloriosam Cru-
 „ cem tuam, & Sanctæ Majestatis tuæ conspectum, non ut
 „ debui veni, supplicavi, nec adoravi. Sed tu, cui pro-
 „ prium

„ prium est parcere & misereri, ne respicias fragilitatem
 „ meam, & immunditiam meam pessimam; sed dimitte quic-
 „ quid negligenter deliqui: quia tu es spes mea sola & vera,
 „ & non habeo in alio fiduciam meam, nisi in te solo Deo
 „ vivo & vero.

„ Dat etiam mihi grandem fiduciam, summe redemptor
 „ meus, illa pia & dulcis oratio, quam pro crucifigentibus
 „ te apud Patrem fecisti dicens: *Pater ignosce illis, quia ne-*
 „ *sciunt, quid faciunt.* Qui enim sic exorasti pro tuis cruci-
 „ fixoribus, nunquid non orabis pro tuis adoratoribus? Et
 „ qui in Cruce recordatus es indulgentiæ, nunquid in cælo
 „ oblitus es misericordiæ? Miserere, quæso, Domine, mise-
 „ rere mei servi tui; & vel tu ignosce, vel apud Patrem in-
 „ tercede, ut ignoscat. Propter hoc namque maneo coram
 „ te, & adoro Sanctam Crucem tuam per quam redemisti
 „ mundum. Credo namque & confiteor, quia per elevatio-
 „ nem & extensionem corporis tui in ligno traxisti omnes
 „ ad te, qui rectè diligunt te. Trahe igitur me, dulcissime
 „ Domine, trahe me & desiderium meum post te, ut ego
 „ sentiam virtutem crucis tuæ in me.

„ Sentiam, Salvator meus, virtutem & odorem, qui
 „ est de cruce tua; sicut sentiebat latro ille qui dicebat:
 „ *Domine memento mei dum veneris in regnum tuum.* Vide-
 „ rat forsitan latro iste te antea cæcos illuminantem, vel
 „ mortuos suscitantem; & non adoraverat te. Tunc verò
 „ quando videt te pendere in ligno, adorat te dicens: *Do-*
 „ *mine memento mei, dum veneris in regnum tuum.* Hoc fe-
 „ cit in illum crux tua, quod non potuerunt facere mira-
 „ cula tua. Verius enim & perfectius cognovit iste te in
 „ cruce pendentem, quàm in templo docentem, aut mi-
 „ racula facientem. O quanta est virtus crucis tuæ, quan-
 „ ta est gloria pendentis in ligno! Latro iste ubi vidit tuum
 „ lignum, mox cognovit tuum regnum; & ubi te pendere

„ aspe-

„ aspexit , ibi quod regnares intellexit. O quantus odor
 „ de cruce exibat , qui omnem infidelitatem ab eo repelle-
 „ bat. O quàm dignè vocabat te Dominum suum , qui
 „ veraciter sciebat se servum tuum ; quia oculis suis intue-
 „ batur pretium , quo redimebas penitus mundum univer-
 „ sum.

„ Sed quid bone JESU , quid dulcissime Domine , re-
 „ spondisti latroni te oranti in cruce ? *Hodie mecum eris in*
 „ *paradiso*. Et quid hoc est , ò rex desiderabilis ? Tu cla-
 „ vis affligeris , & paradysum promittis. Tu pendes in li-
 „ gno , & latroni dicis : *Hodie mecum eris in paradiso*. Et
 „ ò desiderium animarum , ubi est paradysus , quia dicis la-
 „ troni. *Hodie mecum eris in paradiso ! An paradysus te-*
 „ *cum est , & ubi tu vis , paradysus est ? An tu indubitan-*
 „ *ter paradysus es , quia tam confidenter promittis. Hodie*
 „ *mecum eris in paradiso ?* Credo Domine , credo certè , quòd
 „ ubi tu vis , & ubi tu es , ibi paradysus est ; & esse tecum
 „ hoc est esse in paradiso. Quoniam venerabilis ille con-
 „ fessor & gloriosus Martyr tecum fuit per totum illud ho-
 „ die , & postea omni tempore. O quàm bonum est esse te-
 „ cum ! O quàm beati sunt illi , qui tecum sunt ! Illi verè
 „ sunt in paradiso , verè sunt in regnis ; qui tecum sunt fi-
 „ de & dilectione.

„ Crux tua , Domine , paradysum promittit , & paradi-
 „ sum tribuit. Et ideo suppliciter adoro crucem tuam ,
 „ adoro te in cruce , & crucem in te. Denique adoro cru-
 „ cem in te. Denique adoro crucem propter pendentem in
 „ cruce. Adoro , quem latro adorabat , & oro sicut ille
 „ orabat : *Domine memento mei , dum veneris in regnum tuum.*
 „ Recognosce in me Domine , hanc orationem , sicut re-
 „ cognovisti eam in latrone. Suscipe hanc orationem à ser-
 „ vo tuo , sicut suscepisti eam à famulo tuo. Memento
 „ mei de regno , sicut fuisti memor illius de ligno. Dic
 „ igitur

„ igitur, dic quæso, Domine, dic servo tuo, dic animæ
 „ meæ: *Hodie mecum eris in paradiso*, ut ego confortatus
 „ desiderabili tua promissione fideliter permaneam in tua
 „ fide & dilectione, redemptor meus, mediator DEI &
 „ hominum: Qui cum Patre & Spiritu sancto vivis & re-
 „ gnas DEUS in sæcula sæculorum. Amen.

In promptû etiam sunt D. Petri nostri Damiani S. R. E.
 Cardinalis Orationes ad S. Crucem, quæ ejus erga eandem
 amorem ac devotionem abundè testantur, Usus ut tibi
 esse possint, illas hîc subjicio.

Oratio I.

„ **D**Um Crucem dilectissimi Filii tui, omnipotens Pater,
 „ adoro, pateat mihi cœlum, obsecro, ut & oratio
 „ mea pervenire possit ad te, & tua descendat misericor-
 „ dia super me. Hæc enim hostia singularis, piissime Do-
 „ mine, in odorem tibi suavitatis oblata, & tuam circa
 „ nos justitiam mitigat, & tanquam pii thuris incensum
 „ de thuribulo sacratissimæ passionis evaporans, humana-
 „ rum mentium nares obdulcat. O inenarrabilis victima,
 „ quæ & cautionem maledicti veteris abolevit, & signaculum
 „ nobis æternæ benedictionis impressit. O sacrificium ve-
 „ ræ placationis & laudis, quod & antiquæ transgressionis
 „ inimicitias abstulit, & inter cœlum & terram fœdus æter-
 „ næ concordie reformavit. Per hoc, Domine, tuæ virtu-
 „ tis insigne vexillum miseram me tui gregis oviculam de
 „ cruenti leonis faucibus eripe, ut victus, atque contritus
 „ à te, super me nequeat triumphare. Reduc me ad pascuæ
 „ tuæ semper amœna virentia, nec abjicias servum, pro quo
 „ tradere dignatus es Filium: qui tecum & cum Spiritu San-
 „ cto vivit & regnat Deus in sæcula sæculorum. Amen.

Oratio II.

„ **M**ediator Dei & hominum, Domine JESU Chrifte, qui
 „ veram carnem ex intemeratis B. Mariæ visceribus su-
 „ scepisti, quique pro salute nostra ipsum agnum immacu-
 „ lati tui corporis obtulisti Deo Patri super aram Crucis in
 „ odorem suavitatis : atque ut antiquæ prævaricationis vi-
 „ rus evomeret, temetipsum fecisti humano generi medici-
 „ nam; absolve me nimis infelicem & miserum innumeris
 „ peccatorum vinculis obligatum. Ecce ante ipsum, Domi-
 „ ne, vivificæ Crucis tuæ me prosterno vexillum, novum-
 „ que & inauditum victoriæ tuæ supplex adoro triumphum.
 „ Tu enim Sacerdos & hostia, tu redemptor & pretium.
 „ Libet piissime Domine, tanquam sub recenti tuæ passionis
 „ articulo te in Crucis supplicio videre pendentem. Libet
 „ pretiosissimum sanguinem in ore meo suscipere distillantem.
 „ O beata scilicet hostia, quæ & tartarea septa dirumpit, &
 „ cælestis Regni januam fidelibus aperit. O pretii nostri
 „ pondus in Crucis statera libratum, quo debiti nostri
 „ chirographum antiquus exactor deplorat excisum. Video
 „ te interioribus oculis Redemptor meus, Cruci clavis affi-
 „ xum. Video te novis vulneribus sauciatum. Audio te
 „ Latroni clara voce dicentem: Hodie mecum eris in para-
 „ diso. Per istud itaque salutiferæ tuæ passionis ac mortis
 „ implo ro mysterium: per hoc, inquam, redemptionis no-
 „ stræ lacrymabiliter obsecro sacramentum, noli me, sicut
 „ mereor, ab electorum tuorum societate dividere, sed in
 „ paradisi gloria cum ipsomet beato Latrone constitue. Tu
 „ Domine, animam meam hujus Sanctæ Crucis impressione
 „ consigna tu me hujus virtute purifica. Per hanc me to-
 „ tum undique juri tuo vindica, ut nulla prorsus adversarii
 „ valeat in me portio reperiri; quatenus te ad judicium ve-
 „ niente, cum hoc in cælo divinæ virtutis insigne claruerit,
 „ ego

„ ego hoc stigmate signatus inveniar, ut Crucifixo configu-
 „ ratus in poena confors fieri merear resurgentis in gloria.
 „ Qui vivis & regnas cum Deo Patre in unitate Spiritus San-
 „ cti, per omnia sæcula sæculorum. Amen.

Oratio III.

„ **S**i pietatem tuam, mitissime Deus, humanam mensuram
 „ habere cognoscerem, ego tam immanissima scelerum
 „ mole depressus, funditus desperarem. Sed dum immolari
 „ pro me tam potentem hostiam video, quomodo me despe-
 „ rare debeam non attendo. Nam si Agnus ille paschalis,
 „ brutum scilicet animal, populum Israel à plaga mortis po-
 „ tuit liberare, quantò magis illius sacratissimus sanguis, qui
 „ conditor est Angelorum, quantaslibet animæ meæ sordes
 „ valet abluere? Tu piissime Domine JESU Christe, velut
 „ species aromatica redoles in mortario passionis attrita, ut
 „ nobis miseris, & peccatorum morbo languentibus fieres
 „ medicina. Tu tanquam botrus ille terræ lactis & mellis
 „ irriguæ calcatus es in prælo Crucis, ut nobis æternæ sa-
 „ lutis poculum propinares, & arentia corda nostra Sancti
 „ Spiritus inundatione perfunderes. Tu Domine per quin-
 „ que plagas sacratissimi corporis tui sanasti omnia vulnera,
 „ quæ nobis inflicta sunt per quinque sensus corporis nostri.
 „ Tu Patri víctima suavitatis, & nobis factus es pretium re-
 „ demptionis. Adoro Domine Crucem tuam: Adoro vivi-
 „ ficam mortem tuam. Abluat, obsecro, sanguis tuus sor-
 „ des animæ meæ, nec ulterius teneat exactor obnoxium
 „ pro quo tam sublime pretium est solutum. Sit iste victo-
 „ riæ tuæ titulus, Domine, in anima mea semper erectus,
 „ ut nullum in possessione tua jus sibi vindicet invasor anti-
 „ quus, sed hoc prospecto, præstò diffugiat, & velut fumus
 „ ad accessum tui spiritus evanescat: ut hereditatem tuam,
 „ quam proprio mercatus es sanguine, per continuam digne-

„ ris gratiam possidere : cui sis per misericordiam tuam &
 „ protector invictus & inhabitator assiduus. Qui cum Deo
 „ Patre & Spiritu Sancto vivis & regnas per omnia secula
 „ seculorum. Amen.

Oratio IV.

„ **D**omine JESU Christe, Fili Dei vivi, gratias agimus im-
 „ mense tuæ pietati, qui cum in forma Dei esses, pro
 „ nobis temetipsum humiliasti, factus obediens usque ad mor-
 „ tem, mortem autem Crucis. Deprecamur te Domine, ut
 „ quibus tantam contulisti gratiam, veram peccatorum tri-
 „ buas indulgentiam. Custodi in nobis opera misericordiæ
 „ tuæ, ne pereant, quos redemit dextera tua. Sana languo-
 „ res populi tui, & da gloriam nomini tuo. Rogo etiam
 „ te Domine piissime, ut me miserum ac fragilem à tua
 „ non repellas gratia : & qui hucusque longè à tua vo-
 „ luntate vitiosus discessi, deinceps per ineffabilem miseri-
 „ cordiam tuam emendatus, tuæ placeam feliciter maiestati.
 „ Depelle à me, Domine, quidquid noxium, quidquid in-
 „ ptum, quidquid vitiosum, quidquid tuæ voluntati est con-
 „ trarium. Concede mihi Domine, ut mala mea hinc dum
 „ vivo, dignè defleam, & acceptabilis sit poenitentia mea in
 „ conspectu tuo. Tribue mihi veram fidem, spem firmam,
 „ charitatem non fictam. Sit in me fixa humilitas ; sobria
 „ vita, vera scientia, fortitudo, prudentia, iustitia, tempe-
 „ rantia, cursus rectus, finis perfectus, Te præstante Deus
 „ noster : Qui cum Patre.

Oratio V.

„ **D**omine JESU Christe Nazarene, Rex Angelorum &
 „ Sanctorum omnium, qui eras ante secula in divini-
 „ tatis essentia cum Deo Patre Unigenitus Filius : in pleni-
 „ tudine

„ tudine autem temporis exinanitus, formam servilis corpo-
 „ ris ex Maria Virgine accipiens, in similitudinem hominis fa-
 „ ctus, & habitu inventus ut homo. Verum utique homi-
 „ nem in Deo vero assumens, humiliatus, & obediens factus
 „ usque ad mortem, mortem autem Crucis redemisti nos tuo
 „ sanguine pretioso. Agnus immaculatus surgens à mortuis,
 „ ascendens in cælum, sedes ad dexteram Dei Patris omni-
 „ potentis. Quem adorant Angeli, & ego in felix peccator
 „ te suppliciter adoro, confitens peccata mea, & deprecans:
 „ ut sicut me participem Sacramentorum mortis & redem-
 „ ptionis tuæ per Crucem fecisti, ita per virtutem hujus sa-
 „ cro sanctæ Crucis, omnia in me vitia & peccata extinguas,
 „ & perimas: & contra omnes spirituales nequitias, & anti-
 „ qui hostis insidias ejusdem sacrosanctæ Crucis virtute in-
 „ vocata, victoricia tela efficias: & consurgentem me tecum
 „ in novitate spiritus & gloriæ, ad ea, quæ sursum sunt,
 „ cum Sanctis & Electis tuis in dexteram tuam positis, per-
 „ tingere concedas ipse, idémque Jesu Christe, Deus immor-
 „ talis. Qui cum Deo Patre & Spiritu Sancto vivis & regnas
 „ per infinita sæcula sæculorum. Amen.

Oratio VI.

„ **D**omine Jesu Christe, Fili Dei vivi glorióssime condi-
 „ tor mundi, qui cum sis splendor gloriæ cœternus &
 „ æqualis Patri, Sanctoque Spiritui, ideo dignatus es carnem
 „ immaculatam ex Virgine sumere, & innocentes ac glorio-
 „ sas tuas palmas in Crucis patibulo permisisti configi: ut
 „ claustra dissipares inferni, & humanum genus liberares de
 „ morte. Miserere mihi misero, Domine, oppresso gravi fa-
 „ cinorum pondere, multarúmque nequitiarum sordibus in-
 „ quinato. Noli me derelinquere piissime Domine, sed in-
 „ dulge misericorditer, quod impiè gessi, & quæ negligenter

„ feci. Exaudi me, quæſo, clementiſſime, ac miſericordiſ-
 „ ſime JEſu, Deus bone, & benigne, proſtratum ante ado-
 „ randam glorioſiſſimam tuam Crucem, ut in his ſanctis die-
 „ bus, & ſemper tibi merear aſſiſtere mundus, & tuis jugiter
 „ placere conſpectibus, quatenus liberatus à malis omnibus
 „ tuo ſim ſemper adiutorio conſolatus, Chriſte Domine, Sal-
 „ vator mundi: Qui vivis &c.

Oratio VII.

„ **C**hriſte, qui pro nobis patibulum Crucis, & mortem
 „ ſubiſtiſti, ut à nobis expelleres mortis poteſtatem, &
 „ ſanguinis tui nos pretio liberares: miſerere mihi humilli-
 „ mo ſervo tuo, omnium meorum mihi veniam tribue pec-
 „ catorum, & me coram adoranda tua Cruce proſtratum
 „ in tuis ſanctis diebus, & jugiter ab omnibus malis eripe,
 „ boniſque tuis miſericorditer reſice: Qui cum DEO Patre
 „ & Spiritu Sancto vivis & regnas per omnia ſæcula ſæcu-
 „ lorum. Amen.

Oratio VIII.

„ **D**EUS, qui ligno pereuntem hominem per lignum re-
 „ paraſti in melius, quæſumus, ut virtus huius trium-
 „ phalis ligni, morte & ſanguine tuo ditati, cui tota de-
 „ votione colla ſubmittimus, & vitia in nobis univerſa
 „ mortificet, & contra omnia adverſa nos muniat: Qui
 „ vivis & regnas cum Patre & Spiritu Sancto DEUS per
 „ omnia ſæcula ſæculorum. Amen.

Oratio IX.

„ **D**omine JESU Chriſte, qui es, & qui eras DEUS
 „ cum Patre ante ſæcula genitus, DEUS ex DEO ve-
 „ ro, conceptus de Spiritu Sancto, & natus homo in fine
 „ ſæcu-

„ sæculorum de Virgine semper Maria. Qui obediens Patri
 „ usque ad mortem, mortem autem Crucis, redemisti nos
 „ tuo sancto, & pretioso sanguine: & destructo mortis im-
 „ perio, omnibus in te credentibus, cœlestis gloriæ aditum
 „ referasti. Te DEUM verum, & Dominum meum suppli-
 „ citer adoro, sedentem ad dexteram DEI Patris omni-
 „ tentis, deprecando infinitam & ineffabilem misericordiam
 „ tuam: ut per virtutem hujus salutaris Signi redemptionis
 „ nostræ, redimas me miserum & dignum morte peccato-
 „ rem, ab omnibus criminibus, & facinoribus meis: & li-
 „ bera me ab omnibus malis præteritis, præsentibus, & fu-
 „ turis: & mortifica in me omnia vitia spiritualium, & car-
 „ naliū nequitiarum: & fac me resurgere in virtute gra-
 „ tiæ & gloriæ tuæ: & quæ sursum sunt, cœlestia deside-
 „ rare, & quærere, & ad æternæ beatitudinis gloriam fe-
 „ liciter pervenire. Præstante tua immensa clementia, Do-
 „ mine JESU Christe, DEUS & Dominus noster: Qui
 „ cum DEO Patre & Spiritu Sancto in unitate Deitatis,
 „ omnia creando regis, vivificas, & gubernas per immor-
 „ talia sæcula sæculorum. Amen.

S. VI. Devotionis Obsequium VI.

Ante S. Crucem orare.

Ipsæ preces nostræ, si ante Dominicam Crucem fundan-
 tur, Deo acceptiores esse videntur. Certè, qui hoc fecerunt,
 eorum plures cœlestibus gratiis & beneficiis cumulavit. B.
 Richardus Abbas Virdunensis solebat ante Crucem oratio-
 nes quotidianas dicere, quarum hæc erant omnium ver-
 sūm initia: *Adoro te Christe Crucem ascendentem, & benedi-*

eo se. Quas cū die una multā perorāisset instantia, surgens ab oratione, & Crucifixum cum lacrymis aspiciens, audivit vocem dicentem sibi: *Tu me in terris benedixisti, & ego benedico te:* & elevata dextera, qui erat in forma crucis, benedixit eum. *Hug. Abb. Flavini. in vit. c. 2. apud Bolland. d. 14. Junij p. 978.*

Venerabilis Oddo Monachus in monasterio Augustodunensi habebat usui, post expletionem matutinalis synaxis (ut beatus permittit Benedictus) in oratorio singularis gratia orationis remorari. Qui dum sedulē id ageret, atque cum lacrymarum imbribus, & compuncti cordis gemitibus, Creatorem universorum tam pro suis, quā pro aliorum peccaminum solvendis nexibus exoraret, ostensum est mirum dictu & insigne miraculum. Contigit ergo una dierum, ut more solito veniens ante signum salutaris Crucis, ipsiusque Salvatoris imaginis, quod constat decenter erectum in monasterii medio, dum expansis manibus in mentis jubilo ad cœlum oculos dirigeret, visus est à quibusdam (qui speculandi causā prosecuti illum fuerant) in sublime aeris elevatus, spatio ferē altitudinis trium ulnarum, alacriter unius horæ spatio immobilis persistere: eadēque hora ipsa JEsu Christi Domini ac Salvatoris icona, Cruci affixa, visa est ab ipsis speculantibus contra eundem virum Dei se se humiliter inclinare. Erant autem tam ipse præfatus Abbas (Arnulphus) quā cæteri qui ista conspexerant nimium paventes; & alta admiratione perterriti non habebant, quid dicerent. Antea nempe jacula plurimorum convitiōrum atque irrisiōnum in eum intorserant, dicentes mussitando, quod gloria vanæ jactationis, post omnis persolutionis Fratrum obsequia, solus in oratorio remorassetur: deinceps autem fallaces existimationes & linguas omnes æmuli compescuerunt, virūque sanctitate dignum summo cum honore & reverentia,
ut

ut decebat, postmodum venerati sunt universi. *Ex vita S. Hugonis Prioris Emziacensis d. 20. April. apud Bolland. p. 766.*

Oremus igitur ante S. Crucem, ut quotiescunque Crucem aspiciamus (sunt verba B. Rabani Mauri (xxxx) nostri Archiepiscopi Moguntini) ipsius recordemur, qui pro nobis in eâ passus est, ut eriperet nos de potestate tenebrarum, deglutiens quidem mortem, ut vitæ æternæ hæredes efficeremur: profectus in cælum subditis sibi Angelis & potestatibus, & virtutibus: utque recogitemus, quod non corruptibili argento vel auro redempti sumus de vana nostra conversatione paternæ traditionis, sed pretioso sanguine quasi agni incontaminati, & immaculati Christi: ut simus sancti & immaculati in conspectu ejus in charitate, ut per hæc efficiamur divinæ naturæ consortes, fugientes ejus, qui in mundo est, concupiscentiæ corruptionem.

§. VII.

Devotionis Obsequium VII.

Orare manibus in Crucis formam expansis.

„ **B**elli illius cruenti, quo Redemptor noster non solum
 „ mortem, sed & ipsum mortis principem usque ad inferna persequutus extinxit; Hujus sanè belli jam tunc minister erat Moyses cum pugnaret contra Amalech. *Exod. 27.*
 „ Ad quod videlicet bellum non gladios, non tela vibravit,
 „ sed virgam Dei in manu detulit, quæ procul dubio lignum
 „ Crucis Dominicæ figuravit. Sed esto, ut virgam deferat,
 „ ut in ligni Sacramento confidat, & non armis, sed ligno
 „ potius armatus hostium cuneos debellaturum se esse non
 „ ambigat, nisi tamen speciem Crucis expresse rit, nisi trium-

Q9

„ phale

eo te. Quas cū die una multā perorāisset instantia, surgens ab oratione, & Crucifixum cum lacrymis aspiciens, audivit vocem dicentem sibi: *Tu me in terris benedixisti, & ego benedico te:* & elevata dextera, qui erat in forma crucis, benedixit eum. *Hug. Abb. Flavim. in vit. c. 1. apud Bolland. d. 14. Junij p. 978.*

Venerabilis Oddo Monachus in monasterio Augustodunensi habebat usui, post expletionem matutinalis synaxis (ut beatus permittit Benedictus) in oratorio singularis gratia orationis remorari. Qui dum sedulē id ageret, atque cum lacrymarum imbribus, & compuncti cordis gemitibus, Creatorem universorum tam pro suis, quā pro aliorum peccaminum solvendis nexibus exoraret, ostensum est mirum dictu & insigne miraculum. Contigit ergo una dierum, ut more solito veniens ante signum salutaris Crucis, ipsiusque Salvatoris imaginis, quod constat decenter erectum in monasterii medio, dum expansis manibus in mentis jubilo ad cælum oculos dirigeret, visus est à quibusdam (qui speculandi causa profecuti illum fuerant) in sublime aeris elevatus, spatiō ferē altitudinis trium ulnarum, alacriter unius horæ spatio immobilis persistere: eadēque hora ipsa Jesu Christi Domini ac Salvatoris icona, Cruci affixa, visa est ab ipsis speculantibus contra eundem virum Dei se se humiliter inclinare. Erant autem tam ipse præfatus Abbas (Arnulphus) quā cæteri qui ista conspexerant nimium paventes; & alta admiratione perterriti non habebant, quid dicerent. Antea nempe jacula plurimorum convitiōrum atque irrisiōnum in eum intorserant, dicentes mussitando, quod gloria vanæ jactationis, post omnis perfolutionis Fratrum obsequia, solus in oratorio remoraretur: deinceps autem fallaces existimationes & linguas omnes æmuli compescuerunt, virūque sanctitate dignum summo cum honore & reverentia,

ut

ut decebat, postmodum venerati sunt universi. *Ex vita S. Hugonis Prioris Enziacensis d. 20. April. apud Bolland. p. 766.*

Oremus igitur ante S. Crucem, ut quotiescunque Crucem aspiciamus (sunt verba B. Rabani Mauri (xxxx) nostri Archiepiscopi Moguntini) ipsius recordemur, qui pro nobis in eâ passus est, ut eriperet nos de potestate tenebrarum, deglutiens quidem mortem, ut vitæ æternæ hæredes efficeremur: profectus in cælum subditis sibi Angelis & potestatibus, & virtutibus: utque recogitemus, quod non corruptibili argento vel auro redempti sumus de vana nostra conversatione paternæ traditionis, sed pretioso sanguine quasi agni incontaminati, & immaculati Christi: ut simus sancti & immaculati in conspectu ejus in charitate, ut per hæc efficiamur divinæ naturæ consortes, fugientes ejus, qui in mundo est, concupiscentiæ corruptionem.

§. VII.

Devotionis Obsequium VII.

Orare manibus in Crucis formam expansis.

„ **B**elli illius cruenti, quo Redemptor noster non solum
 „ mortem, sed & ipsum mortis principem usque ad inferna persequutus extinxit; Hujus sanè belli jam tunc minister erat Moyses cum pugnaret contra Amalech. *Exod. 27.*
 „ Ad quod videlicet bellum non gladios, non tela vibravit,
 „ sed virgam Dei in manu detulit, quæ procul dubio lignum
 „ Crucis Dominicæ figuravit. Sed esto, ut virgam deferat,
 „ ut in ligni Sacramento confidat, & non armis, sed ligno
 „ potius armatus hostium cuneos debellaturum se esse non
 „ ambigat, nisi tamen speciem Crucis expresserit, nisi trium-

Q9

„ phale

„ phale vexillum in sublime levaverit, nullam certè victo-
 „ riam de prostratis hostibus obtinebit. Habens itaque Moy-
 „ ses virgam in manû, hoc insuper addidit, ut brachia sua
 „ in modum Crucis expanderet: sicque jam factum est, ut
 „ catervarum adversantium acies ligno & signo hoc pleno
 „ Crucis mysterio superaret. Hoc enim sacra testatur histo-
 „ ria, cùm dicit: *Dum levaret manus Moyses, vincebat Israel;*
 „ *si autem paululum remississet, superabat Amalech.* Hoc planè
 „ factum, fratres mei, non solùm spiritualis intelligentiæ sa-
 „ cramentum, sed & virtutis nobis saluberrimum convectat
 „ exemplum. Nam dum Crucem post Dominum tollimus,
 „ dum corda nostra cum manibus ad Deum levamus: recto-
 „ res tenebrarum protinus corruunt, & in ima prostrati fra-
 „ ctis viribus eliduntur. Si verò manus remittimus, & ob-
 „ liti cælestium terrena sectamur, protinus hostis victor in-
 „ sequitur, & nos amissa victoria persequentium gladiis ob-
 „ truncamur. In omni sanè spiritali certamine Crucis de-
 „ bemus præferre vexillum, quod nimirum si viriliter agentes
 „ attollimus, procul dubio victores existimus: alioquin si
 „ segniter vivendo deponimus, ad primos persequentium im-
 „ petus, necesse est enerviter concidamus. Unde & insignis
 „ illæ militiæ spiritualis instructor ait: *Remissas manus, & dis-*
 „ *soluta genua erigite, & gressus rectos facite pedibus vestris, ne*
 „ *claudicans quis erret.* Hebr. 11.

Hanc B. Petri Damiani exhortationem ut insigni quodam
 exemplo illustremus, in medium prodeat B. Henricus Prior
 Ochsenhusanus in Sueviâ. (yyyy) Is literis sufficienter im-
 butus hujus mundi oblectamenti froena permisit. Sed cùm
 choreas duceret, Sancti Spiritûs impulsu repentè mutatus
 est, statimque nuncium mundo remisit, & in Ochsenhausâ
 præpositura [quæ tunc temporis ad Monasterium S. Blasii in
 Ni-

(yyyy) Menard, in Menol. Observ, lib. 2. p. 736. ex vita apud Ganif. tom. 5. an-
 tiq. lect.

Nigra sylva adhuc pertinebat] seu prioratu militiæ monasti-
cæ cingulum accepit, in quo sacerdotii munere perfundus
est, & ob sanctioris vitæ famam clavum ejusdem cœnobii
tenuit. Prioris dignitatem adeptus fuit merito districtioris
vitæ. Plerumque septem psalmos recitabat, & toto illo spa-
tio se virgis acerbissimè cædebat. Tanta sanctimonia mira-
culis illustrior evasit. Nam cùm major ecclesia sui monaste-
rii tota deflagraret, nec tantum, incendium ulla arte extin-
qui valeret: ipse Sanctus Henricus ingressus ecclesiam toto
corpore ante altare Sancti Georgii prostratus *in modum Cru-*
cis, ut primùm cœpit orare, cessavit incendium.

S. Luitburga, (2222) Monialis Benedictina, & Michel-
steinii in Saxoniâ Reclusa cùm extremo morbo confisteretur,
accepto sacro viatico prostravit se ante Crucem, quam fi-
xam super fenestram habebat, & expansis in modum Crucis
brachiis, capite in terram dimisso, ultimam hanc vocem emi-
sit: *Qui Crucis patibulum pro nobis peccatoribus ascendere di-*
gnatus es, & latroni pendenti misertus fuisti, mihi miserece di-
gneris, quia in manus tuas commendo spiritum meum. His di-
ctis inter psallentium & lugentium acclamationes, felicem
Domino Spiritum reddidit.

§. VIII.

Devotionis Obsequium VIII.

Parvum Officium & Litanias de S. Cruce recitare.

IN Monasterio S. Galli antiquo more receptum erat, ut
Monachi post Matutinas Laudes *cursum S. Crucis* quoti-
die persolverent. *Vid. Ekkehard. Jun. lib. de Cas. Monast. S.*
Galli cap. 5. In Extractu ex abbreviaturâ exercitii spiritua-

Qq. 2

lis

lis Patrum & Fratrum de Observantia Bursfeldensi præscribitur, ut cuivis horæ Canonice subjungatur hora Officii S. Crucis. Sic 1. *post Matutinas hora sanctæ Crucis perolutio cum oratione.* 2. *Post Primam à Choro inter reverenter exequendum hora sanctæ Crucis perolutio.* 3. *Post horam regularem scilicet Tertiam & Sextam ante summam Missam hora sanctæ Crucis perolutio.* 4. *Post Nonam à prandio horæ de sancta cruce in exitu de ecclesia perolutio.* 5. *Post vespæ crucis perolutio.* 6. *Ad Completorium, inter vadendum ad ecclesiam oratio, seu Crucis perolutio.* Ex quibus intelligi datur, quod Congregationis Bursfeldensis alumni Officium Parvum S. Crucis memoriæ mandare debeant, ut illud tum accedendo ad ecclesiam, tum ex eadem discedendo recitare valeant.

In Bohemiæ Regno sæculo proximè præterito Regiæ Libere, & Exemptæ Abbatie Brevnoviensi, atque adeò universæ Congregationi temporibus præfuit longè periculosissimis Benno hujus nominis Abbas iustus singularis prudentiæ ac virtutis laude conspicuus Præsul. Multum ille *tricennali bello vexatus & annis.* Quæcunque atrocia ab inimicissimis hostibus, odio orthodoxæ religionis efferatis, atque avaritiæ facibus accensis inferri poterant, perpeffus est. Interrogatus subinde, quod præcipuum in tantis bellorum calamitatibus atque injuriis præsidium sibi constituerit? Illud Regii Vatis respondit: *Virga tua, & baculus tuus ipsa me consolata sunt.* Virgo Deipara, & sacra Crux, solatio mihi fuerunt. DEI filium è Cruce suspensum, ejus autem Matrem juxta Crucem stantem intuebar. Tum verò mecum cogitabam: Si oportuit Christum pati, & ita intrare in gloriam suam; siquæ DEI Matrem ab omni labe peccati immunem oportuit similiter pati, & ita intrare in gloriam Filii sui; quid? Nos hornunciones ac terræ filii, innumera peccatis ac vitiis obfiti, nulla æquo animo pati adversa refugiemus, aut etiam renitemur? Solatio nobis sit, in con-

for-

fortium adversitatum atque tribulationum admitti. Si namque compatimur, & conglorificabimur. *Certa atque secura est expectatio promissæ beatitudinis, ubi est participatio Dominicæ passionis.* Ut verò in Religiosos suos cultum sacræ Crucis, arboris vivificæ, magis transplantaret, in Capitulo, ut vocant, Provinciali ipso Authore constitutum fuit, ut singulis Officii Canonici horis, singulæ ex officio sanctæ Crucis præmitterentur: quod uti nunc continua consuetudine, laudabiliter observatur, ita Bennonianæ pietatis est memnosynon.

Religiosissimi Divitis Augiæ Patres ut cultum S. Crucis, cujus insignem Particulam, pretiosissimo divini sanguinis thesauro locupletem habent, quanto maximo possunt, studio promoveant, libellum precatorium patrio sermone conscriptum in lucem emiserunt; cui præter Officium Litanie de S. Cruce insertæ sunt. Nec est, ut ipsos hujus editionis poeniteat; nam, prout compertum habeo, dictæ preces à multis, maximè feria VI. devotè percuruntur. Diebus verò Dominicis & festivis sacra Crux in Augiensi Ecclesia sub Missa primâ publicæ exponitur venerationi, recitantur Litanie de SS. Sanguine vel S. Cruce, Rosarium Dolorosum, subjiciuntur cantilenæ ejusdem argumenti; idem fit finitis Vesperis. Quando in processione circumfertur, cantatur hymnus: *Vexilla Regis prodeunt, &c.*

Aliud exemplum, sed longè antiquius nobis suppeditat vita S. Udalrici, Episcopi Augustani, erga Dominicam Crucem longè devotissimi. Præter cœteras enim suas ad DEUM preces quotidie etiam recitavit *cursum*, ut vocant, seu horas de SS. *Cruce Domini.* Vid. Gretser. de S. Cruce lib. 1. p. 226. cap. LXX. De Monachatu verò Benedictino S. Udalrici legi meretur Mabill, in Actis Sanctorum O. S. B. Sec. VI.

§. IX.

Devotionis Obsequium IX.

Pia ac devota SS. Crucis osculatio.

CRucem Christi, vel ejus imaginem osculo libare, est illam devenerari. Semper enim osculum non amoris tantum, sed venerationis etiam indicium fuit habitum. Quemadmodum (aaaa) Jacob (Genes. 37.) accipiens à filiis suis vestem filii sui Joseph sanguine confusam cum lacrymis eam osculatus est: non quidem ipsam vestem diligendo, aut honorando, hoc fecit, sed per eam arbitratus est, se Joseph osculari, & in manibus habere. Sic & Christiani Crucem Christi sanguine perfusam, vel ejus imaginem tenentes, suoque ore osculantes, animo videntur ipsum Christum Crucifixum complecti, & amorem obedientiamque & honorem testari.

S. Hathumoda, filia Lutolfi Saxonie Ducis, & Abbatissa Gandersheimensis, cum brevi lineæ ultimæ admoventi esset, cantabantur jugiter psalmi, litanie, & preces dicebantur; legebatur Evangelium, neque aliquid eorum, quæ ante exitum animæ fieri debent, prætermisum est. Jamque paulatim membris omnibus præmortuis, loquela minui, & sensum deficere spiritus coepit; cum illa tamen *lignum sanctæ Crucis, quod ibi habebamus, devotius deosculans*, oculos in illud intendebat. Ita Agius presbyter & Monachus Corbejæ Saxonicæ qui coram adfuit, vitæ cap. 8. apud Harenbergium in historia Ecclesiæ Gandersheim. pag. 459.

§. X.

§. X. Devotionis Obsequium X.

S. Crucis salutatio.

S. Benedictus Abbas Anianensis B. Alcuinum flagitabat, ut sibi diceret, quando Crucem videns se contra eam inclinabat, quæ verba labris silenter depromeret: Ille verò hoc, inquit: *Tuam Crucem adoramus Domine, tuam gloriosam recolimus passionem, miserere nostri, qui passus es pro nobis. Ex* vita apud Duchesnium, Mabillonium, & Bollandum.

S. Anselmus Abbas primò Beccensis, deinde Archiepiscopus Cantuariensis, (bbbbbb) hisce verbis S. Crucem salutabat: *Salva me Sancta Crux, qua in corpore Christi dedicata es & ex membrorum ejus compage tanquam margaritis ornata; qua pretium nostrum portare digna fuisti, & vitam aeternam nobis attulisti. Jesu bone, præsta mihi, ut per signum & reparationem Sancta Crucis, me ab omnibus inimicorum incursionibus literes, & tua bonitate conserves, peccata dimittas, veniam indulgentia tribuas, qui vivis &c.*

Sunt alii Benedictini, qui ante S. Crucem transendo, illam hac strophæ ex Hymno Ecclesiastico salutant:

*O Crux ave spes unica!
Hoc & omni tempore,
Auge piis justitiam,
Reisque dona veniam.*

Sancta Elisabetha Schonaugiensis Abbatisa in Revelationibus suis de se ipsa testatur: „ Die quâdam ad Completorium „ cùm starem ante Crucem, ac devotissimè eam salutarem, „ ostensa est mihi in. cælo Crux magna aurei fulgoris ita „ splen-

(bbbbbb) Vid. ejus Opera editionis Gerberon. pag. 276.

„ splendida, ut etiam reverberaret oculos cordis mei, quibus
 „ eam intuebar. *Vit., c. 2.*

§. XI.

Devotionis Obsequium XI.

Hymni, Cantica, & Laudes S. Crucis.

IN promptū sunt Purpurati Patris, S. Petri Damiani Hym-
 ni, & Carmina de S. Cruce. (cccc)

Hymnus de S. Cruce

Ad Nocturnum.

CRUX orbis salus perdit
 Perempti vita sæculi
 Quam victa tremunt tartara,
 Cœli verentur agmina.
 In te dum vita moritur,
 Mortis catena solvitur,
 Ægypti jugo liberi
 Veræ sunt lucis filii.
 Te ponit iudex omnium,
 Cum judicatur, solium,
 Jam tum hædos ab ovibus
 Segregat in latronibus.
 Tu mundi ludis principem
 Dum punis impassibilem,
 Reos offerre solita
 Quem nunc das, aufert spolia

In

In te maclatur vidima
 Quæ mundi purgat crimina,
 Tibi talentum creditur,
 Adæ quod solvit debitum.

Nos vitæ signum protege,
 Quo Rex triumphat gloriæ
 Per te ad Regnum provchat,
 Quos servitute liberat.

Sit Patri laus ingenito
 Sit decus Unigenito
 Sit utriusque parili
 Majestas summa flamini.

Ad Laudes.

CRUX mundi benedictio,
 Spes, & certa redemptio
 Olim gehennæ bajula,
 Nunc clara cæli janua.

In te levatur hostia
 Ad se qui traxit omnia,
 Quam mundi princeps impetit,
 Suumque nihil invenit.

Tuæ legis articulus
 Vetus cassat chirographum,
 Antiqua perit servitus,
 Vera libertas redditur.

Odoris tui copia
 Cuncta vincit aromata,
 Tui dulcedo nectaris
 Replet arcana pectoris.

Rr

Per

Per Crucem, Christe, quæsumus,
Ad vitæ transfer præmium
Quos ligni fixus stipite,
Dignatus es redimere,
Sit Patri &c. *ut supra.*

Parætericum Carmen de Sancta Cruce.

UNica spes hominum, Crux ô venerabile signum,
Omnibus esto salus, unica spes hominum.
Bajula tu pretii, quod mundi debita solvit,
Quo meruit redimi, bajula tu pretii.
Unica spes hominum, Crux ô venerabile signum,
Omnibus esto salus, unica spes hominum,
Tartara victa tuis spoliis cessere triumphis;
Lugent vexillis tartara victa tuis.
Pandis & astra piis, proprio quos stigmate signas
Das requiem fessis, pandis & astra piis.
Unica spes hominum, Crux ô venerabile signum
Omnibus esto salus, unica spes hominum.
Chirographum vetiti pepigit quod cautio ligni
Diluis & pomi chirographum vetiti.
Lux, honor, imperium, laus, gloria, doxa per ævum
Sit tibi trine Deus, lux, honor, imperium.
Unica spes hominum, Crux ô venerabile signum
Omnibus esto salus, unica spes hominum.

Inter Statuta Sancti Petri Mauritii dicti Venerabilis Abbatis
Cluniacensis numero LXXV. erat: „ STATUTUM est, ut
„ in festo Inventionis S. Crucis, & exaltationis ejusdem, ad
„ laudes matutinas cantentur versus excerpti de hymno, cu-
„ jus principium est, *Pange lingua gloriosi prælii certaminis,*
„ quorum primus est *Crux fidelis*, secundus, *Fleete ramos*, ter-
„ tius,

tius, *sola digna tu fuisti*, cum *Gloria* sequenti, quæ est *Gloria & honor Deo*. „ Causa instituti hujus fuit, quia devotius & elegantius visum est, in jam dictis salvatricis Crucis solemnitatibus, laudes ipsius continentes hymnos variari jocundè, quàm easdem iterari fastidiosè. Canebatur enim prius hymnus, cujus principium est, *Vexilla Regis prodeunt* ad utriusque festi utraque laudes vespertinas, & rursum iterabatur ad matutinas. Tantæ curæ & sollicitudini Venerabili Abbati fuit, ut nullum fastidium & satietas in canendis Sanctæ Crucis laudibus Monachis suis unquam obreperet.

A S. Anselmo, Archiepiscopo (d d d d) Cantuariensi sacra Crux his laudibus celebratur : „ Ave Crux Sancta, virtus nostra. Ave Crux adoranda, laus & gloria nostra. „ Ave Crux, consolatio omnium moerentium; salve Crux, victoria, & spes nostra; salve Crux, defensio, & vita nostra. Salve Crux, redemptio & liberatio nostra. Salve Crux signum salutis, atque inexpugnabilis murus contra omnem virtutem inimici. Sit mihi Crux semper spes Christianitatis meæ. Sit mihi Crux resurrectio mortis meæ. Sit mihi Crux triumphus adversus dæmones. Sit mihi Crux mater consolationis meæ. Sit mihi Crux requies tribulationis meæ. Sit mihi Crux baculus senectutis meæ. Sit mihi Crux medicina ægrotationis meæ. Sit mihi Crux protectio nuditatis meæ. Sit mihi Crux consolatio vitæ meæ. Sit mihi Crux in omnibus angustiis meis solatium. Sit mihi Crux remedium in tribulationibus meis. Sit mihi Crux in infirmitatibus meis medicamentum, atque contra omnia adversa tutamentum. Amen.

Nec minora sunt laudum encomia, quibus Crux Dominica à Venerabili Ruperto Abbate Tuitiensi ornatur. „ Crux, „ inquit, (e e e e) inæstimabile signum est, admirabilis virtus „ est.

R r 2

„ est. Crux spes Christianorum, resurrectio mortuorum con-
 „ solatio pauperum, sustentatio inopum, spes desperatorum.
 „ Crux regum magnificentia, sacerdotum gloria... (fffff)
 „ Crux Christi, janua cæli, clavis paradisi, diaboli dejectio,
 „ hominis erectio, captivitatis nostræ solatium, libertatis
 „ pretium. Crux expectatio patriarcharum, promissio Pro-
 „ phetarum, triumphus Regum, dignitas Sanctorum. Crux
 „ tyrannos increpat, potentes inclinat, afflictos sublevat,
 „ pauperes honestat. Crux tenebrarum excidium, lucis in-
 „ fusorium, mortis effugium, vitæ navigium, salutis impe-
 „ rium. Quicquid Deo proficimus, quicquid acquirimus,
 „ quicquid speramus, adorandæ Crucis est fructus. Per
 „ Crucem Christus ad se traxit omnia. Regnum Patris, sce-
 „ ptrum filii, sigillum Spiritus Sancti, totius est testimonium
 „ veritatis.

Venerabilis Hildebertus (ggggg) Carmini de Inventione S.
 Crucis hanc coronidem ex meris ejusdem encomiis contex-
 tam imponit:

CRUX arbor vitæ, vitis plus sobria vitæ
 Profert virtutis fructum, portumque salutis,
 Crux pax, Crux portus, Crux veri luminis ortus.
 Crux velut antidotum vitiis; Crux est bene totum.
 Vim penetrare Crucis Socratem si fortè reduces,
 Non poterit Socrates, sed nec Maro pandere Vates.
 Crux indulcavit laticem, potumque paravit;
 Crux silicem fregit, & aquas exire coegit:
 Crux per serpentem Crucifixi signa gerentem
 Læsos sanavit, lædentes mortificavit.
 Si munit postes, cladem propellit & hostes;
 Si frontem tangit, lætis contraria frangit.
 Crux implens legem, Regum tulit inclyta Regem:
 Signa sub Heraclio quam plurima Crux renovavit.

Et

Et reparans ægros, defunctos vivificavit.
 Crux reprimat fontem reddens sine vulnere telum.
 Crux aperit templi, cum cæli cardine velum.
 Crux removens umbram letalia signa (*) relevit. (*) delevit.
 Crux gregis angelici numerum patriamque replevit.
 Crux crucis opprobrium, Crux ligni crimen ademit.
 Crux de peccato, Crux nos de morte redemit.
 Crux aditus venit. Crux est medicina dolorum.
 Crux via justitiæ. Crux est reparatio morum.
 Crux gradus ad superos. Crux scala parata fideli.
 Crux confert meritum, Crux spem, Crux præmia cæli.
 Crux miseros homines in cælica jura reduxit.
 Omne bonum nobis cum sanguine de Cruce fluxit,
 Quæ præfert longum, latum, sublime, profundum,
 Effectu, formâ trahit, occupat omnia mundum;
 Forma, vigor, ligna, pondus Crucis omnia digna:
 Dulcia credenti, sed amara piè recolenti.
 O Crux miranda! Crux splendida! Crux veneranda!
 Crux amplectenda! Crux corde forisque ferenda!
 Ut roseo flore, sacro distincta cruore,
 Ut margarita, sic membris es redimita,
 O Crux insignis Crucifixo, schemate, signis,
 Servos conserva, quibus es vigor atque Minerva!
 Amen.

B. Rabanus Maurus S. Crucem ita salutasse legitur : (bbbbbb)
*O verè bona, & verè Sancta Crux Christi, quis te ritè totam
 enarrare potest? Aut quis condignè laudare? Quæ celestium ar-
 canorum pia es revelatrix, quæ mysteriorum Dei sacra es conser-
 vatrix: quæq; Sacramentorum Christi idonea es dispensatrix. In
 te Angeli gaudia sua accumulata conspiciunt. In te homines
 jura salutis suæ cognoscunt. Omnibus æqua es, omnibus bona:
 omnibus justa, præterita renovas, præsentia illustras, futura præ-*

R r 3

men-

(bbbbbb) lib. de laud. S. Cruc.

monstras, perdita requiris, quaesita invenis, inventa custodis, lapsa restituis, restituta gradu munis, munita in viam pacis dirigis. Tu quidem aeterni Regis es victoria, & caelestis militiae latitia, terrigenarumque potentia: tu peccatorum es remissio, pietatis exhibitio, & meritorum augmentatio: infirmorum remedium, laborantium auxilium, & lassorum refrigerium, sanorum incolumitas, quietorum serenitas, & fortunatorum felicitas. Tu Crux aegrotas medicans, tu gaudium moestos consolans, tu sanitas dolentes latificans, tu status credentium recte: tu firmitas operantium bene: Tu beatitudo perseverantium rite, sancta, pia, bona, justa, benigna, rationabilis, laudabilis, venerabilis, amabilis, fortis, suavis, mitis, sapiens, patiens potens. Quidquid ergo digne corde de redemptione nostra potest cogitari, vel quidquid lingua rite loqui, omnia ad laudem tuam decentissime possunt aptari, quia quidquid in te laudatur, Crucifixo in te Regi deputatur, & quidquid Christo honoris datur, ad reverentiam summi patris refertur.

S. XII. Devotionis Obsequium XII.

Festos S. Crucis Dies insigni religione celebrare.

Sicut duobus lignis Crux constat, inquit S. Petrus noster Damiani, ita duas ejus solennitates per annalem circulum ecclesiastica traditio celebrat. Quibus autem ritibus & ceremoniis Inventionis & Exaltationis dies festi à Majoribus nostris fuerint celebrati, ex libro consuetudinum Monasterii S. Benigni Divionensis cap. 5. de SS. Festivitatibus quomodo agantur, intelligimus: „ Presbyterium Ecclesiae, chorus quoque ban- „ calibus & tapetibus adornatur; altare etiam majus suis „ decoratur ornamentis, ante quod Vespertinum ac matutinale, vel etiam Missae officium, quinque cerei accendun- „ tur,

„ tur, retrò etiam ad cantica incepta quinque cerei ponun-
 „ tur, donec ad finem Matutinorum ardentes. Porro ad
 „ Nocturnos, ad Primam quoque & Tertiam, Sextam, &
 „ Nonam ante S. Altare tres tantum accenduntur, duo
 „ etiam candelabra cum cereis accensis ad Missam ardent
 „ super altare; qui cantant &c. ad Vesperas in frocis sunt,
 „ Invitatorium duo in cappis dicunt. Ad majorem Missam
 „ omnes cappis utuntur; Sacerdos festivis, atque auratis ve-
 „ stibus induitur; thuribulum festivum circumfertur, obla-
 „ tio sacri mysterii cum vino à Priore offerenda à Sacerdote
 „ cappa induto exhibetur, ante initium Missæ, & post fi-
 „ nem omnia signa tanguntur.

Et si verò per totius sacri Ordinis Monasteria Festa Inven-
 tionis, atque Exaltationis Sanctæ Crucis magna religione
 celebrari consueverint, quivis tamen prudens secum existi-
 mare potest, id majori adhuc sollemnitate factum fuisse in iis
 Monasteriis & templis, quæ vel in honorem S. Crucis extru-
 cta ac dedicata fuerunt, vel in quibus insignis quædam S.
 Crucis particula asservabatur. Cujusmodi quæ fuerint, ho-
 dieque sint, supra à nobis dictum est. Præter igitur Adora-
 tionem Sanctæ Crucis in omnibus Monasteriis fieri solitam
 habebatur Concio, vel sermo, Major Missa de S. Cruce de-
 cantabatur, S. Crux in processione circumgestabatur; Hymni
 & laudes de S. Cruce decantabantur.

De Monasterio Schyrensi supra Capite II. diximus, quod
 ad S. Crucem colendam [cujus insignis portio in ejusdem Ec-
 clesia asservatur] quot annis in festo ejusdem Inventionis ex
 locis & diocesis vicinis, Frisingensi, (in quâ hic locus si-
 tus est) Augustensi, Ratisbonensi, & passim aliis multitudo
 ad quatuor circiter millia & amplius hominum conveniat
 quorum non pauci Sacramenta poenitentiae & Corporis Do-
 mini ad Indulgentias, quæ jam ab anno 1617. concessione
 summi Pontificis eo die plenariæ sunt, participandas obeunt.

Absol.

Absolvuntur quoque eadem concessione Summi Pontificis eodem festo & per annum à deputatis ad id Patribus Convētūs accedentes ab hærēsi &c. Et aliis gravioribus enormibus peccatis reservatis innodati.

§. XIII.

Devotionis Obsequium XIII.

Feria VI. Dies S. Crucis, in quâ jejunium & disciplina.

IN Umbriâ Italiæ provinciâ sub annum Christi millesimum à Lodulfo Episcopo Eugubino Benedictinum Eremitorium in honorem *S. Crucis* conditum fuisse ab Ughello Tomo I. Italiæ Sacræ memoratur. Vulgò vocatur *Eremitus sanctæ Crucis de Avellana*. Præcipuum illius ornamentum fuit B. Petrus Damiani; qui cū præcipuâ devotione erga S. Crucem flagraret, ejus cultum ita feliciter per totam propagavit Umbriam, ut feria VI. non jam ampliùs Dies Veneris, sed *Dies S. Crucis* passim appellaretur. *Hinc namque est*, inquit Joannes Laudunensis ac Episcopus Eugubinus in vitâ B. Petri Dam. num. 31. apud Mabill. Sec. VI. part. 2. pag. 258. *Quoddies Crucis ab innumeris fidelibus hæc totâ provinciâ ob reverentiam Dominica passionis celebratur.* Et jejunium quidem feriæ VI. secularibus commendavit; Monachis verò non paucis præter istud flagellationem eadem die persuasit, ut idem Joannes his testatur verbis: *Sed & sextam omni tempore feriam, præter paschales vel cæteros dies solemnes sub eadem tam discipline, quàm abstinentia norma ob reverentiam Crucis illis observandam adhibuit.* Cujus jejunii ac abstinentiæ usus etiam in monte Casino, principe totius sacri Ordinis Monasterio, receptus fuit, eodem B. Petro Damia-

Damiani præcipuam curam ac studium adhibente. Nec defuit coelestis visio ac ostentum, quò in hac feriæ VI. observatione introducenda non parùm confirmatus fuit. Sed ipsum Purpuratum Patrem audire præstat: „ In ægrotantium, inquit, cella senex quidam Pater erat, LEO nomine, qui jejuniis, psalmis, & orationibus insistebat attentius; & licèt esset corporeis viribus effoctus, juvenili tamen fervidi spiritus erat vigore robustus. Hic proximâ nocte, quâ statuenda erat hæc censura jejunii, vidit per somnium, magnum in ecclesia chorum consistentium fratrum; qui nempe præclaris candidis vestibus luculenter induti, dulcisona fatis atque melliflua concentûs suavitate cantabant illud scilicet *Alleluja*, quod dicitur *Dulce lignum, dulces clavos, &c.* Videbat etiam, quòd per omnes refectorii mensas panes erant apposti, & specie nitidi, & nectarei gustûs sapore melliti. Inter fratres etiam undique discumbentes erat vir, si ritè teneo, valde præclarus, & insigni decore conspicuus: qui requisitus, unde tales advenissent panes, quibus videlicet similes eatenus non vidissent. Hi sunt, inquit, panes, quibus filii Israel manna percipientes è cœlo aliti sunt in deserto. Hic quoque vir tulit mensam Abbatis, quæ occidentem versus fuerat constituta, & ad orientalem posuit refectorii plagam: ubi videlicet imago Crucifixi Domini fuerat in pariete per picturam expressa. Perpende ergo mysterium, & mysticæ revelationis intellige sacramentum. Quid est enim, quod laudes Crucis chorus ille psallentium melodis vocibus concrepabat, nisi quia futurum erat, ut dum in honorem Crucis solemne jejunium instituerent, quàm dulces ei laudum modulos personarent? Hymnum quippe in beatæ Crucis honore decantat, qui ea videlicet die quâ Christus in Cruce suspensus est, jejunium celebrat. Et quid est, quod melliti videbantur panes in mensa, nisi

„ ut nimirum dulcia spiritus alimenta comederent, dum
 „ per amaritudinem carnis dulces DEO laudum modulos
 „ resonarent? Tanto quippe dulcior gustus exoritur in pa-
 „ lato cordis, quantò major amaritudo distractionis pertur-
 „ bat lasciviam carnis. Quid est etiam, mensam Abbatis
 „ sub Crucifixi redemptoris pedibus ponere, nisi per jesu-
 „ nium sextæ feriæ, quæ dies Crucis est, totum refectio-
 „ rium salutiferæ Crucis signaculo dedicare? Et quid est
 „ sub Crucifixi Domini pedibus residere, nisi post ejus vesti-
 „ gia tendere; & per eum, quo nos præcessit, tramitem
 „ jugiter ambulare? Hactenus ipse B. Petri Damiani verba;
 quibus Joannes Laudunensis hæc immediatè subjungit.
 „ Verùm ad hoc [jejunium] arctius commendandum, & il-
 „ lud aptissimè contigit, ut Sanctus quidam alius frater, Pe-
 „ trus nomine, dum id constitueretur, abesset: qui postea
 „ quintâ quâdam feriâ regressus, eadem nocte per somnium
 „ vidit, quod domnus Petrus illum ad prandium convoca-
 „ ret, secumque ipse conviva discumberet. Sequenti verò
 „ die in Capitulum veniens, cum cæteris fratribus discipli-
 „ nam novi ritus accepit, & sic lætus, & alacer factus, ex-
 „ ultavit in Spiritu Sancto dicens: Ecce Deo gratias, pran-
 „ dium ad quod me Dominus Petrus Damiani vocaverat.
 „ Nec immeritò sanè nostræ carnis afflictio dicitur: quo-
 „ niam unde nostrum per continentiam corpus atteritur, inde
 „ Spiritus supernæ gratiæ pinguedine saginatur.

Atque hæ sunt cælestes illæ visiones & ostenta, quibus
 Monachi Casinates ad jejunii & disciplinæ, FERIA VI. die S.
 Crucis observantiam ferventius succensiti fuerunt.

Non defuit tamen B. Petro Damiani adversarius. Erat
 is Stephanus, ex Monacho Casinate Cardinalis, qui hunc se
 flagellandi usum deridendo (*iiii*) sugillabat, effeceratque, ut
 eum abjicerent Casinates, qui antea, Petro auctore quâlibet

Fe-

Feriâ VI. corpus suum verberibus afflictabant. Stephanus verò carnem jejunio atteri haud improbat: at turpe nimis & inhonestum censebat, *ante tot fratrum intuentium oculos membra nudare.* Non multò post idem Stephanus repentinâ morte è vivis sublatus est; quod Petrus iusto Dei omnipotentis iudicio accidisse putat *propter ejus verbi piaculum.* Tametsi cum eximiis virtutibus præditum fuisse, nequaquam neget, & *pia memoria* virum dicat. Hinc Casinates, ut intermissam flagellandi corpus consuetudinem resumant, hortatur scripto, ad eos opusculo XLIII. quod *sanctis fratribus in Casini montis celesti schola nuncupatum est*, incipitque in hunc modum: *Observatio sexta feriæ, dilectissimi, cui vestra sancta devotio dedicavit & jejunii salutaris inediam, & Apostolicorum verberum disciplinam, quot hominum multitudines ad exemplum salutis attraxerit, . . . testes sunt non modò Monasteria vestra, hoc est, quæ suorum gaudent imitari vestigia magistrorum; sed & multitudines urbium, atque villarum quæ se communiter ingrentes atque latantes id ipsum plausibiliter arripiunt institutum aded ut plerique præ devotionis ardore concepto, nisi quantocyus hujus observantia suscipiant regulam, non levem se reputent propriæ salutis perferre jacturam: nullatenus ambigentes, quia dum die Crucis per corporalem alimentorum se continentiam martiant passioni Redemptoris in veritate communicant.* Hactenus Petrus: ex quibus intelligitur, inquit Mabillonius, (kkkk) hunc flagellandi sui ipsius usum à Monachis ad laicos propagatum fuisse.

Sunt alia hujus ipsius Purpurati Patris præclarè dicta de Feriæ VI. in honorem S. Crucis observantia, quibus cùm fidelium animi ad eandem instaurandam excitari possint, silentio prætereunda non existimo. Igitur Epistolarum libro II. epist. XIV. sic inquit: *Sexta feria vivifica Cruci non inconvenienter adscribitur, quæ scilicet dies pendentis in Cruce Domi-*

ni glorioso sanguine purpuratur. Quo die omnes Fratres nostri; quos utique Monasterialis ordo connectit, hoc etiam ad cumulum propriae salutis adjiciunt, ut & se mañent in Capitulo vicaria collisione scoparum, & insuper celebrent in pane & aqua jejunium: asserentes, quia in hoc Cruci verè communicamus, in hoc procul dubio Christo commorimur, si hoc eodem die, quo ipse passus est, nos etiam carnem nostram per inedia cruciamenta mañemus.

Addunt etiam, quia per quinque millium circiter annorum prolixa curricula, totum genus humanum ferreo diaboli fuerit iugo depressum, & hoc potissimum die per Crucis insigne vexillum sit triumphaliter absolutum, dignum profectò est, ut hujus diei, quæ videlicet omnium atatum nexus abruptit, caro nostra cujusdam tributì canonem solvat, per quam de captivitatis suæ compedibus absoluta tripudiat. Ajunt etiam, quia cùm in die tremendi examinis Arbiter æternus illuxerit, Angelicis undique constipatus obsequiis, cunctis etiam elementis tanta majestatis horrore permotis, præsto beata Crux ulnis advehitur Angelorum, & ante cunctorum statuitur ora mortalium non jam auro, vel margaritis ornata, sed rutilantior sole, cunctisq; sideribus ex virtute divina. Tum itaque, quàm sincero corde & libera conscientia ante sublime solium flammivomi tribunalis assistit, qui servitutis suæ pensum persolvissè se vivifica Cruci per quam de servo diaboli liber effectus est, recognoscit. His & aliis argumentationibus sancti fratres sexta feria jejunandum esse definiunt; & sic Crucifixo Domino se quoque Crucifixos ostendunt. Et quid grave, si Christianus quilibet unum animæ suæ diem per hebdomadam tribuit, ad quod agendum pro corporis incolūmitate servanda diæta quoque medicinalis impellat? Hæc Petrus Damiani.



§. XIV.

Devotionis Obsequium XIV.

Missæ sacrificium feriâ VI. de S. Cruce.

Habet hoc in more positum Romana Ecclesia, ut feriâ VI. per totius anni decursum S. Crucis memoriam potissimum recolat, atque si eo die alterius festi celebritas impedimento non sit, in ejusdem honorem Deo Missæ offerat sacrificium. Et quidem Missæ de sacra Cruce mentionem facit Sanctus noster Gregorius Magnus in Sacramentario, ubi, quæ Collectæ in eadem dicendæ, quæ præfatio recitanda sit, præscribit.

Bennonis hujus nominis I. Abbatis Brevnovii, quod antiquissimum ac princeps in Regno Bohemiæ Asceterium est, præcipua laus in cultû S. Crucis habetur. Præter ea, quæ §. VIII. diximus, forsan eundem Crucis salutiferæ amorem vivaciùs expressit, cùm die ejusdem Crucis Sanctæ cultui sacro (Veneris aliàs appellamus) illucescente Venerabile Sacramentum publicæ Patriæ exponi; summam item eodem die Missam de Sancta Cruce voluit decantari, successorum animos pietati suæ adeò conformans, ut ab obitu ejus non modò nusquam interrupra, sed piis insuper institutis aucta, Monasterio (speramus) futura sit nunquam non coætanea. Quantoperè verò Divina bonitas sibi in hoc pio Cultore Crucis complaceret, videtur indicare voluisse; quandoquidem feria sexta natum, sextâ quoque Novitiorum amiciri habitu, eâdem Professionem emittere, primam eâdem feriâ sacerdotalem hostiam offerre, in Abbatem eligi, ac denique post regimen XXV. annorum ipso tempore quo sacratissima Eucharistia, ut statuerat ad Altare S. Crucis à Fratribus efferebatur, piè voluit in Domino Anno Domini 1646. 20. Julii

obdormire. Sepulchro verò, ut decebat tantum Cultorem Crucis, juxta Aram S. Crucis, illatus fuit. *Vid. Epit. Hist. Monasterii Breunovienfis Cap. VI. pag. 77.*

In Ecclesiâ Parthenonis Gandersheimensis quò tempore Sacra Romana adhuc colebantur, Ara in honorem S. Nicolai Episcopi erecta stabat, in qua Particula *Crucis Dominica* publicæ venerationi exposita erat. Si quis verò Feriâ VI. Missis in dicto Altari, seu apud ipsum & Sanctam Crucem prædictam celebrandis humiliter ac devotè intererat, indulgentiis fruebatur, uti supra Cap. II. §. IX. à nobis commemoratum fuit.

Fridericus ejus nominis II. Comes de Wartenberg & Wildenstein, Monachus S. Blasii in sylvâ Hercynia, Præpositus in Klingnow, postulatus Abbas Augiensis LIII. juxtâ alios LVII. Vir à Martino V. P. M. propter religionis zelum, & literarum scientiam summè commendatus, optimis Abbatibus Divitis Augiæ æquiparandus, imò post S. Pirminium alter Fundator, æternâ memoriâ dignus, multa præclare gessit, à quibus eum Gallus Oheim in Chronico Augiensi Germanicè scripto non immeritò deprædicat. Nos ea tantùm, quæ ad cultum S. Crucis pertinent, hîc spectamus. Singulis igitur noctibus surgebat ad laudes Matutinas cum Cænobitis decantandas, nec postmodùm cubitum petebat, sed pausabat paulisper in culcitrà usque ad Primam, tum præparabat se ad celebrandam Missam nunquam intermissam, & quidem ob venerationem erga S. Crucem in ejus Capella, in eo loco sita, quò nunc chorus exstructus visitur (pro quo ipse Fridericus 1447. 6. Octob. in festo S. Fidis V. M. lapidem fundamentalem posuit, & totam structuram ex lapidibus quadris magnis sumptibus ferè ad perfectionem deduxit) sacrum inquam, nunquam intermisit, nisi nimis negotiis aut ægritudine oppressus; Officio summo, sextæque intererat; Nonam & Completorium recitabat in Oratorio suo; Vesperas psallebat cum

cum

cum confratribus suis &c. Confirmatus est Abbas Augiensis 1428. mortuus 1454. 31. Decemb.

§. XV.

Devotionis Obsequium XV.

Accensio luminum , seu lampadum ante S. Crucem.

NEquè verò illud tantùm devotionis obsequium apud Divinum Redemptorem nostrum in pretio esse existimemus, quo sanctam ejus Crucem argento aurove includimus, & pretiosis exornamus gemmis; nec illa enim dedignatur, quæ modicis sumptibus, exiguisque constant impensis. Ut enim S. Leo Magnus (lllll) præclare docet: *Quæ per se sunt vilia, fides efficit pretiosa.* Quare & lampadum, luminumve ante S. Crucem accensio pretiosa est in conspectû Domini, cujus oculis, ut Jeremias cap. 5. ait, fidem respiciunt. Accenduntur enim lampades vel lumina, ex fide humili, piâ, & devotâ, quâ credimus, & profitemur cum S. Gregorio Nazianzeno (mmmm) Crucem Dominicam esse clarissimam columnam ignis, *quæ vite nostræ praluceat.*

Pictavis in Parthenone Benedictino habetur, ut jam aliàs diximus, insignis particula S. Crucis, ante quam antiquissimis jam temporibus ex instituto S. Radegundis Reginæ & Fundatricis lampas accendi solebat. Quod ut fieret, Deus ipse primam, ut ita dicam, facem accendit. Insigne prodigium à Divo Gregorio Turonensi lib. 1. *de Gloria Martyrum* cap. 5. describitur, cujus verbis illud referre placeat: „ Feriâ sexta ante sanctum Pascha cùm in vigiliis sine „ lumine pernoctarent, circa horam tertiam noctis appa- „ ruit

(lllll) Serm. 6. de 40. (mmmm) Orat. de hominis vilitate.

„ ruit ante altare lumen parvulum in modum scintillæ;
 „ deinde ampliatum, huc illúcque comas fulgoris spargens,
 „ coepit gradatim in altum conscendere, effectáque pharus
 „ magna, obscuræ nocti vigilantíque plebeculæ lumen præ-
 „ buit supplicanti: illucescente quoque cœlo, paulatim
 „ deficiens, datâ terris luce, ab oculis mirantium evanuit.

„ Ego autem audiebam sæpius, *pergit Gregorius ocula-*
 „ *tus testis*, quod etiam lychni, qui accendebantur ante
 „ hæc pignora, ebullientes virtute divina, in tantum
 „ exundarent oleum, ut vas suppositum plerumque reple-
 „ rent; & tamen juxtâ stultitiam mentis duræ nunquam
 „ ad hæc credenda movebar, donec brutam segnitiam ad
 „ præsens ipsa, quæ ostensa est, virtus argueret: ideóque
 „ quæ oculis propriis viderim, explicabo. Causa devotio-
 „ nis exstitit, ut sepulchrum sancti Hilarii visitans, hujus
 „ Reginæ adirem colloquia. Ingressúsque monasterium,
 „ consalutatâ Reginâ, coram adoranda Cruce ac sacris Bea-
 „ torum prosternor pignoribus. Denique oratione facta
 „ surrexi. Erat enim ad dextram lychnus accensus, quem
 „ cum stillis frequentibus defluere conspexissem, testor
 „ Deum, quia putavi, quasi vas esset effractum, quia ei erat
 „ concha supposita, in quam oleum defluens decidebat.
 „ Tunc conversus ad abbatissam ajo: Tantane te retinet
 „ mentis ignavia, ut integrum cicindilem (*lampadem vi-*
 „ *ream*) laborare non possis, in quo oleum accendatur, ni-
 „ si effractum, quo defluat, ponas? Et illa: Non est ita,
 „ domine mi, sed virtus est Crucis sanctæ, quam cernis.
 „ Tunc ego ad me reversus, & ad memoriam revocans,
 „ quæ prius audiveram, conversus ad lychnum, video in
 „ modum ollæ ferventis magnis fluctibus exundare, ac per
 „ oram ipsam undis intumescens superfluere, & , ut
 „ credo, ad incredulitatem meam arguendam magis ac ma-
 „ gis augeri; ita ut unius horæ spatio plusquam unum sex-
 „ , tarium

„ tarium redderet vasculum , quod quartarium non tene-
 „ bat : admiratusque filii , ac virtutem adorandæ Crucis
 „ deinceps prædicavi.

Otto I. Imperator *ad restauranda luminaria , quæ Alwin-
 cus Augiensis Monasterii abbas ad honorem sanctæ Crucis fieri de-
 crevit* , multa proœdia legavit , atque donationem duobus
 diplomatibus confirmavit ; quæ cum supra à nobis allata
 fuerint , hîc repetere non vacat.

§. XVI. Devotionis Obsequium XVI. *Benedictio S. Crucis,*

Benedictionem à S. Cruce accipere , B. Petrus Damiani
 & sibi , & omnibus ejusdem devotis cultoribus arden-
 tissimis optavit votis , eam ita implorando : *Serm. in fest.*
Exalt. S. Cruc.

„ O Crux benedicta , quæ ab omnibus benediceris : Benedi-
 „ ctio enim tua cuncta sanctificat , omniumque benedictio rerum
 „ in te copiosa redundat. Salva , quæso , benedic , & protege ,
 „ ò figura benedicta populum supplicem , in tuis hodie laudibus
 „ communiter exultantem , ut qui te nostræ redemptionis fieri
 „ voluit instrumentum , per te quoque ad suæ gloriæ nos digne-
 „ tur transferre consortium : & quos per te de servitutis eripuit
 „ vinculo , per te etiam juxta promissionem sanctam , constituat
 „ heredes in Regno , Salus illi , & gratiarum actio , laus , ho-
 „ nor , virtus , & imperium cum Patre & Spiritu sancto per
 „ omnia sæcula sæculorum , Amen.

In Monasterio S. Dionysii propè Parisios singulis Domi-
 nicis & Festis præcipuis Cruce illâ , quam Carolus Impera-
 tor dono debet , benedictio fieri consuevit , Ita enim præscri-
 bitur :

T t

bitur : *Post Missam sonet classicum , Abbas , vel ille qui Missam cantaverit , post accipiat Crucem Caroli , & faciat Benedictionem , & sic in cæteris festivitatis principalibus.*

In festo Resurrectionis hæc Crux , inter alias duas poni consueverat (Domnus Abbas festiuis indutus vestimentis , cum septem Diaconibus , totidemque Subdiaconibus textus deferentibus , & Conversis antecedentibus cum thuribulo , & candelabris duobus , cui obviam ex capitis fratres usque ad altare S. Trinitatis cum Cruce Domni Karoli Imperatoris retro altare & candelabris cristalinis advenient , crucem Domni Karoli inter alias duas ponentes , desuperque candelabra cristallina.) l. c. pag. 451.

Ex dono ejusdem Caroli Imperatoris asservatur in Monasterio Gellonensi eximia S. Crucis portio. Hac populus , expleta Matutinali Missa , à Sacerdote benedici solebat ; quæ cum die quadam fuisset furto sublata , ingens omnium dolor , luctus , & clamor exortus est , ut supra cap. 2. §. IV. à nobis commemoratum est.

In Monasterio Divitis Augiæ singulis diebus manè ante primam Missam benedictio præsentibus sacrâ Cruce datur ; quæ benedictio finitis Vesperis repetitur.

Olim (*nnnn*) festo die Exaltationis Sanctæ Crucis sub finem Missæ à Pontifice Crux extollebatur , ut à populo adoraretur , & Collecta hæc vel similis recitabatur : *Deus , qui Unigeniti tui Domini nostri Jesu Christi , vivifica Crucis vexillum sanctificare voluisti &c.* Quam citat Alcuinus lib. 2. adversus Elipantum : Item ad elevationem Sanctæ Crucis : *Deus , qui Unigeniti tui pretioso sanguine vivifica Crucis vexillum sanctificare voluisti , &c.* Nihil à pietate erga S. Crucem alienum factura sunt illa Monasteria , in quibus insigniores salutiferi Ligni particule asservantur , si ritum hunc in festo

(*nnnn*) Hugo Menard. in Not. & Observ. in lib. Sacrament. S. Greg. Papæ p. 415, col. 1.

feſto Inventionis & Exaltationis vel aliis diebus, in quibus major populi ad S. Crucem adorandam accuſſus, inſtaurare ſatagant.

Juvat hîc adſcribere *Benediſſionem in Feſtîvitate S. Crucis*, deſumptam ex *Benediſſionali* (0000) S. Gregorii M. noſtri.

Benedicat vos Omnipotens Deus, qui per Unigeniti ſui JEſu Chriſti Domini noſtri paſſionem, & Crucis patibulum, genus redemit humanum, Amen.

Concedâtque vobis, ut cum omnibus ſanctis, qua ſit ejusdem Crucis longitudo latitudo ſublîmitas, & profundum, mente devota comprehendere poſſitis, Amen.

Quatenus voſmetipſos abnegando, crucémque geſtando, ita in præſentis vita ſubſidio Redemptorem noſtrum poſſitis ſequi, ut ei inter choros Angelorum poſtobitum mereamini adſciſci, Amen.

Nec ſilentio mihi præternitenda videtur *Benediſſio Aquæ cum Ligno Sanctæ CRUCIS contra FEBREM*. Sic verò habet:

Domine JEſu Chriſte fili DEI vivi, qui ſecundùm magnam diſpenſationem incarnationis tuæ in ligno crucis mori voluiſti; ut per tuam mortem humanum genus à perpetua morte liberares proſpice per invocationem nominis tui, ut hæc aqua à tactu ipſius ſanctæ Crucis ſanctificata ſamulo tuo N. quem ardens febris gravitas excruciat, proficiat ad corporis animæque ſalutem, quod ipſe præſtare digueris, qui cum Deo patre in unitate.

Alia.

Domine JEſu Chriſte, qui pro noſtra redemptione per paſſionem tuam hoc lignum ſanctæ Cruſcis ſanctificari voluiſti, concede propitiſ, ut quiſcunque hanc aquam ejusdem ſanctæ Cruſcis tactu ſanctificatam hauſtâ perceperint, ab omni infirmitate mentis & corporis abſolvantur: qui cum Deo patre & ſpiritu ſancto vivis & regnas Deus per omnia ſacula ſeculorum, Amen.

Utraque hæc Benediſſio deprompta eſt ex Codice mîſto Theologico CXLIX. Auguſtæ Vindobon. Bibl. de quo

Tt 2

Pe-

Petrus Lambec. lib. II. Comment. de Bibl. Cæs. p. 299. fol. 225. *Manuscripti* 6. Cùm verò hic Codex fuerit olim Bibliothecæ Monasterii Augiæ Divitis, nullus dubitandi locus relinquitur, quin Monachis Augiensibus hæ Benedictiones ad depellendas ab ægrotantibus febres olim usui fuerint. Et verò non absimile hujus rei exemplum suprà memoravimus in Historia S. Crucis Augiensis §. 1. p. 122.

§. XVII. Devotionis Obsequium XVII. *Peregrinatio ad S. Crucem.*

Quanta vis ac multitudo Christianorum prioribus sæculis Jerosolymam adiverit, ut sepulchrum Christi visitaret, ejusque S. Crucem adoraret, in vulgus longè notius est, quàm ut à me multis declarari debeat. Nec pauci fuerunt Monachi & Abbates Benedictini, qui eodem Domini-
cam Crucem ac Sepulchrum venerandi desiderio succensi, arduum hoc iter aggressi fuerunt. Memoratu verò digna sunt, quæ S. Wilibaldo in hoc itinere acciderunt. *Inde venit, legimus in ejus Hodæporico, (ppppp) ad Hierusalem, in illum locum, ubi inventa fuerat Sancta Crux Domini. Ibi nunc est Ecclesia in illo loco, qui dicitur Calvariae locus &c. Et ibi stant tres Cruces lignæ foris in Orientali plaga Ecclesiæ secus parietem, ad memoriam S. Crucis Dominice, & aliorum, qui cum eo Crucifixi erant.* Cùm verò Gazæ in templo S. Mathiæ esset, visum amisit, quem post duos menses Jerosolymis recepit in Ecclesia S. Crucis, condita eo loco, ubi olim Crux à beata Helena reperta fuerat. *Cùmque Basiliam, in quâ vivifica Crucis vexillum fuerat inventum, cæcus intraret, illico lux olim*
amif-

(ppppp) Extat apud Ganif. tom. 4. Antiq. Lect.

amissa, tetras discutiens tenebras, micuit in propatulo &c. Crux nempe sancta, qua ei dudum spatium contulit vita, ipsa levamen & medela in recuperanda exstitit luce.

Quia verò multæ obstabant causæ, per quas Jerosolymitano se itineri accingere, quàm plurimis Christianorum non licebat, satis illi habuerunt, si eò concederent, ubi de S. Crucis ligno Reliquias asservari sciebant. Ex Familiæ nostræ Monasteriis præ cæteris frequentari cæperunt in Gallia Pictaviense, Caroffense, & Gellonense; in Hispania Sahagunense, seu S. Facundi, S. Turibii de Liebana, S. Petri de Arlanza; In Anglia Helnoustense, Abendonienſe, Westmonasterienſe; In Italia Firmanense; In Polonia Calvomontanum; In Lotharingia Busendorffense; In Belgio Gemblacense, Elnonense, Münsterienſe; In Germania Augiense, Wiblinganum, Donawerdanum, & Schyrenſe; & quidem hoc postremum eò donatum est à summis Pontificibus privilegio, ut qui desiderio flagrans, vel voto obligatus Dominicum sepulchrum visitandi, illud verò ob infirmitatis, paupertatis, longi itineris &c. impedimentum personaliter perficere non potest, tantum mercedis, si Sacram Crucem Schyræ visitet, veneretur, & pro modulo suo donaria elargiatur, consequatur, quantum consequuturus foret, si illud Dominicum sepulchrum Jerosolymis visitaret, coleret, & aliquid ad illud elargiretur. Ita expressè habent duo diplomata Chronico Schyrenſi impressa. Nec illustria miracula & prodigia per virtutem S. Crucis edita in prænominatis Monasteriis defuerunt, quæ homines variis afflictos miseris ut eodem supplices concederent, excitare possent.



§. XVIII. Devotionis Obsequium XVIII.

S. Crucis in supplicatione circumgestatio.

COenobitæ Fuldenses in libello supplici, quem Carolo M. Imperatori obtulerunt, inter alias preces etiam hanc numero vigesimam inseruere: *Ut Crucis gloratio in singulis diebus Dominicis fiat ante Missam, Fratribus circa vicina quaque loca Monasteris Crucem sequentibus Hymnos & Antiphonas cantantibus, sicut apud Majores nostros usus erat, in Diebus Dominicis, & Resurrectionis Domini gloriam celebrari. Et quod in diebus jejuniorum ab Episcopis decretis Crucem portare, & Litanias facere liceat. Quam piissimam Fuldensium petitionem quin Carolus Imperator pro suâ etiam singulari erga Dominicam Crucem devotione ratam esse jusserit, nullatenus est dubitandum. Monachi verò Fuldenses hanc S. Crucis in processione circumgestionem Crucis gloriationem vocare consueverant; nec immeritò: nam Crucem ceu in triumpho circumferentes miris laudibus, hymnis, & antiphonis celebrabant, quod utique eidem summæ vertebat gloriæ.*

Nec primi tamen ex Ordine nostro Fuldenses fuerunt, qui S. Crucem in supplicatione circumtulērunt. S. enim noster Gregorius M. teste Venerabili Beda in Historia Gentis Anglorum lib. 1. cap. 25. Augustinum, aliòsque Benedictinos ad Angliæ conversionem misit, qui ad Edilbertum Regem Cantiorum delati Crucem pro vexillo prætulērunt, unâ cum imagine Christi Salvatoris in tabulâ depictâ. Ut verò regiæ civitati appropinquârunt, has consonâ voce preces modulati fuerunt. *Deprecamur te Domine in omni misericordia tua, ut auferatur furor tuus, & ira tua à civitate ista, & de domo sancta tua, quoniam peccavimus, halleluja.*

S. Be-

S. Bonitus noster Episcopus Arvernensis Cruce propriis manibus in supplicatione prælata pluviam cælitus impetravit. Vid ejus vitam apud Mabill. Sac. III. part. I. Act. Ord. S. B. pag. 91.

Gerardus Abbas Ordinis nostri Crucem prætulit in memorabili illo prælio, quo Christiani, ut Balduinum Regem ex hostium manibus eriperent, cum Saracenis conflixerant. Victoriâ describit Eckardus Abbas Uragiensis in Chronico ad an. MCI. Referebat mihi venerabilis Abbas Gerardus, qui tunc Crucem Dominicam semper lateri Regis contiguus præferebat; nunquam se tantam nivis vel pluvie, quantam tunc telorum contra Regem volare densitatem vidisse: At post ligni pretiosi intuitum, nullum ex hostibus telis se vel armis, sed universos fugæ se præsidio commississe.

De S. Cunegunde Imperatrice, ac postea Moniali Benedictina in ejus vita legitur, quòd in Monasterio diebus Dominicis Crucem sequi solita fuerit, id est, processionem comitata fuerit, quam Crux antecedit.

§. XIX.

Devotionis Obsequium XIX.

Ex collo S. Crucis particulam, vel aliam gestare Crucem.

Vetus est apud Benedictinos consuetudo, ut si quas S. Crucis particulas haberent, eas aliis crucibus inclusas collo appenderent; si verò nulla Dominicæ Crucis fragmenta possiderent, alias Cruces, in quibus Sanctorum Reliquiæ continerentur, è collo suspensas deferrent: denique si sacris etiam non gauderent Reliquiis, simplices Cruces, Sanctæ Cru-

Crucis imagines secum devotè gestarent. Certè S. Gregorius M. Ordinis Benedictini, ut ab Urbano VIII. vocatur, *antiquum decus* phylacteria sacris referta reliquiis ad collum suspensadeserebat, uti narrat Joannes Diac. lib. 4. c. 8. Phylacteria autem illa Crucem interpretatur ipse Gregorius lib. 12. ep 7. ad Theodelindam. Sed devotioni Gregorii erga S. Crucem fatis non erat, ut ipse Crucem deferret, etiam ab aliis hanc gestari volebat. Hinc Recaredum, Regem Visigothorum in Hispaniâ, Cruce donavit, in quâ, præter alias reliquias, particula de Sanctissimo Crucis ligno continebatur. Epist. lib. IX. ep. CXXII. *Crucem quoque, inquit Pontifex, dedi latori presentium vobis offerendam, in quâ lignum Dominicæ Crucis inest, & capilli B. Joannis Baptista, ex quâ semper solatium nostri Salvatoris per intercessionem præcursoris ejus habeatis.* Idem Pontifex Dynamio patricio Crucem parvulam, in quâ de catenis beati Petri, & de S. Laurentii craticulâ aliquid insertum erat, dono transmisit, ut eâ, inquit lib. 2 epist. 3. *vestra colla à peccatis solvantur.* Idem Christi Vicarius ad Adulowaldum misit Crucem cum ligno S. Crucis Domini, & lectionem S. Evangelii thecâ Persicâ inclusam.

B. Richardo (qqqqq) Abbati Virdunensi, iter in Palestinam facienti, Patriarcha Constantinopolitanus, an Hierosolymitanus? duas portiunculas Crucis Dominicæ dono dedit, quas Richardus in auro cælari in modum Crucis curavit, quam collo appendit tanquam clypeum adversus demones tutissimum. Cùm subinde verò in baptismatis Christi memoriam in Jordane lavaretur, Crux memorata, quæ de collo ejus pendeat, eo ignorante, in fluvium delapsa est. Lotus è fluvio egressus est: cùm longiùs abesset, crucis recordatus, & non inventa, ad fluvium rediit, & stans in ripa huc & illuc respiciens lacrymis obortis Crucem vidit per transversum amnem ad se natantem, quam receptam Deo gratias agens collo appendit.

Refe-

(qqqqq) Menard. in Menol. Ben. pag. 256.

Referunt Annales Benedictini tom. 2. p. 348. ad ann. 800. de Monacho Novæcellæ, qui in stagnum ingressus, quoniam secum habebat Crucem, in quo lignum Dominicum erat, ex imminente n. ufragio creptus est. Noctu verò quiescens vidit miri candoris virum, qui ita eum affatus est: *Nisi, inquit, lignum Dei mei tecum attulisses, nequaquam abhinc quo velles tempore exires.* In vit. B. Benedicti Abb. Anian. Sec. 4. part. 1. p. 206.

§. XX. Devotionis Obsequium XX.

Ad Crucem stare & pœnitere.

ERecta etiam sub divo in Monasteriis stabat Crux, ad quam Monachi & Moniales ad expiandas culpas, maximè violati silentii pœnitebant. Extant hujus rei duo præclara exempla, primum in vitâ S. Lamberti Trajectensis Episcopi, alterum in vitâ S. Austreberthæ Abbatissæ Pauliacensis. Utrumque memoratu dignum est. Dum vir venerabilis inquit Godeschalcus, qui vitam D. Lamberti ab authore coætaneo scriptam politiore stylo reddidit, dum vir venerabilis Lambertus Episcopus in præfato [*Stabulensi*] Monasterio moraretur, consueto more in medio noctis expergiscens, contigit, ut solus ad orationem devoto pectore pergeret. Quo porrigente manum, arripientéque sandalia alterum eorum de manû in pavementum cecidit, & usque ad auditum, sonum effecit. Hoc audiens pater Monasterii [*utrum S. Sigolinus, an S. Goduinus is fuerit, incertum manet*] sed nesciens quis hoc egisset, ait. Quisquis istum sonum fecit, ambulet ad Crucem. Igitur sanctus vir religiosus illicò obedientiam sine morâ sequutus, nudis plantis, pedibusque discalceatis, &

U u

aspe-

aspero cilicio indutus clam de lecto exiliens festinus usque ad Crucem cucurrit. In illo autem tempore, brumalis circulus nimio frigore & glaciali nive algeſcebat. At ibi Dei famulus, immobilis perſiſtens, & erectis manibus inflexibilia brachia extendens, & Psalmodum cantus efficaciter exercens nimia aeris tempeſtate conſtrictus, uti invictus miles in magno labore perſiſtens morabatur. Interea nix uſque talos ipſius pervenit. Dominus autem, qui cuncta gubernat, & omnia, antequam fiant, praevidet & ſcit, ſervi ſui non immemor, miſertus eſt. Nam dum in quadageſimo primo Pſalmo hunc verſiculum cantaret, id eſt, quando veniam & apparebo ante faciem Dei? hoc per Dei clementiam contigit, ut in illa nocte gallorum cantus citius, quam in ſingulis quibuſque noctibus ſolebat, audiretur. Et nec mora, fratres Monasterii, pulſato ſigno, ingredientes ad vigilias, & officio peracto, feſtinanter de templo exeuntes, ac nimio frigore compulſi, frigentia corpora caleſcere cupientes, domum introgreſſi ſunt. Interim athleta Dei fortius certando, & in orationibus aſſiduus laborans juxta Domini Crucem fixus perſtabat. Tunc pater Monasterii requirens inquit, Anne omnes fratres noſtros habemus? At unus e fratribus reſpondens dixit ei. Ego te hac nocte de alio ſonum faciente judicantem audivi, ut de eo, quod incaute egit, juxta Crucem poeniteret, ſed proſus quis eſſet, ignoro. Adhuc illo loquente alter intravit, dicens: Verè Dominus Lambertus hac nocte longo temporis ſpatio juxta Crucem diſcalceatus perſeverat. At ipſe Abbas contremiſcens, converſus ad fratres dixit: Velociter ite, & pedibus ejus corpora veſtra proſternentes, ut ad nos veniat, humiliter poſtulate. At illi mox currentes, juxta Crucem ſtantom invenerunt. Ipſe verò Dominus Apoſtolicus capite & humeris & toto corpore, nive contectus, reſpondens, talia verba promebat. Cor contritum & humiliatum Deus non ſpernit, & reliqua. Illi verò,

verò, qui missi fuerant, postulantes dixerunt: O amice! quasi legati pacis ad te missi sumus; Pater enim noster communis obsecrat, & omnes fratres deprecantur, ut ad illos quantocyus pergas. At ille obedienter & humiliter precibus eorum consensit. Et postquam comitatù eorum in domum illam, in quâ fratres erant, intravit, statim Pater Monasterii, simul cum Monachorum agmine ad pedes Pontificis provolutus veniam postulans ait: Ignosce mihi, Pater, & secundum clementiam tuam indulge, quia nesciens peceavi, quod sic insipienter egi, da indulgentiam tuis devotis famulis. At ille respondens dixit. Si vos insipienter, & imprudenter fecissetis, ego à Deo indulgentiam postulâssem, & vobis libenter cum charitate debita ex toto corde dimissem; quia verò secundum Regulam Ecclesiasticam, & secundum Monachorum instituta rectè judicâstis, juxtâ possibilitatem virium meorum, veluti servus inutilis vestris obtemperavi præceptis. Nam sciebam, quòd ex sententia Pauli Apostoli frigori & nuditati & servituti corpus meum subicere me oporteret; ipse enim dixit: [Per multas tribulationes oportet nos intrare in regnum cœlorum.] *Et rursum dicit.* [Non sunt condignæ passionibus hujus temporis ad futuram gloriam, quæ revelabitur in nobis.] Nam quantum in hoc sæculo flagellis atterimur, tantum in futuro gaudebimus, & ideo nullus labor durus, nullum tempus longum, quoniam vita æterna acquiritur. Continuo fratres osculantes manus ejus & pedes, balneum & alia indumenta quasi ad aliquod corporis ejus solatium pararunt, & ad invicem mutuo talia verba dixerunt: Dominus nobis in hac nocte pro ejus augenda gloria, & pro lucris præmiorum promerendis, hujus opera oculis hominum abscondita sed obtutui divino manifesta, nota facere voluit. Hucusque Godeschalcus. (rrrrr) Hæc Crux, inquit Reinerus, (sssss) lapidea erat inter Oratorium & dormitorium,

U u 2

ad

ad hoc statuta, ut respectu ipsius Crucis, hi qui erant Christi, carnem suam devotius crucifigerent cum vitiis & concupiscentiis, & si quando graviusculis delinquerent excessibus, ad hanc additi regulariter pœniterent. Est vetò in Monasterio Stabulensi adhuc hodie signum Crucis eò loci positum, ubi hæc Crux olim erecta fuisse dicitur, ut observat Chapeavillus (tttt) Canonicus & Vicarius Leodiensis, qui illud non semel vidit, & orationem facturus adiit. Præterea ob rei narratæ memoriam in principali Ecclesia Leodii, ubi pretiosus Martyr Lambertus corpore requiescit, mos iste primùm inolevit, ajunt Nicolaus (uuuuu) & Egidius, (xxxxx) ut intra claustralia septa subdivo vexillum Crucis Dominica perpetuò stabiliretur, licet nonnulla hoc Ecclesia usurpare sibi videantur, alio quidem religionis genere.

Simillima legitur Historia de Austrebertha illustri Abbatissa, quæ per idem tempus in Diœcesi Rotomagensi Pauliacense Monasterium regebat. Cùm ei moris esset, ut sicut bonus Pastor super gregem Domini vigilaret, & die noctûque circumiens, nequid cuiquam fortè accidisset, inspiceret, die quadam Matutinis expletis, cùm sorores fessis corporibus post laborem se in lectulis collocassent, in ipso lucis crepusculo cùm Aurora terram perfunderet, & ipsa volens cognoscere, an cunctæ quiescerent, pergredebatur leniter per dormitorium, inspiciens lectulos singularum. Evigilânsque præposita, nesciens esse Dei famulam, valde eam increpavit dicens: Cur ita agis soror? quare inquietas quiescentes? Vade, inquit, ad Crucem. Illa autem gavisa cucurrit quantocyus, stetitque immobilis, donec horâ competentis signo facto conurgerent omnes. Præposita verò cùm cognovisset, quod fecerat, cadens ad pedes ejus, veniam precabatur. Hæc auditor vitæ. Vult Yepesius (yyyyy) Austrebertham stetisse expanis

(tttt) In not. ad cap. 3. Godesc. (uuuu) Cap. 3. (xxxxx) In addit. ad Anselm. c. 7. (yyyyy) Apud Bolland. d. 10, Febr.

panfis ad Crucem brachiis, eamque usitatam fuisse apud Belgas Monachos poenitentiam, probare conatur allegato prædicti Lamberti exemplo, ideoque *ire ad Crucem* vertit *ire se Crucifixum*. Non diffitemur, inquit Carolus Cointius Annal. Eccles. Franc. ad an. 677. n. 10. p. 780. in usû olim fuisse, ut poenitentes ad Crucem mitterentur; sed nec Lambertum Stabuleti, nec Austrebertham Pauliaci putamus extendisse ad Crucem sua brachia. Poenitentes aut constituerunt ad Crucem, aut ad eam genua flexerunt. Quis credat, Abbatem Stabulensem, & Præpositam Pauliacensem fecisse tam inhumaniter, ut juberent Lambertum & Austrebertham brachia extendere ad Crucem, & ad plures horas id tormentum subire, quod nemo faciliè ultra horæ quadrantem ferre possit? Quid igitur, posset Cointio Yepesius respondere, quid igitur S. Lioba Abbâtissa Monialibus suis, dum fama earum pudicitiae periclitaretur, *precepit omnibus*, teste Rudolpho in vitâ *oratorium ingredi & extensis in Crucis modum brachiis stare, quoadusque singula psalterium totum ex ordine psallendo complerent*? An non deinde Godescalcus, Cointio ipsi laudatus, de S. Lamberto disertim testatur: quod ad Crucem steterit: *erectis manibus inflexibilia brachia extendens*? Utcunque se res habeat, mihi exempla SS. Lamberti & Austreberthæ adduxisse sufficit; quorum certè erga S. Crucem eximie devotionis fuit obsequium, quòd, cum levissimè violati silentii culpam expiare iussi fuissent; magna humilitate & patientia per tempus non exiguum ad Crucem sub divo erectam constiterint. Ambo, Lambertus & Austrebertha illud Regii Psalmistæ usurpare poterant: *Ego pauper & dolens* (sive vigiliis, frigore, nuditate & cilicio carnem amore Jesu Crucifixi castigans) *laudabo nomen Dei cum cantico: & placebit Deo super vitulum novellum cornua producentem & ungulas*. Psalm. 68.

Atque hæc sunt *Devotionis Obsequia*, quibus tametsi Majores nostri Crucem Christi devenerari studuerunt, summum


tamen ejusdem & maximum cultum in vita Cruci Christi conformi constituerunt. Ego verbis Apostoli 1. Cor. 16. præfens *Opus de Cultu S. Crucis in Ordine Divi Benedicti* concludo: *Qui non amat Dominum nostrum JESUM Christum, sit anathema, maranatha.* Sed quis ille est, qui non amat Christum? interrogat B. noster Petrus Damiani *Serm. de Invent. S. Crucis.* Quis enim nostrum, si de Christi dilectione consulitur, non protinus constanter, immò promptissimè se Christum diligere fateatur? Verùm ille non amat Christum, qui non amat Crucem Christi. Et qui sunt, qui Crucem Christi non amant? Audi Paulum manifesta eos voce notantem: *Philip. 3. Multi,* inquit, *ambulant, quos sæpe dicebam [nunc autem flens dico] inimicos Crucis Christi, quorum finis interitus, quorum Deus venter est: & gloria in confusione eorum, qui terrena sapiant. Quid multis? qui opera carnis faciunt, inimici sunt Crucis Christi. Opera verò carnis sunt, eodem Apostolo in epistola ad Galatas cap. 5. v. 19. recensente, fornicatio, immunditia, impudicitia, luxuria idolorum servitus, veneficia, inimicitia, contentiones, emulationes, ira, rixa, dissensiones, secta, invidia, homicidia, ebrieta-tes, & his similia, quæ prædico vobis, sicut prædixi, quoniam qui talia agunt, regnum Dei non consequentur.*

Quisquis igitur Crucem Christi diligit, honorat, veneratur, ab operibus carnis absteineat necesse est. Per Crucem se Dei mandatis astringat, cohibeat. Sicut enim consentiendo carni, sententiam maledictionis incurrimus: sic refrenando carnem, benedictionis gratiam promeremur. Ex torculari namque Crucis largissima benedictionis unda profluit, quæ maledictionis antiquæ virus omne deterfit. Inde nimirum stillicidia charismatum cælestium proruperunt, quæ ariditatem humanarum mentium salubriter irrigant, omniumque virtutum fruge foecundant.

Hæc

Hæc subnotare necesse duximus, ne in cultû Crucis Dominicæ in gravissimum incidamus errorem, existimantes, tum nos erga eandem esse devotos, cû varia Devotionis Obsequia eidem impendimus, vitam interea Cruci omnino difformem transigamus.

F I N I S.



IN-



INDEX.

Rerum memorabilium quæ in hoc Opere continentur. Literæ D. P. designant Dissertationem Præmialem.

- A** Dalbertus Alsatiæ Comes ex Domo Lotharingica condit monasterium S. Crucis Busendorffense p. 22. Reliquias S. Crucis pro eo impetrat. 23.
- Adalbertus Austriæ Marchio, cognomento *Victoriosus* particulam S. Crucis Mellicensi Monasterio confert. p. 127. 145.
- S. Adalbertus Diaconus O. S. B. est sospitator liberorum Theoderici Comititis Hollandiæ. 196.
- S. Adalbertus Ep. Pragenfis signo Crucis ægram sanat matronam. p. 260.
- Adalbertus Salisburg. Archiepiscopus festivitatem de recuperatione S. Crucis Mellicensis instituit. p. 130. 135.
- S.** Adalhardus fundator Parthenonis Herisfordensis. p. 51.
- Adelboldus O. S. B. Episcopus Ultrajectenus librum de laudibus S. Crucis conferbit. D. P. S. Albani Angliæ Protomartyris Crux. p. 174.
- Altaria S. Crucis celebriora. p. 55. 57. 52.
- S. Amandus tyro adhuc religiosus serpentem signo crucis pellit. p. 248.
- S. Amphibalus cruce S. Albanum donat. p. 173.
- S. Anastasius Archi-Abbas in Monte S. Martini Apostolicam Crucem Regibus Hungariæ à Summo Pontifice impetrat. p. 208.
- S. Andreas quali cruce affixus fuerit. p. 171.
- Angelus apparens signo crucis inconsideratum mortis timorem tollit. 234.
- S. Anno Archiep. Colon. Crucis apparitione de loco condendi monasterii edocetur. p. 232.
- S. Ansbertus Archiep. Roromag. 191. crux in ejus honorem erecta prodigiis claret 192. alia in ejus defuncti brachio apparet. 220.
- Apparitiones S. Crucis Benedictinis factæ, & quid eadem portenderint. p. 216. seq. per totum Caput IV.
- Arbor in modum S. Crucis excresecens. p. 44. prodigia in eadem. 45.
- S. Arnulphus Ep. energumenam signo Crucis liberat. 263.

Arnul-

- Arnulphus Imp. à Formoso Papa S. Crucis particula donatur, 121, hanc Parthenoni Gandersheim. confert. 122.
- S. Aitala cultor S. Crucis coelos videt apertos. p. 278.
- S. Audænus Ep. cœlesti visione admonitus locum pro monasterio S. Crucis designat. p. 8.
- Augia dives à SS. Cruce & Sanguine Domini nobile Asceterium. p. 81. seq. Ejus Ecclesia in honorem S. Crucis dedicata. 48. expilatur à Suecis. 96. magnus peregrinorum ad illud hodie accursus. 112.
- Augia Major Brigantina perantiquum Germaniæ Monasterium portione S. Crucis gloriatur. 166.
- Augustinus Calmet laborat in elucidanda Græca Inscriptione S. Crucis. 126.
- S. Austrebera ad crucem poenitet.
- Azan Hierosolymæ Praefectus Carolo M. particulam Crucis & Sanguinis Domini transmittit. 83.
- B**æulus Protei Stoici talento venditus. 60.
- S. Bavo crucis mortificationem in corpore suo gerit. 240. morti proximus crucis apparitione illustratur. 241.
- V. Beda, ejus Sermones de S. Cruce. D. P.
- Bellarmini Cardinalis epistola insignis, quâ apparitionem crucis declarat. 217.
- S. P. Benedictus Reliquiis S. Crucis S. Maurum donat. 61. Bru-

- nonem adolescentem postea Leonem IX. P. M. crucis actu sanatur. 81.
- Benedictus Abbas Wiblingensis absconditam S. Crucis particulam invenit 156. festivitatem de inventione celebrat *ibid.*
- Benedictus fortissimus miles in Carolo M. exercitu, postea piissimus monachus in monasterio S. Crucis p. 6.
- Benedictini Theologi in Angliâ cultum S. Crucis contra Wiclefsum propugnant D. P.
- Benedictio S. Crucis 329. ejus formulæ 338.
- S. Benno aquam signo S. Crucis in vinum vertit, & Albim sicco pede transit 264.
- Benno Abbas Brevnovienfis, S. Crucis præcipuus cultor 325.
- Berengofus Abbas author libri de laude & inventione S. Crucis D. P.
- S. Bernwardus Epif. Hildesienfis cum cruce depingitur, & cur? 147.
- Bodo Tullensis Ep. fundat monasterium S. Crucis 17.
- Boleslaus Poloniæ Rex Calvomontanum monasterium in honorem S. Crucis condit 39.
- Buellius Abbas Monferratenfis Indiz Occidentalis Patriarcha 202. in ea Crucem primus erigit, quæ prodigiis fulget 203.
- S.** Canutus Rex Angliæ Crucem pretiosè exornat 195.

- Carolus M. particulas S. Crucis dono accipit & dat. 73. 85.
- Carolus Crassus Imp. Staurophilus, sepultus in Augiensis Ecclesiâ S. Crucis 50.
- Carolus IV. Imp. Augieusè Monasterium pro Reliquiis SS. Crucis & Sanguinis Domini adit, & impetrat. 94.
- Calimirus Radziwilus Princeps condit monasterium S. Crucis 42.
- Childebertus Rex Francorum S. Cruci devotus, in ejus honorem Ecclesiam construit 3. in qua reliquias S. Crucis reponit 62.
- Conradus Dalmatiz Dux particulam S. Crucis insignem Monasterio Schyrensi tradit. p. 152.
- Conradus II. Imp. arcem suam in monasterium S. Crucis commutat 35. ejus honori magnificentissimam condit basilicam *ibid.*
- Corbeia Nova illustre Monasterium p. 238. super eam aurea Crux apparet 238.
- S. Corbinianus signo crucis latronem è furcâ suspensum in vita servat 265.
- Crux D. N. J. C. in ejus honorem Monasteria, Templa, & Altaria condita. Cap. I. per tot. Ejus reliquie per Ecclesias Benedictinas dispersæ. Cap. II. per tot. Ejus imagines. Cap. III. per tot. apparitiones. Cap. IV. per tot. res prodigiosè per ejus signum gestæ. Cap. V. per tot. Devotionis erga eandem Obsequia Cap. VI. per tot.
- S. Cunegundis ex Imperatrice Benedictina Monialis 254. S. Crucis signo incendium extinguit 254.
- Cursus, seu Parvum Officium de S. Cruce in Congregatione Bursfeldensi, & aliis Monasteriis Benedictinis receptum 307.
- D**evotionis Benedictinæ erga S. Crucem Obsequia 268. seq.
- Diabolus monachos ludere volens illuditur p. 9. non fert S. Crucis præsentiam 75. an in columbæ specie appareat 231. cruce aliquando ad præstigijs abutitur *ibid.*
- S. Dismas bonus latro 174. ejus crux veneratione digna, *ibid.* ubi asservetur 175. de eo insignis oratio 177.
- Dominicus Bricherius epistolarem Dissertationem de Græca Cruci Augiensis Inscriptione ad Authorem scribit 115.
- V. Drogo signo Crucis ignem factum extinguit 261.
- Dungalus Reclusus cultum S. Crucis defendit D. P.
- S. Dunstanus. Ejus Crux Archiepiscopalis prodigijs coruscet 186.
- S**eadgarus Rex Angliæ in ventione occiditur 278.
- Eberhardus Abbas Augiensis Carolum IV. Imp. reliquiis de cruce & Sangiune Domini donat p. 94.
- Ecclesiæ S. Crucis. Limpurgensis 36. Wahlstadenfis 37. Augiensis 48. Herisfordensis 51. &c.

Eg.

- Egbertus Archiep. Trev. ejus domum est crux pretiosa [197.](#)
- Eckbertus Abbas Schœnaug. ejus Opusculum de S. Cruce D. P.
- Eginhardus Abbas librum edit. de adorandâ Cruce D. P.
- S. Egwinus B. V. aspectabilem habet, à qua cruce aureâ benedicitur [233.](#)
- Elfritha Regina Angliæ pœnitens Monasterium in honorem S. Crucis ædificat [28.](#)
- [S.](#) Emericus Hungariæ Princeps. Ejus in S. Crucem pietas [40.](#) Reliquias S. Crucis Calvomonatano Monasterio donat *ibid.*
- S. Enneco Abbas ex energumeno dæmonem signo crucis ejicit [263.](#)
- Eppo Monachus signo S. Crucis timore mortis liperatur [234.](#)
- Eremus S. Crucis de Avellana 320.
- S.** Faro Meldenfis Ep. monasterium sub titulo S. Crucis condit 5.
- Feria VI. Dies S. Crucis 320.
- Festiva, qua Crux & sanguis Domini in Monasterio Augiensis publicæ venerationi expositi fuerunt.
- S. Fiarius in monasterio S. Crucis vitam ea dignam agit 5.
- Formosus Papa Arnulpho Imp. particulam Crucis & Sanguinis Domini muneri largitur 121.
- Fridericus Abbas Augiensis magnus S. Crucis cultor [326.](#)
- Fridericus monachus sacras Reliquias minùs reverenter tractans punitur [199.](#)
- Fuldense Asceterium; in hoc spiritum iconomachiz se insinuasse perperam dicitur D. P. à cultu S. Crucis inclutum [233. 334.](#)
- S.** Gerardus Abbas apparitione S. S. Crucis de loco edocetur, ubi condendum sit monasterium p. [223.](#)
- Gerardus Abbas Ord. S. B. in prelio contra Saracenos crucem præfert 335.
- S. Germanus Ep. Parisiensis consecrat ecclesiam S. Crucis [p. 4.](#) ab eo nomen fert monasterium quod S. Germani à Pratis dicitur, & cur? *ibid.*
- Goldasti ineptiæ contra cultum S. Crucis D. P.
- Græci cur sacras Reliquias amiserint 160.
- S. Gregorius M. signo Crucis infidias evadit. [246.](#)
- S. Gregorius VII. ignem sistit signo Crucis [259.](#)
- Guilielmus Comes Burdigalense S. Crucis monasterium instaurat. [13.](#)
- Guilielmus Ludovicus Monasterium Cormaricenum S. Crucis portione locupletat [163.](#)
- H.** Artmannus Comes de Kirberg fundator Monasterii Wiblingensis ad S. Crucem [33.](#)
- S. Hathumoda Abbatisa in extremis S. Crucem osculatur 310.
- S. Hedwigis Silesiæ Ducissæ monasterium

- terium & ecclesiam S. Crucis condit p. 37.
- Helmsfridus Abbas Fuldenfis Crucem auream magni pretii fieri curat 214.
- S. Helwigis Alsatie Comitissa condit monasterium S. Crucis Wol-fenheimense p. 31.
- Henricus III. Imperator ecclesiam S. Crucis à patre inchoatam ab-solvit p. 26.
- Henricus Leo S. Crucis Cultor p. 167. donatur portione S. Crucis ibid.
- Henricus ab Ulmena S. Crucis par-ticulas in Monasteria Benedicti-
na insert. 160. 162.
- Henricus Wintoniensis Episcopus
— 28. ejus milites incendunt S.
Crucis monasterium 29. ejus im-
pietas erga S. Crucem 195.
- S. Hermelandus Abbas signo Cru-cis vinum auget, & lampadem
extinctam accendit 251.
- I**conomachia originem suam ha-
buit apud Græcos D. P.
- Indulgentiæ cultoribus S. Crucis
concessæ, p. 68. 113. 122.
- S. Joannes Gualbertus demonem
cruce fugat 190. quæ prodigiis
illustris inter sacras reliquias as-
servatur 191.
- Jonas Aurelianensis crucem vene-
randam esse docet D. P.
- Juditha Alsatie Comitissa condit
monasterium S. Crucis Bouzonville
p. 22.
- S.** Lambertus ex apparitione S.
Crucis intelligit locum profe-
- pultura S. Landradæ Abbatisse 226.
ante ejus martyrium Crux ap-
paret. 229. magna humilitate ad
Crucem stans poenitentiam subit,
Lampadum seu luminum ante S.
Crucem accensio 327. prodigiis
illustratur 328.
- S. Landrada Abbatisa cruce de cœ-
lo missa donatur p. 225.
- S.** Leo IX. P. M. nascitur toto cor-
pore cru-ibus insignitus 221. ve-
neno à stygio bufone infectus
crucis attractu à S. Benedicto sa-
natur 225. Ecclesiam Monasterii
Donawerdani sub titulo S. Cru-
cis consecrat 30. Parthenonis
Donawerdani primam Abbatis-
sam instituit ac benedixit. ibid.
An Ecclesiam Monasterii Au-
gientis consecraverit? 49. dœ-
moniacum signo S. Crucis in
eadem ecclesia liberat 49. Sacel-
lum S. Crucis Prædorsense emi-
nus consecrat 57. item altare ma-
jus in Ecclesia S. Adalberti in
medio Augientis Insulæ sita 57.
Particulam S. Crucis Monasterio
Donawerdano perpetuum esse
jubeat 159. Ecclesia Romana in
forma cujusdam Canidæ ipsi ap-
paret. 222. quam signo S. Cru-
cis pristino nitore restituit ibid.
sepulchralem suum lapidem si-
gno crucis munit 276.
- S. Leutfredus Abbas monasterium
S. Crucis condit 9. dæmoni le-
pidè illudit 10.

INDEX.

Ludovicus Bloſius per Crucis Bur-
gundicæ incifionem ſanatur 173.
Lupus Ferrarienfis cultûs S. Crucis
aſſertor D. P.

S. MARIA DEI Mater apparet
viro pauperi 51. ejus cura de
Parthenone Horifortenſi 51. in
columbæ ſpecie ſe intuendam
præbet 52. Cruce aurea S. Eg-
winum benedicit. 232.

S. Magnus Abbas Faucenſis, unus
ex SS. Auxiliariis 182. ejus crux
prodigioſa *ibid.* item ejus bacu-
lus 183.

S. Maurus Abbas virtute S. Crucis
prodigia patrat p. 61. & 243.

Maurus Humelius Prior Augienſis
recuperat Reliquias SS. Crucis
& Sanguinis Domini p. 99. ſeq.

Maximilianus I. Imperator Dona-
werdanam Crucem donis exor-
nat 152.

Meditationes de S. Cruce 287.

Mellicenſe Monafterium. Ejus lau-
des 126. Crucis Dominicæ parti-
cula donatur. Ejus hiſtoria 127.

Miſſæ Sacrificium feria VI. de S.
Cruce 325.

Monachus perfectus Crucifixo Do-
mino aſſimilatur 218.

Monferratenſes Cruciculæ 215.

Montfauconius inſcriptioni S. Cru-
cis Augienſis elucidandæ ſtudet
118.

S. Morandus dæmonem à lecto
Crucis ſigno propellit 273.

Nonnofus Abbas Atilienſis cul-
tum S. Crucis contra hæreti-
cos aſſerit D. P.

Normanni ab urbis Pariſienſis ob-
ſidione virtute S. Crucis rejiciun-
tur 62.

Obfœquia Benediſtinx Devotio-
nis erga S. Crucem 268.

S. Odilo Abbas Cluniacenſis edit
Sermones de S. Cruce D. P. hu-
jus ſigno læſum oculum ſanat
250.

Oratoria S. Crucis 52. 55. 56. 57. 58.

Oſculatio pia ac devota S. Crucis
310.

Oſtridus Weiſſenburgenſis cultum
S. Crucis carminibus Theoticis
aſſerit D. P.

Otgerius fortiffimus Bellidux, dein
pientiffimus monachus in S. Cru-
cis monaſterio 6.

Othmarus Abbas Brevnovienſis
Wahlſtadium ab Heterodoxis
occupatum ſacro Ordini Bened.
iterum aſſerit 38. ædificat mona-
ſterium & eccleſiam S. Crucis
ibid.

Otto M. Imp. fundat luminaria ad
honorem S. Crucis Augienſis p.
90. Ejus hac de re duo Diplo-
mata p. 91. & 92.

Partheno Donawerthanus abit
in virorum Monafterium 30.

Peregrinatio ad S. Crucem 332.

S. Petrus Damiani præcipuus S.
Crucis cultor. Ejus Sermones
de S. Cruce D. P. meditationes
287. Orationes 297. Hymni,
Cantica 312. Feriam VI. facit
diem S. Crucis 320. jejunium
& flagellandi uſum eâ diē intro-
ducit 322. Pe.

- Petrus Venerabilis cultum S. Crucis contra Petrobrusianos defendit D. P.
- Philippus Augustus Galliarum Rex S. Crucis reliquias monasterio S. Dionysii largitur 67. in monasterio S. Germani à Pratis Crucem auro & gemmis divitem spoliaturus cœlicus deterretur 63.
- S. Placidus infirmos Crucis signo sanat 245.
- S. Pontius Abbas signo Crucis futuram manifestat 252.
- Processio annua in Monasterio Schyrensi cum S. Cruce 154.
- B**. Rabanus Maurus carminibus ingeniosis laudes S. Crucis celebrat D. P.
- S. Radegundis ex Franciæ Regina fit Abbatisa p. 10. Reliquias S. Crucis impetrat. p. 11. & 69. verum ejusdem cultum moniales suas docet 12. signo S. Crucis demones e dormitorio pellit p. 272.
- Reliquiæ insigniores S. Crucis in Monasteriis Benedictinis afferuntur Cap. II. per tot. B. Richardus Abbas amissam Crucem prodigio recipit 336.
- S. Richimirus Abbas signo Crucis captivos liberat 256.
- Rudolphus Archidux Austriæ S. Crucem Mellicensem exornat p. 131. 143.
- Rupertus Abbas Tuitiensis S. Crucis encomiastes D. P.
- S**. Salomonis templum refert imaginem Crucifixi p. 47.
- Sanguis e Cruce stillans mala poritendit p. 212. Sancti encomium etiam locis tribuitur p. 79.
- Schyra à S. Cruce inclytum Monasterium 151.
- Scriptores Benedictini de & pro cultu S. Crucis D. P.
- S. Sequanus Abbas paralyticum Crucis signo sanat 264.
- Sigehardus Abbas Mellicensis particulam S. Crucis prodigio recuperat p. 128.
- Signum S. Crucis ejus frequens usus in Ordine S. B. 269. contra tentationes remedium 274. contra demonis aspectum adhibetur 275.
- S. Spinulus claret post mortem miraculis p. 19. ab iis edendis ex obedientia desistit 20.
- Stephanus Cardinalis flagellandi usum in Monachis improbat 323.
- S. Stephanus Rex Hungariæ Apostolica Cruce honoratur p. 210.
- Suanahilda Comitissa Reliquias SS. Crucis & sanguinis Augiensis Monasterio confert 88.
- S. Swithunus Ep. ova per nequitiam fracta redintegrat 260.
- T**hassilo B. joaria Dux Donawerthensem condidit Parthenonem 29.
- Theodosius Firmanus Episcopus condidit Monasterium in honorem S. Crucis p. 21.
- Theodericus II. Comes Hollandiæ Crucis pretiosæ donator 196.
- Theodenirus Abbas cultum S. Crucis propugnat D. P.

INDEX.

Tongolfus Monasterio Augiensis ut Reliquias SS. Crucis & sanguinis impetet, omnem dat operam p. 87. pium ejus studium cœlum remuneratur 88.

S. Udalricus Ep. Augustanus p. 186. ei Crux de cœlo mittitur 187. asservatur Augustæ in Monasterio SS. Udalrici & Afræ 188.

Venantius Fortunatus Ecclesias à S. Crucis Reliquiis commendat, & carminibus celebrat 66. ejus narratio de S. Cruce in Parthenone Pictaviensi 69.

S. Ursinarius Abbas signo Crucis febres tollit 261.

W Alafridus strabo Abbas Augiensis cultum imaginum ac

S. Crucis unus omnium optimè docet & asserit D. P.

Waltharius Comes Crucis Augiensis donator & cultor 86.

Wiblinga à S. Cruce celebre Monasterium 48. hujus S. Crucis Thaumaturga imagines & encomium p. 200. 201.

S. Wiborada vas dissolutum signo Crucis reparat 257.

S. Willelmus ex Duce Septimaniz Monachus & Abbas 72. impetrat reliquias S. Crucis à Carolo M. 73. quæ miraculis fulgent 74.

Wulstanus Episcopus Crucis signo labentem servat 354.

Z Acharias Patriarcha Hierosolymitanus mittit Carolo M. Reliquias S. Crucis 73.





PROTESTATIO AUTHORIS.

Insistendo Decreto SS. D. N. Urbani VIII. die 13. Martii An. 1625. ejusque confirmationi die 1. Julii Anno 1641. editis debitâ observantiâ, profiteor non alio sensû, quidquid in hoc Opere, in laudem cuiusquam refero, quod speciem Sanctitatis, aut miraculi habere videatur, accipere vel accipi ab ullo velle, quàm quo ea solent, quæ humanâ duntaxat autoritate, non autem Divinâ *Catholica Romana Ecclesia* aut *S. Sedis Apostolica* nitantur. Iis tantummodò exceptis, quos eadem S. Sedes Sanctorum Beatorum aut Martyrum Catalogo adscripsit.

005665642



